


Aug 86²⁰ 30


Nov 1.20

Maio de 1708

Garcia Agustino Cabado
de Sevilla







DE ARTE
RHETORICA
LIBRI QUINQUE.

Lectissimis veterum

AUCTORUM ÆTATIS AUREÆ ;

Perpetuisque Exemplis illustrati ;

AUCTORE P.

DOMINICO DECOLONIA

Societatis JESU Presbytero.

Accessere in hac novissima editione

INSTITUTIONES POETICÆ,

AUCTORE

P. JOSEPHO JUVENCYO

Ex eadem Societate.



VENETIIS, MDCCXLIII.

Ex Typographia Balleoniana.

Superiorum Permissu, ac Privilegiis.

DE ARTE
RHETORICA
LIBRI QUINTUS.

Lectionibus veterum

AUCTORUM ETATIS AUREAE

Perpetuisque Exemplis illustrant;

AUCTORE

DOMINICO DECOLONIA

Societatis Jesu Presbytero.

Adversus in hac nostra editione

INSTITUTIONES RHETORICAE

AUCTORE

P. JOSEPHO JUVENCIO

Ex eadem Societate.



VINETIIS, MDCCXXIII.

Ex Typographia Hallensiana.

Exemplum primum, et privilegium.



TYPOGRAPHUS LECTORIBUS S. D.



Rtem Rhetoricam Domini Decolonia sepiùs multorum typis editam, atque incredibili plausu semper exceptam, dolebant nonnulli, minùs facilè induci in gymnasia posse, quòd & mole grandior videretur, quàm quæ commodè posset à Pueris gestari, & nihil in ea de arte poetica, quæ unà cum rhetorica tradi solet, nisi obiter, præcipèretur. Nos, detractis minùs necessariis, adjunctisque Josephi Juveney Institutionibus poeticis, quæ multis partibus breviores erant, quàm ea quæ diversis ex locis, præsertim ex ipso fine, sustuleramus, utrique incommodo occurrimus. Nec verò veremur, ne sapientissimo Auctori, quem

adhuc in vivis agere audimus, con-
siliū hoc nostrum minū probetur.
Nam, quum nonnisi hac ratione a-
dolescentium studiis, quibus unicè fa-
vet, satisfieri potuisse intellexerit,
malet profectò has tanquam epulas,
à se structas, paulo aliter conditas
apponi, quàm omnino mensæ non
inferri. Si quos verò sincera illa ac
veluti autographa magis delectarint,
eos quidem nobis molestos fore ne-
quaquam putamus. Ita enim hæc
paullulum immutata damus, ut nativa
illa ac vetera non tollamus: quibus,
si volent, concedentibus nobis, utan-
tur, nosque his uti, queis volumus,
sine interpellatione sinant. Valete.



AUCTOR

LECTORI.



*Receptis paucis brevibusque ;
exemplis verò benè multis con-
stat hæc Ars Rhetorica. Præ-
cepta hausimus ex vetustissi-
mis Græcorum Latinorumque
Rhetorum fontibus ; Aristotelem dico, Ci-
ceronem, Quintilianum, Demetrium Pha-
lereum, Hermogenem atque Longinum .
Exempla , quæ lectissima sunt perpetua-
que , summo studio , singularique diligen-
tia selegimus ferè ex elegantissimis ata-
tis aureæ Scriptoribus . Atque hoc exqui-
sito veterum exemplorum delectu copiaque ,
nostrum hunc qualemcumque laborem spe-
ramus posse commendari , si cetera omnia
desunt ; illumque etiam politioribus & ur-
banis hominibus nec inutilem , nec inju-
cundum , hoc saltem nomine , fore confi-
dimus .*

NOI RIFORMATORI

Dello Studio di Padova.

AVendo veduto per la Fede di revisione, ed approvazione del P. F. Tommaso Maria Gennari Inquisitore, nel Libro intitolato: *De Arte Rhetorica Libri quinque, Auctore Dominico Decolonia Societatis Jesu. Item Institutiones Poeticae Auctore P. Josepho Juvenco ejusdem Societatis*, non esservi cosa alcuna contro la Santa Fede Cattolica, e parimente per attestato del Secretario nostro, niente contro Principi, e buoni costumi, concediamo licenza, che possa essere stampato, osservando gli ordini in materia di Stampe, e presentando le solite Copie alle Pubbliche Librerie di Venezia, e di Padova.

Dat. li 20. Febbraro 1731. M. V.

(Carlo Ruzini Kav. Proc. Rif.

(Zan Piero Pasqualigo Rif.

Agostino Gadaldini Segr.



ELEMENTA RHETORICÆ.

CAPUT PRIMUM.

De Fabula.



Uid est Fabula?

R. Est Oratio falsa veritatem effingens. Talis est apud Horatium (a) elegantissima illa Fabella equi, hominis opem adversus cervum implorantis.

Cervus equum, pugna melior, communibus herbis Pellebat; donec minor in certamine longo Imploravit opes hominis, frænūque recepit. Sed postquàm victor (b) violens discessit ab hoste, Non equitem dorso, non frænū depulit ore.

Vide quàm solerter Horatius sub illis Fabulæ involucriis, & quasi integumentis, verum ac rectum nos doceat; & nos repentè à levi illa in speciem narratiuncula, ad veritatem traducat, tribus illis qui sequuntur versibus:

(c)

A 4

Sic

(a) *Epist. 10. Lib. 1.*

(b) *Violens pro violentus, vox parum usitata.*

Sic qui pauperiem veritus, potiore metallis
 Libertate caret, dominum vehet improbus, atque
 Serviet æternum, quia parvo nesciet uti.

§. I. De variis Fabularum generibus.

Quid sunt genera Fabularum?

R. Tria numerantur ab Aphthonio, & à Theone Sophista, qui Rhetoricas exercitationes, seu progymnasmata (sic enim appellant) Tyronibus admodum utilia, nobis scripto reliquere. Tria igitur statuunt genera Fabularum. Aliæ sunt Rationales, aliæ Morales, aliæ Mixtæ.

§. II. De Fabula Rationali, sive Parabola.

Quid est Fabula Rationalis, seu Parabola?

R. Fabulæ Rationales sunt illæ, quibus ad mores instruendos, fingimus ab homine dictum, vel factum quidpiam, quod tamen reipsa neque dictum fuit, neque factum, sed tamen dici, vel fieri omnino potuit. Hujusmodi sunt Divinæ illæ Parabolæ de Virginibus decem, de Divite & Inope, de Filio Prodigio, aliæque, quibus Christus Dominus Apostolos, & circumfusam plebem ad omnem virtutem erudiebat: (a) *Sine parabolis non loquebatur eis*: inquit Sacra Pagina; tum ut se ad rudem populi captum accommodaret, tum etiam in primis ut serviret Palæstinorum moribus ac consuetudini, apud quos nimirum hujusmodi Parabolæ majorem in modum erant usitatæ, & unde in reliquias Orientis partes dimanarunt.

Rationales id genus Fabulas, seu Parabolas circiter duodecim habes in aureolo Phædri libello. Exemplum esto hæc quam hic afferō.

Æsopus & petulans.

(b) Æsopo quidam petulans lapidem impeggerat: Tanto, (c) inquit, melior; assen deinde illi dedit, Sic prosecutus: plus non habeo mehercule:

Sed &

(a) *Matth. 14.* (b) *Lib. 3. Fab. 5.*

(c) *Inquit Æsopus.*

Sed unde accipere possis, monstrabo tibi.
 Venit ecce dives & potens: huic similiter
 Impinge lapidem, & dignum accipies præmium.
 Persuasus ille fecit quod monitus fuit.
 Sed spes fefellit impudentem audaciam;
 Comprehensus nempe pœnas persolvit cruce.

§. III. De Fabula Morali, sive Apologo.

Quid est *Fabula Moralis*, seu *Apologus*?
 R. Est illa, quæ belluarum mores & indolem
 exprimit ad mores hominum informandos. Morales
 hujusmodi *Fabulæ* dicuntur *Æsopice*; non quodd *Æso-*
pum auctorem habeant, ut vulgus existimat, cum
 longissimè ante *Æsopi* tempora (a) ab Homero, (d)
 & Hesiodo fuerint usurpatæ; sed quodd valdè fuerint
 in deliciis *Æsopo*, qui illas admodum ingeniosè tra-
 ctavit. Interdum etiam non solùm feræ, sed arbores
 quoque & plantæ, mallei, incudes, aliæque res hu-
 jusmodi, loquentes inducuntur. Exquisitissimum *Fabu-*
læ Moralis exemplum habes in hoc *Phædri Apologo*;

Rana rupta & Bos.

Inops potentem dum vult imitari, perit.
 In prato quodam Rana conspexit bovem;
 Et tacta invidia tantæ magnitudinis,
 Rugosam inflavit pellem; tum natos suos
 Interrogavit, an bove esset latior?
 Illi negarunt: rursus intendit cutem
 Majore nisu, & simili quæsit modo,
 Quis major esset? illi dixerunt, bovem.
 Novissimè indignata, dum vult validiùs
 Inflare sese, rupto jacuit corpore.

Quantoque valeat hic *Apologus* ad nostros mores
 emendandos, satis liquet ex primo versiculo:

Inops potentem dum vult imitari, perit.

A 5

Qua-

(a) *Æsopus* floruit anno 185. à Roma condita.

(b) *Homerus* Postarum Græcorum princeps vixit mille cir-
 citer annis ante Christum.

Quapropter vir antiquis comparandus Julius Cæsar Scaliger ait in sua Poetica, Apologum sic appellari, quasi ἀπὸ λόγῃς λόγον, quasi si aliud palam & apertè dicat, aliud clam innuat doceatque, quemadmodum Allegoria.

Quid interest inter Apologum & Parabolam?

R. Hoc interest, quòd Apologus sit earum rerum, quæ fieri omnino nequeunt; neque enim belluæ loqui possunt; Parabola verò est earum rerum, quæ si re ipsa non sunt, esse certè quidem potuerunt.

§. IV. De Fabulâ Mixtâ.

*Q*uid est Fabula Mixta?

R. Est ea quæ ex Rationalis, & Moralis admixtione componitur, seu in qua homines cum brutis sermocinari finguntur. Eximium Fabulæ Mixtæ exemplum reperies apud Justinum, Historiarum libro XLIII. cap. IV. Hanc opportunè adhibuit Regulus quidam ad concitandos veterum Gallorum animos contra Massilienses, qui ex Asia nuper in Ligurum regionem advecti, locique amœnitate capti, condendæ urbis locum ab incolis precariò impetraverant.

Canis & Pastor. Fabula Mixta.

Canis aliquando partu gravida locum à Pastore precariò petit, in quo pararet: quo obtento, iteratò petit, ut sibi educare eodem in loco catulos liceret. Ad extremum adultis catulis, fulta domestico præsidio, proprietatem loci sibi vindicavit. Non aliter Massilienses, qui nunc inquilini videntur, quandoque dominos regionum futuros.

Quantum porrò valuerit hæc Fabula, continuò subjungit Justinus: His, inquit, incitatus Rex insidias Massiliensibus extruxit.

§. V. De legibus & artificio Fabulæ.

*Q*uenam est prima ac præcipua Fabulæ lex?

R. Prima hæc est lex, ut Fabula quælibet adjunctam habeat suam interpretationem, qua moralis illius

illius sensus breviter explicetur : quam interpretationem quasi Fabulæ animam ausim appellare . Hæc interpretatio , si ponatur post Fabulam , vocatur *ἑρμηνεία* , sive *Affabulatio* , si verò ponatur initio , vocatur *προμύθιον* , quasi *Præfabulatio* ; si ita loqui fas esset . Cæterum initio ne ponas , an fine , non refert maximopere .

Quenam est altera lex Fabulæ ?

R. Secunda lex hæc est , ut Fabulæ narratio sit perspicua , probabilis , brevis , & jucunda . Verùm de illis quatuor narrationis cum Fabulosæ , tum Historicæ virtutibus , itemque de Figuris , quibus utraque potest illuminari , capite subsequenti dicturi sumus .

Quomodo nam probabilis reddi potest , veroque similis Fabula , quæ nimirum ficta semper res est & commentitia , ac per sepe etiam incredibilis , fideique prorsus abscondita , quales sunt Apologi , qui belluis humanam sermonem affingunt ?

R. Fabulæ , quantumvis fictitiæ , quamdam tamen inesse probabilitatem , ac verisimilitudinem , si sua cuiuslibet animanti servetur indoles ac suum ingenium : si Vulpem facias versipellem & subdolam ; Lupum rapacem & truculentum ; Agnum mitem & simplicem ; ac ceteræ demum belluæ germanis propriisque suis coloribus depingantur . Hinc sapienter monet Horatius in arte Poetica ; poetæ mendacia ad veritatem accedere omnino debere :

Ficta voluptatis causa sint proxima veris .

Et alio loco ejusdem Poeticæ :

Atque ita mentitur , si veris falsa remiscet .

Primo ne medium , medio ne discrepet inum .

§. VI. De utilitate Fabulæ .

Quenam est utilitas Fabulæ ?

R. Mirabiles quosdam usus habet Fabula , si in loco & tempore adhibeatur , ut par est . Primum enim puerum in modum valet ad exhilarandos recreandosque

dosque auditorum animos , & ad conciliandam attentionem , quæ delectationi solet esse conjuncta . Hac arte sibi paravit olim attentionem summus Orator Demosthenes .

Cùm enim licet de rebus gravissimis agens , fastidiosè tamen & oscitanter audiretur ab Atheniensibus , hac eleganti Fabella repentè illorum aures & animos ad audiendum convertit .

Asini umbra . Fabula .

Adolescens æstivo tempore Athenis Megaram profecturus , asinum conduxit ; cumque effervescente jam mensitie , ardor solis capisset esse vehementior , vitandi caloris causa , sub asini ventrem se coniecit , ut umbram inde capteret . Ast (a) Agaso , qui locaverat asinum , hinc hominem seriò proturbare , asserens se nihil nisi asinum , non verò asini umbram locasse : alter contra affirmare , se cum asino pariter illius umbram conduxisse : Cùm autem vidisset Demosthenes captos hac Fabula Judices risu corruere , ac penè emori , discessum repentè paravit , vel parare se sinxit : sed rogantibus enixè Atheniensibus , ut Fabulæ quod reliquum erat perficeret , itane verò , mutata voce inquit , (b) de asini umbra audire vultis , de rebus gravibus & seriis non vultis ? & illos hoc artificio ab oscitantia tædioque ad summam quamdam audiendî alacritatem traduxit .

Quenam est altera utilitas Fabulæ ?

R. Fabula non solum valet ad delectandum , sed , quod caput est , facit etiam in primis ad docendum , ad movendum , & ad corruptos hominum mores commendandos . Hic etenim est , quemadmodum Philosophiæ , sic etiam Fabulæ laudabilis scopus , ut utraque Mortales ad honestatis ac virtutis studium à vitiorum fœditate traducat . Sed Philosophus & Fabulator diversis itineribus eodem contendunt . Philosophus objurgat vitia palam & aperte , sine ambagibus & integumentis : unde offensi persæpe improborum animi

salu-

(a) Italicè : *Mulastiere , Vetturale .*

(b) *Plutarchus in vita Demosthenis .*

salutare monitum aspernantur ac respuunt, castigati-
que remordent, ut inquit Juvenalis.

At Poeta vitium impugnat, quasi aliud agens, ac
veluti (a) per cuniculos & monitorium austeritatem
Fabularum condimento mitigat: ut nempe captus ac
delinquitus innoxie voluptatis illecebris animus saluta-
rem medicinam libenter admittat, ut sapienter monet
Lucretius lib. 3. & 4.

Ac veluti pueris absinthia tetra (b) medentes
Cum dare conantur, prius oras pocula circum
Contingunt mellis dulci flavoque liquore,

Ut puerorum ætas improvida ludificetur;
Labrorum tenus; interea perpotet amarum
Absinthii laticem, deceptaque non capiatur:
Sed potius tali facto recreata valeat.

Quid enim aptius, v. gr. ad inanum promissorum
tumorem sine cuiusquam offensione castigandum, quàm
hæc lepidissima Phædri de monte parturiente Fabella? (c)

Mons parturiens.

Mons parturibat, genitus immanes ciens;
Eratque in terris maxima expectatio:
At ille murem peperit. Hoc scriptum est tibi,
Qui magna cum minaris, extricas nihil.

Quod etiam ingeniosè alludit Horatius in arte Poetica:

Quid dignum tanto feret hic promissor hiatu?
Parturient montes; nascetur ridiculus mus.

Ad hanc Fabulæ utilitatem pertinet etiam quod
ait idem Horatius in Sat. 1. l. 1.

Tantalus à labris sitiens fugientia captat
Flumina. Quid rides? mutato nomine, de te
Fabula narratur.

Quo veterum exemplo probari potest, Fabulam ad de-
cendos animos & affectus concitandos utilem esse?

R. Exem-

(a) Ital. *Per via di Mm.* (b) Idest, *mediet.*

(c) *Lib. 4.*

R. Exemplo Menenii Agrippæ, qui plebem Romanam, quæ graviter offensa in montem Aventinum aliquando secesserat, ad Patrum auctoritatem concordiamque revocavit narratiuncula Apologi di membris humanis adversus stomachum conspirantibus; & quod nec legum, nec magistratus auctoritas potuerat, id fictitiæ narrationis blandimento perfecit. Apollogum sic narrat T. Livius Lib. 2.

Venter & reliqua humani corporis membra. Apologus.

Tempore quo in homine, non ut nunc, omnia in unum consentiebant, sed singulis membris suum cuique consilium, suus sermo fuerat, indignatas reliquas partes, sua cura, suo labore ac ministerio ventri omnia quæri, ventrem in medio quietum nihil aliud quàm datis voluptatibus frui, (a) conspirasse inde, ne manus ad os cibum ferrent, nec os acciperet datum, nec dentes conficerent. Hac ira dum ventrem fame domare vellent, ipsa unà membra totumque corpus ad extremam tabem venisse; inde apparuisse, ventris quoque haud segne ministerium esse; nec magis ali, quàm alere eum, reddentem in omnes corporis partes hunc, quo vivimus vigemusque divisum pariter in venas, maturè confectio cibo, sanguinem? Comparando hinc quàm intestina Corporis seditio similis esset iræ plebis in Patres, flexit mentes hominum.

C A P U T II.

De Narratione.

Quid est Narratio?

R. Est rei gestæ, vel quasi gestæ expositio. Dicitur rei gestæ, vel quasi gestæ, ut nempe Narrationem tum Historicam, tum fabulosam complectatur hæc nostra definitio.

S. I. De

(a) Supple agebat vel narrabat.

§. I. De virtutibus Narrationis.

Quænam sunt virtutes Narrationis?

R. Quatuor à Tullio recensentur: perspicuitas, probabilitas, brevitās & suauitas..

Quomodo perspicua fiet Narratio?

R. Fiet perspicua. 1. Si temporum seruetur ordo, aded ut quod primum gestum est, primum etiam referatur.

2. Si verbis propriis & usitatis utamur.

3. Si res interruptè narretur.

4. Denique si diligenter vitetur omnis verborum ambiguitas, qualis esset ista, v. grat. *Aiunt Regem (a) Pyrrhum Romanos viciisse.* Quis enim inde victor, qui victus intelligit possit?

Quantum porro eniti ac contendere debeat Orator, ut perspicuè narret & apertè, faciliè intelligere poteris ex aureo illo Fabii Quintiliani præcepto: *Prima sit Orationis virtus perspicuitas: Quid spectat etiam quod eodem capite inculcat idem Fabius: Dilucida & negligenter quoque audientibus aperta sit ... ut in animum, tanquam sol in oculos, etiamsi non intendatur, incurvat. Quare non ut intelligere possit auditor, sed ne omnino possit non intelligere, curandum.*

Quod si obscuritatis vitio laboret Narratio, jure ac meritò cadet in illius auctorem, quod de obscurissimo quodam Scriptore jactatum est à nobilissimo (b) Poeta:

Quid iuvat obscuris involvere scripta latebris,
Ne pateant animi sensa? tacere potes.

Cedo et veteribus Exemplum aliquod Narrationis perspicuæ?

R. Instar omnium esse potest laudatissimum illud Epigramma (c) Ausonii de Venere armata & de Pallade.

In

(a) Pyrrhus fuit Epirotarum Rex fortissimus, qui contra Romanos pro Tarentinis sex annos bellum gessit.

(b) Sævola Sammarthano. (c) Ausonius egregius Rhetor & Poeta, præceptor Imperatoris Gratiani, suis *Consue.*
Anno 379.

In Venerem armatam.

Armatam vidit Venerem (c) Lacedæmone Pallas,
Nunc certemus; ait, iudice vel Paride.

Cui Venus: Armatam cur me, temeraria, teninis?
Quæ, quo te vici tempore, inermis eram.

Quomodo fiet probabilis narratio?

R. 1. Si is, qui narrat, sit notæ probitatis
& iusti.

2. Si rei gestæ seriem exponat sine fūco; qua simplicitate nimirum atque candore plus multo valebit ad persuadendum, quàm alii calamiſtris, lenociniis & hyperbole.

3. Si nihil afferat fidei abſonum, & quod abhorreat à communi hominum ſenſu; quia, ut rectè admonet Horatius in arte Poetica.

Quodcumque ostendis mihi sic, incredulus odi.

Quòd ſi fortè rei veræ, ſed incredibili fidem facere velis, uſurpare poteris ſapiens illud cuiuſdam Veneris dictum: *Multa eſſe vera, quæ tamen non ſint veriſimilia; & probabile omninò eſſe, quamplurima contra probabilitatem contingere.*

4. Denique ſi clarè apertèque exponas rerum circumſtantias, & adjuncta perſonarum, locorum ac temporum; unde vel maximiè pendet facti probabilitas. Ita Cicero in mirabili illa Narratione Miloniana, probabile reddit à circumſtantiis perſonarum quod narrat de inſidiis Miloni à Clodio paratis. Cur igitur, inquit, *viſtus eſt?* (Clodius) *Quia non ſemper viator à latrone, nonnunquam etiam latro à viatore occiditur; quia quamquam paratus in imparatos Clodius, tamen mulier inciderat in viros.*

Quid factu eſt opus, ut brevis ſit Narratio?

R. Brevis erit, ſi narrandi initium altiùs non repetas, & ab ovo, ut ajunt; quemadmodum ineptus ille, quem ridet Horatius:

Qui

(a) Lacedæmonis Venerem armatam colebans.

Qui gemino bellum Trojanum orditur ab ovo.

Sed si inde sumas exordium, unde necesse est. 2. Si non inutiles, putidasque circumstantias, quæ nihil faciant ad rem, in Narrationem tuam infarcias. Quid enim opus est dicere; v. g. *In portum veni, navem paratam aspexi, de pretio conveni, sublatae sunt anchorae, è portu solvi?* Satis erat dixisse: *è portu solvi.*

Vide tamen etiam, atque etiam, ne nimia brevitās obscuritatem afferat orationi: ut observat Fabius. *Vitanda*, inquit, *illa Sallustiana brevitās & abruptum orationis genus.* Et alio loco: *Narratio*, inquit, *præcisa non tam Narratio vocari potest, quàm confusio.* Audi rursus Horatium nostrum:

- - Brevis esse laboro.

Obscurus fio.

Qua ratione suavis reddetur Narratio?

R. Suavis erit. 1. si utamur verbis leniter & numerosè sonantibus. 2. Si ita collocentur verba, ut nec hiulus, nec asper sit illorum concursus. 3. Si, quæ narramus, sint magna, nova & inexpectata. 4. Si adhibeantur certæ quædam narrandi formulæ Tullio perfamiliares; cùm, v. g. pro tempore præterito præsens usurpatur; item cùm plures infiniti subaudito verbo junguntur, ut cùm ait: *Rex primò nihil metuere, nihil suspicari, dies unus & alter intercedere.* Ita etiam Cæsar, lib. 1. de Bello Gallico: *Divitiacus multis cum lacrymis Cæsarem complexus obsecrare cepit, ne quid gravius in fratrem statueret: Scire se illa esse vera, nec quemquam ex eo plus quàm se doloris capere.* Supple, *dixit.* Ita Virgilius in mirifice hisce versibus Lib. VI. *Æneidos.*

At Danaum Proceres, Agamemnoniæque Phalanges
Ut videre virum, fulgentiaque arma per umbras,
Ingenti trepidare metu: pars vertere terga,
Ceu quondam petiere rates: pars tollere vocem
Exiguam: incœptus clamor frustratur hiantes.

5. Denique suavis erit Narratio, si diversis figuris
illu-

illuminetur, & si habeat admirationes, expectationes; suspensiones, exitus inopinatos, & interpositos motus animorum, dolorem, lætitiā, metum, cupiditatem.

Harum omnium rerum admirabile quoddam exemplum habes in jucundissima illa Narratione de Dionysio Syracusarum Tyranno, & de Damocle quodam illius Parasito, in quam intueri satis non poterunt Tyrones, ut suaviter & festivè narrare discant.

Dionysius Syracusarum Tyrannus & Damocles.

Jucundæ Narrationis Exemplum ex Tusc. lib. 5.

CUm quidam ex ejus assentatoribus Damocles commoraret in sermone copias ejus, opes, majestatem, dominatus, rerum abundantiam, magnificentiam ædium regiarum, negaretque unquam beatiorē quemquam fuisse. Visne igitur, inquit, Damocle; quoniam hæc te vita delectat, ipse eandem degustare & fortunam experiri meam? Cum se ille cupere dixisset, collocari jussit hominem in aureo lecto, strato pulcherrimo, (a) textili stragulo, magnificis operibus picto, (b) abacisque complures ornavit argento auroque cælato. Tum ad mensam eximiam forma pueros delectos jussit consistere, eosque nutum ejus intuentes diligenter ministrare. Aderant unguenta, coronæ; incendebantur odores; mense exquisitissimis epulis extruebantur, Fortunatus sibi Damocles videbatur. In hoc medio apparatu fulgentem gladium e (c) lacunari, seta equina aptum demitti jussit, ut impenderet illius beati cervicibus. Itaque nec pulchros illos ministratores aspiciebat, nec plenum artis argentum, nec manum porrigebat ad mensam: jam ipse defluebant coronæ: denique exoravit Tyrannum, ut abire liceret, quod jam beatus nolle esset. Satis ne videtur declarasse Dionysius, nihil ei esse beatum, cui semper aliquis terror impendat?

Ad hanc favissimam Narrationem allusit Horatius, cum ait. Odarum lib. 3.

Districtus ensis cui super impia

Cer-

(a) Ital. Con ar. 12. canari a superbissimè lavari.

(b) Crederza. (c) Soffista.

Cervice pendet, non Siculæ dapes
Dulcem elaborabunt saporem,
Non avium, citharæque cantus
Somnum reducent, &c.

§. II. De Schematis, seu Figuris, quibus
illuminari potest narratio.

Quid est Figura?

R. Figura, seu Schema est ornamentum quoddam orationis, seu loquendi modus illustrior, & à communi consuetudine remotus; cujusmodi sunt hæc Ciceronis verba: *O Dii immortales, ubinam gentium sumus! ... O scelus, o portentum in ultimas terras anandandum!* Itemque illa Virgilii verba in Ecloga II.

Ah Corydon, Corydon, quæ te dementia cepit?

Vel cùm idem Virgilius *Æneid. VI.* Sibyllam ita loquentem inducit:

Bella, horrida bella,

Et multo Tibrim spumantem sanguine cerno.

Quis enim non videt, hæc orationis lumina & illas dicendi quasi faces in quotidiano communique sermone adhiberi nequaquam solere?

Quibus potissimum Figuris erit illuminanda narratio, ut sit suavis?

R. Præcipuæ Narrationis Figure sunt Hypotyposis, Suspendio, sive Sustentatio, Exclamatio, Communicatio, & Sermocinatio, sive Dialogismus.

Quid est hypotyposis?

R. Est figura, qua aliquid tam vivis, spirantibusque ut ita loquar, coloribus pingitur atque narratur, ut non tam audiri, vel legi, quàm spectari & oculis quasi subjici videatur. Ita Cicero V. in Verreni Gavii cujusdam Civis Romani supplicium narrat per Hypotyposin: *Cadebatur virgis in medio foro Messinæ*
(a) *Civis Romanus: cùm interea nullus gemitus, nulla alia*

(a) *In Sicilia, vulgò Messina.*

illa vox istius miseri, inter dolorem, crepitumque plagarum audiebatur, nisi hæc; Civis Romanus sum.

Sic etiam Virgilius narrator & rerum imitator planè mirificus, Didonis & Æneæ venationem describens, rem quasi sub oculos ponit his versibus egregiis:

- - - Ostroque insignis & auro
Stat sonipes, ac fræna ferox spumantia mandit.

Idemque Poeta libro quinto, Entelli & Daretis pugnam panè sub aspectum ita subicit:

Hæc fatûs (a) duplicem ex humeris ejecit amictum,
Et magnos membrorum artus, magna ossa (c) læ-
certosque

Exiit, atque ingens media consistit *Arena*.
Constitit extemplo in digitos arrectus uterque,
Brachiaque ad superas interritus extulit auras

Præcipitemque Daren ardens agit æquore toto,
Nunc dextra ingeminans ictus, nunc ille sinistra.
Nec mora, nec requies: quàm multa grandine nimbi
Culminibus crepitant; sic densis ictibus Heros
Creber utraque manu pulsat versatque Daretæ

Ast illum fidi æquales genua ægra trahentem,
Jactantemque utroque cepit, crassumque cruorem
Ore rejectantem, mistosque in sanguine dentes,
Ducunt ad naves.

Quid est Sensus?

R. Sensus, seu Suggestio est Figura, qua Orator ad sibi conciliandam attentionem, & ad excitandos atque arrigendos auditorum animos, illos tenet aliquandiu suspensos & incertos quid dicturus sit. Ita Tullius contra Verrem: *Etiamnum mihi expectare videmini, judices, quid deinde factum sit Expectate facinus quàm vultis improbum, vincam tamen expectationem vestram.*

Quid est Exclamatio?

R. Est

(a) Entellus. (b) Versus hypermetri.

R. Est vocis elatio, sive contentio, quia interjectione vel adhibita, vel subaudita, vehementiorem animi motum significamus, & rei magnitudinem exprimimus. Ita Tullius, post narratum indignissimum illud Gavii, licet Civis Romani supplicium, de quo paulo suprà, in has doloris & indignationis voces subito erumpit: (a) *O nomen dulce libertatis! O ius eximium nostræ civitatis! O lex Porcia, legesque Sempronie, ò graviter desiderata & aliquando reddita plebi Romanæ Tribunitia potestas! buccine tandem omnino redierunt, ut civis Romanus in Provincia populi R. in oppido Fœderatorum, ab eo qui beneficio populi R. fascis & securis haberet, deligatus in foro virgis caderetur? Quid cum ignes, ardentesque laminae, ceterique cruciatus admovebantur? si te illius acerba imploratio, & vox miserabilis non inhibebat, ne civium quidem Romanorum, qui tum aderant, fletu & gemitu maximo commovere? In crucem tu agere ausus es quemquam, qui se civem Romanum esse diceret?*

Eodem planè modo Æneas apud Virgilium lib. 2. equi Trojani fatalem ingressum primo narrat:

Dividimus muros, & mœnia pandimus urbis.
Accingunt omnes operi, pedibusque rotarum
Subjiciunt lapsus, & stupea vincula collo;
Intendunt. Scandit fatalis machina muros
Fœta armis: circum pueri innuptæque puellæ
Sacra canunt, funemque manu contingere gaudent.
Illa subit, mediæque minans illabitur urbi,

Deinde per summum dolorem repente sic exclamat:

O patria, o divum domus Ilium, & inclyta bello
Mœnia Dardanidum! quater ipso in limine portæ.
Substitit, atque utero sonitum quater arma dedere
Instamus tamen immemores, cæci que furore,
Et monstrum infelix sacrata sistimus arce.

Quid est Communicatio?

R. Est figura, qua Orator causæ suæ confidens
deli-

deliberat cum iis ipsis, apud quos, vel contrà quos dicturus est, illos nimirum consulens quid acturus sit, vel etiam quid ipsimet in simili causa essent acturi. Ita Cicero per summam fiduciam videtur consilia sua communicare cum adversario suo Verre, illumque quasi consulere in hunc modum. *Si tu apud Persas, aut in extrema India deprehensus Verres, ad supplicium ducere, quid aliud clamareres, nisi te civem esse Romanum (a)? Et si tibi ignoto apud ignotos, apud Barbaros, apud homines in extremis atque ultimis gentibus positos, nobile et illustre apud omnes nomen tue civitatis profuisset; ille, quisquis erat, quem tu in crucem rapiebas, qui tibi esset ignotus, cum Civem se Romanum esse diceret, apud te Prætozem, si non effugium, ne moram quidem mortis mentione atque usurpatione civitatis assequi potuit?*

Quid denique est Sermocinatio, seu Dialogismus?

R. Est Figura, qua duo, vel plures homines inducuntur loquentes, aut secum ipsi, aut cum aliis. Lepidum illius exemplum habes in hac pereleganti Narratione Ciceroniana libri primi Tusculanarum questionum.

Diogenes et amici Narratio per Dialogismum.

Cum ab amicis rogaretur Diogenes, ubi vellet inhumari, Projicite me, inquit, inhumatum. Tum amici: Volucribusne et feris? Minimè verò, inquit, sed basilum prope me, quo abigam, ponitote. Qui (b) poteris? illi; non enim senties. Quid igitur mihi ferarum laniatus oberit nihil sentienti?

Nec minus festivum videbitur quod hic subijcio aliud exemplum ex eodem Tullio, lib. 2. de Orat.

Scipio (c) Nafica et Ennius Poeta.

Scipio Nafica cum ad Poetam Ennium venisset, eique
ab

(a) Una hac voce D. Paulus civis Romanus cruciatus, & mortem vitavit. Act. 22. (b) pro *Quomodo*.

(c) Erat cognomen Scipionis illius, qui etiam Corculum vocabatur ab huminam prudentiam.

ab ostio querenti Ennium, ancilla dixisset domi non esse, nascica sensit illam domini jussu dixisse, & illum intus esse. Paucis post diebus cum ad Nasicam venisset Ennius, & eum à janua quæreret, exclamat Nascica se domi non esse. Tum Ennius, Quid? ego non cognosco vocem, inquit, tuam? Hic Nascica: Homo es impudens: ego cum te quærerem, ancillæ tuæ credidi te domi non esse: tu mihi non credis ipsi?

§. III. *Varia Narrationum genera, & selecta illarum exempla.*

QUOTUPLEX est Narrationis genus?

R. Triplex, alia est enim Narratio Poetica, alia Historica, alia Civilis & Oratoria. Narratio Poetica rem fictam exponit; Historica rem gestam; Civilis & Oratoria rem exponit, quæ in controversiam adducitur.

Quid differt inter hæc tria Narrationum genera?

R. Hoc potissimum interest, quodd Historicus, & Orator ordinem temporis & rei gestæ seriem in narrando sequantur & servant; contra quam facit Poeta, qui etiam à fine aut à medio, rem solet ordiri, quomodo Virgilius ab anno septimo excidii Trojani suam Æneidem auspicatur; ut liquet ex hisce Didonis verbis ad Æneam, ad calcem libri primi:

Nam te jam septima portat
Omnibus errantem terris & fluctibus ætas.

2. Hoc interest, quodd Historicus veritatem confectetur, Orator verisimilitudinem; Poeta verò commentitiis etiam fabulis veritatem aspergat.

3. Denique hoc interest, quodd Historica Narratio sit ferme simplex, brevis ac nuda. Oratoria sit ornatior & fusior. Poetica verò ornamentis abundet, & omnibus artis coloribus picta sit atque polita.

AFFER ex veteribus illustre quodpiam exemplum Narrationis Poeticæ?

R. Instar omnium esto Ovidiana illa Narratio de

Dada-

Dædalo, & de infelici Icaro, in qua omnes, quas diximus, virtutes dotisque optimo jure miraberis.

Dædalus & Icarus. Narratio Poetica,
Metamorph. l. 8.

(a) Dædalus interea Creten, longumque perosus
Exilium, tactusque (b) soli natalis amore,
Clausus erat pelago. Terras licet, inquit, & undas
Obstruat, at cælum certè patet; ibimus illac:
Omnia possideat, non possidet aera Minos.
Dixit, & ignotas animum dimittit in artes,
Naturamque novat: nam ponit in ordine pennas,
A minima cœptas, longam brevior sequente,
Ut clivo crevisse putes: sic rustica quondam
Fistula disparibus paulatim surgit avenis.
Tum lino medias & ceris alligat inias,
Atque ita compositas parvo curvamine flectis,
Ut veras imitetur aves. Puer Icarus unâ
Stabat, & ignarum sua se tractare pericla,
Ore repidenti, modò quas vaga moverat aura,
Captabat plumas, flavam modò pollice ceram
Mollibat, lusuque suo mirabile patris
Impediebat opus. Postquàm manus ultima cœptis
Imposita est, geminas opifex libravit in alas
Ipse suum corpus, motaque pependit in aura.
Instruit & natum; Medioque ut limite curras,
Icare, ait, moneo; ne, si denissior ibis,
Unda gravet pennas; si celsior, ignis adurat.
Inter utrumque vola: nec te spectare (c) Booten
Aut (d) Helicen jubeo, strictumque (e) Orionis
ensem.

Me duce carpe viam. Pariter præcepta volandi
Tradit, & ignotas humeris accommodat alas.
Inter opus monitusque genæ maduere seniles,

Et

(a) Dædalus in labyrinthum, cujus auctor fuerat, conjectus
fuit a Minos, ob Theseum ejus consilio servatum.

(b) Patria, Athenarum.

(c) Signum septentrionale. (d) Ursam majorem.

(e) Siquis quod pingitur cum ense stricto.

Et patriæ tremuere manus, dedit oscula nato
Non iterum repetenda suo; pennisque levatus
Antevolat, comitique timet (velut ales, ab alto
Quæ teneram prolem produxit in aera nido)
Hortaturque sequi; damnosasque erudit artes;
Et movet ipse suas, & nati respicit alas.

• • • • •
Cum puer audaci cœpit gaudere volatu,
Deferuitque Duceni, Cœlique cupidine tactus
Altius egit iter. Rapidi vicina solis
Mollit odoratas pennarum vincula ceras.
Tabuerant ceræ; nudos quatit ille lacertos,
(a) Remigioque carens non ullas percipit auras;
Oraque cærulea patrium clamantia nomen
Excipiuntur aqua, quæ (b) nomen traxit ab illo.
At pater infelix, nec jam pater, Icare, dixit,
Icare, dixit, ubi es? qua te regione requiram?
Icare, dicebat, pennas aspexit in undis;
Devovitque suas artes, corpusque sepulchro
Condidit; & tellus à nomine dicta sepulti est.

C *Edo vetus quoddam exemplum Narrationis Historiæ?*
R. Habes in veteribus Historiæ Romanæ scrip-
toribus Narrationes benè multas tam singulari opera
artificioque elaboratas, ut nihil supra; in T. Livio
1. Sabinarum raptum; 2. Horatiorum & Curatiorum
pugnam; 3. Lucretiæ mortem, (c) exactos à Bruto
Tarquinius, interemptosque à patre proprios filios:
4. Audax Mucii Scævola facinus adversus Regem Por-
senam; 5. Varios Coriolani eventus; 6. Pugnam Can-
nensem; 7. Hannibalis cum Scipione congressum Ephe-
si apud Antiochum Regem; 8. Supra cætera verò
omnia, mirificum illud ejusdem Hannibalis iter in
Italiam, per Hispaniam, per Pyrenæos, per Gallias,
per Alpes & Appennium, quod exquisitissimum quod-
dam artis opus existimo.

Habes præterea in Sallustio pugnam adversus Cati-
linam;

(a) *Alis, quibus quasi remigabat.*

(b) *Icarium mare vocatur.* (c) *Ital, disacciatl.*

linam ; in Q. Curtio Tyri obsidionem , singularem Abdalonymi eventum , Alexandri Magni mortem , exercitus consternationem , & Reginæ Sisygambis dolorem ac interitum , &c.

Verum sat esto ex omnibus illis Narrationibus unam , aut alteram hoc loco commemorare . Tu ex duabus illis discere omnes .

Horatiorum pugna cum Curiatiis .

Narratio Historica . Ex Livii Hist. Lib. I.

Datur signum , infestisque armis , velut acies , terni juvenes magnorum exercituum animos gerentes concurrunt . Nec his , nec illis periculum suum , sed publicum imperium servitiumque obversatur animo : futuraque ea deinde patriæ fortuna , quam ipsi fecissent . Ut primo statim concursu increpuere arma , micantesque fulsere gladii , horror ingens spectantes perstringit , & neutro inclinata spe , torpebat vox spiritusque .

Confertis deinde manibus , cum jam non motus tantum corporum , agitatioque anceps telorum armorumque , sed vulnera quoque & sanguis spectacula essent , duo Romani super alium alius , vulneratis tribus Albanis , expirantes corruerunt . Ad quorum casum cum clamasset gaudio Albanus exercitus , Romanas legiones jam spes tota , nondum tamen curam deseruerat , exanimis vices unius quem tres Curiatii circumsteterant . Fortè is integer fuit , ut universis solus nequaquam par , sic adversus singulos ferrox . Ergo ut segregaret pugnam eorum , cepisset fugam , ita ratus sequenturus , ut quemque affectum vulnere corpus sineret . Jam aliquantum spatii ex eo loco , ubi pugnatum est , aufugerat : cum respiciens videt magnis intervallis sequentes ; unum haud procul ab sese abesse , in eum magno impetu rediit ; & dum Albanus exercitus inclamat Curiatiis , ut opem ferant fratri , jam Horatius cæso hoste , victor secundam pugnam petebat . Tunc clamore (qualis ex insperato faventium solet) Romani adjuvant militem suum , & ille defungi prælio festinat . Prius itaque quam alter , qui nec procul aberat , consensui posset , & alterum Curiatium conficeret .

Jam-

Tamque equato Marte singuli supererant, sed nec spe, nec viribus pares: (a) Alterum intactum ferro corpus & geminata victoria ferocem in certamen tertium dabant: Alter fessum vulnere, fessum cursu trahens corpus, victusque fratrum ante se strage, victori objicitur hosti: nec illud prælium fuit. Romanus exultans, Duos inquit, fratrum Manibus dedi, tertium causam belli hujusce, ut Romanus Albano imperet, dabo. Malè sustinenti arma gladium superne jugulo defigit, jacentem spoliât. Romani ovantes ac gratulantes Horatium accipiunt, eo majore cum gaudio, quo propius metus res fuerat.

(b) Abdalomynus ex Olitore rex Sidoniorum factus ab Alexandro Magno.

Ex Lib. IV. Q. Curtii.

Erant (c) Hephæstioni hospites clari inter suos juvenes, qui facta ipsis potestate regnandi, negaverunt quamquam patrio more in id fastigium recipi, nisi regia stirpe ortum. Admiratus Hephæstion magnitudinem animi spernentis quod alii per ferrum ignesque poterent: Vos quidem nacti virtute, inquit, estote, qui primi intellexistis quanto majus esset regnum fastidire, quam accipere. Ceterum date aliquem regie stirpis, qui meminerit à vobis acceptum habere se regnum. At illi cum multos imminere tantæ spei cernerent, singulis (d) amicos Alexandri, ob nimiam regni cupiditatem, adulantibus, statuunt neminem esse potiorum, quam Abdalomynum quemdam, longa quidem cognatione stirpi regie annexum, sed ob inopiam suburbanum hortum exigua colentem stipe. Causa ei paupertatis, sicut plerisque, prohibita erat. Inventusque operi diurno, strepitum armorum, qui totam Asiam concussit, non exaudiebat.

Subito deinde, de quibus ante dictum est, cum regie vestis insignibus hortum intrant; quem fortè steriles her-

B 2

bas

(a) Hæc est recta syntaxis: Corpus intactum ferro, & victoria geminata dabant alterum ferocem in certamen tertium. (b) Alii Abdolominum dicunt.

(c) Erat is apud Alexandrum gratissimus.

(d) Ita genuina lectio.

has eligens Abdalonymus repurgabat. Tunc rege eo salutato, alter ex his, *Habitus, inquit, is, quem cernis in meis manibus, cum isto squalore permittendus tibi est. Ablue corpus (d) illuvie æternisque sordibus squalidum: Cape regis animum, & in eam fortunam, qua dignus es, istam continentiam profer. Et cum in regali solio residebis vitæ necisque omnium civium dominus, cave obliviscaris hujus status, in quo accipis regnum: imò Hercule propter quem.*

Somnio similis res Abdalonymo videbatur. Interdum satissæ janæ essent, qui tam proterve sibi illuderent, percontabatur. Sed ut cunctanti squalor ablatus est, & injecta vestis purpura auroque distincta, & fides à jurantibus facta; serio jam rex, iisdem comitantibus in regiam pervenit. Fama, ut solet, strenuè tota urbe discurrit. Aliorum studium, aliorum indignatio eminebat. Dirissimus quisque humilitatem inopiamque ejus apud amicos Alexandri criminabatur. Admitti cum rex protinus jussit; diuque contemplatus. Corporis, inquit, habitus famæ generis non repugnat: sed libet scire, inopiam qua patientia tuleris. Tum ille, Utinam, inquit, eodem animo regnum pati possim. Hæ manus suffecerunt desiderio meo: nihil habenti nihil defuit. Magnæ indolis speciem ex hoc sermone Abdalonymi capit.

C Edo denique Exemplum Narrationis Oratoricæ?

R. Laudatur ab omnibus & in primis à Quintiliano celebris illa Miloniana Narratio, qua Cicero suspicionem insidiarum à Milone in Clodium tam callidè tamque ingeniosè detorquet. Sic autem rem aggredditur:

Narratio Miloniana.

Milo autem, cum in Senatu fuisset eo die quoad Senatus dimissus est, domum venit, calceos, & vestimenta mutavit, paulisper, dum se uxor (ut fit) comparat, commoratus est. Deinde profectus est id temporis, cum jam Clodius, siquidem eo die Romam venturus erat, redire potuisset. Obviam fit ei Clodius expeditus in equo,

nulla

nulla rheda, nullis impedimentis, nullis Græcis comitibus, ut solebat; sine uxore, quod nunquam ferè; cum (a) hic insidiator, qui iter illud ad cædem faciendam apparasset, cum uxore veberetur in rheda, (b) penulatus, vulgi magno impedimento, ac muliebri & delicato ancillarum puerorumque comitatu.

Fit obviam Clodio ante fundum ejus, hora ferè undecima, aut non multò secus. Statim complures cum telis in hunc faciunt de loco superiori impetum; adversi rhedarium occidunt. Cum autem hic de rheda, rejecta penula, desilisset, seque acri animo defenderet; illi qui erant cum Clodio, gladiis educlis, partim recurrere ad rhedam, ut à tergo Milonem adorirentur; partim, quòd hunc jam interfectum putarent, cedere incipiunt ejus servos, qui post erant, ex quibus qui animo fideli in dominum erant, & præsentès fuerunt, partim occisi sunt, partim, cùm ad rhedam pugnari viderent, & domino succurrere probiberentur, Milonemque occisum etiam ex ipso Clodio audirent, & ita esse putarent, fecerunt id servi Milonis (dicam enim non derivandi criminis causa, sed ut factum est) neque imperante, neque sciente, neque præsentè domino, quod suos quisque servos in tali re facere voluisset.

Hæc, sicut exposui, ita gesta sunt, judices: insidiator superatus, vi victa vis, vel potius oppressa virtute audax est.

Miloniana illa Narratione nihilò inferiorem existimo hanc alteram Narrationem lepidissimam, qua Tullius ostendit in lib. 3. de Officiis, quàm sint perfidi improbique, qui aliud agunt, aliud simulant.

Malus Pythii cujusdam dolus. Narratio oratoria.

C. Canius, eques Romanus nec infacetus & satis literatus, cum se Syracusas oriandi, ut ipse dicere solebat, non negotiandi causa contulisset, distabat se hortulos aliquos velle emere, quòd invitare amicos, & ubi se oblectare sine interpellatoribus posset. Quod cum per-

B 3

cre-

(a) Milo, ironicè. (b) Penula, seu pallio obvolutus.

crebuisse, Pythius ei quidam, qui (a) argentariam faceret Syracusis, venales se quidem hortos non habere, sed licere uti Canio, si vellet, uti suis, & simul ad cenam hominem invitavit in hortos in posterum diem. Cum ille promississet, tum Pythius, qui esset, ut argentarius, apud omnes ordines graciosus, piscatores ad se convocavit, & ab his petivit, ut ante suos hortulos postridie piscarentur, dixitque quid eos facere vellet.

Ad Canam tempore venit Canius, opipare à Pythio apparatus convivium, cymbarum ante oculos multitudo: pro se quisque quod ceperat, afferebat; ante pedes Pythii pisces abiciebantur.

Tum Canius, quæso, inquit, quid est hoc, Pythi? tantumne piscium? tantumne cymbarum? & ille, Quid mirum, inquis, hoc loco est, Syracusis quidquid est piscium. Hic (b) aquatio, hac villa isti carere non possunt.

Incensus Canius cupiditate contendit à Pythio ut venderet. Gravate ille primo: quid multa? impetrat, emit homo cupidus & locuples tanti quanti Pythius voluit, & emit instructas: (c) nomina facit; negotium conficit.

Invitat Canius postridie familiares suos. Venit ipse maturè, scalmum nullum videt (d): quærit ex proximo vicino, num ferie quædam piscatorum essent, quod eos nullos videret. Nullæ (quod sciam) inquit ille; sed hic piscari nulli solent. Itaque heri mirabar quid accidisset. Stomachari Canius. Sed quid faceret? Nondum enim (e) Aquilius Collega & familiaris meus protulerat de dolo mala formulas Ergo & Pythius, & omnes aliud agentes, aliud simulantes, improbi, & malitiosi sunt.

CA-

(a) Banchiere. (b) Ital. aut il bagno, aut in luogo, dove vengono a provvedersi a' acqua; ab aquor, aris.

(c) Ital. far la scritta, dichiarandosi debitore.

(d) Non vels neppure un cavicchio, un pivolo di barca.

(e) Aquilius præstans jurisconsultus; Prætor fuerat ante Ciceronem.

CAPUT III.

§. I. De Chria.

Quid est Chria?

R. Est brevis commemoratio facti, vel dicti cuiuspiam utilis & memoria digni: unde etiam Chria sum nomen invenit à Græco vocabulo *Χρησ* (a) quod usum, utilitatem, commodum significat.

Quotuplex est Chriarum genus?

R. Triplex. Aliæ versantur in verbis, aliæ in actione; aliæ in utroque consistunt. Seu, ut vulgus Rhetorum loqui solet, aliæ sunt *Verbales*, aliæ *Activæ*, aliæ *Mixtæ*.

Quid est Chria Verbalis?

R. Ea est, quæ explicat verba graviter ab aliquo & sententiosè prolata: qualis est v. gr. Virgilii versus: (b)

Discite justitiam moniti, & non temnere Divos.

Vel hoc effatum Senecæ: *Nulla est honesta avaritia, nisi temporis*; itemque hi Horatii versus: (c)

Pallida more æquo pulsat pede pauperum tabernas,
Regumque turres.

Aut denique sapientissima illa Juvenalis sententia.

Orandum est, ut sit mens sana in corpore sano.

Quid est Chria activa?

R. Ea est, quæ memorabile aliquod factum exponit, & verbis exornat, ut: *Sapiens Tythagoras interrogatus aliquando quàm longa esset hominum vita, sese paulisper conspiciendum exhibuit: tùm subito ex spectantium oculis evolavit: ut nimirum celeri illa fuga, caducæ, & fugacis mortalium vitæ brevitatem designaret.*

Sic etiam Cotys Traciæ Rex, cùm quidam parda-

B 4

lim,

(a) Sunt qui scribunt Chreia, sed male.

(b) *Æneid.* 6. (c) *Odorum.* l. 1.

lim, seu pantheram, ferocissimum animal, illi dono misisset; ipse vicissim leonem misit, ne verbum quidem addens: sed malam bestiam sic malè pensando, re ipsa hominem prudenter admonuit, par pari, ut est veteri proverbio, esse omninò referendum.

Memorable quoque in primis & omnibus notum quod referunt Livius & Florus de duobus Tarquinibus patre & filio. Cùm enim Sextus Tarquinius Tarquinii Superbi regis ultimi Romanorum filius, acceptat à patre contumeliam & injuriam simulans, ad (a) Gabios transfugisset, brevique ad summam apud illos, regisquæ penè parem potestatem pervenisset, misit clanculùm Romam unum è suis, sciscitaturum à patre quidnam demum se facere vellet. Rex ad hæc nihil voce respondit, sed veluti deliberabundus in hortum ædium transiit, sequente filii nuntio, ibi inani-bulans tacitus eminentia papaverum capita baculo decussit, & per hæc ambages filium admonuit, primores civitatis esse interficiendos. Quòd cùm à filio non ita multo post variis artibus factum esset, brevi & consilio & præsidio orbata civitas, fuit in Tarquinii potestatem nullo labore redacta.

Rem sic narrat Ovidius nativo quodam, ut solet, simplicique candore, libro secundo de Fastis.

Ultima Tarquinius Romanæ gentis habebat

Regna, vir injustus; fortis ad arma tamen.

Ceperat hic alias, alias everterat urbes,

Et Gabios turpi fecerat arte suos.

Namque trium minimus proles manifesta superbi

In medios hostes nocte silente venit.

Nudarunt gladios: occidite, dixit, inermem;

Hoc cupiunt fratres, Tarquiniusque pater,

Qui mea crudeli laceravit verberare terga.

(Dicere ut hoc posset, verbera passus erat.)

Luna fuit, spectant juvenem, gladiosque recondunt,

Tergaque deducta veste notata vident.

Flent quoque, & ut secum tueatur bella precantur;

Cali-

(a) Gabii Volscorum urbs, lxx. millia passuum ab urbe Roma distans.

Callidus ignavis annuit ille viris.

Jamque potens misso genitorem appellat amico,

Perdendi Gabios quod sibi monstret iter.

Hortus odoratis suberat cultissimus herbis,

Septus humum rivo lene sonantis aquæ:

Illic Tarquinius mandata latentia nati

Accipit; virga lilia summa metit.

Nuntius ut rediit, decussa que lilia dixit;

Filius, agnosco jussa parentis, ait.

Nec mora, principibus cæsis ex urbe Gabina,

Traduntur ducibus mœnia nuda suis.

Quid est Chria mixta?

R. Est ea, quæ factum aliquod sermoni conjunctum exponit. Exempli si quæris, aliquot selecta hîc danius.

Exempla Chriæ mixtæ. I.

Marmoream statuem cum aliquando vidiſet in foro Diogenes Philoſophus, ad illam ſupplex acceſſit, & manum illi quaſi ad ſtipem diu multumque porrexit. Mirantibus valdè amicis, & interrogantibus quid porro faceret, reſpondit, Ad repulſam me experior.

II. Exemplum.

Idem Diogenes cum aliquando conſertiſſimam populi turbam ſeſe è theatro effundentem vidiſſet, adverſus illam ſolus ingredi totis viribus cepit, & obſurgantibus reſpondit: Hoc in omni vita facere ſtudeo.

III. Exemplum.

Miles Spartanus (a) interpeſta nocte tumultum præteriens cum horribile quoddam ſpectrum vidiſſet, ſtriſta lancea, in illud audacter irruit, ita verbis compellans: Quid me fugis anima bis moritura? Hoc ſingulari faſto docemur, Faunorum terriſculamenta, & inania larvarum ac lemnium ludibria à cordatis fortibuſque omnino ridenti.

B 5

Quæ

(a) Ital, di notte, fuor d'ora.

Quot sunt *Chriæ partes*, seu *Capita*?

R. *Chria* sive *Verbalis*, sive *Activa*, sive *Mixta*, continetur partibus octo, inquit *Aphthonius* in *Prolymnasmatibus*. Sunt autem partes illæ, *Encomium*, *Paraphrasis*, *Causa*, *Contrarium*, *Simile*, *Exemplum*, *Testimonium veterum* & *Epilogus*.

Sive ut trita illa, usitataque formula potius utamur: *Chria tractanda est*.

1. A *Laudativo*.
2. A *Paraphrastico*.
3. A *Causa*.
4. A *Contrario*.
5. A *Simili*.
6. Ab *exemplo*.
7. A *Testimonio veterum*.
8. A *Brevi Epilogo*.

Quæ singula *Capita* sigillatim enucleare necesse est.

Quid sibi vult à Laudativo?

R. Significat, in ipso *Chriæ* initio laudandum esse dicti, vel facti auctorem; ut scilicet ex auctoris laudatione major illius seu dictis, seu factis auctoritæ, ac veluti pondus accedat.

Quid hoc sibi vult à Paraphrastico?

R. Idem prorsus ac si diceres, ab expositione dicti, vel facti, de quo agitur. *Paraphrasis* enim, ut vox Græca satis indicat, est liberior ac copiosior rei explanationis.

Quid illud est à Causa?

R. Indicat, diligenter investigandam esse, & afferendam causam illius seu dicti, seu facti, quod pertractandum & amplificandum suscepimus: v. g. *Chriæ* verbalis argumentum esto hæc sapiens sententia: *Ferenda sunt amicorum vitia*; erit in promptu hæc causa iustissima, quod scilicet sine vitis nemo nascitur: optimus ille est qui minimis urgetur, ut ait *Horatius*:

Quid est à Contrario?

R. Ad-

R. Admonet, sententiam nostram ex contrariarum rerum conflictione esse confirmandam, v. g. postquam probaveris *dulce ac decorum esse pro patria mori*, (a) dices è contrario rem esse turpissimam ac (b) propudiosam, si miles pro patria pugnans, inhonesta mortis formidine, terga fugæ convertat. Item postquam ostenderis, otium & desidiam omnium vitiorum fontem ac fomitem esse, dices è contrario laborem & vigilias esse firmissimum murum, integritatis, innocentiaque præsidium.

Quid à Simili?

R. Monet, propositam sententiam apta quapiam similitudine exornandam ac illustrandam esse. Ita si laborem & diligentiam commendare velis, dices cum Tullio: *Ut ad cursum equus, ad arandum bos, ad indagandum canis; sic homo ad intelligendum, & agendum natus est.*

Quid vocas ab Exemplo?

R. Hujusce vocis sensus est, rem, quam pertractamus; illustris cujuscumque exempli appositione confirmandam esse. Sit tibi v. gr. amplificandum illud: *Dulce & decorum est pro patria mori*, afferes exemplum Codri (c) Atheniensium regis, de quo cecinit Horatius ode 14. lib. 3. *Codrus pro patria non timidus mori*: vel afferre poteris exemplum Decii Consulis Romani, qui se velato capite, certisque verbis pro patriæ salute ultro devovit.

Quid à testimonio veterum?

R. Ostendit, nostram sententiam veterum auctorum verbis ac testimonio comprobendam esse. Sit hoc argumentum. v. g. *Injurias esse condonandas potius quam ulciscendas*: usurpabis aureum illud Taciti verbum: *Multa contemptu curantur*; vel hanc ejusdem sententiam homine Christiano dignissimam: *Convicia spreta* (b) *exolescunt*.

B 6

Quid

(a) Horat. (b) Ital. infame, vergognosa.

(c) Codrus ultimus Atheniensium Rex seipsum neci obtulit pro patriæ salute in bello contra Dorienfes.

(d) Ital. buono & no, vappo a terra.

Quid demum sibi vult a Brevis Epilogo?

R. Indicat, apta quadam & rotunda verborum conclusionem comprehendenda esse quæcumque fusiùs dicta sunt. Est enim Epilogus brevis & artificiosa clausula, qua colligimus in pauca, quæ fusiùs commemorata fuere.

Sed quoniam, ut initio diximus, per præcepta longum est iter, per exempla verò expeditum & facile, idcirco operæ pretium est aliquod Christi exemplum hoc loco subicere.

S. II. Christa verbalis in hanc Virgilio sententiam. *Æneid. 10.*

Breve & irreparabile tempus
Omnibus est vitæ

A Laudativo.

CUm optimo cuique Poetæ propositum illud fuerit semper, ut misceat utile dulci, hoc est, ut delectando doceas, & docendo delectes: neminem tamen adhuc legi Poetam hac in re poetarum principi Virgilio comparandum. Ille enim non solum ceteros omnes ante se & post se Græcos Latinosque Poetas facile vincit elegantia, suavitate, iudicio, splendore, numero, delectuque verborum; non solum hoc habet, ut illius versibus perfectis ingenio, elaboratis industria nihil addi possit, nihil detrahi, nihil mutari, verissimèque de illo dictum olim fuerit, Musas & Apollinem non aliter in suo choro loqui, Jovemque ipsum, si sit Poeta, non alio modo loquuturum; verum etiam, quod caput est, sententiarum gravitate, & frugiferorum, quibus abundat, præceptorum sapientia, hoc assequutus est, ut optimus vitæ virtutisque magister jure merito possit à nobis appellari.

Inter cætera verò documenta, ad vitam institutendum & ad mores informandos idonea, quibus aspersum est passim divinum illius Poema, saluberrimum in primis est atque laudabile quod ait *Æneidos* libro decimo de brevitate temporis, fluxaque & caduca mortalium vitæ.

Bre-

Breve & irreparabile tempus
Omnibus est vitæ.

A Paraphrastico.

Ita est profectò: tam exiguum tamque arctum viviendi curriculum nobis à natura circumscriptum est, ut vix benè lucem ingressis sit de hujus mortalis mundi statione, decedendum, & vita cum morte commutanda: Nihil nisi temporis punctum quoddam est caduca hæc, quam tantopere deperimus, (a) vita, minimumque est ac penè nullum intervallum illud, quod ortum inter & occasum nostrum interjacet. Fugit retrò levis hora, truditur dies die, præcipiti casu fugaces anni sese mutuo pellunt, & adolescentiæ senectus, senectuti mors obrepit improvise semper & inopinata: quodque gravius est, cum semel effluxit brevissimum hoc vitæ tempus, tam irreparabilis est illius lapsus, ut nulla deinde possit ratione revocari.

A Causa.

Neque verò est cur aded parvam temporis usuram nobis ad vivendum concessam jure meritò conquæramur. Præterquam quod enim vita, si scias uti, satis longa est, præterea ea certa stabilique lege natos nos esse scimus, ut denique moriamur. Quis enim tam vecors esse potest, qui nesciat hanc esse tristissimam peccati mercedem pœnamque justissimam: hanc esse mortalium conditionem ac sortem: humana omnia caduca esse & fluxa atque mobilia: nihil, quod ortum sit, sempiternum esse posse: definitum esse cuilibet certum quoddam breveque temporis spatium ad felicem in cælo vitam promerendam? Cùmque olim amplioribus terminis circumscripta esset nostra hæc mortalis vita, & in sæcula benè multa propagaretur, cum nostris flagitiis sceleribusque breviorē effecimus; Semotique prius tarda necessitas lethi curripuit gradum.

A Con-

(a). Ital. dietro a cui andiamo sì massi, e sì perduti.

A Contrario.

Contra verò cùm semel post miseræ hujusce vitæ decursum terreni corporis contagione solutus erit nobis animus, cùm demum inter felices spiritus ævo sempiterno perfruemur in cælo, nulla jam amplius pertimescenda nobis neque vicissitudo rerum, neque conversio temporum, nec ætatum commutatio: nullus jam erit neque horarum lapsus, nec fluxus dierum, nec annorum sibiimet mutud succedentium cursus. Sed eodem semper hærentes & felicitatis & temporis vestigio, stabili certaue beatitate, æternis sæculorum ætatibus cum Deo ipso potiemur.

A Simili.

O nos igitur malè cautos! O nunquam satis deplorandam sortem nostram! si æterna hæc solidaque obliti, nihil nisi umbras imaginesque consecremur. Si enim ex veritate magis, quam ex opinione res velimus æstimare, quid demum aliud est fragilis hæc fugaxque vita, nisi levis quidam fumus, qui puncto temporis evanescit? nisi præceps torrens, qui cum vano strepitu celeriter effluit? nisi flosculus brevi marcescens, qui manè oritur, vespere floret, & nocte cadit? nisi umbra quædam & larva inanis, quæ nostras effugit manus,

Par levibus ventis, volucrique simillima somno? (a)

Ab Exemplo.

Testes hoc loco possem appellare ab omni memoria Christianos illos Heroes virosque sapientissimos, qui mirificam fugacis vitæ brevitatē tot laboribus, tot vigiliis, tot indefessis curis redemptam compensarunt. Testes appellare possem tot virgines, tot viros principes, tot nobiles adolescentes, qui fragilem hanc rerum humanarum mobilitatem atque inconstantiam pertæsi, quæcumque apud cæcos mortales prima

putan-

(a) *Æneid.* 1,

putantur , pro nihilo ducere , & voluptatum illecebras , ac pernicioſa , erum caducarum blandimenta generoſa quadam alacritate conculcarunt .

A Teſtimonio veterum .

Hoc inculcare Corinthiis voluit Divus Paulus , cùm dixit : *Tempus breve eſt* . Hoc ipſum nos admonet ſummus ille vir Jobus , dum aſſlatus divino Spiritu ſic loquitur : *Breves dies hominis ſunt* : Hæc eadem erat mens vel ipſi quoque Horatio , profano licet homini , cùm amicum ſapienter ſic admonet :

(a) Omnem crede diem tibi diluxiſſe ſupremum .
Et alio loco : *Quid brevi ſortes jaculamur ævo multa ?*

Hoc denique ſentiebat Phædrus , cùm in elegantibus ſuis fabulis hanc veriſſimam protulit vocem :

Abiturus illuc , quò priores abierunt ,
Quid mente cæca miſerum torques ſpiritum ?

A Brevi Epilogo .

Cùm igitur aded breve tempus ſit , adedque irreparabile , relinquitur id unum , ut cogitemus etiam atque etiam nihil eſſe loci ſocordiæ , neque ſegnitiæ ; nobis inter tantas anguſtias nequaquam licere eſſe otioſos ; miſeros eſſe , qui ſe per ſummam incuriam , re una omnium pretioſiſſima defraudari patiuntur . Reſtat denique id unum , ut cum celeritate temporis utendi celeritate certemus , & tamquam ex Torrente quodam , quò rapidè dilabitur , celeriter hauriamus .

§. III. Argumenta Chriarum verbalium ex Horatio .

1. **O**mnem eodem cogimur . 2. Vivitur parvo bene : 3. Levius ſit patientia , quidquid corrigere eſt nefas . 4. Magnas inter opes inops . *De avaro* . 5. Ira furor brevis eſt . 6. Multa ſenem circumveniunt incommoda . 7. Fortes creantur fortibus . 8. Omnem crede diem tibi diluxiſſe ſupremum . 9. Quantum quicquid ſibi plura negaverit , à Diis plura ſeret .

Ex

(a) *Epist. lib. 1.*

Ex Virgilio.

10. Quid non mortalia pectora cogit
- Auri sacra famēs?
11. Facilis descensus Averni.
12. Labor omnia vincit.

Ex Ovidio.

13. Principiis obsta: sero medicina paratur.
14. Otia si tollas, perire cupidinis arcus.
15. Dicique beatus
Ante obitum nemo, supremæque funera debet.
16. — Paupertatemque ferendo
Effecere levem.
17. Livor, iners vitium, mores non exit in altos.

Ex Juvenali.

18. Fronti nulla fides: 19. Crescit amor nummi,
quantum ipsa pecunia crescit. 20. Nemo repente fit
turpissimus. 21. Res est sacra miser. 22. Nobilitas
sola est atque unica virtus.

Ex Seneca.

23. Tota vita discendum est mori. 24. Etiam sine
magistro vitia discuntur. 25. Qui genus jactat suum,
aliena laudat. 26. Sequitur superbos ultor à tergo
Deus.

Ex Persio.

27. O curas hominum, o quantum est in rebus in-
ane! 28. Virtutem videant, intabescantque relictæ.
De sceleratis.

Ex Martiali.

29. Extra fortunam est quidquid donatur (a) egenis;
Quas dederis, solas semper habebis opes:
30. Non est, crede mihi, sapientis dicere, vivam:
Sera nimis vita est crastina: vive hodie.

*Ex**(a) Legitur Amicis.*

Ex Terentio.

37. Crescit in adversis virtus.

Hæc igitur, aut alia id genus argumenta pertrahere si velis, facies sedulè quod suprà dictum est.

1. Laudabis breviter auctorem Sententiæ. 2. Plainius & copiosius explicabis sententiam, illamque variis verborum coloribus pictam in bono, ut ajunt, lumine collocabis. 3. Afferes causam aliquam quamobrem res ita se habeat. 4. Ex contrariorum confictione & quasi concursu illam confirmabis. 5. Illustrabis eam similitudine, quæ in rem aptissimè quadret. 6. Probabis illam singulari quodam exemplo. 7. Veteris auctoris testimonio & auctoritate illam confirmabis. 8. Denique ex omnibus hisce capitibus rem ita se habere concludes.

Quomodonam tractanda est Chria activa?

R. Eadem prorsus ratione, qua Chria verbalis; Eadem enim est utriusque ars, eademque planè regulæ. Itaque actum ageremus, si de Chria activa separatim ac seorsim tractaremus.

Idem planè dicito de Chria mixta.

C A P U T IV.

De Amplificatione.

Quid est amplificatio?

R. Ineptè prorsus ac ridiculè facere mihi videntur, qui perperam interpretantes Isocratis (a) verba, Amplificationem cum vulgo ita definiunt; Amplificatio, inquiunt, est oratio, quæ ex parvis magna facit; seu quæ res exiguas verbis exaggerat, & in majus attollit. Puerilis, inquam, & (b) præstigiatore ac Sophista potius quàm Oratore digna mihi semper visa fuit hæc vulgaris definitio, quæ res mendacio

(a) Isocrates pater eloquentiæ, dictus à Tullio, vixit annos centum. (b) Ital. Giocoliere.

dacio fallacibusque pigmentis (b) supra meritum velit augeri. Ut enim facetè agebat Spartanorum rex Agesilaus: Ego pessimum cum sutorem arbitror semper, qui magnos calceos pedibus parvis inducat.

Nos igitur cum Tullio sic Amplificationem commodius longè definimus. *Amplificatio est gravior quedam affirmatio, quæ motu animorum conciliat in dicendo fidem.* Quia vero subobscura cuiquam fortè videri posset hæc definitio: & quia vis & facultas Oratoris potissimum in amplificando consistit; idcirco definitionem illam & totam amplificandi artem planius & apertiùs explicare operæ pretium existimamus.

Quid igitur sibi volunt hæc verba; Gravior quedam affirmatio?

R. Gravissima illa affirmatio, de qua hic agitur; nihil aliud est, quàm vehementius quoddam copiosiusque dicendi genus, quo rei vel dignitatem & amplitudinem, vel indignitatem & atrocitatem, pondere verborum & enumeratione circumstantiarum ita demonstramus, ut non animos auresque prætervolet, ut fermè sit cùm res leviter ac strictim attinguntur, sed ut feriat animos, permoveat affectus, & audientium memoriæ penitus insideat.

Cedo illustre quoddam exemplum Amplificationis huiusmodi?

R. Habes luculentissimum in atrocissima illa Didonis adversus Æneam abeuntem querela. Poterat Dido simpliciter & nudè Æneam appellare *durum, inhumanum, ferreum*, sed querimoniam illam sic amplificat mirificè Virgilius Æneidos Lib. IV.

Talia dicentem jamdudum a versa tuetur,
Huc illuc volvens oculos, totumque pererrat,
Luminibus tacitis, & sic accensa profatur;
Nec tibi Diva (b) Parens, generis nec Dardanus
(c) auctor,

Per-

(a) Ital. bellotti, ornamenta. (b) Venus.

(c) Dardanus primus Rex Trojanorum, Jovis filius.

Perfide: sed duris genuit te cautibus horrens
Caucasus, Hyrcanæque admorunt ubera tigres.

Sic etiam Libro 2. poterat Æneas exiliter & jejunè dicere se amissam conjugem Creusam clamoribus maximis per noctis tenebras appellasse: verum rem ita verbis exaggerat;

Aufus quin etiam voces jactare per umbram,
Implevi clamore vias, mœstusque Creusam (a)
Nequidquam ingeminans iterumque iterumque vocavi.

Quotuplex est Amplificatio?

R. Duplex: Alia est verborum, alia rerum: seu, quod idem est, alia sit rebus ac sententiis, alia verbis tantum. De utroque genere seorsim agendum nobis est.

§. I. De Amplificatione rerum.

Quid modis fit Amplificatio rerum?

R. Octo præcipuis. 1. Fit per congeriem definitionum, seu per definitiones conglobatas. 2. Per congeriem adjunctorum. 3. Per congeriem, seu per enumerationem partium. 4. Per congeriem causarum & effectuum. 5. Per congeriem consequentium. 6. Per congeriem similium, comparisonum & exemplorum. 7. Per contrariorum, dissimilium & inter se pugnantium conflictionem. 8. Denique per incrementum. Singula hæc capita sigillatim persequamur.

§. II. De Amplificatione per congeriem Definitionum.

Quid est definitio?

R. Est brevis & circumscripta rei explicatio: seu, ut ajunt Philosophi, est oratio, quæ rei naturam breviter explicat.

Quid est Amplificatio per congeriem definitionum, seu a definitionibus conglobatis?

R. Est

(a) Creusa Priami & Hecubæ filia, Æneæ Conjug, Ascanij mater.

R. Est ea, in qua variae ejusdem rei definitiones congeruntur, & quasi coacervantur, ut cum ait Cicero: *Historia est testis temporum, lux veritatis, vita memoriae, magistra vite, nuntia vetustatis*. Ex iisdem definitionibus conglobatis, Curiae ac Senatus Romani majestatem sic amplificat idem Orator in oratione pro Milone: *Curia templum sanctitatis, amplitudinis, mentis, consilii publici, caput urbis, ara sociorum, portus omnium gentium, sedes ab universo populo R. concessa uni Ordini*.

Poteris tu vicissim, ad illarum definitionum conglobatarum imitationem, dicere quid sit eloquentia, quid Poësis, quid amicitia, quid vita hominis, quid Deus ipse.

§. III. De Amplificatione per congeriem adjunctorum.

Quid est Amplificatio per congeriem adjunctorum? R. Est ea, quae ducitur ab omnibus seu rerum, seu personarum adjunctis ac circumstantiis simul coacervatis. Cicero 2. Agraria: *Ego qualem Kalendis Januariis acceperim Kempubli. Quirites, intelligo plenam sollicitudinis, plenam timoris, in qua nihil erat mali, nihil aduersi, quod non boni metuerent, improbi expectarent: omnia turbulenta consilia contra hunc Reip. statum & contra vestrum otium partim iniiri, partim, nobis Consulibus designatis, iniuta esse dicebantur: sublata erat de foro fides, non ictu aliquo novae calamitatis, sed suspitione ac perturbatione judiciorum, infirmatione rerum judicatarum novae dominationes, extraordinaria non imperia, sed regna queri patabantur.*

Virgilius sub finem libri primi Georgicorum de Julii Caesaris interitu lugubriter admodum & tragicè lamentatur, coacervando funestissima prodigia, monstraque, quae vel antecessere, vel mox subsecuta sunt.

Ille (a) etiam extincto miseratus (b) Caesare Romanam,

Cum

(a) Sol. (b) Subaudi est.

Cum caput obscura nitidum ferrugine texit,
Impiæque æternam timuerunt sæcula (a.) noctem.

Vox quoque per lucos vulgo exaudita silentes
Ingens: & simulacra modis pallentia miris
Visa sub obscurum noctis, pecudesque locutæ:
Infandum; sistunt annes, terræque dehiscunt,
Et mortuum illacrymat templis ebur, æraque sudant.

Totum hunc locum, ut eximium amplificationis exemplar, & ad excitandam commiserationem in primis idoneum, tu consulito, si me audis.

§. IV. De Amplificatione per congeriem,
seu enumerationem partium.

Quid est Amplificatio ab enumeratione partium?

R. Est illa, quæ fit, dum totum aliquid in suas partes distribuitur; seu dum rei alicujus partes vel omnes, vel præcipuæ certè quidem, sigillatim enumerantur. Ita Cicero funestum Pisonis Consulatum describit: Omnes memoriam consulatus tui, facta, mores, faciem denique ac nomen à Rep. detestantur. Legati, qui unà fuere, alienati: Tribuni militum, inimici: Centuriones, & si qui ex tanto exercitu reliqui milites existunt, non dimissi abs te, sed dissipati, te oderrunt, tibi pestem exoptant, te execrantur. Achaja exhausta, Thessalia vexata, laceratae Athenæ: Apollonia exinanita; Ambracia direpta; Bullienses illusi; Epirus excisa, Locri exusti; Athamanum gens vendita; Macedonia condonata barbaris; Ætholia amissa; Dolopes finitimique montani oppidis atque agris exterminati; Cives Rom. qui in iis locis negotiantur, te unum solum suum depeculatorem, vexatorem, prædonem, hostem venisse senserunt. Ovidius libr. 11. Metamorph. dilatat sententiam hanc:

Rex

(a) Dictatore Julio Cæsare à conjuratis occiso filis plurimum diu suppallidum apparuisse narrant Plutarchus, & Plinius.

*Rex Midas omnia quæcumque tangit,
in aurum convertit.*

Lætus abit, gaudetque malo Bercynthius heros, (a)
Pollicitique fidem tangendo singula tentat.

Vixque sibi credens, non alta fronde virentem
Illice detraxit virgam; virga aurea facta est;
Tollit humo saxum; saxum quoque palluit auro:
Contigit & glebam; contactu gleba potenti

(b) Massa fit: arentes Cereris decerpit aristas.

Aurea messis erat. Dempium tenet arbore pomum;

(c) Hesperias donasse putes: si postibus altis

Admovit digitos, postes radiare videntur:

Ille etiam liquidis palmas ubi laverat undis,

Unda fluens palmis (c) Danaen eludere possit.

Sic etiam Maffejus Latinæ linguæ elegantia mundi-
tiæque nulli inferior, urbis Venetiarum pulchritudi-
nem præstantiamque per partium enumerationem de-
scribit in vita S. Ignatii, omnibus picta & posita ar-
tis coloribus.

Venetiarum descriptio per enumerationem partium.

Venetiarum urbis, in recessu intimo sinus Adriatici,
ea regio ac situs est, ut leniter stagnantes ex alto aque,
illam omni ex parte circumluant. Ea inclytæ urbi &
ad merces copiasque invehendas opportuna receptacula,
& contra hostiles incursus munimenta firmissima sunt.
Ex iis porro æstuariis (c) majores minoresque Euripi to-
tam urbem intercurfantes, variis meandris ac flexibus ita
distingnunt, ut quot in partes pedibus, in totidem ferè
mari aditus sit, egregio sanè vel artis, vel nature mi-
raculo. Inde vicorum, insularum & pontium ingens nu-
merus: ut qui diutius ibi versari non sunt, vicarum lo-
corumque modò varietate, modò similitudinæ sæpè fallan-
tur.

(a) Midas Phrygiæ rex, ubi mons Bercynthus.

(b) Auri moles. (c) In earum hortis erant aurea poma.

(d) Jupiter in auream pluviam mutatus, illam delusit con-
verso in pretium Deo. Horat.

(e) Ital. Luogo dove stagnan del. acque pel flusso del Mare.

tur. Sed contra ejusmodi ambages certum paratumque remedium est maxima multitudo cymbarum, quæ usquequaque dispersæ, nominatim ad omnia & publica & privata loca quemlibet haud ita magna mercede, trajiciant.

§. V. De Amplificatione per congeriem
causarum & effectuum.

Quid est Amplificatio per congeriem causarum & effectuum?

R. Est ea, in qua multæ simul unius rei causæ & effectus multis conglobantur; ut si diceres cum celebris artis magistro: *Quereris multis modis vexatam esse provinciam, sed ad causas calamitatis attende. Vigebat in ea ambitus, luxuria dominabatur; segnes erant magistratus, populus ipse molli otiosaque segnitie diffuebat. Expecta igitur damna longè graviora. Exhaustentur pecunie, jacebit spreta Religio, fures impunè grassabuntur, &c.* Ex hoc eodem loco inhumanissimam Mezentii crudelitatem amplificat rex Evander apud Virgilium *Æneid.* 8.

Quid memorem infandas cædes, quid facta Tyranni (a)

Effera? Dj capiti ipsius generique reservent.

Mortua quin etiam jungebat corpora vivis,

Componens manibusque manus atque oribus ora.

(Tormenti genus) & sanie taboque fluentes,

Complexu in misero, longa sic morte necabat.

§. VI. De Amplificatione per congeriem
consequentium.

Quid est Amplificatio per congeriem consequentium?

R. Est ea, in qua plura ponuntur acervatim ex eadem re consequentia. Ex hoc loco Virgilius noctem egregie describit *Æneidos* 4. amplificando res varias, quæ noctem fermè consequuntur.

Nox erat, & placidum carpebant fessa soporem

Cor-

(a) Mezentius inhumanissimus Tyrannus, seu Hetruscorum Tyrannus, qui pro Turno contra Æneam pugnavit.

Corpora per terras, silvæque & sæva quierant
 Æquora, cùm medio volvuntur sidera lapsu,
 Cum tacet omnis ager, pecudes pictæque volucres,
 Quæque latus latè liquidos, quæque aspera dumis
 Rura tenent; somno (a) positæ, sub nocte silenti,
 Lenibant curas & corda oblita laborum.

§. VII. De Amplificatione per comparationes,
 similitudines, & exempla.

Quid est Amplificatio per comparationes, similitudines & exempla?

R. Est ea, quæ fit per unam, vel per multas comparationes ac similitudines, & per unum exemplum, vel per plura. Fiet Amplificatio per plures comparationes, si dicas, v. g. cum Tullio in Pisonem: *Ego non te recordem, non furiosum, non mente captum, non tragico illo (b) Oreste, aut Athamante dementiorem putem?* Vel si dicas cum Martiali, in improbum quemdam Gaurum, qui sua lutulenta vitia magnorum virorum exemplo solebat excusare.

In Gaurum.

Quòd nimio gaudes noctem producere vino,
 Ignosco; vitium, Gaure, (c) Catonis habes.
 Carmina quòd scribis Musis & Apolline nullo,
 Laudari debes: hoc (d) Ciceronis habes.

Quòd vomis, (e) Antoni, quòd luxuriaris,
 (f) Apici:

Quòd fur es; vitium, dic mihi, cujus habes?

Fit Amplificatio per unam tantum similitudinem in hoc Virgilii loco, ubi fortissimam Amazonem Camillam

(a) *Positæ*, idest, *jacentes*. Somno autem lenibant curas &c. (b) *Orestes Agamemnonis filius*, furis aggratus fuit ob Clytemnestram matrem occisam. *Athamas*, Thebanorum Rex, furis etiam aggratus.

(c) *Cato Uticensis* quàm saepe mirò incaluerit, testis Horatius. (d) *Cicero non bonus Poeta fuit*.

(e) *Qui frustis vinolentis gremium suum & totum tribunal implevit*. (f) *Apicius belluo celeberrimus*.

millam de imbelli hoste nullo labore triumphantem
sic exprimit *Æneid.* 11.

Quam facile accipiter saxo sacer ales ab alto
Consequitur pennis sublimem in nube columbam,
Comprehensamque tenet, pedibusque eviscerat uncis.
Tum cruor & vulsæ labuntur ab æthere plumæ.

Itemque in Libro septimo, ubi Regina Amata (a)
furorem ac circumcursationes depingit lepidissima tur-
binis verberare à pueris agitati similitudine.

Ceu quondam torto volitans sub verbere turbo
Quem pueri magno in gyro, vacua atria circum,
Intenti ludo exercent: ille actus habena
Curvatis fertur spatiis: stupet inscia turba,
(b) Impubesque manus mirata volubile buxum.
Dant animos plagæ. Non cursu segnior illo,
Per medias urbes (c) agitur, populosque feroces.

Addite denique pulcherrimam istam juvenis (d)
Pallantis à Turno occisi cum flosculo decerpto com-
parationem, quam Scaliger quovis nectare dulciorem
non veretur appellare.

Hic juvenem agresti sublimem in stramine ponunt,
Qualem virgineo demessum pollice florem,
Seu mollis violæ, seu languentis hyacinthi,
Cui neque fulgor adhuc, necdum sua forma recessit.

§. VIII. De Amplificatione per consiſtentionem contrariorum.

Quid est Amplificatio per consiſtentionem contrariorum
& inter se pugnantium?

R. Est ea, qua plura contraria per antitheses op-
ponuntur, ut illa Ciceronis in Catilinam: Hoc vero
quis ferre possit, inertes homines fortissimis insidiari,
stultissimos prudentissimis; ebriosos sobriis; dormientes vi-
gilan-

(a) Erat Latini Regis conjux. (b) Insuherum, id est,
Puerorum turba. (c) Regina Amata.

(d) Erat Evandri regis filius. *Æneid.* 11.

gilantibus? Indidem est illud ejusdem Ciceronis in Pisonem & Gabinium Consules: Qui latrones igitur, si quidem vos Consules? qui pædones? qui hostes? qui proditores? qui Tyranni nominabuntur? Magnum nomen est, magna species, magna majestas Consulis. Non capiunt angustie pectoris tui; non recipit levitas ista, non egestas, non infirmitas ingenii sustinet, non insolentie rerum secundarum tantam personam, tam gravem, tam severam.

Sic etiam Seneca in (a) Thyeste;
Quem dies vidit veniens superbum,
Hunc dies vidit fugiens jacentem.

Tale est etiam incerti auctoris, sed tamen antiqui in Alexandri magni tumulum,

Sufficit huic tumulus, cui non suffecerat orbis:
Res brevis huic ampla est, cui fuit ampla brevis.

Ex hoc eodem loco magni nominis Poeta Santorius Victorinus admirabiles Sanctorum virtutes amplificat per congestas antitheses (b).

Illis summa fuit gloria despici,
Illis divitiæ pauperiem pati;
Illis summa voluptas
Longo supplicio mori.

§. IX. De Amplificatione per incrementum.

Quid est Amplificatio per incrementum?

R. Est ea, qua oratio velut per gradus videtur augeri & ascendere, donec ad summum pervenerit. Ita Tullius Verris crudelitatem eò per incrementum deducit, ut verba explanando crimini non ultrà suppeditent: *Facinus est, inquit, vivere civem Romanum: prope parricidium necare: quid dicam, in crucem tollere? Nihil addi jam videtur ad hanc amentiam, improbitatem, crudelitatemque posse.*

Vide

(a) *Tragedia sic inscripta, Actu 2. vers. 614.*

(b) *In hymno de sanctis Monachis.*

Vide etiam quomodo per gradus & per incrementum assurgat oratio in hac sapientissima Senecæ sententia in Epistola ad Lucilium: *Magna vitæ pars elabitur malè agentibus: maxima nihil agentibus: tota aliud agentibus.*

De Amplificatione verborum.

De hoc toto Capite tametsi sumus propediem accuratissimè dicturi; postulat tamen instituti nostri ratio, ut cursim illud in antecessum (a) delibemus.

Quomodo fit Amplificatio verborum?

R. Fit sex præcipuè modis. 1. Per verba translata, seu metaphorica. 2. Per verba superlata. 3. Per verba synonyma. 4. Per verba gravia & illustriora. 5. Per periphrasim, seu circumlocutionem. 6. Per repetitionem.

§. X.

Fit igitur primum Amplificatio verborum per verba metaphorica, quæ nempe mirum in modum valent ad excitandos animos, & ad orationem grandiore efficiendam.

Quid est Metaphora, seu translatio?

R. Est quoddam loquendi genus, quo vox aliqua à propria sua significatione transfertur ad aliam, v. g. si dicas: *Prata videre, parietes gestire gaudio, aliquem esse ira incensum, inflammatum cupiditate, errore lapsum*: voces illæ omnes sunt metaphoricae, quia tribuunt pratis & parietibus risum & gaudium, quæ propria sunt hominis solius. Idem planè dicito de ceteris locutionibus, quæ tribuunt homini flammam, & incendium ignis proprium, &c. Fiet igitur Amplificatio per Metaphoram, si cum Virgilio dicas de Ænea irato.

(b) - - - Irarumque omnes effundit habenas.

Vel

(a) Ital. *Anticipatamente.* (b) Lib. 12.

Vel si dicas de Didone:

(a) - - - Magnoque irarum fluctuat æstu.

Quia habenas, & æstum, quæ propriè conveniunt equis ac fluctibus, tribuit Æneæ & Didoni. Item si de homine impavido & imperterritito dicas cum Horatio in Odis: (b)

Illi robur & æs triplex

Circa pectus erat, qui fragilem truci

Commisit pelago ratem

Primus.

§. XI.

2. **F**It Amplificatio per verba superlata, hoc est; quæ veritatem superant, & plus dicunt quàm reapse esse possit. Ut cùm ait Tullius de Julio Cæsare, in oratione pro Marcello: *Domuisti gentes immanitate barbaras, multitudine innumerabiles, locis infinitas, omni copiarum genere abundantes.* Itemque cùm dicit de Pompejo in oratione pro lege Manilia: *Qui sæpius cum hoste conflixit, quàm quisquam cum inimico concertavit; plura bella gessit, quàm alii legerunt: plures Provincias confecit, quàm alii concupiverunt: cujus adolescentia ad scientiam rei militaris non alienis præceptis, sed suis imperiis; non (c) offensionibus belli, sed victoriis: non stipendiis, sed triumphis est erudita.*

Hanc amplificandi artem adhibuit Virgilius Æneidos lib. 12. cùm de Turni equis dixit per Hyperbolem:

Qui candore nives anteirent, cursibus auras.

Item cùm de equo Trojano dixit.

Instar montis equum divina Palladis arte
Ædificant.

Sed nusquam magis indulgisse videtur huic schemati (d) quàm cùm Amazonem (e) Camillam laudans libro septimo dixit per verissimam hyperbolem:

Ille

(a) Lib. 4. (b) Lib. 1. (c) Ital. *sinistri incontrì.*

(d) Ital. *Figura.* (e) *Camilla Velscorum Regina bellicosissima, pro Turno adversus Æneam tulit auxilium.*

Illâ vel intactâ segetis per summa volaret
Gramina, nec teneras cursu læsisset aristas:
Vel mare per medium, fluctu suspensa tumentî
Ferret iter, celeres nec tingeret æquore plantas.

§. XII.

Quomodo fit Amplificatio per verba synonyma?

R. Iit per congeriem verborum & sententiarum idem pœnè significantium: ut cùm ait Cicero pro Ligario: *Quid enim, Tubero, tuus ille districtus in acie Pharsalica gladius agebat? cujus latus mucro ille petebat? qui sensus erat armorum tuorum? quæ tua mens? oculi? manus? ardor animi? quid cupiebas? quid optabas?* Vide quàm multa sint hîc verba idem pœnè significantia: *gladius, mucro, arma, sensus, mens, animus, cupiebas, optabas.* Quæ sanè Synonymorum coacervatio acrem in primis & illustrem reddit orationem, ut liquet ex hoc alio ejusdem Ciceronis exemplo in Catilinam: *Non feram, non patiar, non sinam;* & ex duobus hîsce Virgilii versibus Æneidos Libro primo, ubi Ilioneus Æneæ sortis adhuc ignarus, sic de illo ad Didonem:

Quem si fata virum servant: si vescitur aura
Ætheria; nec adhuc crudelibus occubat umbris.

§. XIII.

Quomodo fit Amplificatio per verba graviora, & illustriora?

R. Fit cùm adhibentur verba splendida, quæ rem significantiùs exprimant, & in quibus plenum quiddam, numerosum & sonans esse videatur; cujusmodi sunt ista: *Polluerat stupro sanctissimas religiones; Senatus gravissima decreta perfregerat.* Itemque illa in Verrem: *Non enim furem, sed raptorem; non adulterum, sed expugnatorem pudicitiae; non sacrilegum, sed hostem sacrorum religionumque; non sicarium, sed crudelissimum carnificem civium sociorumque in vestrum judicium adducimus.*

Ejusdem etiam generis sunt magnifica illa Virgilia verba de Didone moritura.

At trepida & cæptis immanibus effera Dido,
Sanguineam volvens aciem, maculisque tremantes
Interfusa genas, & pallida morte futura,
Interiora domus irrumpit limina, & altos
Conscendit furibunda rogos, ensenque recludit
Dardanium, non hos quæsitum munus in usus.

§. XIV.

Quomodo fit Amplificatio per periphrasim, seu circumlocutionem?

R. Fit, cum longiori verborum ambitu circuituque dicimus quod brevius ac simplicius dici poterat. Ita Cicero pro Milone, cum gravius videretur dicere Clodium à Milone fuisse occisum; maluit illud hac verborum circuitione mollire: *In quos intentos ira, vitamque domini desperantes cum incidisset, hæsit in penis, quas ab eo servi fideles pro domini vita expetierunt.*

Circumlocutione Virgilius utitur *Æn.* 12. cum pro hac una voce *Moritur*, sic ait:

Olli dura quies oculos & ferreus urget
Somnus: in æternam clauduntur lumina noctem.

Et in ecloga prima, ubi pro hac una voce *Jam advesperascit*, longiori hac, tritaque utitur periphrasi:

Et jam summa procul villarum culmina fumant,
Majoresque cadunt altis de montibus umbræ.

Nota Periphrasim apud Poetas esse frequentiorē, quàm apud Oratores. Quod si non idonea sit, vel si nimis redundet, jam non appellabitur *Periphrasis*, sed *Perissologia*. (2)

§. XV. De Amplificatione per repetitionem.

Quomodo fit amplificatio per repetitionem?

R. Fit cum verbum idem, sive ornatus causa, sive

(2) Id est sermonis redundancia.

sive ad motus excitandos iteratur, duplicaturque vel in principio, vel in fine, vel in medio dictionis. Ut cum ait Tullius: *vidi enim, vidi, penitusque perspexi*. Sed utitur in primis hoc Amplificationis genere in exordio Orationis pro Roscio Amerino, cum ait; *Accusant ii, qui in fortunas ejus invaserunt: Causam dicit is, cui præter calamitatem nihil reliquerunt. Accusant ii, quibus occidi patrem Sexti Roscii bono fuit. Causam dicit is, cui non modo luctum mors patris attulit, verum etiam egestatem. Accusant ii, qui hunc ipsum jugulare summe cupierunt: Causam dicit is, qui etiam ad hoc ipsum judicium cum præsidio venit, ne hic ibidem ante oculos vestros trucidetur. Denique accusant ii, quos populus poscit; Causam dicit is, qui unus relius ex illorum nefaria cæde restat.*

Quantoperè verò valeat Repetitio ad addendam vim pondusque orationi, & ad affectus ciendos, discere poteris ex sequentibus exemplis. Priora tria sunt ex heroicis Ovidii Epistolis, in quibus, si quid judico, præ cæteris omnibus illius operibus, elegantiae, ingenii & eloquentiae lumen quoddam elucet: in primo sororem Annam sic compellat infelix Dido:

Anna soror, soror Anna, meæ malè conscia culpæ.

In altero Demophoontem (a) ita compellat Phyllis;
Credidimus blandis, quorum tibi copia, verbis:
Credidimus generi, numinibusque tuis.

Credidimus lacrymis: an & hæc simulare docentur?

Hæc quoque habent artes, quaque jubentur, eunt.

In tertio conjux Herculis Dejanira, cum illi per imprudentiam mortem intulisset, in has justî doloris voces erumpit identidem:

Impia quid dubitas Dejanira mori?

Hei mihi quid feci? quod mo furor egit amantem?

Impia

(a) Demophoon Thebei ex Phædra filius, a Phyllide Lycurgi regis filia hospitio & lecto susceptus, data prius futuri conjugii fide.

Impia quid dubitas Dejanira mori?
 Illita (a) Nessējo nisi tibi texta veneno,
 Impia quid dubitas Dejanira mori?

Quibusnam potissimum figuris varianda erit & distinguenda Amplificatio?

R. Præcipua, quæ Amplificationem ornant, Schemata sunt Hypotyposis, & Exclamatio, de quibus suprâ dictum à nobis est. Quibus addito tria alia, nempe Prosopopœjam, Apostrophem, Interrogationem, ceterasque id genus vehementiores figuras, de quibus agendum nobis erit in Libro de Elocutione.

§. XVI. Quid sit in Amplificatione vitandum.

Duo sunt in primis vitia, ac veluti scopuli quidam duo, in quos incurrere solent Tyrones, dum orationem amplificant. Primus scopulus est illorum, qui minutissima quæque singulatim, exiliter, & perexigue consectantur; quod certe est in Oratore vitium vel maximum. Ut enim rectè monet Cicero, in Amplificationibus nihil est nimis tenuiter enucleandum, quia hic locus grandia potius, quam exilia, minutaquæ requirit.

Alter scopulus est illorum, qui ad explendum orationis numerum, nihil nisi vacuas voces, & inanem verborum sonitum in illam infarciunt. Hoc vulgare vitium fugies, si nihil prorsus dicas, quod vim & pondus non addat orationi, & sensum non augeat. *Quid est enim tam furiosum, inquit Tullius Libro 1. de Oratore) quàm verborum vel optimorum sonitus inanis, nulla subjecta sententia?* Et ut sapientissimè præcipit Horatius in Arte Poetica: sint tibi provisæ, paratæque, & ad manum, ut ita dicam, sententiæ; voces ipsæ ultro sese offerent, & ad exprimenda animi sensa nullo labore succurrent:

Verbaque provisam rem non provisæ sequentur.

Quam-

(a) Centauri Nessi veste qua indutus Hercules in furorē versus est.

Quamquam, ut dicam id, quod res est, si Tyroni peccandum sit in alterutram partem, malim certè ut, instar Ovidii, peccet potiùs ubertate quadam copiaeque verborum, quàm eorundem jejunitate atque inopia; quia, ut optimè notat Tullius, nimia hæc & redundans verborum ubertas, & quasi luxuries stylo atque exercitatione brevì depascetur.



APPARATUS,

SEU PRO-OEMIUM

RHETORICÆ.

Rhetoricæ Proœmium, sive Apparatum appellamus ea omnia, quæ pertinent universim ad Artem Rhetoricam. Quinque autem sunt, quæ de Rhetorica generatim & universè, prolusionis more, quæri possunt.

1. Quæ sit natura & finis Rhetoricæ.
2. Quæ sit illius materia.
3. Quæ sint illius partes.
4. Quæ sit dignitas, vis & utilitas Rhetoricæ.
5. Quibus rebus ac subsidiis possit facilè comparari.

§. I. De natura, & fine Rhetoricæ.

Quid est Rhetorica?

R. Est ars, seu disciplina benè dicendi; hoc est ornatè, graviter & copiosè loquendi. Ita *Quintilianus, lib. 2.*

Unde nomen suum traxit Rhetorica?

R. A voce græca, *ῥήτωρ*, dico, loquor, unde *ῥήτωρ*, Rhetor, Orator, & *ῥητορικὴ*, ars Oratoria.

Quare vocatur ars?

C 5

R. Quia

R. Quia certis quibusdam & nunquam fallentibus præceptis continetur.

Quare dicitur ars bene dicendi?

R. Quia docet quomodo optimis sententiis verbisque lectissimis dici possit.

Undenam orta est ars illa bene dicendi?

R. Notatio naturæ & animadversio peperit artem. Cum enim aliqui nativa quadam facultate, sine ullo artis subsidio, bene dixissent; alii contra insulse omnino & malè; extitit aliquis, qui discrimen illud observaret attentius; qui causas illius indagaret sedulè: atque ita rem sensim ad artem ac præcepta revocaret, & quasi viam traderet, quæ ad eloquentiam tuend ferret. Unde liquet, non esse eloquentiam natam ex artificio; sed potius artificium ex eloquentia natum, atque profectum.

Quid differunt inter se Rhetor & Orator?

R. Hoc differunt, quodd Rhetor sit, qui bene dicendi præcepta tradit; Orator verò sit is, qui accommodatè ad persuadendum dicere potest: tamen si erretur persæpè in nomine, & aliud pro alio indiscriminatum accipiatur.

Quisnam est finis ultimus Artis Oratoricæ?

R. Est persuadere dictione: hoc est, diserta oratione quempiam impellere ad aliquid vel credendum, vel agendum, vel omittendum.

Quodnam est officium Oratoris?

R. Est dicere appositè ad persuadendum; quod fiet docendo, delectando & movendo. Docemus argumentis & argumentatione; delectamus ornato, illustri & apto dicendi genere, flectimus amplificatione & affectibus. Docere necessitatis est; delectare suavitatis; movere verò, seu flectere victoriæ: atque hic demum est verissimus eloquentiæ triumphus.

Unde erit ille summus & perfectus Orator, qui cum appositè dixerit ad persuadendum, hoc est, ad docendum, delectandum & movendum; se ipsa tam-

men ; sive auditoris vitio , sive quacumque demum alia de causa , non persuaserit .

§. II. De Materia Rhetoricæ .

Quamnam est materia cujusque Artis in genere ?

R. Ea est , circa quam versatur Ars ; ut Medicinæ materia sunt morbi , quia in iis curandis Medicina versatur .

Quenam est speciatim materia Rhetoricæ ?

R. Nihil omninò est in rerum natura , de quo ornatè , eleganter & copiosè disputare non possit Orator . Ut enim observat Cic. 2. de Orat. *Benè dicendi Ars non habet definitam aliquam regionem , cujus terminis septa teneatur* . Unde ajo cum Aristotele , Rhetoricæ materiam esse (a) quamlibet quæstionem ad dicendum propositam .

Quotuplex est quæstio , quæ Oratori ad dicendum proponi potest ?

R. Duplex . Alia est infinita , seu universalis : alia finita , seu singularis . Quæstio infinita , quæ vocatur etiam *Thesis* , ea est , quæ nullis alligatur temporis , loci & personæ circumstantiis : ut , si quæretur generatim atque universè . *Sitne bellum gerendum , vel pax facienda ?*

Quæstio finita , quæ etiam vocatur *Hypothesis* & *causa* sive *controversia* , ea est , quæ universalem quæstionem restringit ac revocat ad certas quasdam personæ , temporis , loci , reique circumstantias : ut , si quæretur , *Sitne hoc anno nobis pax facienda , iis , quæ ab hostibus feruntur , legibus ac conditionibus ?*

Quæstio autem , sive finita sit , sive infinita , dividitur quadrifariam : primò in quæstionem cognitionis & actionis . Quæstio cognitionis ea est , quæ instituitur solius scientiæ gratia : ut , *Quæ sit causa defectus solis , sit ne terra major quàm luna ?* Quæstio actionis ea est , cujus finis est aliquid efficere ; ut ,

An

(a) τὸ πᾶσι .

An liceat vim vi repellere . . . an sit inimicis ignoscendum?

Præterea quæstio vel est principalis, vel incidens. Principalis ea dicitur, quæ præcipuè venit in controversiam; Incidens vocatur, quæ tractatur propter aliud.

Quot sunt universim genera quæstionum, siue causarum, in quibus versari potest Orator?

R. Tria, Genus judiciale, genus deliberativum, & genus exornativum, seu demonstrativum, quod à Græcis vocatur Epidicticum.

Quid spectatur in genere judiciali?

R. Accusatio & defensio.

Quid spectatur in genere deliberativo?

R. Suasio, & dissuasio.

Quid in exornativo?

R. Laus & vituperium. Unde generis judicialis finis est æquitas; Deliberativi utilitas; Demonstrativi honestas. Judiciale genus versatur circa tempus præteritum; Deliberativum circa tempus futurum; Demonstrativum verò circa præteritum simul & præsens.

§. III. De Partibus Rhetoricæ.

Que, & quot sunt primariæ partes Rhetoricæ?

R. Quatuor: Inventio, Dispositio, Elocutio, & pronuntiatio; quemadmodum sunt præcipuæ quatuor Oratoris partes: 1. Argumenta invenire: 2. Inventa disponere: 3. Disposita verbis exornare: 4. Exornata pronuntiare. Sunt qui pro quinta parte memoriam statuant; sed nos cum Aristotele illam ad pronuntiationem revocamus.

Quid est inventio?

R. Est excogitatio rerum verarum, aut verissimilium, quæ valeant tum ad faciendam fidem, tum ad motus excitandos.

Quid est dispositio?

R. Est rerum inventarum in ordinem distributio.

Quid

Quid est Elocutio?

R. Est idoneorum verborum & sententiarum ad res inventas accommodatio.

Quid est Pronuntiatio?

R. Est vocis ac corporis ea moderatio, quam res inventæ ac verba requirunt.

§. IV. De dignitate, & utilitate Rhetoricæ.

Quenam est Rhetoricæ dignitas, vis & utilitas?

R. Nihil addi potest ad hæc illustria Tullii verba, libro 1. de Oratore: *Quid est, inquit, aut tam admirabile, quàm ex infinita multitudine existere unum, qui id quod omnibus natura sit datum, vel solus, vel cum paucis facere possis? aut tam iucundum cognitu atque auditu, quàm sapientibus sententiis, gravibusque verbis ornata oratio, & perpolita? aut tam potens, tamque magnificum, quàm populi motus, iudicum religiones, Senatus gravitatem unius oratione converti?* Quid majus, quid splendidius dicere posset eloquentia, si pro se ipsa loqueretur?

De subsidiis Rhetoricæ.

Quibus potissimum subsidiis omnes illæ, quas diximus, Rhetoricæ partes comparari poterunt?

R. Quatuor: natura, arte, exercitatione & imitatione.

Quid natura confert ad eloquentiam?

R. Ex parte animi confert celeres motus ad excogitandum acutos, ad ornandum uberes, ad memoriam firmos ac diuturnos. Ex parte verò corporis confert latera firma, canoram vocem, solutam linguam, aptamque oris, & totius corporis conformationem.

Quid facit ars ad eloquentiam?

R. Excolit quæ dedit natura; supplet quæ illi desunt: quæ vero redundant luxuriantque, castigat atque coercet. Unò verbo; certissimam, veluti digito, monstrat viam, qua ad eloquentiam tutò perveniatur.

Quid

Quid affert exercitatio?

R. Conservat & auget quæ ars expolivit, aut emendavit in natura. Multi enim naturæ vitium exercitatione sustulere, ut olim Demosthenes, aliiq̃ sexcenti.

Quid est exercitatio?

R. Est assiduus usus & consuetudo dicendi, vel scribendi; quod quidem valdè facit ad eloquentiæ laudem adipiscendam. Ut enim ait Cicero: *Stylus est optimus dicendi effector & magister*. Triplex est autem exercitationis genus, nempe *Scriptionis, æstimationis & memorie*.

DE IMITATIONE.

Quenam est imitationis utilitas?

R. Facit imitatio, ut optimo cuique auctori similes in dicendo evadamus, & quæ sunt in eo summa, diligenter persequamur. Et quoniam imitatio, si rectè fiat, multum affert ad eloquentiam, & pauci admodum imitari sciunt, ut par est; idè de imitandi ratione fusiùs aliquid & uberius disputandum nobis esse existimavimus.

Quenam igitur est vera rectaque imitandi via & ratio?

R. Multiplex.

1. Cave vulgare quoddam ac mediocre tibi proponas exemplar, *Mox daturus progeniem virtuosiorẽ*, sed deligatur imitandus summus aliquis & excellens auctor, in quem tota mente intuearis. Is autem erit, in Poetis fermè Virgilius, qui ceteros omnes Poetas longè post se reliquit, &, ut ipse loquitur de Turno, *toto vertice supra est*. In oratoria verò arte deligatur unus Cicero, de quo, quàm tritum ac pervulgatum, tam verum est illud Quintiliani dictum: *Ille sciat se profecisse, cui Cicero valdè placere cuperit*; & in quem bellissimè cadit magnifica illa Senecæ (a) de illo vox, *Ingenium, quod solum populus R. par imperio*

(a). Controv. Lib. 2.

rio sua habuit, & ut non minùs splendide de eodem Tullio dictum fuit à Vellejo Paterculo: *Vir ingenio maximus, qui effecit, ne, quorum arma viceramus, eorum ingeniis vinceremur.*

2. Non optimos solùm auctores imitaberis, verùm etiam quæ in illis optima sunt, ac præstantissima: Si, v. g. scribenda tibi sit oratio latina, habebis præ oculis loca illa eximia, in quibus se plurimùm amavit Cicero, & in quibus sese ipse videtur quomodo videtur quodammodo vicissè, cujusmodi sunt illius pleræque perorationes. Illas inter scribendum lectitabis identidem, ut illarum assidua lectio Tulliani styli germanum tibi saporem & gustum aspergat.

Ut verò semper habeas in promptu selectissima quæ subinde possis imitari luculentissimorum auctorum loca; copiosum, summaque cura elaboratum illorum indicem tibi ad nostræ Rhetoricæ amplioris calcem exhibentus.

3. Illustria hæc, quæ dixi, loca neque pueriliter imitaberis, neque serviliter, putidèque, ut solent homines illi, quos jure optimo ridet Horatius, dum ait; *Q imitatores servum pecus*: & ut à benè multis fieri video, qui cùm picarum, aut psittacorum more easdem omnino voces reddiderint, tum denum magnos se veterum imitatores arbitrantur. Tu verò quæcumque imitaberis, sic facies tua, ut eruditæ & emundæ naris hominibus appareat imitatio; sed tamen res omninò alia, tibi que propria facta jam esse videatur.

Tua autem facies hæc veterum scriptorum loca, tibi que illa quasi jure tuo poteris vindicare.

Primò, si vim ac pondus sententiæ retineas: verba verò vel omnia, vel magna ex parte saltem immutes. Dixerat olim Tullius: *Virtus est una altis defixa radicibus, quæ nulla unquam vi labefactari potest.* Hanc egregiam Tullii sententiam vide quàm scienter, mutatis omnino verbis, exprimat Horatius, cùm dicit de homine prebo & in colenda virtute constanti.

(2) Si fractus illabatur orbis,

Impa-

Impavidum fecient ruinæ.

Sic etiam cum dixisset idem Cicero Philippica nona: *Vellem, Dii immortales fecissent, ut vivo potius Servio Sulpitio gratias ageremus, quam mortuo honores quæreremus.* Hanc eandem sententiam, mutatis omnino verbis, ingeniosè admodum expressit Ovidius Lib. 13. Metamorphoseon, ubi Ulysses de Achillis mortui armis certantem cum Ajace, & pro se ita loquentem inducit:

Si mea cum vestris valuissent vota (a) Pelasgi,
Non foret ambiguus tanti certaminis hares:
Tuque tuis armis, nos te potiremur, Achille.

Secundò, si eadem fermè servando verba, transferas illa ad alium sensum, vel similem, vel contrarium: v. gr. dixit Tullius in Antonium: *O audaciam immanem! Tu ingredi illam domum ausus es? tu illud sanctissimum limen intrare? tu illarum ædium Diis Penatibus os importunissimum ostendere?* Poteris verba hæc paululùm immutata in Judam, hortos ad Christum prodendum subeuntem, opportunè transferre.

Sic etiam Catilinariæ primæ exordium ad aliud argumentum nullo labore ita convertent vel ipsi mehercule tyrunculi: Quousque tandem, homo nequam atque improbe, intemperanter abutere divina patientia? Quamdiu illam eludet vita ista tua omni scelerum genere cooperta? Quem ad finem se inveterata tua jacabit impietas? Nihil ne te impendentia mortis pericula, nihil inferorum pænæ, nihil in te Divinæ justitiæ gladius, nihil terror conscientiæ, nihil severissimi judicis tribunal, nihil illius os vultusque movebunt? Patere tua flagitia non sentis, &c.

Tertio, rectè imitaberis, si figuras, si periodos, si transitiones, si commissuras incisaque & totum orationis ductum, ac filum potius imiteris, quam verba ipsa, vel ipsas sententias. Dixit, v. gr. Cicero Philippica II. *Non placeat Antonio consulatus meus: at placuit P. Servilio, ut cum primum nomen ex illius temporis*

(a) Sic appellati vetustissimi Gracii populi.

poris consularibus, qui primus mortuus est: Placuit Quinto Lutatio Catulo, cujus semper in hac Republica vivet auctoritas: Placuit duobus Lucullis, M. Crasso, Q. Hortensio, C. Curioni. Maxime verò Consulatum meum Cn. Pompejus prævavit. Hanc figuram transferre poteris eleganter in eos, quibus non placent humaniores Litteræ, quas omnium ordinum ac ætatum viri sapientissimi in deliciis habuerunt.

Quartò, laudem habebit imitatio, si propositum exemplar vel in pauca contrahas, vel amplificando fusiùs uberiusque dilates. Ita cum Virgilius dixisset
1. Georgicorum:

Prima Ceres ferro mortales vertere terram Instituit.

Hunc eundem locum imitando, fusiùs, more suo, amplificavit Ovidius V. Metamorph.

Prima Ceres unco glebam dimovit aratro:

Prima dedit fruges, alimentaque mitia terris:

Prima dedit leges: Cereris sunt omnia munus.

Contra verò cum à Tullio fusiùs ac uberius dictum fuisset de Cæsare, in oratione pro Marcello.

Bellicas laudes solent quidam extenuare verbis, easque detrahere ducibus, communicare cum militibus, ne propriae sint Imperatorum. Et certè in armis militum viratus, locorum opportunitas, auxilia sociorum, classis, comitatus multum juvant. Maximam verò partem quasi jure suo fortuna sibi vindicat, & quidquid est prosperè gestum, id planè omne dedit suum. At verò hujus gloriæ, C. Cæsar, quam es paulo ante adeptus, socium habes neminem. Totum hoc, quantumcunque est, quod certè est maximum, totum est, inquam, tuum. Nihil sibi ex ista laude centurio, nihil præfectus, nihil cohors, nihil turma decerpit. Quin etiam illa ipsa rerum domina Fortuna in istius se gloriæ societatem non offert: tibi cedit; tuam esse totam ac propriam fatetur. Totam hanc ornatissimam laudationem in duos versiculos ita collegit Poeta egregius.

Gloria vincendi juncta est cum milite, Cæsar,

Cæsar

Tecum cecidit, summusque dies
Hectoris idem patriæque fuit.

Hanc Ennianam imitationem aliquando mirantibus amicis festivè admodum respondit Virgilius, *se ex Ennii stercore gemmas aurumque colligere*. Cum verò assidua hæc diligensque veterum imitatio vitio illi verteretur, ut sit ab invidis & obrectatoribus, cumque illi malevolentiae livore suffusi palam jactarent in vulgus, illum pleraque ab Homero sumpsisse, hoc uno responso calumniatoribus os obstruere, illosque penitus elingues reddere consueverat Virgilius: *Cur non ipsi quoque eadem furta tentarent? Verùm intellecturos, facilius esse Herculi clavam detrahere, quàm Homero vel unum eripere versum, illumque ad rem suam accommodare*.

Ratio tamen quædam est tyronibus præsertim adhibenda, ne, dum propositum sibi exemplar conantur vincere, & dum ab illo paululùm, sed in meliùs aberrare satagunt, prava quadam imitatione ab illo prorsus deficient, & in pejus aberrant, quod Lucano præsertim contigisse videmus.

Cùm enim mirificè, sed sobriè tempestatem ita descripsisset Virgilius *Æneidos* primo:
Incubuerè mari, totumque à sedibus iniis
Una Eurusque Notusque ruunt, creberque procellis
Africus, & vastos volvunt ad littora fluctus.
Eripiunt subitò nubes cælumque diemque
Teucrorum ex oculis, ponto nox incubat atra,
Intonuere poli, & crebris micat ignibus æther,
Præsentemque viris intentant omnia mortem.

Hunc Virgilii locum cùm sibi vel imitandum, vel superandum proposuisset Lucanus, immodico quodam calore raptus, suoque nimium velificatus ingenio, & laxatis illi velut habenis, sic aberravit in pejus:
Ah, quoties frustra pulsatos æquore montes
Obruit illa dies! quam celsa cacumina pèssum
Tellus victa dedit! non ullo littore surgunt
Tam validi fluctus, alioque ex orbe voluti,
A magno venire mari: mundumquo coercens
Monstriferos agit unda sinus.

ARTIS RHETORICÆ

LIBER PRIMUS.

DE ELOCUTIONE.

Quid est Elocutio?

R. Elocutio, inquit Tullius, est idoneorum verborum, & sententiarum ad res inventas accommodatio.

Cur tandem, & quorsum ab Elocutione, contra quam fieri solet, exordimur?

R. Tametsi ex quatuor Rhetoricæ partibus, ordine naturæ, prima sit Inventio; quia tamen plusculum difficultatis habet, idcirco eam Elocutioni postponendam esse cum erudito Vossio, aliisque artis Rhetoricæ magistris benè multis, judicavimus.

Cùm enim verborum delectus origo sit eloquentiæ, ut ait Julius Cæsar in suo de analogia, seu de ratione Latine (a) loquendi Libro, quem Ciceroni nominatim nuncupavit; & cùm verborum cura, quæ ad Elocutionem pertinet, sit longè faciliior quàm cura rerum, quæ spectat ad Inventionem; liquet profectò nos Tyronum commodis utilitatique servire, dum Aristotelis ordine nonnihil immutato, ab Elocutione ducimus initium, & in primo artis oratoriæ quasi limine vestibuloque paulisper hæremus, priusquàm in intima illius penetralia pedem (b) ausimus inferre.

Uc

(a) Cicero in Bruto.

(b) Penult. producta, pro audeamus.

Ut huic eidem Tyronum utilitati consulatur, nostrum hunc de Elocutione librum trifariam dividimus. Agendum nobis est primò de Figuris, in quibus nullo ferme negotio se solent exercere vel ipsi Tyrunculi. Secundò dicetur de Periodo, in qua videtur plusculum esse negotii. Tertio tractabimus de Stylo; à faciliioribus, ut par est, ad difficiliora sensum progrediendo.

C A P U T P R I M U M.

De Figuris, seu schematibus.

Figura, ut diximus in Elementis, est ornamentum quoddam Orationis, seu loquendi modus illustrior, & à communi consuetudine remotus; cujusmodi sunt hæc Ciceronis verba in Catilinam: *Vivis, & vivis non ad deponendam, sed ad confirmandam auctoritatem.* Itemque illa Didonis morientis (a) verba:

— — — Moriemur inultæ?

Sed moriamur, ait. Sic, sic juvat ire sub umbras.

Aut hæc ejusdem Didonis.

Littora littoribus contraria, fluctibus undas
Imprecor, arma armis: pugnent ipsique nepotes.

Quot sunt genera figurarum?

R. Duo. Aliæ enim versantur in (b) sententiis & sensu ipso; aliæ in verbis tantum. Quia verò res prius animo menteque concipiendæ sunt, quàm verbis exprimantur; idèd de Figuris sententiarum, quæ ad mentem pertinent, antè dicendum nobis est, quàm de figuris verborum.

§. I. De Figuris Sententiarum.

Inter Figuras Sententiarum aliæ videntur aptiores ad movendum, aliæ ad docendum, aliæ ad dele-

Am-

(a) *Æneid.* 4. (b) *Asinus & starnas.*

Etandum. Initium faciamus ab his, quæ ad movendum, seu ad animos flectendos præcipuè valent.

§. II. De Figuris ad movendum idoneis.

De Exclamatione

Cur ex omnibus figuris Exclamationem primam ordine collocamus?

R. Primam collocamus, quodd vehementiores animi motus exclamando soleamus exprimere.

Quid est exclamatio?

R. Est vocis elatio, seu contentio, qua, interjectione vel adhibita, vel subaudita, vehementiorem animi affectum significamus, rei que magnitudinem exprimimus. Ita Tullius oratione 1. in Catilinam, per summam indignationem sic exclamat: *O tempora! o mores! Senatus hæc intelligit, Consul videt: hic tamen vivit. Vivit? Imò verò etiam in Senatum venit. Et oratione 2. in Antonium: O miserum me! consumptis enim lacrymis, infixus tamen animo hæret dolor.*

Exclamatio adjunctam fermè habet aliquam ex hisce interjectionibus, *ò! heu! ah! vab! proh Superi! proh Superum, atque hominum fidem! Per sæpè tamen subauditur interjectio, ut si dicas, Miserum me! vel Hoccine Sæculum! Veteres pro interjectione o, sæpè adhibebant voces istas (a) *Ædepol! Hercle! Mehercule! Jupiter! Me castor! Medius fidius! Catullus.**

Chartis

Doctis, Jupiter! & laboriosis.

Heu & Eheu triste aliquid & molestium indicant. Ita (b) Cicero: *O domus antiqua, eheu quàm dispari domino dominaris!* Virgilius verò *Æneidos* 4.

... Tunc Carthaginiæ altæ

Fundamenta locas, pulchramque uxoribus urbem
Extruis; heu regni rerumque oblite tuarum.

Proh

(a) Quasi dicas per ædem Pollucis... ita me Hercules, me Jupiter, me Jovis filius juvet. (b) De Officiis.

Prob adhibetur sæpè ad obtestandum. Ita Terentius! *Prob* Deum atque hominum fidem, quid est si non hæc contumelia est?

Mirum in modum facit Exclamatio ad significandam indignationem doloremque ex re atroci conceptum, ut Tullius pro Cælio: *Prob* Dii immortales! cur interdum in hominum sceleribus maximis aut (a) connivistis, aut præsentis fraudis panam in diem reservatis?

Servit etiam misericordiæ. Ita pro Sylla: O miserum & infelicem diem illum, quo Consul omnibus centuriis P. Sylla renunciatus est! O fallacem, o volucrem fortunam! O cæcam cupiditatem! O præposteram gratulationem! quàm citò illa omnia ex lætitia & voluptate ad luctum & lacrymam redierunt! Et pro Milone: O terram illam beatam, quæ hunc virum exceperit; hanc ingratham, si eiecerit; miseram si amiserit! Sic etiam perfidus ille Sinon Trojanorum misericordiam exclamando captat (b):

Heu, quæ nunc tellus, inquit, quæ me æquora possunt
Accipere? aut quid jam misero mihi denique restat?

Aliquando etiam lætitiâ, animique hilaritatem exprimit Exclamatio, v. g. Cicero ad Atticum (c): O suaves epistolas tuas, uno tempore mihi datas duas? quibus evangelia quæ reddam, nescio, deberi quidem planè fateor. Evangelia verò (si quæris) erant merces allati jucundi nuntii; vel etiam sacrificia & supplicationes, quæ pro læto nuntio decerni olim à Romanis consueverant. Unde non immeritò à Cristianis Evangelium appellatum est salutiferum illud nuntium à CHRISTO veracissimo Patris Nuntio nobis allatum.

Denique Exclamatio servit interdum Ironiæ; ita (d) Tullius: O præclarum custodem ovium, ut ajunt, lupum! & in Pisonem: O stultos Camillos, Curios, Fabricios, Scipiones, Marcellos, Maximos! O amentem Taulum: rusticum Marium: nullius consilii patres istorum amborum Consulum, qui triumpharunt!

Quibus

(a) Ital. Chiudete gli occhi. (c) *Æneid.* 2,

(c) *Lib.* 2. *Ep.* 8. (d) *Philip.* 3,

Quibus potissimum in locis utendum est Exclamatione?

R. Adhibenda est præsertim in Amplificatione, in Perorationibus, & ubi res magnas auditori persuaseris. Exclamare enim in rebus minutis frigidum esset ac puerile.

§. III. De Dubitatione.

Quid est dubitatio?

R. Dubitatio est (a) Schema, quo Orator fluctuans, animique pendens dubitat aliquamdiu quid sibi agendum dicendumve sit. Ita Scipio apud Livium (b) milites alloquitur quasi dubitans: *Apud vos quemadmodum loquar, nec consilium, nec oratio suppeditat, quos ne quo nomine quidem appellare debeam, scio. Cives? qui à patria vestra descivistis. An milites? qui imperium auspiciumque abnuistis, Sacramentis religionem rupistis. Hostes? corpora, ora, vestitum, habitum civium agnosco; facta, dicta, consilia, animos hostium video.* Illustre omnino Dubitationis exemplum suppeditat nobis Virgilius, cum Didonem ita dubitantem inducit: (c)

En quid agam? rursus ne procos irrita priores
Experiar? Nomadumque petam connubia supplex,
Quos ego sum toties jam dedignata maritos?
Iliacas igitur classes, atque ultima Teucrum
Jussa sequar.

An Tyriis omnique manu stipata meorum
Insequar? Et quos Sidonia vix urbe revelli,
Rursus agam pelago, & ventis dare vela jubebo

Deinde sequitur electio, quæ sit nimirum, cum is qui dubitat, subito consilium capit, quasi oborta sit nova quadam luce:

Quin morere, ut merita es, ferroque avertè dolorem.

Est item apud Ciceronem egregium aliud ejusdem Schem-

(a) *Illebitus*, figura. (b) *Decade* 3. (c) *Æn.* 4.

Schematis exemplum in Oratore : *Utrum difficultus , aut majus esset negare tibi sæpius idem roganti , an efficere id quod rogares , diu multumque , Brute , dubitari . Nam & negare ei quem unice diligere , cuique me charissimum esse sentirem : præferim & justa petenti & præclara cupienti , durum admodum mihi videbatur , & suscipere tantam rem , quantam non modo facultate consequi difficile esset , sed etiam cogitatione complecti , vix arbitrabar esse ejus , qui videretur , reprehensionem doctorum atque prudentium .*

Habes etiam breve , sed luculentum Dubitationis exemplum in illis Tiberii verbis apud Tacitum in *Annalibus* : *Quid scribam , P. C. aut quomodo scribam , aut quid omnino non scribam hoc tempore ? Dii me Deæque pejus perdant , quam perire quotidie sentio , si scio .*

§. IV. De Obsecratione.

Quid est obsecratio?

R. Obsecratio , ut nomen ipsum per se satis indicat , sit cum alicujus sive Dei , sive hominis opem imploramus . Hoc Schemate mirum in modum utitur Tullius pro rege Dejotaro ; *Quamobrem hoc nos primum metu , C. Cæsar , per fidem , & constantiam & clementiam tuam libera , ne residere in te ullam partem iracundiæ suspicemur . Per dexteram te istam oro , quam Regi Dejotaro hospes hospiti porrexisti : istam , inquam dexteram , non tam in bellis , & in præliis , quam in promissis & fide firmiorem . Tu illius domum intrare , tu vetus hospitium renovare voluisti : te ejus Dii penates acceperunt : te amicum & placatum Dejotari regis arce sociique viderunt .*

Vehemens est etiam , atque flexanima (a) Palinuri ad Æneam obtestatio apud Virgilium *Æneid.* 6.

*Quod te per cæli jucundum lumen & auras ,
Per genitorem oro , per spem surgentis Juli ,
Eripe me his , invicte , malis . Aut tu mihi terram*

Inji-

(a) Palinurus Æneæ navis gubernator , qui somno oppressus , una cum gubernaculo in mare delapsus est .

Injice, namque potes, portusque require Velinos:
 Aut tu, si qua via est, si quam tibi Diva creatrix
 Ostendit (neque enim credo sine numine divum
 Illumina⁷ tanta paras, stygiamque innare paludem)
 Da dextram misero; & tecum me tolle per undas.

Hæc figura, præ ceteris, vehemens est, & in perorationibus potissimum solet adhiberi.

§. V. De Imprecatione.

Quid est Imprecatio?

R. Est execratio quædam, qua malum imprecamur alicui, vel etiam nobismetipsis. Tale est illud Ciceronis pro Dejotaro: *Dii te perdant, fugitive. Ita non modo nequam & improbus, sed etiam satius & amens es.* Et in Antonium: *Quia tu abi in malam rem, malumque cruciatum.* Tale est etiam illud Didonis: (a)

Sed mihi vel tellus optem prius ima dehiscat,
 Vel pater omnipotens adigat me fulmine ad umbras,

Pallentes umbras Erebi, noctemque profundam,
 Ante pudor, quàm te violem, aut tua jura resolvam.

§. VI. De Interrogatione, & Subjectione.

Quid est Interrogatio?

R. Est cum interrogamus aliquem, non tam ad rem dubiam quærendam, quàm ad urgendum instandumque, & ad vehementiorem affectum exprimendam. Ita Cicero Catilinam urget hisce verbis, *Patere tua consilia non sentis? Constrictam jam horum omnium conscientia teneri conjugationem tuam non vides? Quid proxima, quid superiore nocte egeris, ubi fueris, quos convocaveris, quid consilii ceperis, quem nostrum ignorare arbitraris?*

Quibus sanè interrogationibus Catilinam multo acrius
 .pungit

(a) *Æntid.* 4.

pungit Cicerò , quàm si frigide diceret : Patent, Catilina, tua consilia, conjuratio tua omnium conscientia constricta tenetur ; quid egeris , nemo ignorat . Similiter poterat dicere Virgilius :

Ipse ego te vidi Damonis , pessime , Caprum
Excipere insidiis , multùm latrante Lycisca .

Sed plus spiritus nervorumque habet hæc interrogatio : (a)

Non ego te vidi , Damonis , pessime , Caprum
Excipere insidiis .

Quodd si interrogationi subjiatur responsio , Subiectio vocabitur . Sic Tullius pro lege Manilia : *Quid tam novum , quàm adolescentulum privatum , exercitum difficile Reipublicæ tempore conficere ? Consecit , huic præesse ? Præfuit . rem optimè ductu suo gerere ? Gessit . Quid tam præter consuetudinem , quàm homini adolescenti , cujus à Senatorio gradu ætas longè abesset , imperium atque exercitum dari , Siciliam permitti , atque Africam , bellumque in ea administrandum ? Fuit in iis Provinciis singulari innocentia , æquitate , virtute : bellum in Africa maximum consecit , victorem exercitum deportavit .*

§. VII. De Præteritione & Reticentia .

Quid est Præteritio ?

R. Præteritio , quæ Ciceroni videtur in amore & in deliciis fuisse , sit cùm simulamus nos vel nescire vel nolle dicere id , quod vel maximè dicimus . Ita Tullius suum Pompejum magnificè laudat per præteritionem :

Itaque non sum prædicaturus , Quirites , quantas ille res domi militiæque , terra marique , quantaque felicitate gesserit ; ut ejus semper voluntatibus non modò cives assenserint , socii obtemperarint , hostes obedirent , sed etiam venti tempestatesque obsecundarint ; hoc brevissimè dicam

Habes etiam luculentam ejusdem Tullii præteritionem

nem in Vatinius: Atque illud tenebrosissimum tempus incuntes ætatis tuæ patiar latere. Licet impunè per me, parietes in adolescentia perfoderis, vicinos compilaris, matrem verberaris. Habet hoc præmium tua indignitas, ni adolescentiæ turpitudine obscuritate, & sordibus tuis tegatur.

Præteritioni vicina est & affinis Reticentia, aposiopæsis Græcè dicta, quæ fit cùm orationem abrumpimus subitò, & reticemus aliquid, ut majora auditoribus cogitanda relinquamus, quia nimirum quæ latent, graviora putantur. Tale est illud (a) Juvenalis:

Majorum primus quisquis fuit ille tuorum,
Aut pastor fuit, aut illud quod dicere nolo.

Illustre omnino hujusce Schematis exemplum nobis suppeditat Virgilius Æneid. i. ubi Neptunus ventos tumultuantes sic increpat:

Jam cælum terramque meo sine numine, venti,
Miscere, & tantas audetis tollere moles?
Quos ego sed motos præstat componere fluctus.
Post mihi non simili pœna commissa luctis.

Aposiopesi utimur ob pudorem; ut Virgilius in ecloga 3.

Novimus & qui te

§. VIII. De Expolitione.

Quid est Expolitio?

R. Expolitio, sive Commoratio, & Exornatio (nam tria hæc vocabula unum atque idem sonant) est figura ad motus excitandos valdè insignis.

Fit autem, cùm eandem sententiam variis modis versamus, ut altiùs in auditorium animis defigatur. Ita Cicero pro Sextio: *An mihi ipsi, ut quidam putant, fuit mors æquo animo oppetenda? quid? tum mortem ne fugiebam? an erat res ulla, quam mihi magis optam-*

(a) Sat. 8.

optandam putarem? tam eram rudis? tam ignarus rerum, tam expertus consilii, aut ingenii? nihil audieram, nihil videram, nihil ipse legendo, quaerendoque cognoveram? nesciebam vitæ brevem esse cursum, gloriæ sempiternum? quum esset omnibus definita mors, optandum esse, ut vita, quæ necessitati deberetur, patriæ potius donata, quàm reservata naturæ videretur? Nesciebam, inter sapientissimos homines hanc contentionem fuisse, ut alii dicerent, animos hominum sensusque morte restringi; alii autem tum maximè mentes sapientum ac fortium virorum, quum è corpore excessissent, sentire ac vigere? quorum alterum fugiendum non esse, carere sensu; alterum etiam optandum, meliore esse sensu.

§. IX. De Epiphonemate.

Quid est Epiphonema?

R. Est exclamatio sententiosa, quæ fieri solet post rem aliquam insignem vel narratam, vel probatam. Ut cum Virgilius, post narratos classis Trojane labores, sic exclamat sententiosè: (2)

Tantæ molis erat Romanam condere gentem.

Sic etiam Lucretius lib. 1. post commemoratum exemplum Agamemnonis, filiam suam Iphigeniam immolantis, hac gravi sententiâ claudit narrationem:

Tantum Religio potuit suadere malorum.

Simile est illud Ciceronis in libro de Senectute; Senectutem ut adipiscantur, omnes optant; eandem acculant (b) adeptam; tanta est inconstantia, stultitia atque perversitas. Sic etiam Virgilius, postquam apum, in melle conficiendo, industriam laboresque descripsit, hoc addit Epiphonema:

Tantus amor florum, & generandi gloria mellis.

Itemque hoc 2. Georgicorum.

- - Adèd à teneris consuescere multum est.

Et

2) *Æneid.* 1. 2 (b) *Alii Adepti, quæ lectio videtur melior.*

Et alio in loco, de crudeli atque impio Polymnestore loquens, (a)

Fas omne abrumpit; Polydorum obtruncat, & auro Vi potitur. QUID non mortalia pectora cogis Auri sacra fames.

C A P U T I I.

De Figuris ad delectandum magis idoneis.

§. I. De Apostrophe.

Quid est *Apostrophe*? R. Est Schema, quo sermonem ad aliam personam, vel quasi personam convertimus, quam instituta oratio requirat. Ita Cicero pro Milone: *Vos, vos appello, fortissimi viri, qui multum pro Republica sanguinem effudistis: vos in viri & civis invicti appello periculo, Centuriones, vosque milites; vobis non modò in spectantibus, sed etiam armatis, & huic judicio praesidentibus, hæc tanta virtus ex hac urbe expelletur.*

Apostrophe fit aliquando ad Superos, ad invocandum. Ita Tullius 1. in Catilinam: *Tum tu, Jupiter, qui iisdem, quibus hæc urbs, aspiciis à Romulo es constitutus, quem statorem hujus urbis, atque Imperii vere nominamus; hunc & hujus socios suis aris, ceterisque templis, à rectis, urbibus, à manibus, à vita fortunisque omnium civium arcebis; & omnes inimicos bonorum, hostes patriæ, latrones Italiae, scelerum sedere inter se ac nefaria societate conjunctos, æternis suppliciis vivos mortuosque mactabis.*

Nec tantum ad personas fit *Apostrophe*; sed etiam ad res inanimas, sensuque carentes, aut aliquando etiam ad belluas. Ejusmodi est apud Virgilium notissima

suma

(a) *Æneid.* 3.

ſima illa Mezentii Apoſtrophe ad equum ſuum , nomine Rhœbum :

Rhœbe , diu (res ſi qua diu mortalibus ulla eſt)
Viximus.....

Ita Cicero pro Milone: Vos enim jam Albani tumuli atque luci , vos , inquam , imploro atque obteſtor , voſque Albanorum obruta aræ , ſacrorum Populi Romani ſociæ & æquales . Poetis porro nihil familiarius eſt , quàm illa ad res ſenſu carentes Apoſtrophe . Ita Dido moriens *Æneid.* 4.

Dulces exuviæ , dum fata , deusque ſinebant ,
Accipite hanc animam , meque his exolvite curis .

Quanam ſunt Apoſtrophes regulæ ?

R. Tres . 1. Rarè eſt uſurpanda . Si enim erebriùs adhibeatur , inepta erit , & frigidiuſcula .

2. Tametſi multis videatur , Apoſtrophem in ipſo dicendi principio nequaquam adhiberi poſſe , interdum tamen Orationem inchoat egregiè , ut docet initium primæ Catilinariæ: *Quouſque tandem abutere , Catilina , patientia noſtra ?*

3. Fas eſt Poetis , ſolius metri cauſa , Apoſtrophem adhibere . Ita Ovidius lib. 3. Triftium :

Nunc ego jactandas optarem ſumere pennas ,
Sive tuas , (a) Perſeu ; Dedale , ſive tuas .

§. II. De Hypotypoſi .

Quid eſt Hypotypoſis ?

R. Eſt figura , qua res ita (b) graphicè deſcribitur , ut non tam audiri , vel legi , quàm ante oculos verſari videatur . Splendidum in primis ac illuſtre illius exemplum habes in ſeptima Verrina , ubi Tullius Verris inhumanitatem oculis ita ſubjicit : *Ipſe inflammatus ſcelere & furore in forum venit . Ardebant oculi ,*

(a) Perſeus Jovis filius , Talaribus à Mercurio donatus , Andromedam liberavit . (b) Ital. eſtattamente , & queſi pittoreſcamente , & a pennello .

oculi, toto ex ore crudelitas eminebat. Expectabant omnes quò tandem progressurus, aut quidnam acturus esset; cum repente (a) Hominem corripit, atque in foro medio nudari ac deligari, & virgas expediri jubet. Clamat ille miser se civem esse Romanum.

Nihilo inferior est Virgiliana illa de Mexentii equo Hypotyposis, quassi meritò mirantur omnes: (b)

Tollit se arrectum quadrupes, & calcibus auras
Verberat, effusumque equitem super ipse secutus
Implicat, ejectoque incumbit cernuus armo.

Hypotyposim creberrimè solent usurpare Poetæ, ac præsertim Virgilius, qui res adeo vivis, & spirantibus, ut ita dicam, coloribus describit, ut penè sub oculos cadant. Ita Cyclopes depingit *Æneid.* 8.

Ferrum exercebant vasto Cyclopes in antro
Brontesque, Steropesque, & nudus membra
Pyræmon.

• • • • •
- - Alii ventosis follibus auras

Accipiunt redduntque: alli stridentia tingunt
Æra lacu, gemit impositis incudibus antrum.

Illi inter sese, multa vi, brachia tollunt
In numerum, versantque tenaci forcipe massam.

§. III. De Prosopopœja.

Quid est Prosopopœja?

R. Prosopopœja est fictio personæ, seu Schema, quo personæ mortuæ, vel absenti, aut etiam rei sensu carenti sermonem tribuimus, per quamdam licentiam oratoriam; v. gr. cum inducimus loquentem Urbem, Provinciam, Angelum, Beatum, parietem, aliaque id genus. Talis est apud Lucanum celebris illa Prosopopœja patriæ, quæ Julio Cæsari juxta fluvium Rubiconem apparens, illum à civili bello dæhortatur. (c)

Jam

(a) *Gavium Civem Romanum.* (b) *Æneid.* 10.
(c) *Lib. 1. Pharsalia.*

Jam gelidas Cæsar cursu superaverat Alpes;
 Ingentesque animo motus, bellumque futurum
 Ceperat. Ut ventum est parvi Rubiconis ad undas,
 Ingens visa Duci Patriæ trepidantis imago.
 Clara, per obscuram, vultu mœstissima, noctem,
 Turrigero canos effundens vertice crines,
 Cæsarie lacera, nudisque adstare lacertis,
 Et gemitu permissa loqui: Quo tenditis ultrà?
 Quo fertis mea signa viri? Si jure venitis,
 Si cives, huc usque licet.

Sic etiam Tullius in prima Catilinaria ita loquentem patriam inducit. *Que* (patria) tecum, *Catilina*, sic agit. & quodammodo tacita loquitur: Nullum jam tot annos facinus exiit, nisi per te. nullum flagitium sine te. Tibi uni multorum necesse, tibi vexatio directioque sociorum impunita fuit ac libera. Tu non solum ad negligendas leges & quæstiones, verum etiam ad everendas perfringendasque valuisti. Superiora illa, quamquam ferenda non fuerunt, tamen ut potui, tui: Nunc verò me totum esse in metu propter te unum (a) quidquid increpaverit, Catilinam timeri; nullum videri contra me consilium iniri posse, quod à tuo scelere abhorreat, non est ferendum. Quamobrem discede, atque hunc mihi timorem eripe: Si verus, ne opprimar; sin falsus, ut tandem aliquando timere desinam. Hæc si tecum, ut dixi, patria loquatur, &c.

Venustissimum est & Aurea Augusti ætate dignissimum Epitaphium hoc, in quo viventem maritum per Protopopæjam sic alloquitur uxor mortua.

*Immatura perii; sed tu felicior annos
 Vive tuos, conjux optime, vive meos.*

§. IV. De Ethopæja.

Quid est Ethopæja?

R. Ethopæja est expressio morum, seu Schema, quo alicujus studia, mores, indolem, ingenium

ver-

(a) Ital. Che per ogni romor, che si senta, s'abbia a starci Catilina.

verbis exprimimus. Ita Sallustius (a) Catilinam omnibus artis coloribus egregiè pingit in illa Ethopœja, tantoperè omnium consensione laudata.

Ethopœja Catilinæ.

Lucius Catilina nobili genere natus, fuit magna vi & animi & corporis, sed ingenio malo pravoque. Huic ab adolescentia, bella intestina, cedes, rapinæ, discordia civilis grata fuere, ibique juventutem suam exercuit, Corpus patiens inedia, algoris, vigiliæ, supra quàm cuique credibile est. Animus audax, subdolis, varius, cujuslibet rei simulator ac dissimulatur, alieni appetens, sui profusus. Ardens in cupiditatibus: satis eloquentiæ, sapientiæ parum. Vastus animus immoderata, incredibilia, nimis alta semper cupiebat.

Sic etiam Plautus senis avari sordidique mores mirabiliter exprimit, (b) dum illum inducit hæc sermo mandata dantem:

Senex Avarus.

Cave quemque alienum in ædem intromiseris.
Si quispiam ignem quærat, extingui volo,
Ne causæ quid sit, quodd te quisque quæritet.

.....
Tum aquam effugisse, dicito: si quis petet
Cultrum, securim, (c) pistillum, mortarium,
Quæ utenda vasa semper vicini rogitant;
Fures venisse, atque abstulisse dicito.

Mulierum mores graphicè pingit Terentius, dum ait: Novi ingenium mulierum: Nolunt, ubi melis: ubi nolis, cupiunt ultrò. Et alio loco in *Heau.* 2. 2. 11. Nosti mores mulierum: dum (d) moliantur, dum comuntur, annus est.

Ethopœja dividitur in Prosopographiam, & in Ethopœjam propriè dictam, de qua jam egimus.

Quid

(a) In bello Catilinario. (b) In *Aulularia*.

(c) Ital. pestello. (d) Alibi alia: ego sic. *Macchinand*, e studiano la maniera di abigliarsi.

Quid est Prosopographia?

R. Est expressio vultus ac corporis totius, seu Schema, quo alicujus vultum, os, lineamenta, incessum, cultum, (a) habitumque omnem exprimimus. Itz Martialis deformem Zoilum lepidè pingit.

Crineruber; niger ore, brevis pede, lumine læsus,
Rem magnam præstas, Zoile, si bonus es.

Sic etiam Franciscus Vavassor in suo illo eximio de Indrica dictione libro Societatis habitum, os figuramque depingit.

Socrates *Æsopo* non absimilis deformitate corporis fuit: utpote (b) simis naribus, extantibus & prominentibus oculis, recalva fronte, pilosis humeris, (c) obeso ventre, (d) repandis cruribus, quem proptereà rectè *Alciabiades* cum *Sileno* & *Satyris* etiam forma & specie contulit. Ac licuit semper animadvertere, luscios, (e) gibbosos, (f) ventriosos, claudos, similesque eorum eo fieri dicaciores esse hominibus ceteris, quo sunt vitii corporis insigniores, materiamque præbent ad jocandum majorem: siue quòd sæpiùs laceßiti propter suam faditatem, assueßant vicissim adversarios repungere, atque ita exercitiores in eo ipso genere fiant: siue quòd priores occurrent, ne feriantur, aut ut feriantur levius.

Feliciter admodum miscentur Prosopographia & Ethopæja propriè dicta, & ex tali mixtura Schema gratissimum efflorescit, ut liquet in exemplo sequenti, ubi M. Calphurnium pingit (g) Tullius: Consul ipse parvo animo & pravo: tantùm (h) cavillator genere illo moroso, quod etiam sine dicacitate videtur, facie magis quàm facetiis ridiculus: à quo nihil speres boni Reipublice, quia non vult; nihil metuas mali, quia non audit.

CA-

(a) Ital. portamento. (b) Ital. Schiacciate.

(c) Pieno, panciuto. (d) Strambo, sbilenno, storso.

(e) Gobbi; (f) Tripponi, panciuti. (g) Ad Atticum.

(h) Ital. Burlone, o Faceto in quella sorta fantastica, o Joagnosa di burlo, ch'è propria degli stitici.

CAPUT III.

De Figuris ad docendum idoneis.

§. I. De Antithesi.

Quid est Antithesis?

R. Antithesis, siue oppositio est Schema, quo verba verbis, sententiæ sententiis opponuntur: cuius rei splendidum in primis & illustre exemplum habes in 2. Catilinaria: *Ex hac parte pudor pugnat, illinc petulantia; hinc pudicitia, illinc stuprum; hinc fides, illinc fraudatio; hinc pietas, illinc scelus: hinc honestas, illinc turpitudine; hinc continentia, illinc libido. Denique æquitas, temperantia, fortitudo, prudentia, virtutes omnes certant cum iniquitate, cum luxuria, cum ignavia, cum temeritate, cum vitis omnibus: postremo copia cum egestate, bona ratio cum perdita; mens sana cum amentia: bona denique spes cum omnium rerum desperatione configit.*

Sic Martialis in amicum quemdam morosum, sibi-que imparem, facetò ludit per Antitheses. (a)

Difficilis, facilis, jucundus, acervus es idem:

Nec tecum possum vivere, nec sine te.

Ita Ovidius (b).

Frigida pugnabant calidis, humentia siccis

Mollia cum duris, sine pondere habentia pondus:

Sic etiam Justinus (c) Agathocsem, Syracusis obfessis, bellum nihilominus in Africam transferentem, laudat per Antitheses: *Mira prorsus audacia, ut quibus in solo urbis sue par non erat, eorum urbi bellum inferret: & qui sua tueri non poterat, impugnare aliena, victusque victoribus insultaret.* Ejusdem etiam generis est memorabile illud dictum Augusti, jam ætate valde proveci, ad nobiles quosdam Juvenes, qui

for-

(a) Lib. 12. (b) Metam. (c) Agathocles Sicilia Tyrannus, patre figulo natus, Lib. 22.

fortè tumultuabantur : *Audite juvenes , senem , quem juv nem senes audire.*

Hoc etiam modo Horatius in Odis : *Privatus illi census erat brevis , commune magnum ; & post illum* (a) *Seneca :*

Curæ leves loquuntur , ingentes stupent .

§. II. De Sustentatione .

Quid est *Sustentatio* ? *R.* Est figura , qua Orator , ad sibi conciliandam attentionem , & ad excitandos , arrigendosque auditorum animos , illos tenet aliquamdiu suspensos , incertosque quid dicturus sit ; ut cùm Tullius ait contra Verrem : *Etiannum mihi expectare videmini , iudices , quid deinde factum sit expectate facinus quam vultis improbum ; vincam tamen expectationem omnium .*

Habes falsum & facetum Sustentationis exemplum in Martialis Libro 6.

In Luperum .

*Quod convivaris sine me tam sæpè , Luperce ,
Inveni , noceam qua ratione tibi .*

*Irascar , licèt usque voces , mittasque , rogesque
Quid facies ? inquis , quid faciam ? veniam .*

§. III. De Communicatione .

Quid est *Communicatio* ? *R.* Est figura , qua Orator , causæ suæ confidens , deliberat cum iis ipsiis , apud quos , vel contra quos dicturus est , illos nimirum consulens , quid acturus sit . Egregium hujusmodi exemplum habes in Verriana 2. ubi Cicero summam causæ suæ fiduciam ita demonstrat : *Nunc ego vos consulo quid mihi faciendum putetis . Id enim consilii profecto taciti dabitis , quod ego mihi necessariò capiendum intelligo . Et pro Cæcinnâ : Quæro , si te hodie domum tuam redeuntem homines armati , non modo limine , sed etiam ædium tuarum , sed primo aditu vestibuloque prohiberent , quid acturus sis ?*

§. IV.

(a) In Iij. folio .

§. IV. De Correctione.

Quid est *Correctio*?
R. *Correctio*, seu *Retractatio*, est Schemata, quo Orator sententiam, aut vocem à se prolatam retractat, ac veluti corrigit. Ita Cicero pro Caelio: *O stultitia! Stultitiæ dicam, an impudentiam singularem?* Et prima Catilinaria: *Quamquam quid loquor! Te ut ista res frangat? Tu ut unquam te corrigas? Tu ut ullam fugam meditare? Tu ut ullum exilium cogites? Utinam tibi istam mentem Dii immortales donarent!*

Sic etiam Terentius in comœdia, quæ inscribitur (a) *Hæautontimorumenos*, miserum senem Menedemum sic loquentem inducit:

Filium unicum adolescentulum

Habeo. Ah! quid dixi habere me? Imò habui, Chremes. Nunc habeam, nec ne, incertum est.

CAPUT IV.

De Figuris Verborum.

Figuræ verborum aliæ sunt tropi, aliæ uno sunt tropi. Figuræ, quæ sunt tropi, fiunt tantum in verbis translatis, hoc est à sensu sibi proprio in alienum sensum traducti, ut cum dicimus: *Lætæ segetes. Præta vident. Geminos duo fulmina belli Scipiadas, &c.* Figuræ verò, quæ non sunt tropi, fiunt etiam in verbis propriis, ut cum ait Tullius: *O tempora! O mores!* Et alio loco, *Abiit, excessit, evasit, erupit.*

§. I. De Tropis.

Quid est *Tropus*?
R. *Tropus* est verbi, vel (b) *Orationis* è propria significatione in alienam immutatio, cum virtute ac

(a) Vox composita, quæ Græci sonat, se ipsum puniens, vulgè *Nojoso* à se stesso.

(b) *Ἐξάμαχης λόγος ἐπὶ τὸ κρείττον* Arist.

ac dignitate ; ut cùm dicitur : *Mulus pro Stupido* ; vel *Laterem lavare pro Frustrâ laborem suscipere* , instar laterem lavantis . Ista porrò immutatio , sive conversio fit cum virtute ac dignitate , hoc est ad addendum orationi pondus , majoremque illi venustatem & dignitatem conciliandam . Porrò Tropus sic appellatur à voce Græca *τρίπτος* , *verto* : ut ad verbum *Inversionem* sonet .

Hæc autem Inventio fit multiplici , variaque ratione , sed quatuor potissimum modis ; unde existunt primarii quatuor , nobilissimique Tropi , nempe Metaphora , Metonymia , Synecdoche & Ironia , de quibus sigillatim tractandum est .

§. II. De Metaphora .

Quid est Metaphora ?

R. Metaphora , seu Translatio est tropus , quo vox aliqua à propria significatione ad alienam transfertur , ob similitudinem : Ut cùm ait Tullius ad Cæsarem : *Parietes hujus curiæ tibi gratias agere gestiunt* . Vox illa , *Gestire* , quæ est hominis propria , transfertur ad parietem , cujus non est propria ; sed cum quo tamen habet hoc loco quamdam similitudinem & analogiam .

Hunc porrò usum ac modum verba transferendi necessitas genuit , cum scilicet verba propria decissent ; postea verò delectatio jucunditasque celebravit . Quemadmodum enim vestis depellendi frigoris causa primum reperta , postea etiam adhiberi cœpta est ad ornatum corporis & dignitatem ; sic verbi translatio , solius inopiæ causa primum instituta , deinde etiam fuit ad delectationem , & ad ornatum orationis frequentata .

Undenam potissimum ducuntur Metaphoræ ?

R. Ex omnibus omnino rebus duci possunt , à divinis , à cœlestibus , ab elementis , meteoris , lapidibus , metallis , plantis , bestiis , hominibus , eorumque operibus : aded ut non minùs latè pateat Metaphora , quàm similitudo , quæ à re qualibet duci potest .

Meta-

Metaphora ducitur: 1. à Divinis; ut apud Ciceronem, *Deus ille noster Plato*. Itemque apud Martialem magnificentissima illa Romæ laudatio (2).

Terrarum Dea, gentiumque Roma,
Cui par est nihil, & nihil secundum.

2. Sumitur ab Elementis, ut cum dicitur à Tullio, *Nullius tantum est flumen ingenii, nulla scribendi, aut dicendi tanta vis, tantaque copia, quæ non dicam exornare, sed enarrare, Cæsar, res tuas gestas possit*.

3. Metaphora sumitur à stipibus, plantis & arboribus. Ita Cicerō: *Virtus est una altissimis defixa radicibus, quæ nulla unquam vi labefactari potest*.

4. Sumitur à rebus arte manuque factis. Ita (a) Appion ille, contra quem Josephus scripsit, vocabatur *Cymbalum mundi*. Longinus verò Rhetor eximius, appellabatur *Viva Bibliotheca & Musæum ambulans*; quod etiam de Origene dictum accepimus. Imperator autem Helvius Pertinax *Fortunæ Tila* fuit vulgò nuncupatus, quidd nempè variis fortunæ casibus fuisset exercitus. Denique Augustus homines illos, qui solerti promptoque erant ingenio ad res ex tempore conficiendas, lepidè agebat, *Argentum habere* (c) innumerato, Metaphora à pecuniis ducta.

5. Metaphora ducitur ab homine; ut cum ait apud Virgilium Palinurus:

Mene salis placidi vultum, fluctusque quietos
Ignorare jubes?

Reliquos Metaphorarum fontes, qui innumerabiles sunt, & cuilibet obvii, persequi sigillatim, hominis esset otio intemperanter abutentis. Quatuor tamen præcipua capita Quintilianus enumerat, ad quæ omnes Metaphoræ commodè possunt revocari.

Primò fit Metaphora, cum a re quapiam animata ad rem aliam animatam verbum transferimus: ut cum
ait

(a) Lib. 2. (b) Appion Grammaticus Alexandrinus vivis tempore Tiberii. (c) Ital. In contanti.

ait Titus Livius: *Scipionem à Catone solitum allatrare*; quæ vox, *Allatrare*, cum propria sit solius canis, tribuitur tamen homini non inconcinne. Sic etiam Christus ipse Herodem, ob mores vulpinos, hoc est ob calliditatem, atque versutiam, vulpem appellavit, Lucæ cap. 13. *Ite, & dicite vulpi illi.*

Secundò fit Metaphora; cum inanima pro aliis inanimis ponuntur; ut *Habena* pro *Gubernaculo*; *Frenum* pro *Lege*; *Vinculum* pro *Communitate*; vel si dicas cum Tullio: *Hic orationis vicia contrahamus.*

Tertiò, cum inanima transferuntur ad animata; ut cum ipsa civitatis lumina extincta dicuntur in morte præstantium virorum; & cum ait Catullus.

O qui flos es juvenulorum!

Quartò, denique præcipuam quandam venustatem habet, cum rebus inanimis sensuque carentibus sensum quemdam, animosque, ac veluti vitam damus; ut eum ait Virgilius:

— Pontem indignatus (a) Araxes.

Sic etiam Cicero pro Ligario: *Quid enim Tubero; tunc ille districtus in acie Pharsalica gladius agebat? cujus latus mucro ille petebat? qui sensus erat armorum tuorum?*

§. III. Quid vitandum in Metaphora?

Quanam Metaphoræ dicuntur vitiosæ?

R. Vitiosæ dicuntur Metaphoræ illæ, quæ humiliores sunt, sordidaeque, & ab re quapiam abiecta deformique desumptæ. Talis est ista, quam damnant Tullius, & Quintilianus: *Stercoris curie Glauca*; itemque ista: *Saxa mundi* (b) *verrucae*, idest *rupes*. Horatius quoque ob eandem causam notavit versum illum cuiusdam M. Furii Bibaculi: (c)

Jupiter hibernas cæna nive conspuat Alpes.

Quid enim sordidius ac turpius quàm Metaphoram à spu-

(a) *Arax* s. *Armeniae fluvius*. (b) *Ital. Porri*.

(c) *Sat. 5. l. 2.*

à sputo mutuari ? Hoc eodem humilitatis , & ut dicam , ignobilitatis vitio laborare videtur celebris illa
(a) Tertulliani Metaphora , qua diluvium appellat *Naturæ generale* (b) *lixivium*.

2. Vitiosæ dicuntur Metaphoræ , quæ duriores sunt , vel longius accersitæ , vel quæ rem nimis amplificam ; ut si dicas : *Syrtem Patrimonii* , *Charybdim bonorum* ; quod profectò duriusculum est , & à Tullio jure damnatum . Quod si verearis , ne durior paulo & audacior videatur Metaphora , poteris illam mollire ac mitigare illis , aut similibus vocabulis : *Ut ita dicam quasi . . . penè . . . Si ita loqui fas est* , &c. ut si dicas , *Mortuo M. Catone pupillum relictum esse Senatum* , poterit audacior videri hæc translatio : si verò dixeris cum Tullio , *Pupillum* , *ut ita dicam* , *relictum esse Senatum* , duriuscula Metaphora , hoc velut appposito condimento , mitescet . Nam , ut sapienter admodum monet idem Tullius , *Verecunda debet esse translatio* , ut deducta esse in alienum locum , non irruisse , atque ut precariò , non vi venisse videatur .

3. Vitium est in Metaphora , si nimis poetica sit : v. g. si Orator dicat cum Virgilio *Volucres pennis remigare* ; aut si cum Horatio dicat de Euro :

Per Siculas equitavit undas .

Neque enim quæcumque Poetis licent , ea omnia Oratoribus licere existimandum est .

4. Metaphorarum vitium est immoderata quædam illarum coadervatio . Et si enim nullus est florentior tropus , & qui plus luminis afferat orationi , non tamen frequentari nimium debet : nam ut modicus illius usus maximopere delectat , ita immodicus non parum affert satietatis atque fastidii , & in ænigma transit , aut in allegoriam .

5. Denique vitiosa est Metaphora , quæ sibi non constat , res nimirum omnino dissimiles inter se con-

jū-

(a) Tertullianus scriptor Ecclesiasticus , ævis & vehementer ingenii , f. vult nostro tertio sæculi . (b) Ital. *Lisera* .

jungendo. Quippe, ut docet Fabius: *Id in primis est custodiendum, ut quo ex genere caperis translationis, hoc definas. Multi enim cum initium à tempestate sumpserint, incendio aut ruina finiunt, quæ est inconsequentia rerum fœdissima.* Quamquam, ut loquar ingenuè, huic de perpetua sibi que consentanea translatione Rhetorum præcepto non aded severè à summis viris obtemperari video. Scimus enim diversas omninò Metaphoras eleganter sæpè fuisse conjunctas à Virgilio, ab Horatio, à Catullo, &c. sic triplex est Metaphora in duobus hisce versibus Horatii: (a)

Nemo aded ferus est, ut non mitescere possit.
Si modò culturæ parientem commodet aurem.

Prima est de feris, quæ propriè mansuescunt, & ticiuntur. Altera est de fructibus, qui acerbi sunt, & propriè mitescunt. Tertia est ab agris, quorum propria est cultura.

§. IV. De Allegoria.

Quid est Allegoria?

R. Allegoria est Metaphorarum continuatio, seu ngura, qua aliud verbis dicitur, aliud reipsa intelligitur, unde non absurdè vocatur *Diversiloquium*; quod nimirum aliud dicatur, aliud sentiatur.

Hujusmodi est insignis illa Ciceronis in Pisonem Allegoria: *Neque tam fui timidus, ut qui in maximis turbinationibus, ac fluctibus, Reipublicæ navem gubernassem, salvamque in portu collocassem, frontis tuæ nubeculam, aut collegæ tui contaminatum spiritum perborrescerem. Alios ego vidi ventos: alias prospexi animo procellas; aliis impendentibus tempestatibus non cessi; sed unum me pro omnium salute obtuli.*

Illustris est & omnibus nota illa Horatii Ode Allegorica de bello civili, Lib. I.

O navis, referent in mare te novi
Fluctus. O quid agis? Fortiter occupa

Por-

(a) Epist. I, l. 1.

Portum. Nonne vides ut

Nudum remigio latus?

Et malus celeri saucius Africo,

Anteannæque gemant? ac sine funibus

Vix durare Carinæ

Possint imperiosius

Æquor? Non tibi sunt integra lintea, &c.

In hac eximia Allegoria navim pro Republica ; fluctus pro civili bello ; portum pro pace concordiaque ; remigium pro Militibus ; nautas pro Magistratibus ; malum pro præcipuis Ducibus usurpat Horatius ; & ab initio ad finem egregiè sibi constat, quod in Allegoria præcipuum est.

§. V. De Metonymia.

Quid est Metonymia?

R. Metonymia, quæ etiam vocatur Hypallage, seu Transnominatio, est troporum omnium vastissimus atque usitatissimus. Fit autem quatuor potissimum modis. 1. cùm causa, vel quasi causa ponitur pro effectu, & cùm rerum inventor & auctor usurpatur pro rebus ipsis, quas invenit ; ut Mars pro bello ; Ceres pro frugibus ; Vulcanus pro igne, Cicero, aut Virgilius, pro scriptis illorum ; dux exercitus pro exercitu ipso. Sic dicimus, vario Marte pugnatum est, hoc est vario belli eventu ; & Virgilius, *Onerantque canistris dona laboratæ Cereris* ; id est panis. Et Georgicorum libro 2.

Bacchus amat colles ; Aquilonem & frigora taxi.

Sic etiam dicimus, ab Hannibale apud Cannas cæsa fuisse sexaginta Romanorum millia ; hoc est ab Hannibalis exercitu. Fit item hoc primo modo Metonymia, cùm possessor usurpatur pro re possessa, ut cùm ait Virgilius *Æneid. 2.*

Jàm proximus ardet
Ucalegon.

Hoc est domus Ucalegontis.

2. Fit Metonymia cùm sumuntur effecta pro causis, ut scelus pro scelerato ipso: Ita Comicus: *Ubi est scelus ille, qui me perdidit?* Ita Virgilius 2. *Æneid.*

Accipe nunc Danaum insidias, & crimine ab uno
Disce omnes.

Ubi Crimen ponitur pro perfido Sinone criminis auctore, & hic est germanus illius loci sensus; ex uno Sinone disce Græcos omnes esse perfidos. Ita Cicero 1. in Verr. *Quas res luxuries in flagitiis, crudelitas in suppliciis, avaritia in rapinis, superbia in contumeliis efficere potuisset, eas omnes sese hoc uno Prætor per triennium pertulisse.* Fit etiam, cùm id, quod proprium est effectui, tribuitur causæ, & hoc Poetis valdè familiare est: Ita timor dicitur fugax; mors dicitur pallida; morbi dicuntur pallentes, quia fuga est effectus morborum & mortis. Sic Horatius: *Pallida mors æquo pulsat pede pauperum tabernas Regumque Turres.* Sic Virgilius:

Pallentes habitant morbi, tristisque senectus.

3. Fit Metonymia, cùm res, quæ continet, usurpatur pro re contenta, ut Roma pro Romanis, cælum pro cælestibus, terra pro terræ incolis. Huc pertinet illud Ciceronis pro lege Manilia. *Testis est Italia, quam ille ipse victor Sylla hujus virtute & consilio confessus est fuisse liberatam. Testis est Sicilia, quam, multis undique cinctam periculis, non terrore belli, sed celeritate consilii explicavit. Testis est Africa, quæ magnis oppressa hostium copiis, eorum impiorum sanguine redundavit. Testis est Gallia, per quam legionibus nostris in Hispaniam iter, Gallorum internecione, patefactum est. Ubi Italianam pro Italica, Sicilianam pro Siculicis &c. usurpavit.*

4. Cùm signum usurpatur pro re significata, ut toga pro pace, fasces pro magistratu. Ita Cicero in Pisonem:

Cedant arma togæ, concedat laurea linguæ.

Huc refer, cùm hæc vox nomen ponitur pro re ipsa:

ipsa: ita Livius lib. 1. *Ad singula oppida circumferendo arma nomen omne Latinum domuit.*

§. VI. De Synecdoche.

Quid est Synecdoche?

R. Synecdoche est tropus apud Oratores æque ac roetas valde usitatus & tritus. Fit autem modis quatuor.

1. Cùm pars ponitur pro toto, v. gr. mucro pro ense; tectum pro domo; puppis vel carina, pro navi integra: ita Virgilius *Æneid.* 2.

Non anni domuere decem, non mille carinæ.

Est autem *carina* ima pars navis. Sic etiam hominis anima sæpè usurpatur pro homine ipso. Ita Tullius: (a) *Vos meæ charissimæ animæ, sæpissimè ad me scribite.* Eodem refert vulgares illas locutiones, quibus *Unus* accipitur pro *Pluribus*, ut cùm dicit Virgilius: *Hostis habet muros.*

2. Fit Synecdoche; cùm totum usurpatur pro parte: ut in hoc decantato Virgilii versu. (b)

Aut (c) *Ararim* Parthus bibet, aut *Germania* (d) *Tigrim.*

Et rursum *Æneid.* 12. :

Fontemque ignemque ferebant.

Ubi fons accipitur pro parte fontis. Huc pertinet etiam, cùm *Plures* usurpantur pro *Uno*; ut, cùm ait Tullius: *Nos populo imposuimus, & Oratores visi sumus;* licèt de se tantùm loquatur.

3. Synecdoche fit, cùm materia, ex qua facta res est, accipitur pro re ipsa, v. g. ferrum pro gladio, pinus pro navi, argentum pro pecunia, quæ sit ex argento.

4. Denique fit Synecdoche, cùm vel species sumitur

(a) *Epist.* 14. lib. 14. (b) *Eclog.* 1. (c) *Arar.* *Ital.* Senna, fluvius est Gallie. (d) *Tigris* *Asie* fluvius insignis, sic dictus à velocitate.

tur pro genere, vel genus pro specie, ut *Furus*, vel *Aquilo*, pro quolibet vento, *Sabellicus* sus, pro quolibet sue, *Myrtoum*, vel *Carpathium* mare, pro mari quocumque. Sic *Maro*:

Dentesque (a) *Sabellicus* exacuit sus.

Ita *Juvenalis* pro quolibet homine frugi, *Curium* appellat:

Qui (b) *Curios* simulant, & (c) *Bacchanalia* vivunt.

Contra verò genus usurpabitur, pro specie, si dicatur cum *Virgilio* *Ales* pro *Aquila*.

- - - *Prædamque* ex unguibus *ales*
Proiecit fluvio.

§. VII. De Ironia,

Quid est *Ironia*?

R. *Ironia*, quæ *Socrati* aded fuit in deliciis; est figura, qua aliud planè dicimus, quàm verba ipsa significare videntur. Quando v. g. quempiam simulata laudatione falsè ac ingeniosè perstringimus; nimirum aliud apertè dicendo, aliud verò innuendo: unde recte vocatur à *Quintiliano*, *Diversiloquium*, *dis-simulatio* & *illusio*, ut sonat Græca ipsa *Ironizæ* vox.

Intelligitur autem *Ironia*: vel ex ipsa re, quæ dicitur, vel ipsa pronuntiatione facètè quidem; ut si dicas: *O Præclarum ovium custodem lupum*! Ita *Juvenalis* impiam æquè ac stolidam *Ægyptiorum* superstitionem, qui non quadrupedes solum colebant, uti canem, siniam, selem bovemque: sed plantas etiam ipsas, uti porrum & cepe, divinis prosequabantur honoribus, falsè cavillatur hac faceta & eleganti *ironia* *Satyræ* 14.

Oppida tota (d) canem venerantur; nemo *Dianam*;
Por-

(a) *Sabelli* seu *Sabini*, populi *Italiae*. (b) *M. Curius* vir frugalis & optimus civis. (c) *Bacchanalia* *Bacchi* festa, in quibus *Romani* crapula & libidini indulgebant.

(d) *Latrator Anubis*.

Porrum & cepe nefas violare, aut frangere morsu.
O sanctas gentes, quibus hæc nascuntur in hortis
Numina!

Eximia est Ciceronis Ironia in 'Miloniana: Sed *stulti sumus*, inquit, qui *Drusum*, qui *Africanum*, *Pompejum*, nosmetipsos cum *Publio Clodio* conferre audeamus. *Tolerabilia fuerunt illa: Clodii mortem* equo animo ferre nemo potest; *luget Senatus: mare* Equester ordo; *tota civitas confecta senio est; squalent municipia; affliguntur Coloniae; agri denique ipsi tam beneficium, tam salutarem, tam mansuetum civem desiderant.*

Ironiæ exemplum exquisitius apud veteres nullum habemus, quod sciam, quàm lepidam illam Apocolocyntosim, in qua Seneca Claudium Imperatorem, qui vulgò (a) *bardus* & imbellis habebatur, facetissimè ludit. Est autem Apocolocyntosis Satyra quædam (b) *Menippæa*, qua fatuum Claudii caput multo urbanitatis sale defricatur. *Ἀποκαλονύπτωσις* porro vocatur, quasi si dicas *Metamorphosin* in cucurbitam; ad significandam hominis insulsi-
tam; *καλαχύντε* Græcè *cucurbita*. In hac igitur eleganti Ironia Poetas in fungere Claudii ita jocosè cantantes inducit Seneca Philosophus.

Fundite fletus,
Fingite luctus:
Clamore forum
Cordatus homo,
Fuit in toto
Quo non (c) alius
Dicere causas,
Parte audita,
Quis nunc iudex

Audiet anno?
Sed relicta,
Jura silenti,
Oppida centum.
Pectora palmis,
Venale genus,
Lugete novi,
Qui concusso
Lucra (d) fritillo.

Edite

(a) *Bardus* idem fermè ac *stultus*. (b) *Menippus* Cynicus Philosophus, mordacibus Satyris notus, unde Satyra *Menippæa*. (c) *Claudius* erat homo infamissimus.
(d) *Minos* Rex olim Cretæ, magnus erat aleator, & in
alsa librum scripsit.

Edite planctus,	Toto lites
Resonet tristi	Tibi jam cedit,
Cecidit pulchè	Qui (a) dat populo
Quo non alius	Cretæa tenens
Fortior orbe ...	Cædite mæstis
Deflete virum,	O Causidici,
Potuit citiùs	Vosque Poetæ
Una tantùm	Vosque in primis
Sæpè & neutra.	Magna parastis

De Regulis Ironiæ.

Quenam sunt Ironiæ Regule?

R. Duæ. 1. Enim, quæ ambigua voce continentur, Ironiæ, eæ præcipuum quemdam leporem ac venustatem habent. Acuta quippe, jocosæque videri solent, quæ dicuntur ex ambiguo. Ita Neronem Matricidam, qui sese ab Ænea oriundum gloriabatur, non infacetè Iulit Poeta Romanus, teste Suetonio.

Quis hæget Æneæ magna de stirpe Neronem?

Sustulit hic matrem: (b) sustulit ille patrem.

Ita (c) Plagiarium ridet Martialis libro secundo:
Carmina Paulus emit, recitat sua Carmina Paulus:
Nam quod emas, possis dicere jure tuum.

Sic etiam in virum & uxorem eidem patibulo suspensos eximiè Iulit (d) Poeta recens:

Eecce iugo nexi pendent vir & uxor eodem,
Hoc meritò possis dicere conjugium.

2. Ironia fieri solet adhibendo voces illas, scilicet, nimirum, si pueris placet, nempe; illas, inquam, adhibendo cum amara quadam & falsa vocis inflexione. Ita Terentius: *Id populus scilicet*, & apud Virgilium Dido Æn. 4.

Sci-

(a) Fritillus, vulgò Boff lo, in cui si agitano i diti nel giuoco dello Sbaraglino. (b) Matrem Agrippinam interfecit Nero. (c) Plagiarius est qui aliena scripta pro suis vendicat. (d) Iohannes Cannamus i 3. 7.

Scilicet is Superis labor est; ea cura quietos
Solicitat.

§. VIII. De Sarcasmo.

Quid est Sarcasmus, seu Subsannatio?

R. Sarcasmus, qui ad Ironiam pertinet, est amarulenta quædam irrisio, & truculentum genus Ironiæ, quæ fit cum magna quadam acerbitate & contumelia, qua quispiam hosti crudeliter insultat; ut apud Virgilium Trojano à se interfecto per Sarcasum insultat victor Turnus:

En, agros, & quam bello, Trojane, petisti,
Hesperiam metire jacens. Hæc pramia, qui me
Ferro ausi tentare, ferunt: sic mœnia conduunt.

Potesne Ironia inter Sententiarum figuras numerari, ut quibusdam placet?

R. Nequaquam. Liquet enim perspicuè Ironia semper esse Tropum, cum semper voces à propria significatione traducat ad alienam.

Falsanne & mendacem orationem efficit Ironia?

R. Nequaquam; quia neque fallendi est animus Oratori, dum utitur Ironia; neque est justa causa, cur fallatur auditor, si paulum modò intelligat quod dicitur, quemadmodum falli non solet, cum homo callidus & versipellis per Metaphoram *Vulpes* appellatur.

Suntne alii Tropi, præter istos, de quibus egimus?

R. Sunt aliqui alii, sed qui ad superiores hosce quatuor omnino revocantur: ut Metalepsis ad Metonymiam; Antonomasia, & Syllepsis ad Synecdochem.

C A P U T V.

De Figuris verborum propriè dictis, seu quæ non sunt Tropi.

Quid sunt Figure verborum propriè dictæ?

R. Ex sunt, quæ sic in verbis continentur,

ut, mutatis illis, figura tollatur; v. g. hæc sententia. *Amantes sunt amantes*, est figura verborum, quia perierit figura, si pro *Amentes* dicas *Stulti*, aut aliud simile. Sed est figura sententiæ, si quis patriam inducat loquentem, aut si utaris similitudine, quia quæcumque demum hic usurpes verba, aut quocumque ea colloques ordine, manet Schema.

Quot modis fiunt figure verborum?

R. Fiunt tribus potissimum modis; 1. Per adjectionem: 2. Per detractionem, 3. Per similitudinem.

§. I. Figuræ per Adjectionem.

Quenam verborum Figuræ fiunt per Adjectionem?

R. Octo præcipuæ; nimirum Repetitio, Conversio, Complexio, Conduplicatio, Gradatio, Synonymia, Transductio, Polysyntheton.

Quid est repetitio?

R. Est figura, in qua ab eodem vocabulo sæpius inchoatur oratio, ut 1. Catilinaria: *Nihil ne se no-*
eternum præsidium palatii, nihil urbis vigiliæ, nihil timor populi, nihil consensus bonorum omnium, nihil hic
munificentissimus habendi Senatus locus, nihil horum ora vultusque moverunt?

Quid in repetitione cavendum est?

R. Valet mirum in modum in exaggerandis virtutibus ac vitiis, estque Schema planè venustum. Sed quia statim incurrit in oculos, propterea non est diutius continuandum; sed satius est, ut aliorum Schematum admixtione temperetur.

Quid est Conversio?

R. Est Figura Repetitioni prorsus contraria, in qua sæpius eodem vocabulo clauditur oratio, ut in Antonium Cicero; *Deletis tres exercitus P. C. interfecit*
Eos? interfecit Antonius. Desideratis clarissimos cives?
Eos quoque vobis eripuit Antonius. Auctoritas hujus ordinis afflicta est? Afflixit Antonius.

Quid est Complexio?

R. Est

R. Est figura, quæ Repetitionem simul & Conversionem complectitur, cùm nimirum ab eodem verbo, vel ab iisdem verbis incipiat, atque claudatur. Ita (a) Tullius: *Quis legem tulit? Nullus. Quis majorem partem populi suffragiis privavit? Nullus. Quis comitiis præfuit? Nullus.* Sic etiam Martialis invidum quemdam per complexionem insectatur, Lib. 9.

Rumpitur invidia quidam, charissime Juli;

Quodd me Roma legit; rumpitur invidia.

Rumpitur invidia, quodd turba semper in omni

Mostramur digito; rumpitur invidia.

Rumpitur invidia, tribuit quodd Cæsar uterque

Jus (b) mihi natorum, rumpitur invidia.

Rumpitur invidia, quodd rus mihi dulce sub urbe est;

Parvaque in urbe domus, rumpitur invidia.

Rumpitur invidia, quodd sum jucundus amicis,

Quodd conviva frequens, rumpitur invidia.

Rumpitur invidia, quodd amamur, quoddque probamur.

Rumpatur, quisquis rumpitur invidia.

Verùm figura hæc, quia maximè ferit oculos, uti præcedentes; idcirco parcè admodùm, & in loco est adhibenda.

Quid est Conduplicatio?

R. Est ejusdem vocabuli, vel plurium iteratio, sive initio orationis, sive in fine, sive alibi. Ut cùm ait Maro:

Nunc, nunc insurgite remis

Hectorei socii:

Et Libro Nono, cùm ait Nisus:

(c) Me me; adsum qui feci, in me convertite ferrum,

O Rutuli. Mea fraus omnis.

Quid

(a) Pro lege Agraria. (b) Magna illis præmia erant constituta, qui tres aut plures habebant liberos, v. g. in spectaculis honoratior locus, &c. Hoc jus Martiali concessum fuit, tametsi nullos haberet liberos. (c) Subaudi: Occidite.

Quid est Gradatio?

R. Gradatio, sive *Κλίμαξ*, est figura, qua per quosdam quasi gradus vel ascenditur ad summum, vel descenditur ad infimum. Quale est illud Ciceronis in Catilinam: *Nihil agis, nihil moliris, nihil cogitas, quod ego non modò non audiam, sed etiam non videam, planèque sentiam*. Magnum est enim, quidquid agat Catilina, scire Ciceronem: majus, quidquid moliat: longè maximum, quidquid etiam cogitet. Lepidum est illud ejusdem Ciceronis ad Atticum: *Si dormis, expergiscere; si stas, ingredi; si ingrederis, curve; si curris, advola*. Ejusmodi est etiam ille Virgillii locus in eclogis:

Torva leæna lupum sequitur: lupus ipse capellam.
Florentem cithysum sequitur lasciva capella.

Quid est Synonymia?

R. Est verborum idem fermè significantium conservatio, ad rei magnitudinem demonstrandam, ut in Miloniana: *An verò vos soli ignoratis? vos hospites in hac urbe versamini? vestræ peregrinantur aures? neque in hoc pervagato civitatis sermone versantur?* Hoc Schema Poetis est valdè usitatum. Ita Plautus:

Quicumque ubique sunt, qui fuere, quique futurⁱ
sunt

Stulti, stolidi, fatui; (a) fungi, (b) blenni, (c)
buccones,

Solus ego omnes longè ante eo stultitia & moribus indoctis,

Quid est Traductio?

R. Traductio, seu Polýptoton, ut ajunt Græci, est variata casibus, aut generibus, aut modis, aut temporibus, ejusdem vocabuli repetitio; ut cum ait Tullius pro Archia: *Pleni sunt omnes libri, plene sapientium voces, plena exemplarum vetustas*. Vel cum ait Ovidius,

Spe-

(a) Fungus, Sciocco. (b) Blennius. Pazzo.

(c) Buccones, Baggiani quei che si lodano da sè.

Spectatum ornata veniunt, spectentur ut ipsæ,

Quid est Polysyntheton?

R. Polysyntheton, seu, ut alii malunt, Polysyncteton, est Schema conjunctionibus abundans, ut, & *justitia*, & *liberalitate*, & *fortitudine* ceteros omnes *Imperatores* superavit. Itemque apud Virgilium: (a)
Ascaniumque, patremque meum; juxtaque Creusam,
 Alterum in alterius mactatum sanguine cernam.

§. II. De Figuris per Detractionem.

Quot sunt Figure, quæ fiunt per Detractionem?

R. Tres: Reticentia, Adjunctio, & Disjunctio.

Quid est Reticentia?

R. Est figura, quæ fit, quando verbum aliquod subauditur, ut cum ait Tullius in Verrinis: *Huncine hominem? huncine impudentiam? huncine audaciam?* Supple feremus. Et apud Virgilium: (b)

At verò Rutulis impar ea pugna vidèri

Jamdudum, & varia misceri pectora motu.

Ubi profectò vides intelligi *capit* & *caperunt*. Itemque libro 1. *Sed vos qui tandem?* subauditur *estis*. Eodem pertinet illud Maffei: *Ex eo tempore tyro vanis agitari terroribus, dies noctesque fletibus jungere, nullam capere partem quietis; supple cupit.*

Quomodo fit Adjunctio?

R. Fit Adjunctio, quando uni verbo plurima nomina substantiva respondent. Ita Cic. *Vicit pudorem libido, timorem audacia, rationem amentia*. Sic etiam Virgilius *Æneid.* 3.

(c) *Trojugena* interpret Divum, qui numina Phœbi,
 Qui tripodas (d) *Claurii* lauros, qui sidera sentis,
 Et volucrum linguas, & præpetis omina pennæ.

Quo-

(a) Lib. 2. (b) *Æn.* 12. (c) *Helenus Priami filius, Rex idem & Phœbi sacerdos.* (d) *Apollo dictus clarius ab urbe Claro Apollinis oraculo nobili.*

Quomodo fit Disjunctio?

R. Disjunctio, seu dissolutio fit, quando conjunctiones, & particulae tolluntur, ut incitatio feratur oratio; ita Tullius: *Hæc studia literarum adolescentiam alunt, senectutem oblectant, secundat res ornant, adversis perfugium ac solatium præbent, delectant domi, non impediunt foris, pernoctant nobiscum, peregrinantur, rusticantur.*

§. III. De Figuris per similitudinem.

Quot sunt Figure per similitudinem?

R. Tres in primis numerantur, nempe Paronomasia, similiter cadens, & similiter desinens.

Quid est Paronomasia?

R. Paronomasia, seu annominatio, est Figura, quæ voces penè similes (a) colludentes usurpantur in sensu dissimili. Ut cum ait Tullius ad Atticum: *Consul ipse parvo animo & pravo: facie magis quàm facietis ridiculus.* Et alibi: *Ex aratore factus orator.* Ita Martialis, qui in hoc genere frequens est:

Litigat, & podagra Diodorus, Flacce, laborat:

Sed nihil patrono porrigit: hæc (b) chiragra est.

Sic etiam ludit Ausonius in illo celebri Epigrammate de Venere:

Orta (c) salo, suscepta solo, patre edita cælo;

Æneadum genitrix hic habito alma Venus.

Græcis quoque admodum usitata est Paronomasia, ut apud Herodotum Lib. I. *Πωδήματα, μιθήματα, Quæ nocent docent.* Eiusdemque generis erat illud, quod Apollodorus pictor præclarus inscripserat operi suo.

Μωμῖσαι τιο μᾶλλον ἢ μιμῖσται. Id est:

Facilius erit ridere quam imitari.

Delectat in primis, & ferit hoc Schema, si parce,

ac

(a) Ital. *Corrispondentiſſ.* (b) *Quæ nimirum manus ipsæ constringit, ne quid patrono largiatur.* (c) *l'encrem & maris spuma natam fabulantur Poetæ.*

ac in loco adhibeatur, & sententiarum gravitate sustentetur. Si verò frigidæ allusiones, ut non rarò fit, venetur orator, ineptus nimirum erit & putidus.

Quid est Similiter cadens?

R. Est vocabulorum per eosdem casus, & per eadem tempora expressorum consensus quidam, & quasi concentus: ut, cùm ait Cicero: *Quid tam commune, quàm spiritus vivis, terra mortuis, mare fluctuantibus, litus ejectis?* Ubi vides quatuor nomina in dativo plurali posita. Eiusdem generis sunt triti illi Imperatoris Hadriani versiculi, quos moriens (a) fecit:

Animula vagula, blandula
Hospes comesque corporis,
Quæ nunc abibis in loca
Pallidula, rigida, nudula:
Nec, ut soles, dabis jocos?

Quid est similiter desinens?

R. Fit, cùm orationis vel membra; vel articuli eodem modo terminantur; ut apud Quintilianum: *Eiusdem non est & facere fortiter, & vivere turpiter.* Ita Cicero Pompejum laudans: *Bellum extrema hyeme apparavit, ineunte vere suscepit, media æstate conficit.* (b)

S. IV. Appendix de Transitione.

Quid est Transisio?

R. Transisio, quam alii Figuram esse volunt, alii cum Fabio negant, est orationis quidam nexus, quo fit ut aptè copulata inter se illius membra concinnè cohæreant, & unum quasi corpus efficiant.

Quot sunt Transitionis genera?

R. Duo. Transisio enim vel est perfecta, vel imperfecta. Transisio perfecta est, qua breviter mone-mur quid dictum sit, & quid dicendum restet: cuiusmo-

(a) Apud Aelium Spartanum in vita Hadriani.

(b) Pro lege Manilia.

jusmodi est ista pro lege Manilia: Quoniam de genere belli dici, nunc de magnitudine pauca dicam.

Transitio imperfecta ea est, qua alterum tantum eorum exprimitur; ut in hoc Ciceronis pro Roscio: Age nunc illa videamus, judices, quæ consecuta sunt. Utriusque indiscriminatim generis selecta ex Tullii præsertim afferemus exempla. Quoniam videmus in inveniendis hujusmodi Transitionibus solere Tyrone non mediocriter laborare.

Transitionum Ciceronianarum exempla selecta.

1. Satis mihi multa verba fecisse videor, quare hoc bellum esset genere ipso necessarium, magnitudine peti-
lsum. Restat ut de Imperatore ad id bellum deligendo,
ac tantis rebus præficiendo dicendum esse videatur. 2. Sa-
tis multa de turpitudine: dicam deinceps, quod propo-
sui, de periculo. 3. Uni epistolæ respondi: venio ad al-
teram Sed nimis multa de nugis: ad majora ve-
niamus 5. Verum ubi rerum testimonia adsunt, ni-
hil opus est verbis. 6. Sed hæc vetera: illud recens,
Cæsarem meo consilio interfectum. 7. Sed ne fortè ex mul-
tis rebus gestis M. Antoni, rem unam pulcherrimam
transiliat oratio, ad (a) Lupercalia veniamus. Non dis-
simulat, Patres conscripti, apparet esse commotum, su-
dat, pallescit. 8. Sed arrogantiam hominis, insolentiamque
cognoscite. 9. At etiam ausus es (Quid autem est, quod
tu non audeas?) 10. Sed jam satis multa de causa:
extra causam etiam nimis fortasse multa. Quid restat,
nisi ut orem, obtesterque vos Judices, ut misericordiam
tribuatis fortissimo viro? 11. Quæstura illius demonstra-
ta, reliqua attendite. 12. Atque ut inde oratio mea
proficiatur, unde hæc omnis causa ducitur. 13. Atque
ut facilius intelligere possitis Judices, quæ facta sunt,
indigniora esse quàm hæc sunt, quæ diximus; ab initio
res quemadmodum gesta sit, vobis exponam. 14. Sed
..... hæc

(a) Lupercalia Festa Solomnia in Panos honorem men-
se Februarii celebrari solita à Lupercis illius Sacerdo-
tibus, qui nudi per urbem cursitabant. Luperci sic
vocabantur, quod Pan lupos arceret ab ovibus.

hæc robustioris improbitatis scelera omittamus ; loquamur
 potius de iniquissimo genere levitatis . 15. Id quod faci-
 lius facere possitis , dabo operam , ut à principio res quem-
 admodum gesta sit , cognoscatis . 16. Sed finis sit : neque
 enim præ lacrymis jam loqui possum ; & hic se lacrymis
 defendi negat . 17. Sed quoniam emersisse jam e vadis ,
 & scopulos prætervecta videtur oratio mea , perfacilis
 mihi reliquus cursus ostenditur . 18. Accipite nunc aliud
 ejus facinus nobile , & multis locis sæpè commemoratum ,
 & ejusmodi , ut in uno omnia maleficia inesse videan-
 tur . Invenietis id facinus natum à cupiditate , auctum
 per stuprum , crudelitate perfectum & conclusum . 19. Pla-
 ra de illo Archipirata dixi quam volui , & tamen ea ,
 quæ certissima sunt , hujus criminis argumenta prætermisi .
 20. Age vero , ne semper forum , sæcellis , rostra , cu-
 riamque meditemur . 21. Ad ejus Tribunatum , qui ad
 sese jamdudum vocat , & quodammodo absorbet oratio-
 nem meam , contento studio , cursuque veniamus . 22. At-
 que hæc oblectationis , illa necessitatis . 23. Illos mihi fe-
 rē in mentem veniebant , quæ dicenda putarem de natu-
 ra Deorum . 24. Quibus rebus expositis , satis docuisse
 videor , homines natura quantò omnes antecirent animan-
 tes . 25. Longa est oratio ; multæque rationes , quibus do-
 cere potest . 26. Sed quid ego longinqua commemoro ?
 27. Intellego quàm scopuloso , difficultique loco verser .
 28. Sed quid ego his argumentis utor , quasi res dubia ,
 aut obscura sit ? 29. Magna sunt hæc , vel potius ma-
 xima . Jam verò quanto majus videbitur ? 30. Multa
 hujusmodi proferre possem : sed genus ipsum videris .
 31. Nolo in hac re multus videri . 32. Sed quid ego
 hæc aut tam levia , aut tam minima recorder ? 33. Ita-
 que fateamur necesse est , nihil difficilius esse . 34. Quid
 loquar , quanta ratio in bestis appareat ? 35. Jam vero
 ista etiam notoria , quanto se opere custodiant bestie .
 36. Multa prætereunda sunt , & tamen multa dicuntur .
 37. Vereor ut hoc quod dicam ; perinde intelligi audiri
 possit , atque ego ipse cogitans sentis . 38. Sinite me illa
 minora ac quotidiana prætermittere . 39. Illud tamen ,
 quanquam ad exitum festinet natio , prætermittere nolo .

modo possum. 40. Verum hæc missa facio ; illud quero. 41. (a) De exordio satis dictum est ; deinceps ad narrationem transeamus. 42. Quod ad definitiones hætenus ; reliqua videamus. 43. Nunc reliquorum Oratorum ætates persequamur. 44. Tempus est ad cæteras partes orationis proficisci. Deinceps igitur de dispositione dicemus. 45. De (b) statutis diebus dixi : nunc de Annalibus dicam. 46. Hæc de hædo : quod sequitur de pecore. 47. De multitudine quondam quod satis est , admonui , de obscuritate pauca dicam. 48. Sed (c) ut omisso principio , rem ipsam aggrediamur. 49. (d) Hastenus de principe : quod sequitur demonstro. 50. (e) Jam quantum illud est , quod in occupationibus summis numquam intermisistis studia doctrinæ ? 51. Utinam verò mihi satis esset ad dicendum vel facultatis , vel temporis. 52. Hic tunc , Auditores , animos ad insignis facti memoriam sempiternam erigite. 53. Sed hæc utcumque ferenda : hoc verò quis ferat ? 54. Audistis gravissima : audite nunc graviora. 55. Sed hæc privatim : nunc quæ publice gesta sunt , videamus. 56. Verum hæc missa facto : illud quàm 57. Nihil jam dico de isto scelere. 58. Postularet hic locus ut dicerem de

Variis hisce , quas attuli , Transitionibus addito breviores hæc formulas , particulasque connectentes.

His adde ; accedit his ; huc accedit quod ; Huc pertinet ; Eodem pertinet ; Jam verò quid dicam ? Age verò explicemus nunc ; His simillimum est : Postularet hic locus ut dicerem ; Restat ut dicam : Nunc verò superest ; Ex quo debet intelligi ; Quid quòd ausus est etiam ? Omitto domesticas tuas surdes : Nam illud quid attinet commemorare ? Ita est quemadmodum dixi.

CA-

(a) Ex Cicerone ad Herennium , vel potius ex Cornificio. (b) Ex Varrone. (c) Ex Seneca. (d) Syetonius & Caligula. (e) Ex aliis.

C A P U T VI.

De Periodo.

Quid est Periodus?

R. Periodus est sententia brevīs & absoluta, quæ certis partibus, sive membris à se invicem pendētib; & quodam veluti vinculo connexis numerosē comprehenditur. Nomen traxit à voce Græca, *περίοδος*, quæ significat ambitum atque circuitum.

Quid sibi vult ceteris illa Aristotelis definitio lib. 3. *Rhetoricæ*, ubi ait, (a) Periodum esse orationem, quæ habeat principium, & finem, & magnitudinem, quæ uno quasi aspectu perlustrari facile possit?

R. Hanc Definitionem in nostram perbellē quadrare. Principium enim illud, de quo loquitur Aristoteles, nihil aliud est, nisi primum Periodi membrum, quod ita suspensum ferri debet, ut aliud quidpiam subsequi omninō debeat; unde etiam vocatur principium. Medium verò ac finis sunt reliqua periodi membra, quæ brevi quodam contractioque verborum ambitu debent illa circumscribere. Unde verè dicitur, illam uno conspectu facilè cerni debere, unoque spiritu pronuntiarī.

§. I. De partibus Periodi.

Quænam sunt Periodi Partes?

R. Periodus constat certis quibusdam partibus, quarum majores appellantur *Membra* (b) Græcè *Colas*; minores verò appellantur *Incisa*, Græcè *Cemmata*.

Quid est membrum Periodi?

R. Membrum, sive Colon est pars Periodi continens sensum aliquem, sed suspensum ac imperfectum; v. g. (c) *Antequam de republica Patres conscripti, dicam*

(a) Δέγω δὲ περίοδον λέξιν, ἔχουσαν ἀρχὴν καὶ τέλος καὶ αὐτὴν, καὶ μέλεος εὐσύνπτου.

(b) Κόλα, δόματα. (c) *Philip. 1.*

cam ea, quæ dicenda hoc tempore arbitror: ecce tibi Periodi membrum: neque enim hic sensus orationis conquiescit: Habebis Periodum absolutam, si ad primum illud membrum accedat hoc alterum: *Exponam vobis breviter consilium & profectionis & reversionis meæ.*

Quid est Incisum?

R. Incisum, sive Comma est pars membri: quemadmodum enim in Periodo membrum, sic in membro continetur incisum; v. g. (a) *Nilil est, mihi crede, virtute formosius; nihil pulchrius, nihil amabilius:* ex tribus hisce incisis membrum unum efficitur. Itaque dicere incisum est crebris id genus incisis, & articulis suam orationem distinguere.

Quandonam potissimum usurpanda sunt crebra ista Incisa?

R. Incisa mirum in modum valere, cum adversario vehementius & acrius instat orator. Ita Cicero per Incisa Pisonem increpat, illumque (b) cæsum, ac punctum, ut ita loquar, objurgat & ferit: *Non enim nos color iste servilis, non pilosæ genæ, non dentes putridi deceperunt: oculi, supercilia, frons, vultus denique totus, qui sermo quidam tacitus mentis est, hic in fraudem homines impulit: hic eos, quibus erat ignotus, decepit, fefellit, in fraudem induxit. Pauci tua ista luvulenta vitia noveramus: pauci tarditatem ingenii, stuporem, debilitatemque lingue.*

§. II. De variis Periodorum generibus.

Quot sunt genera Periodorum?

R. Tria. Alia est Periodus binembris; sive dicolos, alia trimembris, sive tricolos; alia quadrimembris, sive tetracos. Plura enim, vel pauciora membra, aut vix, aut nullo modo patitur germana sinceraque Periodus. Singula porro hæc membra si vel paria sint, vel non valde disparia, multo gravior & venustior erit oratio.

Perio-

(a) Græc. (b) Ital. *Di punta, e di taglio.*

Periodus bimenbris.

Ergo & mihi meæ pristina vitæ consuetudinem C. Cæsar, interclusam aperuisti (a), & his omnibus ad bene de republica sperandum, quasi signum aliquod sustulisti.

Trimembris exemplum eximium esse potest illa Ciceronis Periodus, numeris, ut mihi videtur, omnibus absoluta, in exordio Manilianæ.

Nam cum antea per ætatem hujus auctoritatem loci colligere non audem: Statuereque nihil hoc nisi perfectum ingenio, elaboratum industria afferri oportere: Omne meum tempus amicorum temporibus transmittendum putavi.

Periodi quadrimenbris, quæ & quadrata dici solet, absolutissimum exemplum habes in orat. pro A. Cæcinnæ: Si quantum in agro locisque desertis audacia potest, * tantum in foro atque judiciis impudentia varet, * non minus in causa cederet A. Cæcinnæ Sæc. Æbuti impudentiæ, * quam cum in vi facienda cessit audaciæ.

§. III. De legibus ac regulis Periodi.

Quænam sunt Periodi leges?

R. Tres præcipuæ. Prima est, ut illius membra nexibus quibusdam inter se quàm aptissimè cohæreant: alioqui enim jam non esset Periodus, sed oratio dissipata dissolutaque, & ut ajunt, *Arena sine calce*. 2. Regula hæc est, ut sensus non sit nisi in omnium membrorum sine perfectus. 3. Ut pleniore verborum ambitu & circulo Periodus concludatur.

Possent fieri Periodus, quæ contineret membra vel minis quàm duo, vel plura quàm quatuor?

R. Possent fieri Periodum unius membri: atque hæc est illa, quæ vocatur ab Aristotele Periodus * simplex, sive (b) *monocolos*: Possent etiam omnino usque ad quinque, aut sex, vel plura etiam membra produci. Verùm perfectia, de qua hic tantum sermo est, Periodus nec ultra quatuor membra procurrat, nec

infra

(b) Pro Marcello. (b) *Κόλα, κίματα*.

infra duo contrahitur. Atque hæc est unanimis sententia Demetrii Phaleræi, (a) Hermogenis, ac Terentiani quoque Mauri, cum ait:

Quatuor è membris plenum formare videbis
Rhetora circuitum, sive ambitus ille vocetur.

Atque in primis nobiscum ita sentit ipse Tullius; cum ait in Oratore: *Constat ille ambitus, & plena comprehensio è quatuor ferè partibus, quæ membra dicuntur, ut & aures impleat, & ne brevior sit, quàm satis sit, nec longior.*

Quodd si, ut aliquando contingit, ultra quatuor procedatur, ac nihilo tamen minùs orbe quodam, circuituque conclusa feratur oratio, vocabitur *Ambitus*, sive *Oratio periodica*. Ita Cicero pro (b) Archia Poeta:

Si quid est in me ingenii, iudices, quod sentio quàm sit exiguum: aut si qua exercitatio dicendi, in qua me non inficior mediocriter esse versatum; aut si hujusce rei ratio aliqua ab optimarum artium studiis & disciplina profecta, à qua ego confiteor nullum ætatis meæ tempus abhorruisse: earum rerum omnium vel in primis hic (c) A. Licinius fructum à me repetere propè suo jure debet.

§. IV. De artificio Periodi amplificandæ.

Quenam est prima ratio amplificandæ Periodi?

R. Tyrones nullo negotio Periodos fundent; si habent ad manum, & in promptu particulas vel locutiones quasdam conficiendis Periodis mirum in modum idoneas: cujusmodi sunt voces illæ omnes, quæ necessariam quamdam habent cum aliis subsequentibus affinitatem, v. g. *Esse, quamvis, quinquam, quemadmodum, sicut, cum, quoties, quantum, qualis, quo, non minùs: quibus respondent, tamen, veruntamen, nihilominus, ita, tum, toties, tantum, talis, eo, quàm.*

In

(a) Hermogenes Tarsensis anno ætatis 15. Rhetor nobilissimus, rerum omnium obli-viscitur ante annum 24. & in extrema infetia consenscit. (b) Archia Poeta Antiochenus, Ciceronis olim præceptor, ob ingenium & eloquentiam civitate donatus à Romanis. (c) Aulus.

In quavis enim Periodo partes duæ sunt, Protasis nimirum & Apodosis. Est autem Protasis prima Periodi pars, ex qua secunda pendet, & in qua oratio crescit quodammodo & attollitur. Apodosis verò est altera periodi pars, in qua oratio perfecta conquiescit. Illæ porro, de quibus loquimur particulae, suspensionæque locutiones mirum in modum idoneæ sunt ad Protasim cum Apodosi connectendam, ut videre est in allatis exemplis, illo præsertim pro Cæcinna supra §. II.

Quenam est secunda & tertia ratio amplificandæ Periodi?

R. Periodus pulcherrimè dilatatur, cum brevis quædam sententia in suas quasi partes distribuitur. Ita Tullius paucula hæc verba (*omnes lugent Clodium*) amplificat per enumerationem partium, cum ait, ironicè nimirum, Clodium deseri à Senatu, ab Equestri ordine, à (a) Municipiis, à (b) Colonis, ab Agris denique ipsis.

3. Facile dilatatur Periodus per definitiones, quas vocant conglobatas, per circumlocutionem & per interpretationem, quæ fit cum res eadem aliis, atque aliis elegantioribus verbis exprimitur. Vide quæ supra in Elementis diximus de Amplificatione.

§. V. De numero & ceteris virtutibus Periodi.

Quid est numerus Periodicus?

R. Numerus Periodi, de quo hic agitur, non est numerus arithmeticus; sed est numerus ille in harmonia & concentu positus, de quo Virgilius in Ecloga 4.

— — — Numeros memini, si verba tenere m.

Et rursum in Ecloga 6.

Tum

(a) Municipia erant civitates, quæ muneribus & honoribus populi Romaniungebantur. (b) Colonia oppida, quæ populus ex urbe Roma deducebatur ad incolendum. Coloniae fiebant etiam privilegio, sine soli mutatione.

Quanam est secunda regula numerosam efficiendi periodum?

R. Voces unius, duarum, aut plurium syllabarum si commisceantur, nascetur inde oratio valdè numerosa; v. g. *Vivis, & vivis*, non ad deponendam, sed ad confirmandam audaciam. Contrà verò crebriore monosyllabarum iteratione quasi exilit atque subsultat oratio, v. g. *Hac in re nos hic non ferret*.

Quanam est tertia regula?

R. Cadet numerosè Periodus, si magnificis & benè sonantibus verbis terminetur; ut in hisce exemplis ex Cicerone desumptis: *Quot amissimus cives, eos non Martis vis perculis, sed ira victoriæ*. Nam qui locus quietis ac tranquillitatis plenissimus fore videbatur, in eo maximæ moles molestiarum, & turbulentissimæ tempestates existerunt.

Quanam est quarta regula?

R. Nulla res magis facit ad numerum oratorium, quàm verborum splendor, non solum in periodi clausula, sed etiam in toto illius quasi contextu. Ita Tullius in Pisonem: *Obrepisti ad honores errore hominum, commendatione fumosarum imaginum, quarum simile habes nihil præter colorem*. Et in eloquentissima illa peroratione pro Fontejo: *Nolite pati, iudices, aras (a) Deorum immortalium, Vestæque Matris, quotidianis Virginis lamentationibus, de vestro iudicio commoveri*. Et in 4. Catil. *Id est initum consilium, ut interfecistis omnibus, nemo ne ad deplorandum quidem populi R. nomen, & ad lamentandam tanti imperii calamitatem relinquitur*.

Cedo quintam regulam?

R. Ut leniter, æquabiliterque fluat Periodus, fugiendus est asperior litterarum & vocabulorum concursus, quod est in oratione vitium vel maximum. Incurritur autem in illud vitium multis modis.

1. Cùm

(a) Fonteji soror una ex Virginibus Vestalibus, qua sempernum Vesto ignem custodiebant.

1. Cum durius ac crebrius concurrunt inter se consonantes, quæ stridorem efficiunt, ut *Ars studiorum* *Res Xerxes*.

2. Cum verbi prioris ultimæ syllabæ sunt primæ sequentis, ut vel ipsi Ciceroni aliquando excidit, cum ait. *Res mihi invise vise sunt*. Itemque cum dixit in Carmine:

O fortunatam natam me Consule Romam!

3. Cum eadem littera, vel etiam, quod peius est, eadem syllaba crebrius iteratur; quale est illud Ennii Poetæ:

Africa terribili tremuit horrida terra tumultu.

Itemque illud aded tritum.

O Tite tute (a) Tati tibi tanta tyranne tulisti!

4. Cum similiter cadentibus ac desinentibus frequenter utimur, ut *Amatrices*, *adjutrices*, *præstigiatrices* fuerunt.

Tria tamen sunt, quæ Tyrones etiam atque etiam cavere debent: Primum, ne, dum numerosè loqui volunt, inferciant, ut persæpè fit, inania quædam complementa & (b) ramenta numerorum, quasi si rimas explere vellent. Alterum est, ne, dum oratorium numerum quærunt, incidant in metricum, & periodi finis sit finis alicujus versus, præsertim Heroici, vel elegiaci: quod non semel Ciceroni ipsi excidisse Hieronymus Lagomarsinus e Soc. Jesu in opusculo, quod sic inscribitur: *Risposta di Goltmario Pepugies Marsigliano*: allatis locis ipsis præclare docet n. 19. p. 45.

Tertium est, ne, dum numero serviunt diligentius, & aurium voluptati morigerantur, omnis interea retardetur impetus, visque orationis, & animus ab iis, quæ potiora sunt, penitus avertatur. Quapropter hæc aliæque hujusmodi in numero vitia, non ut
ingens

(d) Tati est vocativus a *Tatius*, ii.

(b) Italicè: *Risimplure*, *vasure*, *riti*, *aglæppe*.

ingens erimen expavescenda sunt; ac nescio hac in re negligentia ne, an nimia sollicitudo sit peior.

Quenam est ultima numerosæ Periodi regula?

R. Caput illud est, non in periodo solùm, sed etiam in omni oratione, ut Latina constructio quàm maximè distet à vernacula; hoc est, ut verba per inversam, quam vocant, constructionem ita trajiciantur, ut quod reipsa prius est, fiat artificiosa quadam verborum collocatione posterius.

Et quoniam trajecta illa constructio ita est propria Latinæ Linguæ, ut omnis illius vis atque elegantia, ac quasi natura & indoles in eo potissimùm sita esse videatur; visum est aliquot illustria illius exempla hoc loco ad imitandum proponere.

Exempla selecta constructionis trajectæ.

1. Quos amissimus civis, eos Martis vis perculit, non ira victoriæ. Cic.

2. Habet magnum dolorem, unde cum honore discesseris, eodem cum ignominia reverti. Cic.

3. Frater tuus quanti me faciat, semperque facit, esse hominem qui ignoret arbitror neminem. Cic.

4. Quod cuique temporis datum est ad vivendum; et benè utatur.

5. Mea lenitas si cui solutior visa est, hoc expectabat, ut id, quod latebat, trumperet. Cic.

6. Quam quisque novit artem, in hac se exerceat.

7. Fac quæso, qui ego sum, esse te.

8. Quæ res in civitate due plurimum possunt, hæ contra nos ambæ faciunt in hoc tempore, summa gratia & eloquentia. Cic.

9. Ferè quem quisque locum pugnando ceperat, cum amissa anima, corpore tegebat. Salust.

10. Id sibi negotiis credidit solùm dari, populo ut placerent quas fecissent fabulas. Terent.

11. Quas credis esse has, non sunt veræ nuptiæ. Terent.

12. Quam rem vitio dent, quæso, animum advertite.

§. VII. Quomodo parari possit facultas numerosè dicendi.

Quæ de Periodis numerisque, post Aristotelem; Ciceronem & Fabium, accuratè præcepimus tractatus, non eo dicta sunt à nobis, quo tyro in dinumerandis pedibus syllabisque dimetiendis consenscat: quod sane nec magni, nec felicitis foret ingenii. Verùm hæc aptè numerosæque dicendi facultas non est perfectò tanti laboris, quanti prima fronte videtur esse. Nihil est enim tam flexibile, & quod tam facillè sequatur quocumque ducas, quam oratio; atque ut mollissimam ceram ad nostrum arbitrium formamus ac fingimus, sic planè dictionis genus ad omnem rationem & ad aurium voluptatem motumque animorum facillè mutatur ac vertitur.

Qua ratione viæque numerosè scribendi facultas parabitur?

R. Duplici potissimùm. Si Tyro numerosas aliquot & volubiles Tullii sententias non legere modò, sed elata etiam voce pronunciare assuescat: cujusmodi sunt illæ, quas suprà attulimus, vel illæ, quas affert Quintilianus: *Omnes prope civitates virtute, gloria, dignitate superabat. Itemque ista: Patris dictum sapiens temeritas filii comprobavit: qui numerus ita placuit populo, inquit idem Tullius, ut hac audita periodi clausula, clamorem ingentem sustulerit.*

2. Parabitur numerosè dicendi facultas, si numerum illum & quasi concentum imitatione ac stylo coneris exprimere; quod quidem exercitatione atque usu, qui est optimus dicendi magister, non ita difficulter consequeris. Ut enim qui in sole ambulat, sensim coloratur, inquit, Tullius: ita cum istos libros lego, sentio orationem meam illorum quasi cantu colorari. Sed de Periodo satis hæcenus dictum. Nunc ad majora veniamus.

CAPUT VII.

De Stylo Oratorio.

OMnem hanc de Stylo doctrinam hausimus in primis ex aureolo illo libello Demetrii (a), cui vulgò Phaleræi cognomen tribuitur, & ex egregia Longini (b) commentatione de Stylo magnifico: Quod utrumque opusculum Tyrones, si me audiant, nocturna, ut cum Horatio loquar, diurna quoque manu versabunt. Verùm quæ illi præcepta, quamvis egregia, confusè tamen ac permixtè tradunt, sed eos faciliiori ac commodiori ordine digesta sic disposuimus, ut ad omnium captum & communem intelligentiam sint accommodata.

Quid est Stylus?

R. Stylus, si primam vocis vim & originem spectes, est acus, seu instrumentum, quo in ceratis tabulis scribebatur antiquitus. Hinc factum est ut Stylus pro ipsa scriptione, seu dictione & sermonis conformatione usurparetur.

Quot sunt Styloꝝ genera?

R. Stylus, seu orationis Character triplex est.
1. Magnificus, sive sublimis. 2. Humilis; sive tenuis, qui etiam infimus dicitur: 3. Mediocris, sive æquabilis.

§. I. De Stylo sublimi.

Quid est Stylus sublimis?

R. Stylus sublimis ille est, qui constat verbis splendidis, magnificisque sententiis, quique sua nobilitate rapit quodammodo extra se audientium animos,
& ad-

(a) Demetrius Phaleræus facundia nobilis, annos decem præfuit Athenis, & statuis 360. æreis fuit honoratus; postea verò eiectus, fuit in Ægyptum ad Ptolemæum Lagum.

(b) Longinus Zenobie Palmyrenorum Regina magister & Consiliarius, ab Imperatore Aureliano necatus, quod audacter Zenobie ad ipsum Aurelianium litteras scripsisset.

& admirationem extorquet etiam ab invitis: quale est illud morientis Didonis (a):

Exoriare aliquis nostris ex ossibus ultor,
Qui face Dardanios, ferroque sequare colonos.

Id genus sunt etiam verba illa ejusdem Didonis in Æneam (b).

Nec tibi Diva parens, generis nec Dardanus auctor,
Perfide: sed duris genuit te cautibus horrens
Caucasus, Hyrcanæque admorunt ubera tigres.

Vel, ut ait Ovidius in eandem sententiam:

Te Lapis & montes, innataque rupibus altis
Robora; te sævæ progenuere feræ.

Laudatur plurimum in hoc genere celebris illa Alexandri magni responsio, cum suam illi filiam, cum decem talentorum millibus, & Asiæ media parte, Persarum Rex Darius obtulisset. Ego vero, inquit (c) Parmenio, acciperem, si Alexander essem: Et ego, inquit Alexander, si Parmenio essem.

Tale illud ejusdem Alexandri ad Darii legatos: Nunciate Dario gratiarum actionem apud hostem supervacaneam esse: me, quæ fecerim clementer & liberaliter, non amicitiae ejus tribuisse, sed naturæ meæ. Bellum cum captivis & feminis gerere non solco. Armatus sit oportet quem oderim.

Eodem pertinent egregia illa ejusdem Alexandri verba ad suos milites: Nondum (d) Feminam æquavimus gloria; & jam nos laudis satietas teneat.

Magnificæ locutionis exempla passim apud Tullium reperies; ut cum ait: Fasces lictorios januæ Possidonii submisit Pompejus, cui se Oriens, Occidensque submiserat:
Habes

(a) Lib. 4. (b) Dido Æneæ. (c) Parmenio unus e fortissimis Alexandri Ducibus & amicis, postea ab illo occisus. (d) Semiramis Nini Assyriorum regis uxor Ægyptum, Æthiopian, Indiam, &c. subegit.

Habes etiam in paucis hisce Ovidii verbis, aliisque similibus non paucis:

Jam seges est, ubi Troja fuit....

§. II. De Arte comparandi Styli sublimis.

Quonam pacto conciliari poterit?

R. Duobus potissimum modis. 1. Si nobilissima quæque rei, de qua loqueris, adjuncta, seu circumstantias consideres, illamque inspicias, qua parte illustrior est atque speciosior, cetera vero sileas, atque dissimules: ut olim Apelles, teste Plinio, imaginem amici sui Antigoni latere tantum altero (a) ostendit, ut amissi oculi deformitas lateret. Sic etiam Homerus tempestatem admodum magnificè pingit, illustrissima illius adjuncta mira quadam arte seligendo. Eadem arte Neptunum curru invectum, perambulantem maria, soloque nutu fluctus iratos pacantem, describit Virgilius Æneid. 1.

Sic ait, & dicto citius tumida æquora placat;
Collectasque fugat nubes, solemque reducit:

• • • • •
Atque rotis summas levibus perlabitur undas.

2. Metaphoræ, præsertim ex rebus illustribus desumptæ, mirum in modum faciunt ad styli granditatem atque magnificentiam; ut cum Virgilius (b) ait de Augusto Cæsare:

- - - Cæsar dum magnus ad altum
Fulminat Euphratem bello.

Et cum ait Cicero pro Marcello. *Natius est tantum flumen ingenii, nulla dicendi, aut scribendi tantavis, tantæque copia, quæ, non dicam exornare, sed enarrare, Cæsar, res suas gestas possit.* Aut cum ait Horatius: *Curas laqueata circum tellus volantes.*

3. Styli magnificentiam faciliè consequeris, si legas assidue auctores eos, qui grandiloqui, ut ita dicam, fuerunt.

(a) Ital. *In profilo.* (b) *Georg. 4.*

fuere, cum ampla sententiarum gravitate, & maiestate verborum, cuiusmodi sunt Cicero Catilinaria secunda, secunda Philippica, in Verrem, in Pisonem, pro Milone, præcipue sub finem: Virgilius, præsertim *Æneid.* lib. 2. 4. & 6. Lucanus, Cornelius in Gallicis Tragædiis: &c.

§. III. De Stylo simplici.

Quid est *Stylus simplex*?

R. *Stylus simplex*, qui etiam nuncupatur tenuis, & infimus, ille est, qui in rebus tenuioribus, & exilibus, cuiusmodi sunt epistolæ, dialogi, præceptiones, & sermo familiaris, solet usurpari.

Quenam sunt dotes Styli simplicis?

R. Præcipue illius dotes sunt perspicuitas, nitor atque munditia. Verecundus ac parvus in illo debet esse troporum ac Schematum usus: vehementiores verò figuras, cuiusmodi sunt Apostrophe, Prosopopæja, aliæque id genus, omnino repudiat. Selectissima Styli simplicis exempla passim invenies in Phædri fabellis, & in Virgilio Bucolicis, ut cum ait Ecloga,

Urbem, quam dicunt Roman, Melibœe, putavi
Stultus ego huic nostræ similem, quo sæpè solemus
Pastores ovium teneros depellere fortus.

Sic canibus catulos similes, sic matribus hædos
Noram: sic parvis componere magna solebam.

§. IV. De Stylo mediocri.

Quid est *Stylus mediocris*?

R. Hic est, qui medium quemdam locum obtinet sublimem inter & infimum. Hoc dicendi genus neque maiestatem verborum habet, aut gravitatem illam sententiarum, quæ in sublimi est; neque est subtili ac pressa oratione limatum, quemadmodum genus infimum ac simplex: sed, ut ait Tullius; *Est Stylus quidam interiectus, intermedius, & quasi temperatus, nec acumine inferioris, nec fulmine utens superioris, vicinus amborum; in nostro excellens, utriusque particeps.*

Vocatur autem ab eodem Tullio, *Stylus floridus atque politus*, quodd nimirum in hunc præcipuè mediocrem Stylum omnes verborum venteres ac venustates, omnes sermonis deliciae soleant illigari. Absolutum huiusce Styli mediocris exemplum habes in Virgilio *Georgicis*: v. gr. cum ait Lib. 1.

Sæpè etiam steriles incendere profuit agros,
Atque levem stipulam crepitantibus urere flammis;
Sive inde occultas vires & pabula terræ
Pinguia concipiunt, sive illis omne per ignem
Excoquitur vitium, atque exudat inutilis humor,
Seu plures calor ille vias, & cæca relaxat
Spiramenta, novas veniat quæ succus in herbas,
Seu durat magis, & venas adstringit hiantes
Ne tenues pluviae rapidive potentia solis
Acrior, aut Boreæ penetrabile frigus adurat.

§. V. De usu triplicis Styli, seu Characteris.

Quandonam utendum Stylo simplici, aut mediocri, aut sublimi?

R. Cum tria sint Oratoris Officia, docere, delectare & movere; Stylo simplici utetur ad docendum, mediocri ad delectandum, magnifico verò ad movendum, & ad effectus concitandos.

Præterea Stylus simplex, seu infimus convenit comœdiis; magnificus aptus est tragœdiis: mediocris verò in historia est adhibendus: quamquam Cæsar simplicem potius, quam mediocrem Stylum usurpavit; quodd nempè *Commentarios* potius scripserit quam *Historiam*, ut notat Tullius in *Libro de Claris Oratoribus*.

Item *Bucolicis*, & *Eclogis* accommodatus est Stylus simplex; *Georgicis* convenit Stylus mediocris; *Epico* verò poemati, cuiusmodi est Maronis *Æneis*, aptus est Stylus magnificus: quod triplex discrimen in Virgilio licet animadvertere. Quamquam hæc omnia genera non rarè miscet in ipsa *Æneide*, & simplicem Stylum adhibet in libro quinto, ubi de ludis agit, & mediocrem in libro primo. Idem planè dicit de

Comæ.

Comœdiis, quæ altius assurgunt aliquando, ut monet Horatius in arte Poetica:

Interdum tamen & vocem comœdia tollit,
Iratusque Chremes tumido delitigat ore.

Quinam Stylus ceteris duobus est anteponendus?

R. Stylum illum esse ceteris anteponendum, non qui sublimis sit, aut cujuslibet alterius generis; sed qui ad rem, de qua agitur, maximè sit aptus: ita ut, quemadmodum loquitur Tullius, *Magna graviter, mediocria temperatè, humilia subtiliter efferat.*

§. VI. De Stylo vitioso.

Quenam sunt præcipua vitia in Stylo vitanda?

R. Vitiosum esse Stylum: 1. Tumidum, & inflatum: 2. Puerilem ac frigidum: 3. Fluctuantem, & dissolutum: 4. Denique siccum & exanguem.

Quid est Stylus tumidus, & inflatus?

R. Ille est, qui verbis ac sententiis supra modum intumescit. Id genus sunt illi Imperatoris (a) Neronis inepti versiculi, quorum tumorem jure ridet (b) Persius Satyra 1.

Torva (c) Mimalloneis implerunt cornua bombis;
Et raptum vitulo caput ablatura superbo
Bassaridis, & lyncem Mænas flexura corymbis
(d) Evion ingeminat: reparabilis adsonat echo.

Quid est Stylus frigidus?

R. Stylus frigidus, ac puerilis (sunt enim valdè affinia hæc duo vitia) ille est, qui puerilia quædam ornamenta, frigidos lepores, ineptas allusiones, affectatas ac luxuriantes descriptiones, frivolaque hujusmodi crepundia putidiùs aucupatur; cujusmodi sunt
istæ

(a) Nero malus poeta, Bacchas scripsit & saltavit.

(b) Consule ipsum Persium. (c) Bacchæ mulieres dicebantur Mimallones, vel Bassarides, vel Mænades, hoc est, Insane. (d) Evon, evion, Bacchantium furentium voces.

istæ sententiæ, quæ meritis repudiantur à magistris artis : *Centaurus se ipsum equitans Auro magis aurea, &c.*

Potest autem vitium illud esse vel in verbis, vel in sententiis. Erit in verbis, si sint vel molliora : quale est illud Mœcenatis : (a) *Femina cirro crispas, & labris columbat, incipitque suspirans, ut ceruice laxa feratur* : vel si sint indecorè translata, qualia sunt ista, quæ damnat (b) Cornificius ; *Montes belli fabricatus est, Campos sustulit pacis* : vel si juncta fuerint more dithyramborum, ut in illo Publii (c) Syri de ciconia.

Pietatis cultrix, gracilipes, (d) crocalistria, Avis exul hiemis.

Erit vitium in sententiis, si nimis tumidæ sint & hyperbolicæ, qualis est ista lippis ac tonsoribus nota, quam referunt Plutarchus, & Cassius : *Minimè mirandum est, si Diana Ephesie templum conflagrauerit, qua nocte natus est Alexander. Quippe Dea in ipsa Olympia matris Alexandri partu, obstetricandi laboribus & curis districta, ignem non valuit restringere.*

Sic etiam nimis frigide ac pueriliter dictum fuit à Plauto de fene avaro, in Aulularia :

Suam rem periisse, seque eradicarier :

*Quin Divum atque hominum clamat continuo fidem ;
De suo tigillo fumus si quâ exit foras.*

Quid est Stylus fluctuans ac dissolutus ?

R. Ille est, qui sine articulis, sine numero, sine arte fluctuat huc illuc, neque sibi ullo pacto coheret ; quod sanè vitium Tyronibus est valde familiare. Hujusmodi autem avert Cornificius : *Socii nostri cum belligerare nobiscum vellent, profectò ratiocinati essent*

(a) *Femen, inis, coscia.* (b) *Auctor libri ad Herrenium.* (c) *Publius Syrus mimorum scriptor elegantissimus, vixit ante Virgilium tempore Julii Caesaris.*

(d) *Quasi Crotalum voce imitans. Crotalus autem est Italici Naccra.*

sunt etiam atque etiam quod possint facere, siquidem sua sponte facerent, & non haberent hinc adiutores multos & malos homines & audaces. Solent enim diu cogitare omnia, qui magna negotia volunt gerere.

Quid est Stylus siccus, & exanguis sive aridus?

R. Ille est, qui nihil ferme habet neque ornamenti, neque succi. Hoc styli genus vulgò (a) Frontoni tribuitur.

§. VII. De Stylo Laconico & Asiatico.

Quid est Stylus Laconicus?

R. Est Stylus argutus, perbrevis, & acutus, quo multa paucis dicuntur. Nomen porro traxit à Laconibus, qui etiam Spartani dicebantur, ac Lacedæmonii, quibus Stylus ille erat in deliciis, & quibus propterea loquacitate nihil erat odiosius.

Trofer selecta aliquot exempla Styli Laconici?

R. 1. Hosti aliquando per atroces ac longiores litteras ferrum flammamque minitanti, hac una syllaba Græca responderunt Spartani, εἰ, si; hoc est, si potes, si per nos tibi licet.

2. Philippo Regi Macedonum injustum nescio quid flagitanti responderunt hac unica litera: ἤ, non.

3. Eiusdem generis est responsum Cleomenis Spartanorum ducis ad Samios: Eorum quæ dixistis, prima non memini; media non intelligo, ultima non probō.

His adde Laconicam illam epistolam Archidami ad Eleos bellum parantes: Archidamus Eleis: Bonum est quiescere.

Itemque illam (b) Philostrati litteram ad amicū: Misso ad te ficus hibernas. Alivare in illis vel quid, iam sunt, vel quiddam adhuc sunt.

Laconicam illam breviloquentiam mirificè expressit
Cæsar

(a) Fronto Marci Aurelii magister, qui illi statuat à Senatu decerni curavit.

(b) Philostratus Philosophus, qui Apollonii Thyranæ vitam Græcè scripsit, sed elegantius quàm varius.

Cæsar in laureatis suis ad Senatam litteris ; victo Pharnace Ponti rege, Mitridatis filio: VENI, VIDI, VICI.

Porrò brevitās illa loquendi imperiosum quiddam habet, idēdque aptissima est minantibus, mirificēque prodest ad animos perterrefaciendos. Nam ut in tenebris magis timentur omnia, quā in luce; sic illæ orationis quasi tenebræ terribiliora reddunt ea, quæ proponuntur, inquit Muretus in variis lectionibus. Idque, ut opinor, secuti sunt Lacedæmonii, cū ad Philippum, interposita nescio, qua offensione, bellum minaciter intentantem ita scripserunt: *Lacedæmonii Philippo: Dionysius Corinthi*. Multo enim fortior, & ut Lucretii verbo utar, penetrabilior illa brevitās fuit, quā si ita dixissent: Memento Dionysium Tyrannum tui prorsus similem, regno fuisse pulsum ob ambitionem ac turbulentum ingenium, & nunc privatam vitam agere Corinthi. Videto ne tibi quoque contingat idem, dum aliorum libertatem studes opprimere.

Neque dissimile illud Demetrii ad Locrenses: *Faxo, cicadæ apud vos humi canant*; cū significare vellet totam illorum regionem à se devastatam iri.

Quid est Stylus Asiaticus?

R. Ille est, qui fusiori quodam orationis ambitu circumscribitur, multisque verbis pauca dicit. Asiatici nomen traxit ab Asiæ populis, qui diffusorem illum Stylum habebant in deliciis. Illius exemplum quotidie vides in verbosis illis hominibus, qui tam multis tam pauca dicunt. Hunc porrò stylum Asiaticum tu fugies, si sapias. Quid enim tam insulsū est, quā verborum vel optimorum sonitus inanis, nulla subiecta sententia?

De ratione Styli comparandi.

Stylus, qui aliud nihil est, quā certa quædam scribendi ratio cuiusque propria, ex duabus maximè rebus coalescit: 1. Ex sententia: 2. Ex sententiæ con-

for-

formatione, seu quod idem est, ex verbis, quibus ornatur & quodammodo vestitur sententia.

De sententia id generatim & universè dici potest, in ea spectandum esse primum, ut sit vera; deinde ut sit perspicua; postremò ut sit argumento idonea, & ad rem da qua agitur accommodata. Id conformatione, verò sententiæ, qua una maximè Stylus continetur, quatuor sunt observanda: 1. Verborum proprietates: 2. Eorundem elegantia: 3. Nexus. 4. Collocatio.

Quomodo cognosci & comparari poterit verborum proprietates, & elegantia?

Ad verborum proprietatem & elegantiam penitus cognoscendam, adjumenti multum afferent, 1. Aureus (2) Hadriani Cardinalis Liber *De sermone Latino, & modis latinè loquendi*. 2. Libellus à Scoto editus de verbis Ciceronianis. 3. Alius à Manutio scriptus, quem *Elegantias latine locutionis* appellat. 4. Liber à Laurentio Valla elaboratus, *De latini sermonis elegantia*. 5. *Delectus Latinitatis* Mureti, & *Flos Latinitatis* Pompey. 6. Non omittendus Liber ab Henrico Stephano editus, *De latinitate falsè suspecta*: nec opus posthumum Vavassoris, *De vi & usu quorundam verborum*.

Præcipuè verò & supra cetera omnia adhibendus erit laudatissimus Nizolii Apparatus in Ciceronem, cum Francisci Sylvi Progymnasmatibus ad illius calcem editis.

Sunt autem Sylvi Progymnasmatibus trecentæ observationes eximiae, de incorrupta Latini sermonis integritate, quas ego Tyronibus pernecessarias semper existimavi.

Quo pacto intelligi poterit & edisci verborum nexus, & apta eorundem collocatio?

R. Verborum nexus, & Ciceroniana collocatio continetur particulis quibusdam, seu commissuris, quæ vim habent hujusmodi, ut nihil sit abruptum in Stylo,

(2) Hadrianus Cardinalis floruit initio Sæc. 16.

lo, nihil hians, & absonum, nihil dissolutum & fluctuans, hoc est, quod sine nervis, articulisque fluctuet huc illuc: sed ut omnes sententiæ, singulæque earum partes certo inter se modo numeroque cohæreant.

Valdè profuerit in eam rem legere aureum Horatii Tursellini libellum. *De Particulis Latine locutionis*. Habebit etiam utilitatem aliquam *Flos latinitatis* in tertia parte, quæ est *de Particulis*; sed Tursellino longè multumque inferior.

Denique ad verborum collocationem Ciceronianam faciliùs noscendam, consulanda erunt Sylvii Progyrnasmata, de quibus suprâ dictum. Vide etiam quæ paulò antè diximus de regulis, quibus reddi poterit numerosa periodus.

Quibus rebus comparari faciliè poterit Stylus optimus?

R. Duabus maximè rebus: primò, diligenti bonorum librorum lectione: 2. assidua eorundem imitatione. Diximus in Elementis de Imitatione: nunc verò superest, ut de Lectione & de Librorum delectu videamus.

De Scriptorum Latinorum delectu.

Quæcumque diximus hætenus, & posthac dicturi sumus, vel nullam, vel perexiguam habebunt utilitatem, nisi exquisitissimum quemdam delectum in Latinis auctoribus legendis, & imitandis adhibeamus.

Sunt autem Scriptorum Latinorum ætates quatuor, nempe uti hominum apud Poetas. Sed Poetis, ut verbis ipsorum utar,

Aurea prima fata est ætas

--- Subiitque argentea proles,

Auro deteriôr, fulvo pretiosior ære,

Tertia post illam successit abenea proles.

--- De duro est ultima ferro.

Latinae verò linguæ ætates ordine contrario procedunt. Nam à ferrea, deinde ab ænea ad argenteam, & mox ad auream ventum est.

Quenam nuncupanda est ferrea Linguae Latine ætas?

R. Ad

R. Ad ferream ætatem refer Leges duodecim tabularum, & Columnam rostratam C. Duillii, quæ hodieque visitur Romæ; itemque Saliarum hymnos Numæ Pompilii, vix tandem à sacerdotibus suis intellectos, cujusmodi est v. gr. rancidulum illud fragmentum, quod à Varrone citatur: *Omnia depatilia comisse Jani cusiones.... Duonus Ceruses Deivos Janos venit.* (a) Porro *depatilia comisse* significat, si quæris, opipara comedis; *Janus* verò *Cusiones* sunt curiones seu sacerdotes Jani; *Duonus Ceruses* est bonus creator: *Deivos* adhibetur pro *Divos*, ut nemo non videt, & *Venet* pro *venit*.

Eodem refer vetustissimum illum versum de Saliorum exultationibus.

Præful ut amptuat, & volgu redamperuat olli.

Hoc est, cum Saliorum antistes & magister saltans, atque tripudians motum aliquem edidit, eundem omnino motum de compacto referat Saliorum chorus omnis:

Et volgu redamptuat olli.

Amptuare enim erat olim motum aliquem saltando edere. Porro ferream illam Latinæ Linguae ætatem jure poteris illius quasi pueritiam appellare.

Quenam est ænea Linguae Latine ætas?

R. Ænea ætas incipit à Livio Andronico, qui omnium primus Latinos versus scripsit. Ad eandem ætatem pertinet

Ennius ingenio maximus, arte rudis:

Ut de illo scribit Naso; itemque Cæcilius, *Malus Latinitatis auctor*, inquit Tullius. Totum porro tempus illud, quo florere Andronicus, Ennius, Nævius,

(a) Lusissima erat Saliorum cœna, unde Horatius: Nunc salutaribus ornare pulvinar deorum Tempus erat dapibus, sodales.

vius, Cæcilius, Pacuvius, &c. quasi crescentem Latinæ Linguae ætatem poteris nuncupare.

Quanam est ætas argentea?

R. Ad ætatem argenteam pertinent Plautus in suis Comædiis, & Cato de re rustica. Terentium verò ad auream ætatem omnino referendum esse judicamus: quamquam nonnullis, ob illius *Archaismos* secus visum fuerit, sed immeritò. Hanc verò argenteam ætatem quasi adolescentiana Latinæ Linguae possumus appellare.

Quanam demum est aurea Latinæ Linguae ætas?

R. Auream ætatem appello tempus illud annorum ferme centum, quod vulgo Augusti ætas dicitur, esseque magni Ciceronis ortum inter & ejusdem Imperatoris Augusti mortem interjectum. Hac aurea ætate floruerunt inter Oratores ac Rhetores, Cicero & Cornificius, auctor, ut verissimillimum est, quatuor librorum ad Herennium, qui vulgò adscribuntur Ciceroni; inter Historicos Julius Cæsar; A. Hirtius, qui scripsit Commentarios de bello Alexandrino, de bello Africano, & de bello Hispaniensi; Sallustius, (a) Vellejus vulgò dictus Paterculus, Cornelius Nepos, & Quintus Curtius. Inter Poetas Virgilius, Horatius, Catullus, Tibullus, Propertius, Phædrus, Ovidius, Lucretius & Publius Syrus, quorum postremi duo ceteros ætatis aureæ Poetas aliquantum ætate antecessere. Inter Medicos, Philosophos, rei que rusticæ, aut Architectonicæ Scriptores, Varro, Columella, Cornelius Celsus, & Vitruvius. Aureum verò illud tempus quasi virilem latinæ linguae ætatem vocare jure poterimus.

Eos igitur maxime legere & imitari oportet, qui hac aurea ætate vixerunt, ac ante omnes Tullium, *Cælestem in dicendo omnem*, ut eum Fabius appellat, quique, ut ait idem Fabius, *apud posteros id consecutus est, ut Cicero jam non hominis nomen, sed eloquentiæ habea-*

(a) Vellejus Paterculus fuit Prætor in Africa. Hinc errore Librarioꝝ dictus Paterculus pro Pater cuius.

habeatur. Hunc igitur spectemus; hoc propositum sit exemplum. Ille se profecisse sciat, cui Cicero valdè placuerit.

Quanta verò cura ac religione sermonis proprietatem observaverit Cicero, satis magno argumento erit quod dicam. Fuit cum existimaret inhibere remos, idem esse ac retinere; & ut auriga equos inhibet, ut cursum sistat, sic etiam remos inhiberi, dum sustinentur. Postea verò ex nautis didicit inhiberi remos, cum remiges alio navigantes modo, navim ad puppim convertunt. Quod edoctus, minimè cessandum putavit, donec Atticus & Varro monerentur, ut in primo de Oratore libro, quem jam transniserat, locus ille emendaretur. Quod ita esse indicant hæc Tullii verba ad Atticum (a): *Inhibere illud tuum, quod mihi arriserat, vehementer displicet: est enim verbum totum nauticum: quanquam id quidem sciebam; sed arbitrabar sustineri remos, cum inhibere essent remiges iussi.* Id non esse ejusmodi didici heri, cum ad villam nostram navis appelleretur: non enim sustinent, sed alio modo remigant. Il ab (b) *ἡνυχῆς* remotissimum est. Quare facies, ut ita sit in libro, quemadmodam fuit. Dices idem Varroni, nisi fortè mutavit.

Quòd si de vocula una ita laboravit Tullius, nihil mirum si viro, ut omnium eloquentissimo, ita etiam proprietatis adèd amanti, omnium doctissimus Varro mitteret libros suos de Lingua Latina, si iterum omnium fortissimus Julius Cæsar, nec vel eloquentia, vel doctrina illi minor futurus, si totum his se studiis tradidisset, eidem dicaret libros suos de Analogia. Qua de re sic Tullius in Bruto: *In maximis occupationibus ad me ipsum de ratione Latine loquendi accuratissime scripsit Cæsar.*

Quisnam Ciceroni proximus est incorrupta Latini sermonis integritate & elegantia?

R. Primum post Ciceronem damus locum Cæsari, atque Terentio. Sanè quàm præclarè de utroque senserit Tullius, liquet ex his quæ de utroque scripsit.

Ac

(a) Epist. 21. Lib. 13. (b) Retentione.

Ac de Terentio quidem sic loquitur ad Atticum: *Secutus sum, non dico Cecilium (malus enim auctor Latinitatis est) sed Terentium, cujus fabellæ propter elegantiam putabantur à C. Lælio scribi.*

De Cæsare verò sic idem in Bruto: *Etiam Commentarios quosdam scripsit rerum suarum valdè quidem præbandos: nudi enim sunt, recti & venusti, omni ornatus orationis, tamquam veste detracta: sed dum voluit alios habere parata unde sumerent, qui vellent scribere historiam; ineptis gratum fortasse fecit, qui volunt illa (a) calamistris inurere, sanos quidem homines à scribendo deterruit.*

Quinam latinitatis auctores, post tres hos, legendi sunt?

R. Cum Fabio, *Ut quisque erit Ciceroni simillimus; Quales sunt Phædrus, Cornelius Nepos, Livius, Curtius, & alii quos recensuimus, qui vel Ciceronis ævo vixere, vel non ita magno distant intervallo.*

Degustari etiam potuerunt, sed parè & serò, recentiores nonnulli, qui Ciceronem diligenter sunt imitati, & quomodò sit imitandus, ipsi exemplo esse poterunt. Quales sunt Muretus, Manutius in epistolis illis, quas ante senium scripsit, nam cæteræ frigidam sapiunt ætatem, Sadoletus, Bembus, Maffæus pictus atque politus, Bunellus, Tursolinus, Longolius, Perpinianus, Vavassor, Petavius.


Post obitum Augusti, incorrupta illa, quam dixi, latini sermonis integritas sensim adulterari cœpta est, & quasi ex auro in argentum iterum commutari, ut ex Senecæ, Fabiique & aliorum querimoniis liquet. In decresciente illa ætate sunt inter Oratores ac Rhetores, Fabius Quintilianus, Plinius Junior, &c. Inter Historicos Suetonius, Tacitus, Justinus, &c. Inter Poetas, Lucanus, Persius, Silius, Juvenalis, Statius, Mar-

(a) Calamistrum est ferrum illud teres, quo candente capilli intorquentur, in cincinnosque crispantur. Inurere verò Calamistris metaphoricè dicitur pro vanum atque immodicum ornatum addibere, Ital. *Infrascare*, imbellescere, &c.

Martialis, Seneca; Inter Philosophos verò Seneca, Plinius Veronensis: & inter Grammaticos denique Aseonius, Agellius, &c.

Denique à temporibus Severi auspicari licet æneam ætatem, quæ tandem in ferream desit, postquam variarum gentium irruptione ipsi Romani facti sunt barbari, & in hac ætate decrepita sunt Symmachus, Capella, Sidonius Apollinaris, quos omnes tu vitabis summoperè; si sapis.

Finis Libri Primī.



A R T I S R H E T O R I C Æ

L I B E R S E C U N D U S .

D E I N V E N T I O N E .

Eginus hætenus de Figuris ac Tropis, de Periodo & de Stylo . Postulat nunc instituti nostri ratio, ut agamus de Inventione, sine qua, teste Tullio, frivola erit & puerilis omnis locutio .

Quid est Inventio?

R. Est excogitatio argumentorum, quæ valeant tum ad fidem faciendam, tum ad motus excitandos . Primum igitur agendum nobis erit de argumentis, deinde de motibus, seu affectibus excitandis .

De Argumentis & locis oratoriis .

Quid est Argumentum?

R. Est probabile Inventum ad faciendam fidem ; ut, si probare velis expetendam esse Rhetoricam, invenies, quod sit ars benè dicendi .

Undenam sumuntur Argumenta, siue rationes ad aliquid probandum?

R. Sumuntur ex locis oratoriis, quos Tullius appellat *Argumentorum sedes*, in quibus latent, & ex quibus sunt depromenda . Quapropter, si vis Orator esse, in promptu tibi esse debent loci illi, &, ut ita loquar, ad manum ; ut in illis uberrimam Argumentorum segetem faciliè possis invenire .

Quos sunt genera locorum?

R. Duo .

R. Duo. Alii enim petuntur ab ipsa re, & idcirco vocantur *Intrinsici*, seu *infiti*: alii sunt extra ipsam rem, de qua quæstio est: unde etiam vocantur *extrinsici*, seu *Remoti*. De utroque illo genere, ac de primo præsertim, quod majus quoddam monumentum habet ad eloquentiam, accuratissimè nobis est hoc loco tractandum.

C A P U T P R I M U M.

De Locis intrinsicis.

Q Uot sunt Loci oratorli intrinsici?

R. Sexdecim: Definitio, Enumeratio partium, Notatio, Conjugata, Genus, Forma, Similitudo, Dissimilitudo, Comparatio, Repugnantia, Adjuncta, Antecedentia, Consequentia, Causæ, effecta, Comparatio.

§. I. Definitio.

Q Uid est definitio?

R. Est brevis & circumscripta rei explicatio; inquit Tullius; vel, ut Philosophi malunt, Definitio est oratio, quæ rei naturam explicat.

Quomodo fit recta Definitio?

R. 1. Accipito aliquid rei quæ definitur, commune cum aliis: deinde addito aliquid illi unice proprium ac peculiare, & tum demum habebis optimam definitionem: v. g. *Rhetorica est ars bene dicendi*: quod sit ars, hoc illi commune est cum aliis artibus: quod verò sit ars bene dicendi, hoc est illi omnino proprium. Quod si manca sit & mutila tua definitio, jure ac meritò poterit tibi contingere quod olim Platoni contigit. Definierat aliquando Plato hominem, *Animal bipes & implume*. Diogenes Cinicus, homo dicax & Academicorum irrisor, gallum implumem ac nudum in mediam Platonis scholam projiciens, *En*, inquit, *hominem Platonis*.

Est

Estne eadem definiendi ratio Logicis & Oratoribus?

R. Longè diversa. Logici enim jejunè, breviter, ac siccè rem definiunt per genus & differentiam: v. g. *Homo est animal rationale*: Orator verò liberius & ornatius hominem ita definit per locos Rhetoricos: *Homo est eximium opus à Deo efformatum, rationis particeps, ad Dei imaginem conditum, atque ad immortalitatem natum*. Hoc autem Oratorium definiendi genus, si rectè appellare velimus, *Descriptio* potius appellari debet, quàm *accurata Definitio*.

Quot modis fieri solet Descriptio, seu oratoria Definitio?

R. Sex potissimum modis fieri solet. 1. Per partes, ex quibus res ipsa constat; ut si dicas; *Ars oratoria est ars, quæ constat inventionem, dispositionem, elocutionem, & pronuntiationem*.

2. Fit per effectus, ut cùm dicitur: *Peccatum est pestis animæ, conscientie labe, vitæ perniciem, naturæ dedecus, orbis ruina, odium Dei, &c.*

3. Definitio fit per negationem & affirmationem; cùm nempe primùm dicimus quid non sit res, ut deinde melius intelligatur quid sit: & hæc definiendi ratio Ciceroni perfamiliaris fuit. Ita Pisonem probat, non fuisse Consulem. *Tu in litoribus, in toga & prætexta esse consulatum putas? Quæ ornamenta etiam in Sex. Clodio, te consule, esse voluisti. Hujus te Clodiani canis insignibus consulatum declarari putas? Animo consulem esse oportet, ut consilio, fide, gravitate, vigilantia, toto denique munere consulatus. Et pro domo sua: An tu Populum Rom. esse illum putas, constat qui ex iis, qui mercede conducuntur, qui compelluntur, ut vim afferant magistratibus? ut obsideant senatum? optent quotidie eadem, incendia, rapinas? . . . O speciem dignitatemque populi Rom. quam nationes extraneæ, quam gentes ultimæ pertimescant! Multitudinem hominum ex servis conductis, ex facinorosis, ex egentibus congregatam. Illa fuit pulchritudo Populi Rom. illa forma, quam in campo vidisti, tum cùm etiam tibi, contra Senatus,*

natus, totiusque Italiae auctoritatem & studium dicendi potestas fuit.

4. Definitio ab adjunctis. Ita Chymicam artem non minùs verè, quàm lepidè definies: *Chymia est ars sine arte, cujus principium est mentiri; medium laborare; finis mendicare.* Ita Virgilius famam describit ab adjunctis (a).

Fama malum, quo non aliud velocius ullum;
Mobilitate viget, viresque acquirit eundo.
Parva metu primo, mox sese tollit in auras,
Ingrediturque solo, & caput inter nubila condit.
Monstrum horrendum, ingens, cui quot sunt corpore pilum,
Tot vigiles oculi subter (mirabile dictu)
Tot linguae, totidem ora sonant, tot subrigit aures;
Tam ficti praeque tenax, quam nuntia veri.

5. Definitio fit veniè per similitudinem atque Metaphoras, ut si dicas cum (b) Petrarcha, *Polekritudinem esse blandum hostem, dulcem raptorem, tortorem fraudulentum, laqueum pedibus, oculis velum, &c.* Observa tamen, Metaphoricis id genus definitionibus cautè admodum utendum esse & cum mica salis, ut ait Catullus.

S. II. Enumeratio partium.

Quid est enumeratio partium?

R. Est oratio, qua totum in suas partes distribuitur; unde locus ille vocatur etiam *Distributio*: ut si distribuas, ac divides vitam humanam in pueritiam, adolescentiam, virilem aetatem, & senectutem.

Quae sunt regulae, ac leges Enumerationis partium?

R. Tres praeipuae: 1. Regula haec est; affirmatis
omni-

(a) Aen. 4. (b) De remediis utriusque fortunae, Petrarcha Patria Florentinus, Aretii natus, ingenio, eloquentia, & poetica facultate sui saeculi facile princeps floruit saeculo 14.

omnibus partibus, affirmatur totum. Ita Tullius probat Pompejum esse summum Imperatorem, omnes & singulas optimi Imperatoris virtutes sic enumerando: *Ego enim existimo in summo Imperatore quatuor has res inesse oportere: scientiam vel militaris, virtutem; auctoritatem, felicitatem.* Pergit deinde, & quatuor hæc in suo Pompejo summa esse sic probat: *Quis igitur hoc homine scientior unquam aut fuit, aut esse debuit, qui e ludo atque pueritiæ disciplina, bello maximo atque acerrimis hostibus, ad patris exercitum, atque in militiæ disciplinam profectus est?* Deinde de ejus justitia: *Cujus legiones sic in Asiam pervenerunt, ut non modò manus tanti exercitus, sed ne vestigium quidem cuiquam pacato nocuisse dicatur.* Et de temperantia sic loquitur: *Non avaritia ab instituto cursu ad prædæ revocavit, non libido ad voluptatem, non amanitas ad delectationem, non nobilitas urbis ad cognitionem, non denique labor ipse ad quietem, &c.*

Ita etiam (a) Lactantius Dominicæ mortis acerbissimam, singularum partium cruciatu, piè æquè ac eleganter probat:

Compressos speculari oculos, & luce carentes,
Afflictaque genas, arentem suspice linguam
Felle venenatam, & pallentes funere vultus;
Cerne manus clavis fixas tractosque lacertos,
Atque ingens lateri vulnus: Cerne inde cruorem
Purpureum, fossosque pedes, artusque cruentos,
Flecte genu, lignumque Crucis venerabile adora.

Sic Juvenalis Sat. 3. per Partium enumerationem ridet quemdam, qui se omnia scire profitebatur:

Grammaticus, Rhetor, Geometres, Pictor (b)
Aliptes,
Augur, (c) Schœnobates, Medicus, Magus; omnia novit

Gra-

(a) Lactantius Firmianus, eloquentia, & eruditione clarus, Crispi, Constantini magni filii, præceptor.

(b) Aliptes, qui Athletas ungunt. (c) Schœnobates, funambulus. Ballatore sulla corda.

Græculus esuriens; in cœlum, jussu, ibit,

Quenam est secunda regula?

R. 2. Regula hæc est, ut negatis omnibus & singulis partibus negetur totum. Sic probat Tullius Antonium non esse Consulem: *Negat (a) D. Brutus Imperator: negat Gallia; negat cuncta Italia, negat Senatus, negatis vos. Qui igitur illum consulem, nisi latrones, putant?*

Cedo ultimam regulam enumerationis partium?

R. Ut negatis partibus rectè negetur totum, nulla tibi erit prætermittenda pars, quoad ejus fieri poterit. Ita Martialis vetulam quamdam probat esse edentulam:

Si memini, fuerant tibi quatuor, Ælia, dentes,

Expuit una duos tussis, & una duos.

Jam secuta potes totis tussire diebus:

Nil istic, quod agat, tertia tussis habet.

§. III. Notatio Nominis & Conjugata.

AD unum & idem caput duos hosce locos propter affinitatem revocamus. Quamvis porro uterque ille locus, propter levitatem, non aded valere videatur ad persuadendum; quia tamen non parum valet ad delectandum & ad orationem lepore aliquo ac facile condiendam, idcirco ab oratoribus interdum summis adhibetur.

Quid est Notatio?

R. Notatio, seu Etymologia, est locus, qui verborum originem, & significationem inquirat, ut *Senatus* nomen traxit, a *Senibus*: *Consul* vocatur is, qui *consult* patrie: ergo *Piso* nihil minus quam *consul* est: & *Ovidius* in *Fastis Victimam* sic appellari dicit a *vincendo*, & *hostiam* ab *hoste*.

Victima, quæ dextra cecidit victrice, vocatur.

Hostibus a *domitis* *hostia* nomen habet.

Quan-

(a) *Dedus Brutus.*

Quandoam potissimum utendum est Notatione nominis?

R. Quando in nomine aliquo laudem, vel dedecus, aut locum aliquem, non scurrilem ac minicum, sed liberalem, & urbanum invenit Orator. Sic in nomine (a) *Verris* jocosè lusi Cicero, quasi ita dictus fuisset, quod omnia verreret; hoc est omnia raperet homo furacissimus: *Quam tu*, inquit, *domum*, quod *sanum* adisti, quod non *eversum*, atque *extersum* reliqueris? Sic etiam Chrysogonum in avaritiæ suspicionem vocavit ab ipsius nomine, quod *aureum* significat, aut quasi *auro genitum*.

Ad notationem nominis pertinent Anagrammata, cujusmodi sunt ista: *Amor*, *Roma*, *Maro*: *Logica*, *Caligo*: *Ursula*, *Laurus*: *Prudentia*, tardè puni. *Maria Virgo*, mira *Virago*: *Divus Alexius*, diu exul à suis: *Quid est veritas*, est vir qui adest: *Maria Magdalena*, grandia mala mea: *Sacramentum Eucharistiæ*, *Chara Ceres* mutata in *Jesum* &c.

Quamquam, ut ingenuè dicam quod sentio, perpusilli ingenii est, frivolis hujusmodi nugis immorari, quæ scilicet laborantis magis sunt, quam elegantis ingenii partus. Et, si me audies, vana hæc crepundia relinques Judæis, qui multi sunt in obscuris exilibus literulis, & apud quos nata opinor Anagrammata, & ab illis ad nos usque, infelici contagione, derivata.

Quid sunt Conjugata?

R. Sunt ea, quæ ab uno orta vocabulo variè conjunguntur, seu commutantur, ut *Sapiens*, *sapientia*, *sapienter*; *Imperium*, *imperator*, *imperare*. Ex hoc Conjugatorum loco Cæsarem ingeniosè admodum ita laudat (b) Tullius: *Ceteros quidem omnes victores bel-
lorum civilium, jam ante equitate & misericordia vicerat: hodierno verò die te ipsum viciisti*.... Nam cum ipsius victoriæ conditione jure omnes vincti occidimus, clementiæ tuæ judicio conservati sumus. Rectè igitur unum

(a) *Verris* homo libidinosus & avarus, cum in Sicilia triennium prætor fuisset, repetundarum accusatus fuit à Siculis.
(b) Pro Marcello.

invidius es ; à quo ipsius etiam victorie conditio , visque devicta est.

Ex hac verborum Conjugatione sic etiam argumentatur Ovidius :

Aurea nunc verè sunt sæcula. Plurimus auro
Venit honos : auro conciliatur amor.

In hoc idem genus faceret Iulit Martialis Epigr.
lib, 2.

Hostem cum fugeret, se (a) Fannius ipse peremit.

Hic (rogo) non furor est, ne moriari, mori

Ad eundem locum pertinet illud in Pisonem. Cum enim esset omnis causa illa mea consularis & senatoria, auxilio mihi opus erat & Consulis & Senatus.

Est & illud (b) Terentianum elegans in primis in hoc eodem genere : *Homo sum ; humani nihil à me alienum puto.*

Eodem quoque pertinet venustissimum illud Epigramma inscriptum Ludovici M. Statuæ in hortulo Simplicium Collegii Parisiensis S. J.

Vitales inter succos, herbasque salubres

Quàm benè stat populi vita salusque sui.

§. IV. Genus, & species, seu Forma.

Quid est Genus?

R. Genus apud Rhetores dicitur illud, quod est commune multis ; & quod multa sub se complectitur, ut virtus sub se continet iustitiam, temperantiam, fortitudinem, prudentiam.

Facito, sodes, argumentum a genere?

R. Præsto est : *Temperantia est virtus, ergo est amanda.*

Qua

(a) Fannius Cæpio prosciptus, quod in Augustum conu-
rasset, cum fugeret percussor, se ipse interemit. Sic
mori vinci est, inquit de illo Seneca.
(b) In Heautontimorumenos.

Qua potissimum ratione tractatur ille locus?

R. Tractatur in primis cum a specie fit transitus ad genus, seu, ut vulgò loquuntur, cum hypothesis revocatur ad thesim. Hujusce loci luculentum habes exemplum in Oratione pro Archia Poeta, ubi Cicero cum laudandum Archiani Magistrum suscepisset (quod est hypothesis) rem ad thesim revocavit, hoc est, poesim & studia humanitatis generatim & universè laudavit, ut latiore orationi suæ campum aperiret. Adverte igitur quo artificio ab hypothesis transit ad thesim.

Laus Archie Poetæ à genere.

Si igitur sanctum apud vos humanissimos homines hoc Poetæ nomen, quod nulla unquam barbaries violavit, Saxa & solitudines voci respondent: bestie sæpè immanes cantu flectuntur, atque consistunt: nos instituti rebus optimis non Poetarum voce moveamur! (a) Homerum Colophonii civem esse dicunt suum, Chii suum vendicant, Salaminii repetunt, Smyrnæi verò suum esse confirmant. Itaque etiam delubrum ejus in oppido dedicaverunt. Permulti alii præterea pugnant inter se atque contendunt. Ergo illi alienum, quia Poeta fuit, post mortem etiam expetunt. Nos hunc vivum, & qui voluntate & legibus noster est, repudiabimus?

Quod est vitium in genere trahendo vitandum est?

R. Hoc loco solent intemperantiùs abuti Tyrones, dum thesim longiùs trahunt, quòd nempe res sit communior faciliorque, & multorum trita vestigiis; v. g. si de justitia, vel de Charitate sermo sit, illi se se in virtutis laudes universè ac generatim effundent, & miseram crambem, ut ajunt, tædium affectis auribus ac fastidium usque ad satietatem ingerent. Tu igitur, si sapias, hoc vulgare vitium fugies:

Nec circa vilem, patulumque moraberis orbem (c).

Ne

(a) *Homerus poetarum Græcorum princeps, quem suum esse civem septem oppida certatim offerunt.*

(b) *In arto Poetica.*

Ne in te jure cedat lepidum illud Martialis dictum :
Jam dic, Posthume, (a) de tribus capellis.

Ubinam præcipuè locum habet argumentum à genere?

R. Locum habet præcipuum in orationis exordio, ubi præmitti solet aliquod universale principium, à quo ad hypothesein, hoc est ad singularem propositionem descenditur.

Quid est species seu Forma?

R. Ex his, quæ dicta sunt de genere, facile intelliges speciem esse id, quod minùs latè patet; seu esse rem particularem, quæ sub universali continetur. Vocatur autem apud Rhetores *Hypothesis*; v. g. *Virtus est amanda*, est Genus sive Thesis: *Temperanti hic & nunc est in convivio servanda*, en Species, si ve Hypothesis.

§. V. Similitudo, & Dissimilitudo.

Quid est Similitudo?

R. Similitudo est rerum ceteroqui disparium co-actio, atque conniventia in aliqua re; v. g. est similitudo inter avarum & hydropem; quia licèt avarus & hydrops sint duæ res longè diversissimæ, in eo tamen conveniunt, quòd neuter satiari possit. Item homo iratus dicitur esse similis Leoni rugienti; quia homo iratus & Leo rugiens sunt duæ res valdè inter se se dispa- res, quæ tamen in aliqua re conveniunt, nempe in furore. Sic etiam umbra & gloria sunt res diversissimæ; in hoc tamen conveniunt, quòd umbra corpus, gloria virtutem comitetur. Unde ait Cicero: *Gloria est umbra virtutis*.

Quomodo fit argumentum a similitudine?

R. Facies in hunc ferè modum cum Tullio: *Quidam morbo, aut sensus stupore, cibi suavitatem non sentiunt; sic libidinosi, avari, facinorosi, vere laudis gustum*

(a) Ineptus caufidicus, qui ad alia omnia abibat, quia causa postulare.

sum non habent . Sic etiam argumentari poteris à simili cum Ovidio : (a)

Scilicet ut fulvum spectatur in ignibus aurum,
Tempore sic duro est inspicienda fides.

Quid est discriminis inter similitudinem & comparisonem?

R. Similitudinem propriè pertinere ad id , quod *qualitatem* vocant : comparisonem verò pertinere ad *quantitatem* . Fit enim comparatio vel à pari , vel à majori ad minus , vel à minori ad majus , ut dicetur postea ; in similitudine verò nulla fit mentio neque paris , neque majoris , neque minoris .

Quomodo facile poterit inveniri argumentum à simili?

R. Quæres statim quænam res sit similis cujusdam naturæ cum ea , quam explicandam sumis . Ita si agatur de constantia : quæres quid vel maximè resistat , & occurret tibi *rupes* , *adamas* , dicesque cum Virgilio de rege Latino . (b)

Ille, velut pelagi rupes immota resistit . Vel ut idem Virgilius de Didone lib. 6.

Illa solo fixos oculos aversa tenebat.

Nec magis incæpto vultus sermone movetur.

Quàm si dura silex, aut stet Marpesia cautes.

Quid est Dissimilitudo?

R. Est oratio , quæ ex re dissimili dissimile colligit ; ut cum ait Tullius : *Si barbarorum est in diem vivere , nostra consilia sempiternum tempus spectare debent* . Et lib. 2. de Oratore : *Artes reliquæ ab eloquentia differunt , quòd hæc non habeat deffinitam aliquam regionem , cujus terminis septa teneatur : ceteræ verò artes suis se certis quibusdam finibus contineant* . Hunc locum à Dissimili lepidissime tractat Catullus , cum ait Carmine 5.

Soles occidere & redire possunt

No-

Nobis, cum semel occidit brevis lux,
Nox est perpetua una dormienda.

Ad hunc eundem locum pertinet hæc Horatiana sententia:

Damna tamen celeres reparant cælestia luncæ:

Nos ubi decidimus,

Quo pius Æneas, quo (a) Tullus dives, & Ancus,
Pulvis, & umbra fumus.

§. VI. Contraria & Repugnantia.

Quid sunt Contraria, seu Opposita?

R. Sunt ea, quæ in eodem subjecto esse non ponunt; vel si fuerint in eodem, necessariò inter se pugnant.

Quot sunt contrariorum genera?

R. Quatuor omnino numerantur, nimirum Adversa, Relata, Privantia & Contradicientia.

Quid sunt Adversa?

R. Sunt ea, quæ in eodem plurimùm inter se differunt, ut virtus, & vitium; bellum, & pax; sapientia, & stultitia. Cicero Philip. 2. Attende paulisper, cogitationemque sobrii hominis punctum temporis suscipe Nego quidquam esse medium. Confiteor, eos, nisi liberatores Populi Rom. conservatoresque Reip. sint, plus quàm siccarios, plus quàm homicidas, plus etiam quàm parricidas esse: siquidem est atrocius Patriæ parentem, quàm suum occidere. Tu, homo sapiens, & considerate quid dicis? Si parricide, cur honoris causa à te sunt & in hoc ordine, & apud Populum Rom. semper appellati? cur M. Brutus, te referente, legibus est solutus, si ab urbe plus quàm decem dies absuisset? cur provinciæ Cassio & Bruto datae &c. Non igitur homicidæ. Sequitur, ut liberatores tuo iudicio sint.

Quid

(a) Tullus, cognomento Hostilius, tertius Romanorum Rex, illi successit Ancus Martius.

Quid sunt Relata?

R. Sunt ea, quæ se invicem ita respectant, ut alterum sine altero esse non possit, ut *Pater & filius*; *dux & miles*; *Magister & discipulus*; *dominus, & servus*; *qui dat, & qui accipit*. Ita Martialis lib. 1. ex hoc Relatorum loco facetè jocatur in Sosibianum quemdam, qui suum patrem *Dominum* ineptè omnino vocitabat:

E (a) servo se is tū genitum, blandèque fateris,
Dum dicis dominum, Sosibiane, patrem.

Ex hoc eodem loco Cæsarem ita laudat Cicero, in oratione pro Marcello: *Ex quo profecto intelligi debet, quanta in dato beneficio sit laus, cum in accepto tanta sit gloria*. Huc denique pertinent hæc verba Veneris, arma pro filio suo Ænea poscentis à Vulcano:

Arma rogo genitrix nato.

Quid sunt Privantia?

R. Sunt habitus & ejus privatio: ut *vita & mors*; *lux & tenebræ*; *scientia & inscitia*; *pauperies & divitiæ*. Ex privantibus ingeniosè argumentatur Martialis in quemdam:

Ebrius es: nec enim faceres id sobrius umquam.

Nunc etiam ingeniosum illud ejusdem Poetæ lib. 5.

Semper eris pauper, si pauper es, Æmiliane,
Dantur opes nullis nunc, nisi divitibus.

Quid sunt Contradictentia?

R. Sunt ea, quorum alterum negat, alterum affirmat idem de eodem: Ut, *Milo insidiatus est Clodio, Milo non est insidiatus Clodio*.

§. VII.

(2) Sosibianus ex adulterio nobilis Matræ cum servo natus, illius matræ vivam, ejus filius putatur, dominum blandiendo vocitabat.

§. VII. Adjuncta.

Quæ sunt Adjuncta?

R. Sunt ea, quæ cum re, de qua agitur; non necessario, sed probabiliter conjuncta sunt.

Quo? sunt Adjunctorum genera?

R. Tria vulgè numerantur: 1. Adjuncta rei, ut *locus, tempus &c.* 2. Adjuncta corporis; ut *pulchritudo, deformitas, robur, vestis, habitus*: Uno verbo omnia, quæ rem quoquo modo circumstant, sive præcedant, sive comitentur, sive consequantur, appellantur Adjuncta, seu res circumstantes. Unde liquet quàm longè lateque pateat locus ille, & quàm uberem dicendi segetem Oratori suppeditet.

Quomodo sumi potest argumentum ab Adjunctis?

R. Cùm ex loco, tempore, facultate, aliisque id genus, quæ rem circumstant, persuadendi occasionem idoneam captat Orator. Sic (a) Hannibal Italiam ingressus, militibus suis eloquenter admodum facit animos ex loco, unde fugere non liceat.

Oratio Hannibalis milites suos ad pugnam
adhortantis. *Liv. lib. 21.*

*Dextra Levaque duo maria claudunt. Nullam ne ad
effugium quidem navem habemus. Circa Padus annis
major ac violentior Rhodano: à tergo Alpes urgent, vix
integris vobis ac viventibus transire. Hic vobis vincen-
dum aut moriendum, Milites, est Nihil usquam
nobis relictum est, nisi quod armis vindicaverimus. Illis
timidis & ignavis licet esse, qui receptum habent, quos
ager suus, quos sua terra, per tuta ac pacata itinera
fugientes, accipient. Vobis necesse est fortibus viris esse,
& omnibus inter victoriam mortemque certa desperatione
abruptis, aut vincere, aut si fortuna dubitabit, in præ-
lio*

(a) Hannibal Amilcaris filius, Chertaginensium Dux, qui
sæpius Romanos vicit.

lio potius, quàm in fuga mortem oppetere. Si hoc bene fixum omnibus destinatumque in animo est, iterum accam, vicistis. Nullum invitamentum ad vincendum homini à Diis immortalibus acrius datum est.

Cicero autem ab Adjunctis Antonii levitatem ac turpitudinem exagitat: Sed hæc, quæ robustioris improbitatis sunt, omittamus: loquamur potius de iniquissimo genere levitatis. Tu istis faucibus, istis lateribus, ista gladiatoria totius corporis firmitate, tantum vini in Hippie auptis exhauseras, ut tibi necesse esset in Populi Rom. conspectu vomere postridie. O rem non modò visu fedam, sed etiam auditu! Si inter cenam, in tuò immanibus illis poculis, hoc tibi accidisset, quis non turpe diceret? In casu verò Populi Rom. negotium publicum gerens, Magister equitum, cui ructare turpe esset: is vomens, frustis esculentis vinum redolentibus, gremium suum & totum tribunal implevit.

Porro memoriæ juvandæ causa, præcipua octo Adjunctorum genera hoc vulgari versiculo fuere comprehensa:

Quis, quid, ubi, per (a) quos, quoties, cur, quomodo, quando.

Quis significat personam, & quæ ad illam pertinent, cujusmodi sunt genus, educatio, indoles, ætas, sexus, patria, cognatio, fama, virtus, ingenium, &c.

Quid negotium designat, sive rem, de qua agitur: Ubi locum demonstrat; Per quos indicat adjutores & socios, quorum opera facta res est. Quoties docet quàm sæpe res facta fuerit. Cur causam & finem designat. Quomodo modum ac seriem ostendit rei gestæ. Denique Quando denotat tempus, quo gesta res est.

§. VIII. Antecedentia, & Consequentia.

Quid est Antecedentia?

R. Sunt ea, quibus positis, necesse est alia con-

(a) Alii dicunt, quibus auxiliis, sed minus commode.

consequi ; ut, Ortus est sol : ergo dies est. Tu natus es homo , ergo dubio procul morieris . Ille gravissimi sceleris reus est ; ergo gravissimè plectetur à justo iudice.

Quid sunt Consequentia?

R. Sunt ea, quæ rem necessariò consequuntur. Sic autem argumentum duces à consequentibus : *Est cōpia fructuum ; ergo & florum fuit . Cicatricem gerit ; ergo plagam accepit .* Cicatrix enim & fructus plagam & flores consequuntur . Quia verò locus ab Antecedentibus & Consequentibus non maximoperè differt ab Adjunctis, idèd diutius in illo inmorari non est operæ pretium.

§. IX. Causæ.

Quid est Causa?

R. Est id, unde aliquid est, vel id, vi cuius aliquid fit ; ut vulnus est causa mortis , cruditas est causa morbi , &c.

Quotuplex est causa?

R. Quadruplex enumeratur à Philosophis, efficiens ; materialis, formalis & finalis.

Quid est causa Materialis?

R. Ea est , ex qua aliquid fit , aut componitur ; ut marmor est materia , seu causa materialis statuæ , lapides sunt materia domus , corpus est hominis quasi materia.

Quid est Causa Formalis?

R. Est ratio rei, ac nota , per quam res est id , quod est , & à rebus aliis distinguitur ; unde anima est forma hominis , quia per animam fit rationalis , & à ceteris animantibus distinguitur.

Quid est causa Finalis?

R. Est id , cuius gratia aliquid fit ; ut finis belli est victoria , & pax : cùm propter victoriam & pacem bellum suspiciatur. Beata in Cælo vita est causa

finalis hominis, quandoquidem homo agit omnia, vel agere debet certè quidem, ut beatam in cœlo vitam tandem aliquando consequatur.

Quomodo argumentari debemus à Causa efficiente?

R. Sic argumentaberis cum Tullio: *Intemperantia effatum corpus tradit senectuti: ergo diligenter vitanda est*. Ab hoc loco senectutem contra vituperatores ita defendit idem Tullius: *Caret epulis, ajunt, extructisque mensis & frequentibus poculis: caret ergo vinolentia, crudelitate & insomniis*. Ita Ovidius Ægypthi adulterium eulpat à causa efficiente, nempe ab otio:

Quæritur (a) Ægypthus quare sit factus adulter?

In promptu causa est: desidiosus erat.

Sic etiam & felicem inter mortales vitam eleganter commendat Martialis lib. 10. à causis præcipuis, quæ illam efficiunt.

Vitam quæ faciunt beatiores;
Jucundissime Martialis, hæc sunt:
Res non parva labore, sed relicta;
Non ingratus ager; focus perennis;
Lis numquam; (b) toga rara; mens quæta;
Vires ingenue; salubre corpus;
Prudens simplicitas; pares amici;
Convictus facilis: sine arte mensa;
Nox non ebria, sed soluta curis.
Non tristis thorax; attamen pudicus;
Somnus qui faciat breves tenebras:
Quod sis, esse velis, nihilque malis;
Summum nec metuas diem, nec optes.

Quomodo argumentatur à Materia?

R. Ita fermè dices: corpus hominis est mortale; ergo æquum est, ut illi dominetur animus immortalis.

(a) Ægypthus Thyestis filius, stuprata Clytemnestra, ejus maritum Agamemnonem interfecit, & ipse ab Oreste illius filio fuit occisus.

(b) Rara urbana officia, salutationes, obsequia, ad quæ obvianda togæ utebantur.

His. Ita Ovidius Solis regiam commendat à Materia ,
Metamorph. lib. 2.

Regia solis erat sublimibus alta columnis ,
Clara micante auro , flammisque imitante (a) Pyropo :
Cujus ebur nitidum fastigia summa regebat :
Argenti bifores radiabant lumine valvæ .
Materiam superabat opus .

Quomodo sumitur argumentum à causa formali ?

R. Sic dices : animus hominis est immortalis ; ergo mors non est timenda . Excellens est animi natura ; ergo voluptatibus servire non debet . Ita Cicero : Si considerare velimus , quæ sit in hominis natura excellentia , & dignitas , intelligemus quàm sit turpe diffuere luxuria , & delicate ac molliter vivere ; quàmque honestum parcè , continentur , severè , sobriè .

Quomodo denique argumentandum est à causa finali ?

R. Ita probabis cum Tullio , insidias Miloni fruxisse Clodium , quod nempe multas ex illius interitu sibi polliceretur utilitates : Quonam igitur pacto probari potest , insidias Miloni fecisse Clodium ? Satis est quidem in illa tam audaci , tam nefaria bellua , docere magnam ei causam , magnam spem in Milonis morte positam , magnas utilitates fuisse . Itaque illud Cassianum : Cui bono fuerit , in his personis valeat : & si boni nullo emolumento impelluntur in fraudem , improbi sepe parvo . Atqui Milone interfecit Clodius hoc assiduebatur , non modò ut Prætor esset , non eo Consule , quo scelus nihil facere posset ; sed etiam ut his Consulibus prætor esset , quibus , si non adjuvantibus , at conniventibus certè , sperasset se posse rempublicam eludere in illis suis cogitatis funeribus , &c.

Denique ex quatuor illis causis simul junctis commendare poteris celeberrimum templum Ierosolymitanum : Causa efficiens erit Salomon , Sapiensissimus
idem

(a) Pyropus non est gemma , aut carbunculus , ut vulgò malè creditur , sed genus æris ductilis , cui admixta est quarsa pars auri .

idem atque ditissimus, & alii peritissimi artifices, qui in illo elaborarunt. Causa materialis erunt Pretiosi lapides, ligna cedrina, aureæ laminæ, &c. Causa formalis erit ipsa structura, & pulchritudo templi. Finalis erit summi Dei cultus, in cujus honorem fuit extructum.

§. X. Effecta.

Quid sunt effecta?

R. Effecta, seu effectus sunt ea, quæ oriuntur ex causis. Hunc locum mirificè tractat Tullius libro de senectute, ubi funestos voluptatis effectus ita describit:

Voluptatis incommoda ab effectis.

Accipite optimi adolescentes veterem orationem (a) Architæ Tarentini, magni in primis & præclari viri, quæ mihi tradita est, cùm essem adolescens (b) Tarenti cum Quinto Maximo. Nullam capitaliorem pestem, quàm voluptatem corporis hominibus dicebat à natura datam: cuius voluptatis avidæ libidines temerè & effrenatè ad potiundum incitarentur.

Hinc patriæ prodiciones, hinc rerum publicarum everfiones, hinc cum hostibus clandestina colloquia nasci dicebat: nullum denique scelus, nullum magnum facinus esse, ad quod suscipiendam non libido voluptatis impelleret. Supra verò & adulteria & omne late flagitium, nullis aliis illecebris excitari, nisi voluptate. Cùmque homini siue natura, siue quis Deus, nihil mente præstabilius dedisset; huic divino muneri ac dono nihil tam esse inimicum, quàm voluptatem. Nec enim libidine dominante, temperantiæ locum esse omnino, nec in voluptatis regno virtutem posse consistere..... Quocirca nihil esse tam detestabile, tamque pestiferum, quàm voluptatem.

§. XI.

(a) Architas Philosophus Pythagoricus, vixit tempore Platonis. (b) Tarentum urbs magna Græciæ, à Tarantæ Neptuni filio condita.

§. XI. Comparatio.

Quid est Comparatio?

R. Est (a) oratio, qua duo, vel plura in tertio aliquo conferuntur, quod illis commune est; ut, *Cato licuit sequi bellum civile; igitur & Cicero licet*. Commune est enim ambobus sequi bellum civile.

Quot sunt Comparationum genera?

R. Tria. Primum est à majori ad minus. Secundum est à minori ad majus. Tertium est à pari.

Quomodo argumentamur à Comparatione majoris ad minus?

R. Cùm contendimus, ut id, quod valet in majori, valeat etiam in minori; ut cùm ait Cicero in Antonium: *Quid faceres domi tue, cum alienæ tam sis insolens?* Sic etiam Terentius: *Quem feret, si parentem non fert suum?*

Ex hoc eodem loco probat Ovidius leniri posse Augustum, quodd vel ipsi Dii leniantur.

Cur ergo posse negem leniri Cæsaris iras,
Cùm videam mites hostibus esse Deos?

Quomodo fit argumentum à Comparatione minoris ad majus?

R. Quando contendimus, ut quod valet in minori, valeat etiam in majori; ut Cicero pro Legge Manilia: *Majores nostri sæpè, mercatoribus ac naviculatoribus injuriosius tractatis, bella gesserunt: vos tot Civium Romanorum millibus uno nuntio, atque uno tempore necatis, quo tandem animo esse debetis?* Huc pertinet etiam Horatianum illud Epist. 2.

Ut jugulent homines, surgunt de nocte latrones:
Ut te ipsum serves, non expergisceris?

Quomodo fit argumentum à Comparatione parium?

R. Fit, cùm contendimus, id, quod valet in una re,

(a) Cic. in Topic.

de, valere etiam debere in alia pari: ut, lex est, qui occiderit patrem, insutus in (a) culeum dejiciatur in profluentem: ergo & qui matrem occiderit, eodem supplicio dignus est. Ita Cicero licere sibi Syllam defendere, qui fuerant ante ab Hortensio defensus, probat orat. pro L. Syll. Si conjuratio patefacta per me est, tam patet Hortensio, quam mihi. Quem quum videas honore hoc, auctoritate, virtute, consilio præditum, non dubitasse, quin innocentem Syllam defenderet: quero, cur, qui aditus ad causam Hortensio patuerit, mihi interclusus esse debuerit? Quæro illud etiam, si me, qui defendo, reprehendendum putas esse, quid tandem existimes de his summis viris, & clarissimis civibus, quorum studio & dignitate celebrari hoc iudicium & ornari, causamque defendi hujus innocentis vides?

C A P U T II.

De Locis extrinsecis, seu remotis.

Quæ sunt Loci extrinseci?

R. Loci extrinseci, qui etiam vocantur remoti & assumpti; sunt ii, qui nullo modo pendent ab arte ingenioque Oratoris, ut excogitentur, quique extraxem ipsam positi sunt, quapropter ab Aristotele rectè vocantur (b) Argumenta inartificialia, seu arte carentia, non quod artis omnino sint expertia; cum potius illorum tractatio summum requirat artificium, sed quod non eruantur ex rebus ipsis & ex causæ visceribus; quippe quæ foris eruantur, & auctoritate sola nituntur, itaque sunt inartificialia, quod attinet ad Inventionem; non verò quod spectat ad usum atque tractationem.

Quot

(a) Ital. *Otro*, sacco di cuojo.

(b) Τῶν δὲ πρὸς τὴν αἰσθησιν, αἱ μὲν ἀτεχνὰ εἰσιν. Rhet. lib. 1. cap. 2.

Quot sunt Loci extrinseci?

R. Sex assignantur à Quintiliano: Leges, seu Præjudicia, Fama, Tabulæ, Jusjurandum, Tormenta, Testes.

Quomodo argumentandum est à Legibus ac Præjudiciis?

R. 1. Dices, præjudiciâ ac leges esse vincula reipublicæ, regnorum fundamenta, justitiæ nervos, omnis æquitatis fontem, libertatis asylum, sapientiorum virorum oracula. 2. Commendabis eos, à quibus latae sunt leges. 3. Recensebis damna, quæ consequentur, si leges impunè violentur; juvabit interdum afferre ipsa legis verba, conceptamque ac solemnem formulam; v. g. *Si quis hominem, dolo malo, morti (a) ducit, parricida esto.*

Si lex tibi adversetur, illam ita refutabis, & infringes: Dices 1. Vel antiquatam fuisse legem, & amplius non valere. Ita Cicero pro Rabirio; *Tunc mihi etiam legis (b) Porciæ mentionem facies?* 2. Vel legem legi oppones. 3. Vel dices standum esse non legis litteræ, quæ nimirum occidit, sed ipsius legislatoris menti. 4. Dices majoris cujuscumque utilitatis gratia, licere interdum à legibus discedere. Sic olim cum Virgilius moriens, testamento jussisset suum poema comburi, supremæ huic illius voluntati (quamquam id leges juberent) noluit tamen obtemperare Imperator Augustus, ut ipsemet testatur hisce versiculis:

Frangatur potius legum veneranda potestas,
Quàm tot congestos noctesque diesque labores
Hauserit una dies.

Quid est Fama, seu Rumor?

R. Fama, ut hîc accipitur, est sermo vulgi, sine ullo auctore ac capite dispersus; seu, ut ait Quintilianus, est *Sermo multitudinis, qui habet auctoritatem, nisi irrepperit malitia, vel nimia quædam, ut fit, credulitas.*

Quo-

(a) *Vox obsoleta pro det.*

(b) *Lex Porcia à M. Porcio lata contra eos, qui civem Romanum necabant, aut virgis cedebant.*

Quomodo tractandus est locus à Fama?

R. Si tibi causæque tuæ faveat fama, dices magnam esse vim atque auctoritatem Famæ, cui optimus quisque tam impensè studet. Dices populi vocem esse quoddam quasi oraculum, quod vix unquam fallere possit. Usurpabis in primis aureum illud Plinii dictum ad Trajanum: *Singuli decipere ac decipi possunt: nemo omnes, neminem omnes fecerunt.*

Contra verò, si tibi, causæque tuæ rumor advensetur, erit amplificanda verbis Famæ levitas atque inconstantia, quæ sæpè viris integerrimis maculas amet aspergere. Dices, ex opinione magis, quàm ex veritate res æstimari solere. Usurpabis autem Senecæ, opinor, sententiam: *Pessimi argumentum turba est.* Dices cum Juvenali Sat. 1.

Dat veniam corvis, vexat censura columbas.

Addere denique poteris de fama cum Virgilio Æneid. 4. & cum Tertulliano etiam, in Apologetico, quodd nimirum sit:

Tam ficti pravique tenax, quàm nuntia veri.

Ita Tullius pro Plancio iudices obsecrat, ne disseminatis rumusculis fidem habeant: *Illud unum vos magnopere oro atque obsecro, cum hujus, quem defendo, tum communis periculi causa, ne fictis auditionibus, ne disseminato disperfoque sermoni fortunas innocentium subjiciendas putetis Nihil est tam volvere, quàm maledictum; nihil faciliùs emittitur; nihil citiùs excipitur; nihil latius dissipatur.*

Quid sunt Tabulæ?

R. Nomine Tabularum intelliguntur omnia Testimonia scripto exarata, quibus pacta conventa, contractus, codicilli, stipulationes, testamenta, & alia id genus continentur.

Quid est Fusiurandum?

R. Est affirmatio, vel negatio rei alicujus, ritu religioso facta, & Deo Optimo Maximo in testem appellato. Sic olim Scipio apud Livium, lib. 23. *Si*
sciens

sciens fallo; tu me Jupiter Opt. Max. domum, familiam remque meam pessimo (a) loco afficias. Quod si fortè juramenti fidem velis infirmare, dices cum eloquentissimo illo (b) Massiliæ Sacerdote Salviano, *Plures invenias qui sæpius pejerent, quàm qui omnino non jurent*. Et rursus idem Salvianus libro 4. *Si pejeret Francus, quid navè facit? Qui perjurium ipsum sermonis genus putat esse, non criminis*.

Quid sunt Tormenta, sive quæstio?

R. Sunt cruciatus, vi quorum veritas extorquetur a Regis. Valet ut plurimum locus ille ad faciendam fidem, si post quæstionem reus in facti confessione perseveret. Facit item maximoperè ad probandam ejus, qui accusatur, innocentiam, si tormentis adduci non potuit, ut crimen fateretur.

Quomodo infirmari poterit locus ille?

R. Dices periculosam esse fallacemque confessionem, quæ tormentorum vi exprimitur; quandoquidem compertum est, benè multos innocentes vi tormentorum ac metu doloris, ad falsa dicenda persæpè fuisse adactos; poterisque hoc loco usurpare sapientissimam illam viri clarissimi Hugonis (c) Grotii sententiam: **MENTIETUR** qui ferre poterit; **MENTIETUR**, qui ferre non poterit. Ita etiam Cicero pro Sylla: *Quæstiones, inquit, servorum, ac tormenta nobis accusator minitatur, in quibus quamquam nihil periculi suspicamur, tamen illa tormenta gubernat dolor, moderatur natura cujusque cum animi tum corporis, regit quæstor, fleclit libido, corrumpit spes, infirmat metus, ut in tantis rerum angustiis nihil veritati loci relinquatur*.

Quid sunt Testes?

R. Sunt qui de re, quæ vocatur in controversiam; voce, vel scripto testimonium ferunt. Accedit huic testi-

(a) Letho ita lapides antiqui. (b) Salvianus scriptor eloquentissimus, Treviris natus, fuit Massiliæ sæculo quarto. (c) Hugo Grotius Batavus, vir summa & exquisitissima litteraturæ, obiit anno 1645.

testificationi majus pondus atque auctoritas: 1. Si testes sint oculati: 2. Si sint jurati: 3. Si sint viri probi atque integerrimi: 4. Si sint viri illustres ac primarii. 5. Si nulla nec spe, nec cupiditate impulsu testimonium dicant.

Porro Testimonium potest esse vel humanum, vel divinum. Humanum est illud, de quo suprà dictum est. Ad divinum referebantur olim Oracula, seu voces Dei ipsius; Auspicia, seu Auguria, quæ erant testimonia ex avium volatu, cantu, pastuque duci solita; Vaticinationes, quæ erant responsa Vatum; responsa denique Sacerdotum & Haruspicum, qui vel interpretabantur somnia, vel ex extorum inspectione; futura conjiciebant; unde vocabantur *Conjectores*. Ad divinum humanumque Testimonium spectat vulgaris illa, sed egregia Lucani sententia de Cæsare ac Pompejo.

... Quis justius induit arma;

Scire nefas. Magno se iudice quisque tuetur.

Victrix causa Diis placuit, sed victa Catoni.

Quomodo infirmatur locus à Testibus?

R. Infirmabitur locus ille, si dicas, Testes esse homines vel infames, vel leves ac futiles, vel servos, domesticos, amicos, aut quomodocumque suspectos. 2. Si ostendas, illos non secum ipsis cohærere, sed pugnantia loqui. 3. Si graviores Testes illis opponas. 4. Si conjecturis & argumentis, illorum testimonii subtilitatem demonstres. 5. Denique si dicas, Testes illos esse homines infimæ sortis, atque egentissimos, qui faciliè subornari potuerint.

C A P U T III.

De secunda Inventionis parte, seu de moribus excitandis.

ORatoris munus ac partes sunt primùm ut persuadeat, doceatque audientium animos: deinde

ut

ut eisdem moveat, inflammet ac flectat. Diximus in prima hujusce libri parte de argumentis ad docendum, & ad fidem faciendam idoneis. Postulat nunc instituti nostri ratio, ut motuum, sive affectuum concitandorum fontes aperiamus; dicamusque qua ratione faces ac stimuli sint auditorum animis subjiciendi, quod est in Oratore præcipuum. Siquidem homines affectu magis, quam ratione ducuntur, & quod approbant bonum non semper amplectuntur, exemplo Medæ illius Ovidianæ (a):

.... Video meliora, proboque:

Deteriora sequor....

Sed antequam affectus omnes singillatim persequamur, pauca quædam, ut sit, de illorum natura numeroque præmittamus.

Quid est Affectus?

R. Est animi sententia, ex opinione boni, vel mali nata commotio. Vel, ut clarius dicam, est quidam animi impetus, quo impellimur vehementius ad aliquid vel appetendum, vel averfandum.

Quid sunt Affectus?

R. Sunt qui cum Stoicis, quatuor tantum statuunt affectus: duos circa bonum, nempe *spem* & *gaudium*; & duos circa malum, scilicet *tristitiam* & *metum*. Quatuor hosce motus eleganter expressit Virgilius Æneid. 6. cum ait: *Hinc metuum, cupiuntque, dolent, gaudentque*. Eosdem (a) Boethius hisce quatuor versiculis est complexus:

Gaudia pelle,
Pelle timorem:
Spemque fugato:
Nec dolor adsit.

Phi-

(a) *Metamorph. lib. 7.*

(b) Severinus Boethius, ingenio, eruditione & poesi nobilis, capite truncatus a rege Theodorico anno 626.

Philosophi verò longè plures statuunt affectus, de quibus ita dicemus, ut primò illorum definitionem afferamus, deinde, quomodo sint excitandi quàm accuratissime præcipiamus.

§. I. De Amore, & Odio.

Quid est Amor?

R. Est affectus, quo alicui benè volumus, ei-que benefacimus, non nostra, sed illius causa. Ubi vides tres omnino esse germani amoris conditiones ac dotes. 1. Est ut ei, quem amamus, optemus bona, vel saltem quæ bona esse arbitramur. 2. Conditio est, ut quæ bona judicamus, non optemus illi dumtaxat, sed etiam pro virili parte procuremus. Ut enim ait Julius Scaliger:

Tu si ex animo fortè velis (a) cui benefactum, Addas operam: sola cadaver est voluntas.

3. Conditio est, ut ita simus animati non propter propriam utilitatem, sed illius causa, quem diligimus. Nam, ut ait (b) Cicero, si ad fructum nostrum referemus, non ad illius commoda, quem diligimus; non erit ista amicitia, sed mercatura quædam utilitatum suarum.

Quid differt Amor ab Amicitia?

R. Differt, quòd sit verus amor, etsi qui amat non redametur; in amicitia verò requiritur amor mortuus. Unde Aristoteles rogatus quid esset amicus, pulchrè respondit: (c) *Anima una in duobus habitans corporibus.*

Quo pacto conciliandus est Amor?

R. Amoris conciliandi causæ ac viæ præcipuæ sunt. 1. Eccellens quedam & rara virtus. Ita Ilionæus Trojanorum Orator præclaram Ænææ virtutem collaudando, Didonem illi conciliare conatur, Æneid. 1.

Rex

(a) Cui .i. alicui. (b) 1. De N. ura Deorum.

(c) Μία ψυχὴν ἐν δύο σώμασιν ἐνοικῆσα.

Rex erat Æneas nobis, quo justior alter
Nec pietate fuit, nec bello major, & armis.

2. Utilitas, & collata beneficia. Ita Cicero Miloni benevolos mirifice facit judices ab ejus in patriam beneficentia: *Hicne vir patriæ natus, usquam nisi in patria morietur?* &c. Sic etiam ventorum rex Æolus, commemoratis Junonis erga se beneficiis, suum erga illam gratum ac memorem animum testatur. (a)

Tu mihi quodcumque hoc regni, ut sceptrâ, Jove
vemque

Concilias, tu das epulis accumbere Divum,
Nimborumque facis, tempestatumque potentem.

2. Nulla re magis comparatur amor, quam amore mutuo, ut monet pervulgata illa Senecæ vox: *Si vis amari, ama.* 4. Denique conciliatur amor, oris ac corporis dignitate, si sit cum virtute conjuncta; unde rex Evander apud Virg. lib. 8.

... Sed cunctis altior ibat

Anchises. Mihi mens juvenili ardebat amore

Compellare virum, & dextræ conjungere dextram.

Quid est Odium?

R. Est affectus animi aversantis id, quod malum esse putatur.

Quanam arte concitandum erit Odium?

R. Ex iis, quæ de amore diximus, facile cuivis patebunt Odii fontes, quod erit à contrariis capitibus excitandum, nimirum ab insignibus vitiis, ab improbitate superbiaque, ab illatis injuriis. Cujus rei mirificum habes exemplum apud Cornelium Tacitum in Agricolæ vita, ubi magnanimus ille Galgacus suorum Britannorum animos adversus Romanos hac eximia oratione irritare conatur.

Gal-

Galgaci oratio contra Romanos apud Tacitum.

Raptores orbis ; postquam cuncta vastantibus defuere terra, & mare scrutantur. Si locuples hostis est, avari : si pauper, ambitiosi, quos non Oriens, non Occidens satiauerit. Soli omnium opus atque inopiam pari affectu concupiscunt. Auferre, trucidare, rapere falsis nominibus Imperium : atque ubi solitudinem faciunt, Pacem appellant. Libros cuique ac propinquos suos natura charissimos esse voluit : Hi per delectum, alibi seruituri auferuntur. Coniuges sororesque, etsi hostilem libidinem effugiant, nomine amicorum atque hospitem polluuntur. Bona fortunasque in tributum egerunt, in annonam frumentum : Corpora ipsa ac manus silvis ac paludibus emunientibus, verbera inter ac contumelias conterunt. Nata seruituti mancipia semel veniunt, atque ultra a dominis aluntur. Britannia servitutem suam quotidie emit, quotidie pascit, &c.

S. II. De Metu, Spe, & Audacia.

Quid est Metus, sive Timor?

R. Est perturbatio nata ex opinione mali impendentis.

Quenam sunt artes & industrie concitandi metus?

R. Tres sunt potissimum. Prima est, si denuncietur malum aliquod magnum ac grave, ut bellum, pestilentia, pauperies, infamia, infelix æternitas. 2. Si ostendatur mali vicinitas, imminesque periculum : neque enim solent homines metuere vel ipsam mortem, si longè remotam arbitrentur ; at illius horrore concutiuntur, ubi urget morbus, pestilentia, vel naufragium : (a)

Præsentemque viris intentant omnia mortem.

Hac arte mirabiliter, suo more, utitur Tullius in 2. Catilin. ubi funesta Catilinæ consilia & impendentes urbi calamitates ita describit : Videor mihi hanc urbem

(a) *Ætid.* 1.

urbem videre, lucem orbis terrarum atque arcem omnium gentium, subito uno incendio concidentem. Cerno animo sepultam patriam, miseros atque insepultos acervos civium. Versatur inibi ante oculos aspectus (2) Cethegi in vestra cede baschantis. Quapropter de summa salute vestra, Populique R. de vestris conjugibus ac liberis, de fanis ac templis, de libertate ac salute Italiae, deque universa republica decernite diligenter, ut instituis, ac fortiter.

Eadem arte Æneas Anchisem patrem humeris gestans, apud Virgilium lib. 2. timorem suum sic exponit ab imminenti calamitatis magnitudine:

Succedoque oneri: dextræ se parvus Julius
Implicuit, sequiturque patrem non passibus æquis:
Ponè subit conjux. Ferimur per opaca locorum,
Et nunc, quem dudum non ulla injecta movebant
Tela, neque adverso glomerati ex agmine Graji,
Nunc omnes terrent auræ, sonus excitat omnis
Suspensum; & pariter comitique onerique timentem.

3. Concitandi metus industria, & ars hæc est, si proponatur malum, non publicum duntaxat & commune, sed privatum & proprium. Solent enim nos privata multo magis tangere, & acrioris doloris sensu ferire, quam publica: etsi homines vulgò videri malint publico potius dolore moveri, quam suo.

Hoc probè intellexerat olim nobilis ille Græcus histrio, nomine Polus, qui Athenis acturus fabulam Sophoclis, cum representandus esset dolor Electræ gestantis cineres Orestis, clanculùm eruit e sepulchro cineres, ossaque filii, quem amaverat unicè, urnamque detulit in scenam, & eum lugere videretur aliena mala, deflebat sua. Ita A. Gellius lib. 7.

Quid est Spes?

R. Est gaudium ex opinione imminenti boni.

Quenam sunt incitamenta, animura ad Spem erigentia?

R. Hæc duo numerantur: 1. Honestas, & magnitudo

(b) Cethegus unus d. principibus conjurationis Catilinae.

senior Horatius apud Livium, ut filium, ob interfec-
tam sororem, parricidii reum, ab imminente morte
liberaret.

Oratio P. Horatii ad populum pro Filio parricidii reo.
Livius lib. 1.

Huncine, quem modò decoratum, ovantemque victo-
ria, incedentem vidistis, Quirites, eum sub furca vin-
ctum, inter verbera & cruciatus videre potestis? Quod
vix Albanorum oculi tam deforme spectaculum ferre pos-
sunt. I listæ, colliga manus, quæ paulò ante armatæ
imperium populo Romano pepererunt. I, caput obnube li-
beratoris hujus urbis: Arbori infelici suspende: Verbera,
vel intra (a) Pomærium, modò inter illa pila, & spo-
lia hostium: vel extra Pomærium, modo inter sepulchra
curiatorum. Quò enim ducere hunc juvenem potestis,
ubi non sua decora cum à tanta faditate supplicii vindi-
dicent?

3. Ars est, si calamitatis magnitudo, vel diutur-
nitas, ceteræque hujusmodi circumstantiæ luculenter
exponantur.

4. Ars hæc est, si tristitia quædam recentis mise-
riæ signa, monimentaue ob oculos auditorum po-
nantur, ut cruentæ vestes, vel ipsum mortui cadaver,
aut imago. Nam, ut monet Horatius ad Pisones:

Segniùs irritant animos demissa per aures,
Quam quæ sunt oculis subjecta fidelibus....

Sic M. Antonius, qui postea Triumvir fuit, pro-
lata Julii Cæsaris veste pugionibus ac gladiis perfora-
ta, sanguineque cruentata, Romanam plebem ita ac-
cendit, ut ad conjuratorum ædes inflammandas e ve-
stigio provolaverit. Sic Clotildis Clodovæi filia durè
& inclementer habita à marito Amarico Visigothorum
rege, cum sudarium suo imbutum sanguine ad fratres
suos Francorum reges misisset, (b) immane illud hel-
lum excitavit, quo res Visigothorum penitus attritæ,
dele-

(a) Ital. Spazio tra le mura, e l'abitato, &c.

(b) Gregorius Turenensis, lib. 3. cap. 10.

deletæque fuerint . Sic olim summus ille orator Antonius, cum defenderet Aquilium, in causa peroranda, tunicam ejus diloricavit, ac discidit e pectore, & adversas senis cicatrices judicibus ostendit.

Sic etiam Æneam flectere Dido conatur apud Ovidium in Heroide, hac lamentabili sui imagine ac pittura.

Aspicias utinam quæ sit scribentis imago !

Scribimus, & gremio Troicus ensis adest.

Pecque genas lacrymæ strictum labuntur in ensam,

Qui jam, pro lacrymis, sanguine tinctus erit.

§. IV. De Ira & Indignatione.

Quid est Ira?

R. Dicere possem cum Horatio: *Ira brevis furor est*. Sed malo cum Aristotele sic illam definire: *Ira est sui, propter contemptum, ulciscendi cupiditas, cum dolore conjuncta*. Unde non maximopere differt ab odio, quod est *Ira quædam inveterata*.

Quomodo excitatur & incenditur Ira?

R. Accenditur commemoratione illatæ injuriæ, si præsertim injuria sit tum contemptu conjuncta. Hinc nimirum apud Virgilium Æneidos. 1. tantoperè effervesceit Junonis ira contra Trojanos, ob spretam à Paride Trojano formam suam, & Hebem filiam Ganymedi Trojano postpositam:

- - - Manet alta mente repositum

Judicium Paridis, spretæque injuria formæ,

Et genus invisum, & rapti Ganymedis honores.

Et rursus in eodem libro suam iram sic suscitatur eadem Juno:

Ast ego, quæ Divum incedo Regina, Jovisque

Et soror & conjux, una cum gente tot annos

Bella gero. Et quisquam numen Junonis adoret

Præterea? aut supplex aris imponat honorem?

Quo quis verò est gloriæ appetentior, vel dignitate illustrior, hoc ob sui contemptum vehementius

H solet

solet irasci. Cujus rei memorabile in primis est exemplum Narsetis eunuchi, rei militaris gloria præstantissimi. Is enim post res fortiter gestas adversus Totilam Gothorum regem, cum invidia quorundam, à Justino Imperatore Italiæ præfectura fuisset exutus, atque etiam ab Imperatrice Sophia, impotentis animi femina, virulento hujusmodi fuisset impetitus convitio: *Narsetem eunuchum ad pensa lanaeque cum feminis esse relegandum*; illud aded acerbè tulit, ut se telam brevi orsurum dixerit, quam Imperator & Conjux, dum viverent, nulla vi industriaque retinere possent. Ac paulo post, evocatis in Italiam Longobardis, Imperatori magnam Italiæ partem ademit.

Quid est Indignatio?

R. Est dolor perceptus ob secunda res, bonaque alterius, qui hac felicitate judicatur indignus: ut apud Maronem Eclog. 1.

Impius hæc tam culta novalia miles habebit?
Barbarus has segetes?

Ejusmodi est etiam illud Eclogæ 8.

Mopso Nisa datur: quid non speremus amantes?
Jungentur jam (a) gryphes equis, æquove sequenti
Cum canibus timida venient ad pocula damæ.

Quomodo ab invidia differt indignatio?

R. Hoc differt, quod indignatio sit tantum in indignos, eo quod fruuntur bono, ut vel ex ipso nomine liquet. Unde indignatio præsertim suscipitur ab his, qui sunt viii probi, & honoris cupidi; quia boni ferunt indignè malos florere: & honoris studio indignantur, immerentes anteferrì sibi. Invidia verò est erga bonos, & sua felicitate dignos.

Quomodo concitatur Indignatio?

R. Excitatur duplici modo. 1. Si vitæ prioris fordes, & vilitas cum præsentis temporis opibus, pot-

ten-

(a) Gryphus genus ferarum, de quo Job. 40. cum aliis, & caput aquilæ, & reliquo corpore leonino, vulgo Griffo.

tentia, & arrogantia præsertim conferantur. 2. Si hominis, in quem indignamur vitia, cum viri, cui antefertur, virtutibus comparentur. Ex primo capite Tullius indignationem ita movet in Vatinius: *Atque illud tenebrosissimum tempus ineuntis ætatis tue patior latere . . .* Deinde commemorat, ut homo vilis & obscurus paulatim ad honores accesserit; tandemque illa subjungit: *Te cognati respuunt, (a) tribules excrantur, vicini metuant, affines erubescunt, (b) strumæ denique ab ore improbo demigrarunt, & aliis jam se locis collocarunt.* Quasi nempe adeo sit impurus, ut vel ipsæ strumæ fœdum hominem averfentur.

Similiter Horatius indignationem concitat adversus Menam Pompeji magni libertum in hac Oda cedro linenda:

Licet superbus (c) ambules pecunia,
 Fortuna non mutat genus.
 Videſne, ſacram (d) metiente te viam
 Cum bis ter ulnarum toga,
 Ut ora vertat hæc & hæc euntium
 Liberrima indignatio?
 Sectus flagellis hic* (e) triumviralibus,
 Præconis ad fastidium,
 Arat Iuleni mille fundi jugera,
 Et (f) Appiam (g) mannis terit:
 Sedilibusque magnus in primis eques,
 Othone contempto, sedet.

Ex secundo capite vehementer indignatur Ajax apud Ovidium, quod Ulyſſes ſecum auſit de Achillis armis contendere.

...Agi-

(a) Ex eadem tribu. (b) Ital. *Sci.* 16

(c) *Menas*. cum ab herede Pompejo deſectus, ad Auguſtum, ab illo Tribuſus munus ſibi datus. (d) *Via ſacra* ſic dicta, quia ad Jovis templum & Cæſarum viam duceret. (e) *Jugera* de jure, ac ſuſibus exercebant tres juvenes, qui triumviri capitales dicebantur.

(f) *Via Appia* Roma Brundisium uſque pertingebat, nomen uero à Claudio Appio Cæſe, qui eam muniverat.

(g) Ital. *Barberetti*.

.... Aginnus, pro Jupiter, inquit,
Ante rates causam, & mecum confertur Ulysses!
Præmia magna peti fateor: sed demit honorem
Æmulus Ajaci. Non est tenuisse superbum,
(Sic licet hoc ingens) quidquid speravit Ulysses.

§. V. De Mansuetudine.

Quid est Mansuetudo?

R. Mansuetudo, seu lenitas, ac clementia,
est motus oppositus iræ: neque aliter definitur quam
ira remissio atque mitigatio.

Quenam est ars conciliandæ clementiæ?

R. Mitigabitur ira, & conciliabitur mansuetudo;
primum ingenua quadam culpæ confessione ac dolore.
Ita Cicero Cæsarem, iratissimum licet, tamen Liga-
rio placavit: *Ad judicem sic agi solet; sed ego ad pa-
trem loquor: erravi, temerè feci, panites; ad clemen-
tiam tuam confugio; delicti veniam peto: ut ignoscas
ero: si nemo impetravit, arroganter; si plurimi, in
idem fer opem, qui spem didisti.*

2. Facit ad placandam iram humilitas, & suppli-
cis animi demissio, præsertim apud hostem magnani-
mum. Ut enim pulchrè ait Ovidius lib. 3. Tristium:

Corpora magnanimo satis est prostrasse Leoni;
Pugna suum finem, dum jacet hostis, habet.

Addere poterit cum Virgilio tritum illud libri 6.

.... Romane, memento

Parcere subjectis & debellare superbos.

3. Ad delineandam iram maximè sunt adhibendi;
qui minùs habent roboris, & quos de vi inferenda
cogitare nulla est suspicio, cujusmodi sunt pueri,
fœminæ, senes, sacrorum antistites. Ita legimus in
sacris paginis, Davidis iram ab Abigail, iram (a) Ar-
taxerxis ab Esther fuisse repentè mitigatam. Roma-
na quoque historia testatur, Sabinarum interventu,

Romu-

(a) Artaxerxes, in sacris codicibus dictus Ahasuerus.

Romulum inter & Tatium fœdus ictum fuisse . Item Volumnia & Vetus Macium Corolianum , patriæ funestum bellum inferentem , à noxio proposito dimoverunt .

4. Facit plurimum ad iram molliendam , si scias , & captes molles aditus , & comoda fandi tempora ; quale est tempus convivii , ludi , fausti alicujus successus , victoriæ , festivitatis ac lætitiæ publicæ , quo tempore solent homines ad mansuetudinem esse propensiores .

5. Si prudenter ostendas , quantum præstet mansuetudo cupiditati vindictæ ; ut rectè monet Juvenalis hisce versibus aureis Satyræ 13.

.... Quippe minuti

Semper & infirmi est animi , exiguique voluptas ,
Ultio , continuè sic collige quædà vindicta
NEMO magis gaudet , quàm femina .

6. Denique valet plurimum ad clementiam , si dicas , qui peccavit , non dedita opera , non dolo malo peccasse , nec id egisse , ut eum contemneret , quem habet iratum : sed vel incautum , vel errore humano deceptum , vel necessitate adactum peccavisse . Vide qua dexteritate locum hunc tractet Tullius ad Cæsarem M. Marcello placandum : *Atque hoc C. Cæsaris judicium , P. C. quàm latè pateat , attendite . Omnes enim qui ad illa arma facti fuimus , nescio quo , reipublicæ misero funestoque compulsi , etsi aliqua culpa tenemur erroris humani , scelere certè liberati sumus . Nam cum M. Marcellum , deprecantibus vobis , reipublicæ conservavisse , memet mihi , & item reipublicæ , nullo deprecante , reliquos amplissimos viros & sibi ipsis & patriæ reddidit : quorum & frequentiam & dignitatem hoc ipso in confesso videtis . Non ille hostes induxit in curiam , sed judicavit à plerisque ignoratione potius , & falso atque inani metu , quàm cupiditate aut crudelitate civile bellum esse susceptum .*

§. VI. De Æmulatione.

Quid est Æmulatio? R. Est dolor ex aliena felicitate susceptus, non quod illi contigerit, sed quod nos illa careamus. Hinc liquet, Æmulationem esse in laude ponendam, & ad perdiscendum bonas artes plurimum valere. Sunt enim Æmulationi obnoxia, quæ maximè præclara, ut virtus, honores, opes, doctrina, gloria, &c.

Quid interest Æmulationem inter & Invidiam?

R. Æmulationem bonam esse, landabilem, & honestam, quia nos excitat, ut ipsi quoque bona consequamur. Contra verò Invidia vitiosa est turpisque, quia id agit, ne alter bonis potiatur, ut ait Horatius,

Invidus alterius rebus macrescit opimis.

Quomodo excitari potest Æmulatio?

R. Excitatur majorum exemplo, nominis gloria & propositis illustrium virorum egregiis facinoribus. Ita Andromache Æneidos 3.

Quid puer Ascanius? Superatne, & veseitur aura?

Ecquid in antiquam virtutem, animosque viriles

Et pater Æneas, & avunculus excitat Hector?

Ita magnus ille Alexander cum ad Achillis tumulum adstitisset, ejus gloriam & felicitatem æmulatus, O fortunatè, inquit, adolescens, qui tua virtutis Homerum præconem inveneris! Et ille historicorum princeps Thucydides, adhuc adolescentulus, cum forte suam historiam Herodotus legeret, ita gloriæ stimulis agebatur, ut lacrymas tenere non posset. Quo animadverso, Herodotus ejus patri dixit: Ne tu sanè beatus es, qui filium habeas sic avidum gloriæ, & laudis appetentem.

Concluduntur doctrinae de Affectibus generali præcepto.

Hactenus de Affectibus dictum est , in quibus illud generatim est observandum , quod apud Ciceronem (1) monet Antonius : Ut omnes motus , quos Orator accipere volet judici , in ipso Oratore impressi , atque inani esse videantur . Neque enim facile est perficere , ut irascatur , cui tu velis , iudex , si tu ipse id lentè ferre videare : neque ut oderis eam , quem tu velis , nisi te ipsum flagrantem odio antè viderit ; neque al miserordiam adducitur , nisi ei tu signa doloris tui , verbis sententiis , voce , vultu , collacrymatione denique ostenderis . Ut enim nulla materies tam faciliis ad exardescendum est , quæ , nisi admoto igni , ignem concipere possit ; sic nulla est mens tam ad comprehendendam vim oratoris parata , quæ possit incendi , nisi inflammatus ipse ad eam , & ardens accesseris .

Optimè igitur monet Horatius in arte poetica :

.... Si vis me flere , dolendum est
Primum ipsi tibi : tunc tua me infortuna lædent .

Finis Libri Secundi.

A R-

(1) Lib. 2. Orat.

ARTIS RHETORICÆ

LIBER TERTIUS.

DE DISPOSITIONE.

Quid est Dispositio?

R. Dispositio definitur à Cicerone, rerum inventarum in ordinem distributio.

Quanam est Dispositionis utilitas?

R. Non minus necessaria est dispositio ad fidem faciendam & ad motus excitandos, quàm instructio exercitus ad pugnam ac victoriam; quàm in humano corpore conformatio membrorum, ad gratiam & venustatem; quàm in ædificio lapidum cæmentique apta compositio, ad ædium opportunitatem, & elegantiam. Unde merito præcipit Horatius in arte poetica:

Singula quæque locum teneant sortita decenter.

Sanè ordo ubi adest, res audiuntur libentius, audita intelliguntur faciliùs, & intellecta diutiùs inhaerent. Si verò negligatur dispositio, fit nimirum monstrum illud ex variis animantibus conflatum, quod Artis initio scitè pingit idem Horatius. Fit quod eodem loco reprehenditur.

Velut ægri somnia, vanæ

linguntur species, ut nec pes, nec caput uni
Reddatur formæ

Quin nullum mihi videtur certius argumentum ineptiæ, hebetisque ac pinguis ingenii, quàm cum ita
in-

incondita est oratio, ita perturbata, nihil ut sit primum, nihil secundum. Contrà verò nullum majus indicium artis & industriæ, quàm ordo. Quamobrem cum hætenus actum sit de Elocutione, & de Inventionem, in quibus opus est in primis lepore atque ingenio; deinceps videndum de Dispositione, in qua una magis elucet Oratoris judicium atque prudentia.

Quisnam ordo servandus est in orationis dispositione, seu quænam sunt orationis partes?

R. Orationis partes vulgò quatuor assignantur: Exordium, Narratio, Confirmatio, seu Contentio, & Peroratio.

Hæc artificiosa dispositio videtur omnino naturæ consentanea. Satis enim novimus, vel ipsa duce natura, ubi quidpiam volumus impetrare, 2. Conciliandos esse animos eorum quibuscum agimus, & hoc est Exordii munus: deinde exponendum esse illud quod petimus, & hoc est Narrationis; 3. afferendas esse rationes, quibus ostendatur illud concedendum nobis esse, & hoc efficit Confirmatio: denique preces addendas, aut alios motus adhibendos, quibus impelli vehementiùs auditorum animi possint, & hoc Peroratione consequimur.

Sunt qui non quatuor dumtaxat, sed sex omnino velint esse partes orationis; nempe Exordium, Divisionem, Narrationem, Confirmationem, Confutationem, & Perorationem, quas etiam ajunt indicari per vagatissimo hoc versiculo:

Exorsus, narro, seco, firmo, refuto, peroro.

Verùm, si rectè res æstimare velimus, Partitio cum Propositione revocatur ad Exordium: Confirmatio verò redit ad Confirmationem. Unde liquet, quatuor tantum esse statuendas orationis partes, quarum duæ valent ad faciendam fidem, scilicet Narratio, & Confirmatio: reliquæ verò faciunt ad motus excitandos, videlicet Exordium & Peroratio. Nunc verò de partibus orationis singulatim videamus.

CAPUT PRIMUM.

De Exordio.

Quid est Exordium?

R. Exordium definitur à Tullio : *Pars orationis , auditorum animos idoneè comparans ad reliquam distributionem .* Unde quod in humano corpore caput est , quod in ædibus vestibulum , hoc est Exordium in oratione . Atque adeò præcipua quadam cura diligentiaque , præ ceteris orationis partibus , est elaborandum , naturæ ipsius instar , quæ in fingendo , atque ornando capite potissimum desudare consuevit . Unde etiam Exordium *difficillima pars orationis* vocatur à Tullio !

Undenam sumpta est Exordii vox ?

R. Est Metaphora à textoribus sumpta , qui propriè telam ordiri dicuntur , cum certa quadam lege fila collocant , & ordine illa componunt .

§. I. De variis Exordiorum generibus.

Quotuplex est Exordium?

R. Duplex . Aliud est justum ac legitimum , quod etiam temperatum appellatur : aliud est vehemens & abruptum , sive ex abrupto .

Quid est Exordium justum ac legitimum ?

R. Illud est , quo auditorum animi artificiosa quadam verborum conciliatione præparantur .

Quid est Exordium ex abrupto ?

R. Illud est , quo Orator , quasi quodam abreptus impetu , auditores repentino & inopinato motu percellit . Tale est celebratissimum illud Ciceronis Exordium in Catilinam : *Quousque tandem abutere , Catilina , patientia nostra , &c.*

Quomodo fit Exordium ex abrupto ?

R. Fit primò per licentiam , seu per liberiores quem-

quemdam loquendi modum. Sicut apud Livium lib. 23. Mucius Scaevola deprehensus in Porsenæ castris, ita illum alloquitur ex abrupto: *Romanus sum civis: C. Alutium vocant. Hostis hostem occidere volui; nec ad mortem minus animi est, quam ad necem fuit. Et facere & pati fortia Romanum est. Nec unus ego in te hos animos gessi. Longus post me ordo est idem petentium decus. Proinde in hoc discrimen, si juvat, accinge, ut in singulas horas capite divices tuo & Ferrum hostemque in vestibulo habeas regie. Hoc tibi juvenis Romana bellum indicimus. Nullam aciem, nullum praelium timueris: uni tibi & cum singulis res erit.*

2. Iit per indignationem & increpationem, ut cum apud Livium lib. 2. cap. 40. Veturia filium (a) Coriolanum sic alloquitur. *Sine, priusquam complexum accipio, sciam, ad hostem, an ad filium venerim: captiva, mater ne in castris tuis sim. In hoc me longa vita, & infelix senectus transit, ut exulem te, deinde hostem viderem! Potuisti populari hanc terram, quæ te genuit atque aluit! Non tibi, quanvis infesto animo, & minaci perveneras, ingredienti fines ira cecidit! non cum in conspectu Roma fuit, succurrit: Istra ista moenia domus ac penates mei sunt, mater, conjux, liberi que? Ego ego, nisi peperissem, Roma non oppugnaretur! nisi filium haberem, libera in libera patria mortua essem!*

Quandonam usurpandum est Exordium ex abrupto?

R. Usurpatur potissimum vel in summa aliqua gratulatione & lætitia; vel in summa quapiam offensio-
ne, aut indignatione: quibus scilicet omnibus Orator extra se rapī videtur quodammodo.

§. II. De Virtutibus ac vitiis Exordii.

Quæ sunt Exordii dotes ac virtutes?

R. Quatuor vulgò recensentur: *Proprietas, cura, veracundia, brevitas.*

In

(a) *Martius Coriolanus plebis odio in exilium actus, patri-
ria bellum intulit.*

In quo posita est proprietas Exordii?

R. In eo posita est, ut Exordium sit cum reliqua oratione conjunctum, tamquam caput cum corpore. 2. Ut sit ex re quasi natum, & ex ipsis causæ visceribus ita depromptum, ut ex illius natura quodammodo videatur efflorescere. Contrà verò vitiosum erit, si sit vulgare ac commune, hoc est, si causis aliis, & fortasse etiam contrariis, possit accommodari: cujusmodi Exordia lepidè comparantur (a) Ephippio, quod equis benè multis accommodaretur, vel gladio Delphico, qui ad hunc modum factus fuit, ut eodem & sacras mactarent victimas, & supplicia nocentes afficerent.

2. Vitiosum erit Exordium, si sit commutabile, hoc est, si leviter mutatum, ab adversario possit usurpari. 3. Si sit procul accersitum, longiusque petitum, vel si nihil ad rem pertineat. Quæ Exordia similiter se habent ac

Humano capiti cervicem pictor equinam
Jungere si velit,

Quale etiam fuit Exordium inepti illius causidici, qui de lite inter duos vicinos acturus, Exordium petivit ab Adamo, vixque ad diluvii tempora tandem pervenit.

In quo posita est Exordii cura?

R. In eo posita est, ut Exordium sit plenum dignitatis, sic accuratum & acutum, sit aptum verbis & instructum sententiis, & quod periti solent Architecti: vestibula aditusque ad causam faciat illustres, inquit Tullius. Prima quippè Oratoris commendatio proficiscitur ab Exordio: quod si negligentius tractatum fuerit, reliqua omnia fastidiet & nauseabit auditor. Ut enim optime monet Labiùs, pessimus sanè videtur gubernator ille, qui e portu solvens, statim ad scopulos navem appellit. Caveat tamen Orator, ne, quod sæpè contingit, Exordii nimis picti & nimis

(a) Ital. *felis*.

mis artificiosi splendore ac concinnitate , (a) præstigi-
 arum ac fraudis suspicionem auditoribus præbeat.

In quo consistit exordii verecundia?

R. In eo consistit , quodd Orator dicere incipiens ; præ se ferat ingenuum illum pudorem , quem in Oratore summo L. Crasso tantopere laudavit Cicero ; Fuit enim , inquit , in L. Crasso pudor quidam , qui non modò non obesset ejus orationi , sed etiam probitatis commendatione prodesset . Et ipse etiam L. Crassus de se sic confitetur lib. 1. de Oratore . In principiis dicendi , tota mente , atque omnibus artibus contremisso . Sciebat enim summus ille dicendi artifex & doctor , ostendi solere auditorum animos , si Orator velut exultans si-
 bique præfidens , ad dicendum accedat.

In quo posita est brevitatis Exordii?

R. In eo posita est , ut Exordium reliquæ orationis magnitudini sit accommodatum , & ut inani verborum circuitione non producat longius quam par sit . Neque enim profectò cubitali Pygmæi corpori caput giganteum , aut humili tugurio valvæ prægrandes ingensque vestibulum affigi debent . Quod si fiat , bellissimè sanè quadrabit in enormia id genus procœmia facetum illud Diogenis dictum ad (a) Myndios , qui suo oppidulo grandes & magnificas fores affixerant ; *Viri Myndii , portas claudite , ne uibs exeat .*

Nolim tamen orationi nullum jungatur Exordium , ut olim in Areopago fieri solitum accepimus , ubi dicebant Oratores (c) *sine Exordio , sine affectibus , sine epologo* ; inquit Julius Pollux , & ut etiam à Xenophonte factitatum legimus , qui sic exorditur : *Darius , & Parisatis duos habuere filios .*

Nolim etiam orationi , ceteroquæ longulæ , brevissimum , ut nonnulli solent , affigatur Exordium : neque enim ingentem Basilicam decent exiguæ fores ;
 aut

(a) Ital. travvegole , rabbamenti .

(b) Myndus oppidulum Cariae , in Asia minori .

(c) Ἀνευ προοιμίου , καὶ παροιδίου καὶ ἐπιλόγου .

aut giganteo corpori Pygmaei caput, vel ingenti colosso globulus imponitur.

§. III. De variis Exordiorum fontibus.

Varii sunt fontes, unde derivari solet Exordium justum ac legitimum. Nos hic præcipuos indicabimus.

1. Exordium rectè ducitur ab adjunctis personæ, rei, loci, ac temporis: atque hic erat fons notus ac familiaris Tullio, qui hinc fermè solebat exordiri. In oratione pro M. Cælio exorditur a temporis insolentia: quippe die festo, contra quàm fieri soleret, causam dicere cogebatur. Exordium Milonianæ ducitur 1. a persona adversariorum, qui armati forum obsidebant: 2. a persona Pompeji judicis: 3. ab insolita judicii forma. Pro Rege (a) Dejotaro, ducit exordium ab angustiis loci, in quo habita fuit hæc oratio: *Moveor etiam ipsius loci insolentia* (inquit Tullius) *quòd tantam causam, quanta nulla unquam in disceptatione versata est, (b) dico intra domesticos parietes, dico extra conventum & eam frequentiam, in qua oratorum studia niti solent; in tuis oculis, in tui ore vultuque acquiesco.... Hanc enim, C. Cæsar, causam si in foro dicerem, eodem audiente & disceptante te, quantam mihi alacritatem populi Rom. concursus afferres? Quis enim civis ei regi non faveret, cujus omnem ætatem in populi Rom. bellis consumptam esse meminisset? Spectarem curiam, intuerer forum, calum denique testarer ipsam.... Quæ quoniam angustiora faciunt parietes, atque cause maxime debilitatur loco, tuum est, Cæsar, qui pro multis sæpè dixisti, quid nunc mihi animi sit, ad te ipsum referre; quo facilius tui equitas tua, rum audiendi diligentia minuat hanc perturbationem meam.*

2. Ducitur Exordium a rotunda simplicique rei expositione, sine fuco & calamiistris, & sine ullo in
speciem

(a) Hæc oratio privatim habita in ædibus Cæsaris.

(b) Dejotarus Gallogræciæ rex in bello civili Pompei partes secutus, victorem Cæsarem cum excepisset hospitio, fuit accusatus, quòd ei struxisset insidias.

speciem artificio . Ita Cicero pro Ligario : *Novum crimen, C. Caesar, & ante hunc diem, inauditum, propinquus meus ad te, Q. Tubero detulit: Q. Ligarium in Africa fuisse.*

3. Ducitur Exordium à contrario, cùm prima fronte ea videmur dicere, quæ causæ nostræ sint omnino contraria, & adversariis faveant, ut scilicet eos sensim in nostram sententiam nihil minùs cogitantes pertrahamus; in quo sanè est artis & industriæ plurimum. Ita Alexander apud Curtium milites suos cohortaturus, ut secum audacter pergant ad extremas Indiæ partes, primò videtur probare illorum studia, qui reditum in patriam cogitabant: *Magnitudinem rerum, inquit, quas gessistis, milites, incunctis vobis, minime mirum est & desiderium quietis & satietatem gloriæ occurrere, &c.* Deinde mutata sensim velificatione, in contrariam sententiam callidissimè descendit.

4. Ducitur Exordium ab insigni quopiam effato, & dicto, vel ab illustri exemplo. Ita Catilina suos conjuratos ad impium bellum adhortatur apud Sallustium hoc effato: *Compertram habeo, milites, verba virtutem non addere, neque ex ignavo strenuum, neque fortem ex timida exercitum imperatoris oratione fieri.* Ita etiam Cæsar, dum in Senatu pro Catilina loquitur, apud eundem Sallustium, ab insigni effato sic exorditur: *Omnes homines (P. C.) qui de rebus dubiis consultant, ab odio, amentia, ira, atque misericordia, vacuos esse deceet.*

5. Duci potest Exordium ab insigni aliqua questione. Ita Tullius suum de Inventione Rhetorica librum auspicator: *Sæpè & multum hoc mecum cogitavi, boni ne an mali plus attulerit hominibus & civitatibus copia dicendi, ac summum eloquentiæ studium.*

Eodem ex fonte suum in (a) Rufinum carmen ducit Claudianus.

Sæpè mihi dubiam traxit sententia mentem,

Cu-

(a) Rufinus Arcadii tutor affectas imperium, à militibus occiditur.

Curarent superi terras, an nullus inesset
Rector, & incerto fluerent mortalia casu.

Abstulit hunc nobis Rufini pœna tumultum,
Absolvitque Deos. Jam non ad culmina rerum
Injustos crevisse queror. Tolluntur in altum
Ut lapsu graviore ritant.

6. Præclare admodum trahitur Exordium à suspensione, quæ mirificè preparat auditorum animos, magnæ alicujus rei expectatione; & illos acuit vehementi cupiditate sciendi quid demum sit illud, quod polliceatur Orator. Ita Cicero Verrina 1. *Quod erat optandum maxime, judices, & quod unum ad invidiam vestri ordinis, insaniamque judiciorum sedendam maxime pertinebat; id non humano consilio, sed propè divinitus datum atque oblatum vobis summo reip. tempore videretur. Invetrauit enim jam opinio perniciosa reip. vobisque periculosa: quæ non modò Romæ, sed & apud cæteras nationes omnium sermone percrebuit, his judiciis quæ nunc sint, PECUNIOSUM hominem, quamvis sit nocens, nullum posse damnari.*

Denique Exordium ab ipsis causæ visceribus, hoc est ab intimis causæ principiis trahendum est, & in illo solerter jacienda argumentorum & affectuum omnia semina, quæ deinde retractata, fusiùs explicentur. Id verò non difficulter efficies, si ex Fabii Quintiliani præcepto diligenter intuearis, apud quos, pro quibus, contra quos, quo loco, quo tempore, quo rerum statu dicendum sit tibi; quid auditores ac iudices sentire credibile sit; quis sit orationis tuæ scopus; quid petas, quid consequi velis. Hæc omnia ubi perfectæ maturè fuerint tibi, ipsa te magistra natura facilè docebit, unde sit tibi capiendum orationis Exordium.

§. IV. De Officio ac munere Exordii.

Quodnam est officium ac munus Exordii?

R. Triplex; ut nempe reddat auditorem benevolam, attentum, & docilem.

Unde reddet auditorem benevolum?

R. Ex quadruplici capite : 1. à persona Oratoris ipsius : 2. à persona adversariorum : 3. à persona auditorum , vel judicum : 3. ab illius , pro quo dicitur , persona .

Quomodo reddet auditorem benevolam à persona Oratoris ipsius?

R. Si Orator modestiam , pudorem , probitatem , & ingenuum quemdam candorem ore potius & re ipsa præ se ferat , quàm verbis ostendet . Poterit tamen interdum sua merita , suum officium , suas virtutes , sed parcè omnind ac sine arrogantia commendare ; quod mirificè facit Tullius in oratione pro Archia , suo quondam magistro : *Si quid est in me ingenii , judices , quod sentio quam sit exiguum ; aut si qua exercitatio dicendi , in qua me non inficior mediocriter esse versatum ; aut si hujusce rei ratio aliqua ab optimarum artium studiis ac disciplina profecta , à qua ego nullum confiteor ætatis meæ tempus abhorruisse , earum omnium rerum vel in primis hic A. Licinius fructam à me repetere prope suo jure debet . Nam quoad longissimè potest mens mea respicere spatium præteriti temporis , & pueritiæ memoriam recordari ultimam , inde usque repetens , hunc video mihi principem & ad suscipiendam , & ad ingrediendam rationem horum studiorum extitisse . Quod si hæc vox hujus hortatu præceptisque conformata , nonnullis aliquando salutis fuit : a quo id accepimus , quo ceteris opitulari , & alios servare possemus , huic profectò ipsi , quantum est situm in nobis , & opem & salutem ferre debemus .*

Quomodo colligetur benevolentia ab adversariorum persona?

R. 1. Si dicamus , nos nimiam illorum eloquentiam , aut gratiam revereri , unde illa reddatur suspecta judicibus : quod pulchrè admodum facit Cicero pro Quintio : *Quæ res in civitate duæ plurimum possunt , hæ contra nos ambæ faciunt in hoc tempore , summa gratia & eloquentia , quarum alteram , C. Aquili , vercor , alteram metuo .*

2. Si illos in odium & in invidiam adducere, vi-
tiorum, quibus laborant, commemoratione, concen-
mur; ut pro Dejotaro: *Crudalem (a) Castorem, ne
dicam sceleratum & impium: qui nepos avum in discrimen
capitis adduxerit, adolescentiæque suæ terrorem in-
tulit ei, cujus senectutem tueri & regere debebat.*

Quod si adversarius sit vir bonus notæque probita-
tis ac fidei, Tullium imitaberis, qui cum pro Mu-
ræna diceret, Catonemque virum antiquæ virtutis ha-
beret adversarium, non quidem in ejus vita moribus-
que quidquam culpavit; sed tamen, ut illi quomo-
documque fidem detraheret, sectam Stoicorum, cui
se Cato totum addixerat, irridere cœpit; idque tam
falsè, tamque facetè, ut judicium risu dissolveretur,
& Cato ipse dixerit: *Quia (b) ridiculum habemus
Consulem!*

*Quomodo captabitur benevolentia à persona vel audi-
torum, vel judicum?*

R. 1. Si eis confidere videatur Orator, ut pro
Roscio Amerino. 2. Si suam causam cum eorum uti-
litate coniungat, ut passim in Philippicis. 3. Si eo-
rum justitiam, fidem, auctoritatem & dotes ceteras
modestè commendet, ut in Exordio Milonianæ, ubi
Tullius Pompejum laudat à sapientia justitiaque, cum
ait: *Sed me recreat & reficit Cn. Pompeji sapientissimi
& justissimi viri consilium, qui profectò nec justitiæ suæ
putaret esse, quem reum sententiis judicum tradidisset,
eum telis militum dedere: nec sapientiæ, temeritatem
concitatæ multitudinis auctoritate publica armare.*

Imò ne ipse quidem Paulus Apostolus hoc sibi ne-
gligendum putavit, cum pro se ipse diceret apud re-
gem Agrippam, Actorum Capite 25. *De his omni-
bus, quibus accusor à Judæis, rex (a) Agrippa, æstimo
me beatum, apud te cum sim defensorus me hodie, ma-
ximè te sciente omnia, & quæ apud Judæos sunt con-
sue-*

(a) Cæsar Dejotari nepos ex filia.

(b) Plutarchus in vita Catonis.

(c) Agrippa ultimus Judæorum Rex, filius illius Herodis
Agrippæ, qui ab Angelo percussus fuit.

suetudines & quæstiones. Propter quod obsecro patienter me audias.

Quomodo paratur benevolentia à persona elicientis, siue illius, cuius causa agitur?

R. Si illius innocentiam virtutemque commendes: si illius calamitatem, amicorum inopiam & solitudinem conqueraris; ut Cicero pro Roscio Amerino.

Semperne laborandum est in exordio, ut capetur auditorum Benevolentia?

R. De captanda Benevolentia non valdè laborandum esse in causis illis, quæ per se sunt honestæ, sed tantùm in iis, quæ sunt vel paradoxæ, vel dubiæ, vel humiles. Quatuor enim causarum genera distinguit Divus Augustinus in eximio suo libro de Rhetoricæ principiis; *Honestas, intractabiles, dubias & humiles*: quæ ab illo vocantur *ἱστοῦσαι, παρὰδοξαί, ἀποῖστοῦσαι, ἄδοξαί*.

In huius quippe argumento se se maxima nonnumquam exercuerunt & ostentarunt ingenia; ut olim Polycrates, qui murium panegyricum celebravit, & Lucianus, qui muscam laudavit. Inter juniores verd Majoragius scripsit encomium luti, Calcagninus, post Psellum, pulicem prædicavit, Scaliger anserem, Passeratius ipsum nihil laudandum suscepit, Unibram Janus Douza præconio celebravit: & nostra ætate vir Cl. Daniel Heinsius asinum pediculumque laudavit.

In his verd, aliisque id genus humilibus causis, itemque in illis, quæ minùs gratæ sunt auditoribus, opus est insinuatione, seu exquisitiore quadam arte, qua Orator subdolè & latenter in auditorum animos irrepat.

§. V. De paranda attentione.

Ulenam conciliatur attentio?

R. Conciliatur partim promissione, partim petitione; promissione quidem, si polliceamur nos esse dicturos de rebus vel novis, vel magnis, vel utilibus, vel jucundis. Ita Horatius Od. 1. lib. 3.

Carmina non priùs

Audita, Musarum Sacerdos

Virginibus puerisque canto.

Sic etiam in primis Cicero pro Rabirio : *Sic enim existimare debetis, Quirites, post hominum memoriam, rem nullam magis periculosam, magis ab omnibus vobis providendam, nec à Tribuno plebis susceptam, neque à Consule defensam, neque ad populum R. esse delatam.* Hoc etiam egregiè præstitit Maro, quando de apibus dicturus, ita cecinit 4. Georg.

Protinus aerii mellis cœlestia dona

Exequar. Hanc etiam (a) Mecœnas, aspice pat-

tem.

Admiranda tibi levium spectacula rerum,

Magnanimosque Duces, totiusque ordine gentis

Mores, & studia, & populos, & prælia dicam.

In tenui labor, at tenuis non gloria....

Nolim tamen montes, ut ajunt, aureos in ipso dicendi initio semper polliceatur Orator : nec sic incipiet ut (b) Mævius ille, quem ridet Horatius :

Fortunam Priami cantabo & nobile bellum.

Multòque sanè cautius mihi videtur facere, qui cum Homero simpliciter & verecundè sic exorditur.

Dic mihi, Musa, virum captæ post tempora Trojæ,

Qui mores hominum multorum vidit & urbes.

Quàm si magnificentius sic incipias cum Lucano :

Bella per Emathios plusquam civilia campos...

Aut si tumidum illud turgidumque imiteris

Claudiani præmium de raptu Proserpinæ :

Inferni raptoris equos, afflataque curru

Sidera Tænario, caligantesque profunde

Juno-

(a) Mecœnas apud Augustum gratissimus, postarum patronus munificus. (b) Hic est ille Mævius, quem carpit. Virg. Qui Bavium non odit, amet tua carmina, Mævi,

Junonis thalamos audaci promere cantu,
Mens congesta jubet.

Quòd si satis appareat rem de qua agitur, esse abjectam & exilem, plus efficiet Orator, si rotundè statim & ingenuè profiteatur sese in re omnino tenui laborare, quàm si grandia nequidquam polliceatur: sed causæ tenuitatem æquitate, vel necessitate, vel aliunde compensare conabitur; ut Cic. Philippica 7. *Parvis de rebus, sed fortasse necessariis consulimur, P. C. de Appia via & de (a) moneta.*

2. Conciliandæ attentionis ratio est petitio; cùm scilicet auditores rogamus, ut studiosè ac diligenter velint attendere, ut Cicero pro Sexto Roscio: *Quapropter vos oro atque obsecro, judices, attentè bonaque cum venia verba mea audiat.*

Quamvis autem sub ipsum Exordium postulari soleat attentio, satius tamen erit interdum illam in ipso orationis decursu postulare; cùm scilicet auditoris animus, initio arrectus & alacer, languescere incipit, & defatigatæ illius aures incipiunt peregrinari, ut solet. Hoc egregiè præstitit Tullius pro Cluentio, dum sic ait: *Vos, quæso, ut adhuc me attente audistis, item quæ reliqua sunt audiat. Profectò nihil à me dicetur, quod non dignum hoc conventu & silentio, dignum vestris studiis atque auribus esse videatur.*

Quomodo comparabitur docilitas?

R. Tribus maximè rebus: 1. Si brevem te fore promittas, stesque promissis. Ut enim eleganter & ingeniosè monet Tullius, multo satius est, ut Orator desinat, quàm si deficiat; & Auditor cum desiderio, quàm si cum fastidio ac satietate recedat. Atque in Oratores nimis longos bellè omnino quadrans ultima hæc artis poetica verba.

Indoctum doctumque fugat recitator acerbus.
Quem verò arripuit, tenet occiditque legendo,

Non

(a) Vel de templo Junonis Moneta reficiendo, vel de pecunia cœdenda.

Non missura cutem , nisi plena cruoris (a) Hirudo .

2. Comparabitur docilitas , si breviter , dilucidè , simpliciterque proponas , qua de re dicturus sis .

3. Fiet docilis auditor , si tuam orationem in duo , vel tria ad summum capita perspicuè partiaris ; ut cùm ait Tullius Philippica 7. *Cur pacem nolo ? quia turpis est , quia periculosa , quia esse non potest : quæ tria dum explico , peto à vobis , P. C. ut eadem leniguitate , qua soletis , verba mea audiat. Sed quoniam permagni interest ad eloquentiam quædam in modum proponat , & orationem suam partiatur Orator , & quia hic locus est in tota Rhetorica longè difficillimus , tyronibus præsertim ; de utroque illo capite accuratiùs nobis esse disputandum arbitramur .*

§. VI. De Propositione .

Quænam sunt Propositionis virtutes ac doctes ?

R. Quinque vulgo assignantur propositionis doctes , 1. est , ut simplex sit unaque , non verò multiplex , ex illius enim unitate omninè pendet orationis unitas ; semperque meminisse debet Orator eximij illius , numquamque satis inculcandi Horatiani præcepti .

Denique sit quodvis simplex duntaxat & unum .

Quid est porro una simplexque propositio ?

R. Una simplexque dicitur illa propositio , quæ constat una simplicique sententia , v. g. *Pax est conficienda , Injurie sunt condonandæ , &c.*

2. Propositionis dos est , ut sit ita clara , ut non modo nullo labore intelligatur , sed etiam ut non possit non intelligi , quemadmodum ista : *Orum est fugiendum* . 3. dos est , ut omnia totius orationis argumenta , partesque omnes in illam velut in scopum metamque colliment . 4. dos est , ut tractari copiose & ornati facile possit , & amplem dicendi segetem suppeditet . Rectè enim monet Horatius , ne jejunum dicen-

(a) *Hirudo* . Ital. sanguisuga , est periculosa , instat enim serpentis , qui ad fugendum viri sum sanguinem , cuti solet applicari , nec avelli , nisi sanguine est plenus , solet .

dicendi sumas argumentum, & quæ desperas tractata nitefcere posse, relinquas. 5. dos est, ut propositio vel ipsa novitate percellat, vel insigni aliqua utilitate placeat: quæ duo vel maximè conciliare solent attentionem atque benevolentiam.

Quomodo novitatem habebit propositio?

R. Si argumentum ita proponatur, ut ex trito vulgarique fiat inusitatum, & auditorum animos statim erigat feriatque, v. g. trita est vulgarisque hæc propositio: *Homo multorum sibi malorum auctor est*, nihilque admodum dignum habet attentione. Fiet verò nova & admirabilis, si dicas cum Chrysostomo: *Nemo leditur, nisi à seipso*, vel *Nemo miser, nisi qui velit*. Item vulgaris est hæc propositio; *Mali aliquando sunt utiles virtuti*; itemque ista: *Mors minus dura accidit miseris, quàm felicitas*. Fiet autem illicò utraque nova mirificaque, si dicas, *Virtutem plus interdum improbis debere, quàm probis*, & *felicitatis genus esse infelicem mori*.

Quomodo utilitatem habebit propositio?

R. Utilitatem habere solent propositiones illæ; quæ contemplativæ non sunt, sed activæ (si duobus illis Senecæ vocibus nobis uti fas est.) Contemplativæ porò dicuntur illæ, quæ in sola cognitione versantur; quemadmodum ista: *Stultorum infinitus est numerus*. Activæ contra dicuntur propositiones illæ, quarum finis est aliquid efficere: ut, *ferenda sunt amicorum vitia*.

§. VII. De Divisione.

Cur adhiberi solet in oratione Divisio, sive Partitio?

R. Tribus potissimum de causis. 1. Quia lumine affert orationi. 2. Quia juvat memoriam Oratoris, & auditorum. 3. Quia levat audiendi fastidium: recreatur enim animus admonitione singularum partium orationis: quemadmodum viatorem reficiunt spatia

tia certis lapidibus & intervallis distincta, ut ait (2) Rutilius in Itinerario:

Intervalla viæ fessis præstare videtur,
Qui notat inscriptus millia multa lapis.

Quenam sunt leges Divisionis?

R. Quatuor. 1. est, ut Divisio sit plena; hoc est: ut partes illius sive membra omnino complectantur, & adæquent propositionem, quæ dividitur. 2. est, ut membra illa sint opposita, neque unum in altero contineatur. 3. est, ut Divisio habeat partes duas, tresve ad summum, vix plures. Si enim nimium concisa sit, & ut loquitur Fabius, nimium articulosa, offundet orationi tenebras, parietque obscuritatem illam, contra quam fuit inducta. 4. dos est, ut sit plana, simplex & quasi obvia; non verò ad artis & ingenii ostentationem longius accersita.

De Narratione, quæ est secunda orationis pars, fusiùs & uberius dictum est in secundo capite Elementorum Rhetoricæ.

C A P U T I I

De Confirmatione.

Quid est Confirmatio?

R. Est pars orationis, in qua firmamenta, seu robora causæ afferuntur.

Quot sunt partes Confirmationis?

R. Duæ. 1. Est Confirmatio propriè dicta, in qua ea, quæ pro nobis sunt, firmamus ac stabilimus. 2. est Confutatio, in qua contrarias adversariorum rationes refellimus. Hinc liquet, Confirmationem esse præcipuam ac potissimam Orationis partem, quæ quasi viscera, vitamque illius contineat, totamque persua-

(2) Rutilius natione Gallus, floruit sæculo quarto. Scripsit Itinerarium v. ersu supra hanc ætatem eleganti.

suadendi spem in ea maxime parte sitam esse. Unde *πίστις*, seu *fides* jure nuncupatur ab Aristotele.

§. I. De Confirmatione propriè dicta.

Quomodo tractanda est Confirmatio propriè dicta?

R. Per Argumenta & per Argumentationes.

Quid est Argumentum?

R. Est probabile inventum ad faciendam fidem.

Quid est Argumentatio?

R. Est argumenti fusior & artificiosa dilatatio.

Quid differt inter Argumenta & Argumentationes?

R. Hoc interest, quod Argumentatio sit modus, sive ratio, qua argumentum tractatur: Argumentum verò sit ipsa argumentationis materia. Unde argumenta ex se jejuna sunt & imbecilla, nisi accedat artificiosa illorum explicatio.

Unde petuntur argumenta ad confirmandum idonea?

R. Petuntur à locis tum intrinsicis, tum extrinsecis, de quibus accuratè dictum est à nobis lib. 2.

Quo ordine collocanda sunt argumenta in Confirmatione?

R. Firmiora partim in principio collocanda sunt, quia tunc vel maximè attendit auditor: partim in fine, quia quæ postremò dicuntur, altius inhiærent; imbecilliora verò collocanda sunt in medio, ubi magis latebit eorum infirmitas: quemadmodum imbecilliores milites, qui fugam, audita buccina, circumspiciunt, in medium agmen cogi solent, ut qui per se parum possunt, turba valeant. At si causa duobus tantum argumentis nitatur, quorum alterum validius sit, alterum infirmius, tunc imbecillius subjicietur quidem validiori, sed mox ad validius recurretur.

Quot sunt argumentationum species, seu quot modis tractari possunt argumenta?

R. Quatuor sunt præcipuæ species argumentationis: *Syllogismus*, seu *ratiocinatio*, *Euthymema*, *Lo-*

diſſilio, & Exemplum. His adde Soritem, & Epichirema.

§. II. De Syllogismo.

Quid est Syllogismus?

R. Duplex distinguitur Syllogismus, seu ratio-
cinatio. Alius est Philosophicus, alius Oratorius. Syllogismus Philosophicus est argumentatio constans tribus propositionibus distinctis, & explicitis, quæ sic inter se connectuntur, ut concessis duabus primis, quarum altera *major*, altera *minor*, quia minus latè patet, appellatur; necessariò concedenda sit tertia, quæ *consequentia* dicitur: v. g.

Omnis ars honesta est amplectenda:

Rhetorica est ars honesta:

Ergo Rhetorica est amplectenda.

Syllogismus Oratorius est ratiocinatio constans quinque partibus, vero inter se ordine connexis: unde etiam vocatur *Syllogismus perfectissimus*.

Quenam sunt partes Syllogismi Oratorii?

R. Quinque numerantur. 1. est *Propositio*, 2. *Propositionis probatio*. 3. *Assumptio*. 4. *Propositionis probatio*. 5. *Conclusio*. Habes insigne quoddam Syllogismi Oratorii exemplum in libro 1. de Inventione, ubi luculenter demonstrat Cicero, Divina providentia mundum gubernari. Sed quod exiliter & jejune dixisset Philosophus in hunc fermè modum: *Illud Divina providentia administratur, quod optimè administratur: sed mundus optimè administratur: igitur mundus divina providentia administratur*: id ipsum Tullius oratorio more ita pertractat.

Melius accurantur quæ consilio geruntur, quàm quæ sine consilio administrantur. Et hæc est Propositio.

Domus ea, quæ ratione regitur, omnihus instructior est rebus, & apparatus; quàm ea quæ temere, & nullo consilio administratur. Exercitus is, cui propositus est sapiens & callidus Imperator, omnihus partibus contra-
dus

Alius regitur, quàm is, qui stultitia & temeritate alienus administratur. Eadem navigii ratio est. Nam navis optimè cursum conficit ea, quæ scientissimo gubernatore utitur. Et hæc est propositionis probatio.

Nihil autem omnium rerum meliùs quàm mundus administratur. Et hæc est assumptio.

Nam & signorum ortus & obitus definitum quendam ordinem servant; & annuæ commutationes non modo quadam ex necessitate semper eodem modo fiunt, verum ad utilitates quoque rerum omnium sunt accommodatæ, & diurnæ nocturnæque vicissitudines nulla in re unquam mutatae quidquam nocuerunt: Et hæc est Assumptionis probatio.

Quæ signa sunt omnia non mediocri quodam consilio naturam mundi administrari. Quæ est Complexio, sive Conclusio.

Semperne constat quinque illis partibus Syllogismus oratorius?

R. Nequaquam. Si enim perspicua sit vel Propositio, vel Assumptio, tunc omittitur illius Probatio; & ita fit Syllogismus quadripartitus. Quod si etiam perspicua videatur utraque, tunc probatione nihil opus erit; & ita tripartitus fiet Syllogismus.

Quid verò intererit inter Rhetorem, & Philosophum, si uterque tripartitum Syllogismum adhibeat?

R. Hoc intererit, primò quòd Philosophus ea maximè quærat argumenta, quæ possint scientiam, aut certam opinionem efficere: Rhetori verò sufficiant, ut plurimum, probabilia. Alterum discrimen est in argumenti tractandi ratione positum. Philosophus enim tres propositiones ordine collocat, quem ordinem formam appellant; Rhetoris verò industria in eo posita est, ut propositiones illas invertat, amplificet, verbis ornet, figuris illuminet, artem denique totam diligenter tegat. Hinc acutè admodum agebat (a) Zeno

Phi-

(a) Zeno Stoicorum inventor & princeps, floruit post Alexandri M. mortem.

Philosophus, Logicam, seu dialecticam similem esse *pugno*, seu manui complicatæ; Rhetoricam verò palmæ seu manui explicatæ, atque exporrectæ similem esse.

Numquamne logicus & naturalis servatur ordo in Syllogismis oratoris?

R. Servatur aliquando non solum ab Oratoribus, verum etiam, quod mirum sanè videatur, ab ipsis Poetis, ut in illo Persii exemplo, Satyra 5.

An quisquam est (a) alius liber, nisi ducere vitam
Cui licet, ut voluit? Licet, ut volo, vivere,
non sim

Liberior Bruto?

Qui profectò integer est Syllogismus, & ordinem eum planè servat, qui tradi solet à Logicis: Sic enim hoc loco dialecticum prorsus in morem argumentatur Persius.

Nemo magis liber est quàm is, cui licet ducere vitam
ut vult:

Atqui mihi licet ducere vitam ut volo:

Ergo liber sum, & ipso etiam Bruto liberior.

§. III. De Enthymemate.

Quid est Enthymema?

R. Est pars Syllogismi, seu Syllogismus imperfectus.

Quot partes habet Enthymema?

R. Duas; quarum prima vocatur à Logicis *Antecedens*; alia *Consequens*, v. g. Omnes artes sunt expetendæ. Ergo eloquentia est expetenda. Hinc est quiddam Enthymema jure optimo *curtum* vocatur à Juvenali Sat. 6. in mulieres;

Non habeat matrona, tibi quæ juncta recumbit,
(b) Dicendi genus, aut curtum sermone rotato
Torqueat Enthymema, nec Historias sciat omnes.

Voca-

(a) Perfectus in Poeta Syllogismus.

(b) Non loquatur ex arte & secundum præcepta Rhetoricæ.

Vocatur, inquam, eurtum, quodd sit argumentatio quasi mutila, & una propositione veluti truncata; quæ si addatur, fiet integer Syllogismus.

Quomodo fit Enthymema?

Fit omittendo vel propositionem, vel assumptionem, seu ut Logici loquuntur omittendo *maior*em, vel *minorem*: v. gr. *Clodius insidias struxit Miloni: ergo Clodius jure fuit occisus*; vel *Quicumque alteri struit insidias, jure ab illo occiditur: ergo Clodius jure fuit occisus à Milone*.

Unde nomen suum traxit Ethymema?

R. Ἐν τῷ ἐνθυμησθαι, quod est mente concipere, cogitare, quodd scilicet tertia propositio, quæ verbis non effertur, mente retineatur.

Quodnam est optimum Ethymematis genus?

R. Illud est, quod fit à contrariis, cujusmodi est apud Sallustium illud (a) Micipsæ ad (b) Jugurtham; *Quem alienum fidum invenies, si tui hostis fueris?* Erit etiam acutius ac validius Enthymema, si fiat per interrogationem. Tale est illud Medæ apud Senecam:

Servare potui. Perdere num possim rogas.

Cur Enthymemate magis gaudere vulgò dicitur Orator quàm Syllogismo?

R. Tribus de causis. 1. Ut occultet artificium, quod scilicet agnitum, causæ magis obest, quàm prodest. Hinc etiam cùm utitur Syllogismo, partes ejus ferè transponit. 2. Ne videatur auditorum ingeniis dissidere, quasi necesse sit omnes Syllogismi partes singillatim exprimi. 3. Quia Enthymema validius percellit adversarios, illosque (c) punctim, ut ajunt, cæsimque ferit. Unde *jaculum ac telum* Oratoris vocari solet. Vide quo modo Tullius Enthymemate feri-

riat

(a) Micipsa patruus Jugurthæ, & Massinæ filius.

(b) Jugurtha Numidarum rex à Pompejo victus.

(c) Ital. Di punta e di taglio.

riat Antonium : *Pacem vult Antonius ? arma parat : quasi si diceret : Non arma parat Antonius ; ergo non vult pacem.*

§. VI. De Inductione.

Quid est Inductio ?

R. Est argumentatio , qua ex multis singularibus enumeratis aliquod concluditur . Ita Seneca variarum rerum enumeratione magnifica , concludit solam in homine virtutem esse laudandam : *Navis bona dicitur non quæ pretiosis coloribus picta est , nec cui argenteum , aut aureum rostrum est ; sed quæ stabilis est , firma , velox & consentiens vento . Gladium bonum dices , non cui deauratus est (a) baltheus , nec cui virgula gemmis distinguitur , sed cui ad secandum subtilis est acies . (b) Regula non quàm formosa , sed quàm recta sit , queritur . Ergo in homine quoque nihil ad rem pertinet quantum aret , aut quam multis salvetur , sed quàm bonus sit .*

Inductio non solum Oratoribus paterfamilias est , sed etiam Poetis , & in primis Ovidio , qui illa majorem in modum delectabatur . Unum hic exemplum afferemus , quo infelix ille Poeta , dum exularet in Scythia , uxoris suæ dolorem consolatur , *Tristium lib. 4. probando per inductionem , asperas res gloriæ segetem & materiam esse .*

Materiamque tuis tristem virtutibus imple :

Ardua per præceps gloria vadit iter .

Hectora quis nosset , felix si Troja fuisset ?

Publica virtutis per mala facta via est .

Ars tua , (c) Tiphys , jacet , si non sit in æquore fluctus :

Si valeant homines , (d) ars tua , Phœbe , jacet .

Sic etiam apud Virgilium , *Æneas* probat per inductionem , *viventi sibi iter ad inferos nequaquam interclusum esse debere :*

Si

(a) Ital. Cingulo , pendente . (b) Ital. Regula .

(c) Tiphys Argonautarum navis in expeditione Colchica gubernator . (d) Apollo medicinæ inventor .

Si potuit manes arcessere conjugis Orpheus
 Threicia fretus cithara, fidibusque canoris,
 Si fratrem Pollux alterna morte redemit,
 Itque reditque viam toties. Quid Thesea, magnum;
 Quid memorem Alciden? & mi genus ab Jove summo.

Quid observandum est in Inductione?

R. Duo diligenter cavenda sunt. 1. Ut quæ sumuntur, certissima sint. 2. Ut id, cujus confirmandi causa sit inductio, iis quæ sumuntur simile sit.

§. V. De Exemplo.

Quid est Exemplum?

R. Est inductio imperfecta, quæ ab uno simili argumentamur ad aliud. Cujusmodi exemplum habes in Miloniana, ubi probat Tullius, non esse condemnandum Milonem, quod Clodium occiderit, cum nec Horatius ob sororem necatam fuerit condemnatus. Sed vide quomodo exemplum illud illustret Cicero: *Negant intueri lucem esse sua ei, qui a se hominem esse occisum fateatur. In qua tandem urbe hoc homines fortissimi disputant? Nempe in ea, quæ primum iudicium de capite vidit M. Horatii fortissimi viri, qui nondum libera civitate, tamen populi R. comitiis liberatus est, cum sua manu sororem esse interfecitiam fateretur.* Similiter apud Virgilium Æn. 1. Juno furore percita concludit ab exemplo, licere sibi omnino in Æneam & Trojanos, quod Palladi licuit in Ajacem & Argivos

Pallas ne exurere classem

Argivum, atque ipsos potuit submergere ponto,
 Unius ob noxam & furias Ajacis Oilei (a);

• • • • •
 Ast ego, quæ Divum incedo regina, Jovisque
 Et soror & conjux, una cum gente tot annos
 Bella gero.

§. VI.

(a) Ob violentam Cassandream in Palladii templo ab Ajace Oilei filio. Alius erat Ajax filius Telamonis. Uterque fortis & furans.

§. VI. De Dilemmate.

Quid est Dilemma?

R. Est argumentum constans duabds partibus contrariis, quæ utrinque adversarium capiunt. Unde etiam Syllogismus cornutus appellatur, quod nempe illius cornua sint ita disposita, ut qui unum effugerit, in alterum incurrat. Sic bellè omnino probabis Dilemmate, quemvis dolorem æquo animo esse tolerandum: *Nam omnis dolor aut est vehemens, aut levis: si levis, facile feretur: si vehemens, certe brevis futurus est.* Ita Cic. Philip. 5. probat hoc Dilemmate non esse mittendos legatos ad Antonium: *Legatos decernitis. Si ut deprecantur, contemnet, si ut imperetis, non audiet.*

Hoc eodem argumentandi modo rectè damnatur Lucretia illa, quæ à Sexto Tarquinio vi oppressa, sibi mortem intulit.

(a) Si fuit ille tibi, Lucretia, gratus adulter;
Immerita ex merita præmia morte capis.

Sin potius casto vis est allata pudori;

Quis furor est, hostis crimine velle mori?

Frustra igitur laudem captas, Lucretia: namque

Vel furiosa ruis, vel scelerata cadis.

Unde nomen suum traxit Dilemma?

R. Ab adverbio Græco δις, bis, & à voce (b) λαμβανω, sumptio, captio; quod nimirum utrinque capiat adversarium.

Qua ratione solvi potest Dilemma?

R. Duplici. 1. Si universum Dilemma torqueas in ipsum auctorem: cujusmodi exemplum affert Aristoteles lib. 2. Rhetoricorum: *Sacerdos quædam maximepere dissuadebat filio ne ad populum verba faceret; nam si injusta jussisset, inquit, habebis Deos iratos: sin vero justa, iratos habebis homines.* Hoc dilemma sic in-

ma-

(a) Renatus Laurentius in Comm. Tertull.

(b) A verbo λαμβάνω, capio.

matrem ipsam torsit ingeniosus adolescens : *Imò*, inquit , *expedit ad populum verba facere . Nam si iusta dixerò , Dii me amabunt ; si iniusta , homines .*

Ejusmodi fuit etiam celeberrimum illud Dilemma , unde se expedire numquam potuerunt (a) Arcopagitæ , qui licet mortalium sapientissimi vulgò haberentur , ortam tamen ex illo Dilemmate litem prorsus in iudicatam reliquerunt . Cùm enim in Protagoræ Rhetoris disciplinam se quidam adolescens tradidisset , grandemque pecuniæ summam illi ex pactione fuisset pollicitus , ea lege ut primam omnium , quam esset habiturus , litem obtineret ; iam plene ac perfecte præceptis intimæ artis eruditus , mercedem omnino negat . Litem intentat illi magister : *Et debes*, inquit , *omnino mercedem , quò res cunque vertant . Si enim vicerò , debes , ut condemnatus : si viceris , debes ex pacto . Imò*, inquit Versipellis discipulus , *quò res cunque vertant , nihil habebis . Si enim causam vicerò , ex iudicium sententia nihil debeo , si verò causa calo , iam tibi ex pactis debeo nihil .*

2. Solvitur Dilemma , si alterutram illius partem infirmare possis , vel si ostendas , aliquid medium inter duas propositiones intercedere . Sic cùm servus ab hero fortè percussus , illum hoc repentino Dilemmate petiisset : *Si sum improbus , cur mea interis opera ? si probus , cur aut quorsum tandem me percutis ?* Hoc Dilemma sic in servum acutè retrofit herus . *Non te percussio , quia probus es ; sed ut ex improbo fiat aliquando probus .*

§. VII. De Crocodillo , & de argumento insolubili .

Hic referri potest Crocodillus , de quo pauca sunt hoc loco delibanda .

Quid est Crocodillus ?

R. Est argumentationis species captiosa & fallax ,
quæ

(a) Arcopagite iudices austeri & iniqui , qui Athenis in templo Martis iudices erant causarum capitalium .

quæ incautos, quibusdam quasi vinculis irretitos, inducit in fraudem. Vocatur autem *Crocodillus*, ob hanc, quam Poetæ finxere, causam.

Crocodillus oranti mulierculæ ut filium, dum fortè juxta flumen ambularet, abreptum, sibi redderet, respondit redditurum utique, si ad propositam quæstionem verum diceret. Hæc autem fuit quæstio: *Filium reddam tibi, necne?* Ad hæc mulier anxia, fraudemque suspicata, respondit; *Non reddes; & ob eam causam reddi debere, quo nempè verum dixeris. Mentiris*, inquit vaser Crocodillus: *si enim reddidero, verum non eris locuta. Reddere ergo non possum, quin falsa dixeris.*

Huc etiam revocantur propositiones, quas vocant *mentientes*, sive *insolubiles*, quæ se omnino destruunt; cujusmodi est hæc Cretensis cujusdam Poetæ: *Omnes ad unum Cretenses semper mentiuntur*. Ergo non mentitur certè quidem Poeta Cretensis, dum illos semper mentiri asseverat: Unde non sunt omnes semper mendaces.

§. VIII. De Sorite & Epicheremate.

Quid est Soritis?

R. Est argumentatio, qua ex multis propositionibus gradatim, minutatim, & velut acervatim congestis aliquid infertur. Unde *Syllogismus acervalis* vocatur a Tullio. Hoc acervali captiosoque argumentandi genere utebatur olim Themistocles, dum per risum jocumque dictitabat, filium suum, licèt nondum triennem, toti tamen teriarum orbi imperare. Sic enim lepidè agebat: *Mens filius imperat matri, Italia mihi, ego Atheniensibus, Athenienses Græciæ, Græcia Europæ. Europa toti orbi. Ergo filiulus meus imperat toti terrarum orbi.*

In hoc disputandi genere frequentes erant (a) Stoici, & illorum princeps Zeno. Sed maximè omnium illo

(a) Stoici Philosophi, qui summum bonum in virtute ponebant, sic dicti a *Stoa*, id est, portico, in quam convenire solent.

illo delectatus dicitur (a) Chrysippus, ut Socrates Inductione, & Ironia. Sed hoc genus argumenti sæpè solet esse captiosum & fallax. Cum enim sensim & minutatim multa coacervantur, facile est injicere respondentem laqueos, & periculosam illi telam texere. Retexere igitur oportebit & seorsim singula considerare, sicque facilius universa frangentur.

Cedo denique etymon illius vocis Sorites?

R. Habes germanissimum etymon in hac voce Græca *σωρός*, cumulus, acervus, unde *σωροΐτης*, *sorites*, argumentum acervale.

Quid est Epicherëma?

R. Est Enthymema contractum, cujus duæ propositiones in unam conferuntur; ut, *Sine causa dominum servus accusat?* In hac enim una propositione continentur hæ duæ: *Non debet servus temerè & sine causa dominum incusare; ergo servus & medicus regis Dejotari non debet illum temerè apud Cæsarem incusare.*

De his omnibus argumentationum generibus habes splendidam atque uberem tractationem in Acroasibus Cl. Viri Jacobi Facciolati.

C A P U T III.

De Confutatione.

Quid est Confutatio?

R. Est pars orationis, in qua rationes contra nos pugnantes refellimus.

Quomodo fit Confutatio?

R. Fit primò negatione mera, cum scilicet rem allatam ab adversario, falsam omninò esse dicimus; aut illam absurdam, incredibilem, repugnantem esse demon-

(a) Chrysippus Stoicus Philosophus, Zenonis Auditor.

demonstramus. Ita Cic. pro Quintio, rem negat aperte: *Negamus te bona Quintii, Sexte Navi, possedisse adiecto praetoris*. Sic etiam pro Roscio perspicue demonstrat, parricidii crimen, cuius insimulatus Roscius, ab illius vita moribusque prorsus alienum esse; quem locum, quia longior est, omitto.

2. Fit Confutatio, cum factum non negamus, sed excusamus, & jure factum fuisse contendimus. Sic Tullius pro Rabirio, (a) Saturnini mortem, quae illi objiciebatur, aded non expavescit ut scelus, ut potius illius auctorem exoptet fuisse Rabirium: *Arguis occisum esse a C. Rabirio L. Saturninum, & id C. Rabirius multorum testimoniis, Q. Hortensio copiosissime defendente, antea falsum esse docuit. Ego autem (b) si mihi esset integrum, suscipere hoc crimen, agnoscerem, confiterer. Utinam hanc mihi facultatem causa concederet, ut possem hoc praedicare, C. Rabirii manu L. Saturninum hostem populi R. interfectum*.

3. Fit Confutatio, cum adversarios, pari, vel etiam majori re objecta, vicissim laceessimus, ut periti duces solent, qui hostium vires distrahant, & aliud avertunt. Talis est apud Virgilium disputatio pastorum, in qua sic prior incipit Damætas:

(c) Dic quibus in terris (& eris mihi magnus Apollo)
Tres pateat caeli spatium non amplius ulnas!

Mopsus impar respondendo, nova quaestione conatur irretire Damætam (d):

Dic quibus in terris inscripti nomina regum
Nascantur flores, & Phyllida solus habeto.

4. Confutatio fit per indignationem atque contemptum;

(a). Saturninus Tribunus plebis sediciosus, qui cum res novas moliretur, à servo occisus fuit in iesto Capiti lio.

(b) Ital. Se fossi più à tempo, se stessee in mia mano.

(c) Vide Interpretes: quorum nonnulli haec ad Caelii cuiusdam sepulchrum referunt. (d) Nuntii Augusti, in quorum averse parte erant flores, cum hac inscriptione. L. Aquilius Florus III. vir. Sunt qui de flore hyacinthi interpretantur eum vulgo.

ptum ; cum nempe generosa quadam fiducia , quæ nobis obijciuntur , spernere , ac dedignari videmur : Hujusmodi singulare omnino , nobileque in primis habes exemplum in 37. Livii libro , ubi magnus ille Scipio Africanus , post tot res præclare gestas , invictorum , ut fit , calumniis appetitus , & in jus ad causam dicendam vocatus ; *Silentio facto* , Hoc , inquit , die , (a) Tribuni plebis , vosque Quirites , cum Hannibale , & Carthaginensibus , signis collatis in Africa , bene ac feliciter pugnavi . Itaque cum hodie litibus , & iurgiis supersederi æquum sit , ego hinc extemplo in Capitolium , ad Jovem optimam maximum , Junonemque & Minervam , ceterosque Deos , qui Capitolio , atque Arci præsident , salutandos ibo ; iisque gratias agam , quòd mihi & hoc ipso die , & sæpe aliàs egregiè reipublice gerendæ mentem facultatemque dederunt . Vestrum quoque , quibus commodum est , ite mecum , Quirites , & orate Deos , ut mei similes Principes habeatis .

Aliquando etiam valdè utile erit in confutatione jocos , sales & facetias , etiam in rebus seriis adhibere , quæ si nec in mimicam scurrilitatem degenerent , nec in atrocius maledictum , nec in nimiam dicacitatem , mirum quantum causæ prosint , & animos auditorum exhilarent .

Postremus denique refutandi modus fit per compensationem ; cum scilicet neque factum negamus , neque jure factum contendimus ; sed alio quodam præclaro facto abundè compensari ostendimus . Sic Horatius , qui sororem interfecerat , iudicio populi Romanus absolutus , magis admiratione virtutis , quam jure causa , inquit Livius .

CAPUT IV.

De Peroratione.

Quid est Peroratio?

R. Peroratio, sive Epilogus, est ultima orationis pars, in qua id, quod tota oratione expetebat Orator, majori vehementia evincere, & obtinere contendit. Ita Quintilianum.

Quot partibus constat Peroratio?

R. Duabus; Enumeratione & Motu, seu Affectuum commotione.

§. I. De Enumeratione.

Quomodo fit enumeratio in Peroratione?

R. Fit, cum ea, quæ per totam orationem varie sparsa sunt, summam colligimus, & sub uno veluti aspectu ponimus, per Anacephalæosim, seu recapitulationem, quæ est rerum fusè dictarum brevis & artificiosa repetitio.

Cedo illustre aliquod exemplum Enumerationis per anacephalæosim?

R. Exemplo esse poterit Epilogus iste in Manilianæ, qui tamen partis tantum est, non verò totius Orationis: Quare videte, num dubitandum vobis sit omni studio ad id bellum incumbere, in quo gloria nominis vestri, salus sociorum, vestigia maxima, fortune plurimorum civium cum republica defenduntur. Et rursus in eadem Orat. Quare cum bellum ita necessarium sit, ut negligi non possit; ita magnum, ut accuratissimè sit administrandum; & cum ei Imperatorem præficere possitis, in quo sit eximia belli scientia, singularis virtus, clarissima auctoritas, egregia fortuna: dubitabitis, Quirites, quin hoc tantum boni, quod a Diis immortalibus oblatum, & datum est, in rempublicam conservandam, atque amplificandam conferatis?

Quid observandum est in Enumeratione, seu Anacephalæosi?

R. Duo

R. Duo maximopere sunt observanda. 1. Ut cursum & raptim repetas ea dumtaxat, in quibus causa potissimum consistit, & quæ maximè velis auditorum animis inhærere. Si enim omnia minutatim repetas, non eris Peroratio, sed nova quædam ratio, inquit Fabius.

2. Quæ dispersè diffusèque dicta sunt, ita summariatim enumerabis, ut ea cum novo aliquo pondere dicantur, figurisque illuminentur, & ornentur sententiis; ne scilicet videatur (a) *crambe repetita*, inquit Satyricus, si nimis jejuna sit, nudaque repetitio. Vide quàm sententiosa sit, quàm referta rebus & verbis Anacephalæosis illa, quæ Ajax apud Ovidium, suam contra Ulysssem & pro se orationem ita concludit:

Nec Clypeus vasti (b) cœlatus imagine mundi
 Conveniet timidæ, natæque ad furta sinistra.
 Debilitaturum quid te petis, improbe, munus?
 Quod tibi si populi donaverit error Achivi,
 Cur spolieris, erit, non cur metuaris ab hoste,
 Et fuga qua sola cunctos, tardissime, vincis,
 Tarda futura tibi est, gestamina tanta trahenti,
 Adde quodd iste tuus tam rarè prælia passus,
 Integer est Clypeus; nostro, qui tela ferendo
 Mille patet plagis, novus est successor habendus.
 Denique quid verbis opus est? Spectemur agendo;
 Arma viri fortis medios mittantur in hostes;
 Inde jubete peti, & referentem ornate relatis.

§. II. De Affectuum Commotione.

Altera Perorationis pars, munusque alterum est affectuum concitatio: quod quidem ita proprium est illius, ut propterea Peroratio *Sedes affectuum* à magistris artis appelletur; quodd nempe in eo potissimum loco debeat orator omnia orationis vela pandere, omnes eloquentiæ fontes aperire, & auditorum animis quasi faces, stimulosque subicere.

Quo-

(a) *Spezie di canolo.* (b) *Orbem servarum in Achilles Clypeo fuisse cœlatum narrat Homerus.*

Quomodo concitari possunt affectus in Peroratione?

R. Concitantur per amplificationem, quæ est gravior quædam ac vehementior affirmatio, ad permovendum valdè idonea. Vide quæ supra fusè præcepimus de Amplificatione.

Quinam præcipuè motus ciendi sunt in Peroratione?

R. Varii, pro variis dicendi generibus. In Panegyrico ciendi sunt motus amoris, admirationis, æmulationis, lætitiæ. In vituperatione excitandum est odium, invidia, contemptus. In deliberationibus spem, confidentiam, timorem commovebis. In judiciis verò omnia concurrunt, amor, odium, indignatio, misericordia.

In hac potissimum parte incredibile quamnam admirationem habuit eloquentia Ciceronis, qui dum peroraret, non incendebat modò iudices, & auditores, sed ardere ipse quodammodo videbatur, ac præsertim quando concitanda erat erga reos commiseratio: ita ut non rarò, quemadmodum ipse de se loquitur, plangere, & lamentationis forum perorando compleverit. Quapropter si fortè aliquando plures Oratores pro eodem homine dicerent, Ciceroni Peroratio relinqui solebat, ut ipse ita testatur libro de Oratore: *Quid ego de miserationibus loquar? Quibus eo sum usus pluribus, quod, etiamsi plures dicebamus, perorationem tamen mihi omnes relinquebant, in qua ut viderer excellere, non ingenio, sed dolore assequabar.*

Satis hoc indicat Peroratio Milonianæ, ubi sic ait: *Sed finis sit, neque enim præ lacrymis jam loqui possum, & hic se lacrymis defendi velit Et in eadem oratione: Me quidem, iudices, exanimant & interimunt hæ voces Milonis, quas audio assidue, & quibus intersum quotidie. Itemque pro Rabirio (a) Postumo; Sed jam, quoniam ut spero, fidem quam potui, tibi præstisi; Postume, reddam etiam lacrymas quas debeo Jam indicat tot hominum fletus quàm sis charus tuis, & me dolor debilitat, includitque vocem.*

Eadem

(a) Posthumus in aspiratione contra symphogiam, ut Albius & Lepidus antequam.

Eadem concitandæ commiserationis arte perſuadus
 le Sinon Æneid. 2. suam ad Priamum & Trojanos v-
 teratoriam orationem ita concludit:

Quod te per superos, & conscia numina veri,
 Per, si qua est, quæ restat adhuc, mortalibus us-
 quam

Intemerata fides, oro: miserere laborum
 Tantorum, miserere animi non digna ferentis.

Vide etiam quàm plena sit affectuum, quàmque
 ut ita loquar, flexanima apud Ovidium Ulyſſis pero-
 ratio, qua Achillis arma tandem impetravit, & Aja-
 cem, doloris ac repulsæ impatientem, ad mortem
 adegit:

At vos, o procetes, vigili date præmia vestro;
 Proque tot annorum curis, quas anxius egi,
 Hunc titulum meritis pensandum reddite nostris;
 Jam labor in fine est, (a) obstantia fata removi.
 Altaque posse capi (b) faciendo, Pergama cepi,
 Per spes nunc socias, easuraque mœnia Troum,
 Perque Deos oro, quos hosti nuper ademi;
 Per si quid superest quod sit sapienter agendum;

.....
 Este mei memores, aut si mihi non datis arma,
 Huic date: & ostendit signum fatale Minervæ.

Quenam sunt præcipuæ virtutes Perorationis?

R. Dux. 1. Ut sit vehemens ad promovendos
 animos. 2. Ut sit brevis: quia, ut observat Tullius,
lacrymæ citò arcescunt, & animorum incendia celeriter
reſtinguntur.

Finis Libri Tertii.

AR-

(a) Palladium, hoc est Palladis simulacrum, in arce Tro-
 jana capiendo. (b) Dum feci, ut Troja capi posset, &
 eam censendus sum cepisse.

ARTIS RHETORICÆ

LIBER QUARTUS.

DE DIVERSIS ORATIONUM GENERIBUS.

TAmetsi quæ de Inventione, Dispositione, & Elocutione susiùs disputata sunt à nobis hæcenus, ad quodlibet argumenti genus facillè possint accommodari; tamen quod res sit expeditior & cuilibet magis in promptu, de variis Orationum generibus particulatim tradenda nobis esse præcepta judicavimus. Neque verò satis esse censuimus, generatim atque universè indicare fontes, unde manat omnis oratio; nisi etiam singula itinera, singulasque vias indicare sigillatim aggredieremur.

Omnes itaque quæ haberi possunt orationes, ad tria dicendi genera revocantur: nempe ad demonstrativum, deliberativum, & judiciale. Ad genus demonstrativum pertinent, 1. Oratio Panegyrica; 2. Oratio natalitia, seu Genethliacon; 3. Epichalamium, seu Oratio nuptialis; 4. Oratio funebris; 5. Gratiarum actio; 6. Epinicium, & Oratio gratulatoria. Ad genus deliberativum revocatur suasio, dissuasio, hortatio, commendatio. Ad judiciale spectat defensio, & accusatio. De duobus hæc orationum generibus enucleatè videamus; nam Judiciale minus est nostræ ætatis usitatum.

CAPUT PRIMUM.

De Orationibus, quæ pertinent ad genus demonstrativum.

§. I. De Oratore Panegyrico.

Ubi nomen suum traxit Panegyricus?

R. Panegyricæ orationes propriè dicebantur illæ, quæ magno apparatu habebantur olim in panegyri (a) hoc est in publico solemnique Græcorum undique convolantium cœtu, sive ad ludos faciendos, sive ad sacra, (b) nundinasve in aliquo emporio celebrandas. Harum porrò orationum initium quod splendidius esset, sumi solebat à laude Numinis illius, quod ludis præesse credebatur, ut Olympii Jovis in ludis Olympicis, Apollinis in certamine Pythico. Deinde sequebatur laus gentis, vel urbis, ubi ludi celebrabantur. Denique Principes, vel Magistratus, qui certamini præerant, pugiles, qui decertaverant, ac præsertim victores, qui præmia tulerant, plena manu laudabantur.

Hæc erat ratio veterum illarum orationum, quæ habebantur in panegyri. Sed posterioribus temporibus non illæ solùm vocatæ sunt Panegyricæ, quæ solemnibus in ludis dicerentur; sed illæ etiam, quæ in nobili quopiam consensu, qualis est Senatus, in Principum laudem, habebantur.

§. II. De inventione & fontibus Panegyrici.

Quam seriem servari solet in Panegyrico?

R. Duplex; artificialis nempe & naturalis. Servatur series artificialis, cum indiscriminati confuso temporis ordine, omnia ad certa quædam capita ex arte revocantur: v. gr. si quis veteris, seu majoris Catonis laudes ad tria hæc referat capita, quod fuerit opti-

(a) ἀγορὰς, καὶ οὐκ, πανήγυρις, cœtus, universalis.

(b) Ital. Fiere, mercati.

optimus Senator, optimus Orator, optimus Imperator. Simili ratione Tullius in Maniliana, Pompejæ laudes refert ad scientiam rei militaris, ad virtutem, ad auctoritatem, & ad felicitatem. Sic etiam Q. Curtius Alexandrum M. laudat ex hoc duplici capite, virtute scilicet & fortuna. *Fatendum est*, inquit, *cum plurimum virtuti debuerit, plus debuisse fortunæ, quam solus omnium mortalium in potestate habuit*. Hic porro artificialis ordo longè plus habet artis & ingenii, quàm ordo naturalis.

Quenam est series naturalis?

R. Series naturalis ea dicitur, in qua historiarum, æ temporis ordo servatur. Hæc autem series dividitur in tria tempora; illud quod vitam antecessit: illud quo quis vixit; & si naturæ concesserit, illud quod mortem est consecutum.

Hunc persæpè adhibuerunt Isocrates & Tullius. Hunc fermè usurpavit Plinius in nobili illo Trajanæ Panegyrico. Nam illius laudationem orditur ab adoptione, temporis ordinem ferè servans, & ad tertium usque consulatum perducit. Utinam verò seriùs habitata fuisset pulcherrima illa laudatio, ut reliquam etiam optimi Imperatoris vitam haberemus! Cum enim in tertio, ut diximus, Trajanæ Consulatu sistit Plinius, nihil prorsus in illo legas de (a) Decebalo victo, unde Dacici nomen retulit Trajanus, quod quarto Consulatu contigit; nihil de tot aliis rebus præclare ab eo gestis. Quæ verò Plinius refert, etiamsi non magnum belli ducem ostendant Trajanum, quia nondum ejus ductu bellum fuerat gestum; tamen signa sunt, ex quibus magnum olim belli ducem fore liquidò conjici poterat. Verùm qua parte nos destituit Plinius, alii Panegyristæ, sed aliis in Imperatoribus, exemplo esse poterunt: ut è Latinis Mamertinus, alique qui cum eo pariter solent excudi. Nec planè aspernandus Ennodii (b) Ticinensis Episcopi Panegyricus dictus Theodorico Gothorum regi.

E Græ-

(a) Decebalus fortis & industrius Dacorum rex, qui diu fuit Romanorum terror. (b) di Pavia.

E Græcis adeundus Julianus, orationibus duabus in laudem Constantii Imp. Juvabunt quoque plurimum Latinorum Poetarum Panegyrici; ut ille Tibulli ad Metellam libro 4. item, seu Ovidii, seu Lucani ad Calpurnium Pisonem. Quibus adde Panegyricos Claudiani, Sidonii & aliorum.

Hic naturalis ordo perfacilis est, sed vulgaris, ac plerumque languidus, nisi verborum sententiarumque floribus aspergatur, & acutis excitetur sententiis: uti factum à Plinio in suo illo eximio Panegyrico, in quem, tamquam in eximium exemplar, intueri poterimus.

§. III. De tempore, quod ortum antecessit.

Quid laudare poterit Orator in illo primo tempore?

R. Tria, nempe genus, patriam, & auguria, si qua fortè pueri natalem horam præcesserint.

Quomodo laudari quis poterit à genere?

R. Si genus sit illustre, laudabis à splendore natalium, majorumque rebus gestis, quæ sunt quædam virtutis quasi semina, in nobilium animis insita. Dices, majorum virtutem in eum, quem laudas, cum sanguine pariter fuisse transmissam, juxta decantatum illud Horatii verbum: *Fortes creantur fortibus*. Dices, filios impressis majorum vestigiis insistere solere. Hinc illud Claudiani:

.... Nobilitas cunctis exordia pandit

Laudibus, atque omnes redeunt in semina causæ.

Hinc Maro magnificè laudat Camert. *Æn.* 12.

Cui genus à proavis ingens, clarumque paternæ
Nomen erat virtutis, & ipse acerrimus armis.

Quid facto est opus, si is qui laudatur, obscuro genere natus sit?

R. Locum habere poterit illud Minutii Felicis in Octavio: *Omnes pari sorte nascimur, sola virtute distinguimur*. Vel illud Velleji Paterculi: *Optimus quisque nobilissimus*. Dices quoque cum Seneca: *Non facit nobilem,*

bilem, Atrium plenum fumosis imaginibus. Nemo in nostram gloriam vixit: nec quod ante nos fuit, nostrum est. Animus facit nobilem, cui ex quacumque conditione, supra conditionem licet surgere. Usurpabis tritum illud alterius Senecæ: Qui genus laudat suum, aliena laudat. Nihil etiam magis pervulgatum quàm effatum illud Ulyssis, in certamine cum Ajace (a):

Et genus, & proavos, & quæ non fecimus ipsi,
Vix ea nostra voco.

Cui planè simillimum est quod ait Juvenalis Sat. 8.

Malo pater tibi sit (b) Thersites, dummodo tu sis
(c) Æacidæ similis, Vulcaniaque arma capeffas;
Quam te Thersitæ similem producat Achilles.

Majorum primus quisquis fuit ille tuorum,
Aut pastor fuit, aut illud, quod dicere nolo.

Denique ne generis humilitas quidquam de laudibus deterat, erunt in promptu communia hæc exempla. 1. Augustum patre avoque (d) argentario natum esse, ut nonnulli voluerunt: proavum verò habuisse libertinum: avum autem maternum fuisse pistorem Ariciæ, quod illi non semel exprobravit Antonius; teste Suetonio. 2. Agathoclem Siciliæ regem patre figulo natum, teste Justino. 3. Ptolemæum primum Ægypti regem, à quo successores omnes dicti sunt Ptolemæi, (e) è gregario milite nomine Lugo fuisse prognatum.

4. Magnum illud Arsacem, primum Parthorum regem, unde item *Arsacidæ* dicti sunt, obscuris omnino natalibus ortum fuisse.

5. Demosthenis patrem gladiatorum fabrum fuisse. Quod alludit Juvenalis, cum ait Satyra 10.

Dis

(a) Metam. 13. (b) Thersites, omnium, qui ad chadionem Trojæ navigaverant, animo, & corpore deformissimus.

(c) Achilles, qui fuit Æaci nepos, & qui armis à Phœacibus fabricatis mira edidit facinora.

(d) Ital. Bagabista. (e) Fantaccino.

Dis ille (a) adversis genitus, fatoque sinistro,
Quem pater ardentis massæ fuligine lippus.

A carbone, & forcipibus, gladiosque parante
Incude, & (b) luteo Vulcano ad rhetora mihi.

Erit etiam in promptu magnifica illa Tullii vox;
cū contemptim novus *Aspinas* appellaretur, *Ego*,
inquit, *meis majoribus virtute mea preluxi*. Denique
poterit usurpari quoque ingeniosum illud dictum Iphi-
cratis, qui ex sutoris filio, ob summam rei militaris
peritiam, factus Atheniensium exercitus Imperator,
invido cuidam generis ignobilitatem exprobranti falsè
respondit: *Meum genus à me incipit: tuum in te desi-*
nit. Merum primus ego sum; tu tuorum ultimus.

Quomodo ducitur Laus à patria?

R. Si ea illustis fuerit, virisque insignibus nobili-
tate, hoc ipsum in laude poni solet. Hunc lauda-
tionis fontem non ignoravit Virgilius, cū ait de
Didone:

Multa (c) viri virtus animo, multusque recurvat
Gentis honos.

Quid factum est opus, si patria sit ignobilis, & obscu-
ra, vel etiam infamis?

R. 1. Usurpabis memorabile illud Anacharsis ver-
bum, qui cū natus esset in Scythia, & à Græco
nescio quo *Barbarus* à *Scytha* contemptim appellaretur,
perquàm ingeniosè respondit: *Mihi quidem patria pro-*
bro est; tu verd patria.

1. Dices cum Juvenale, tametsi adedè pervulgata
esset Abderitarum stupiditas, ut etiam in communi
proverbio versaretur; unde Martialis: *Abderitana pe-*
etora plebis habet: tamen Abderitam fuisse Democri-
tum, Physicum illum subtilissimum, naturæque vena-
torem acerrimum:

... Cu-

(a) *Dem sibenes*, qui sibi veneno mortem inferre conatus
est, ne in hostium manus incideret.

(c) *A lutea & fuliginosa fabri officina.*

(d) *Ænea.*

.... Cujus prudentia monstrat
Summos posse viros, & magna exempla daturus,
Verveum (a) in patria, crassoque sub aere nasci.

3. Juvabit enim illud Claudiani, de laudibus Stilliconis: (b)

(c) Lectos ex omnibus oris
Evehis, & meritum, nunquam cunabula quæris,
Et qualis, non unde satus.

.... Faciet quoque mirum in modum illa Ausonii
sententia de Severo Imperatore, qui natus erat in
Africa.

Punica origo illi; sed qui virtute probaret
Non obitare locum, dum valet ingenium.

Quomodo laudari quis poterit ab auguriis & signis,
quæ illius ortum antecesserunt?

R. Si quid fortè singulare contigerit, quo pueri
futura claritas & amplitudo quomodocumque porten-
di videatur, id solerter in laude ponendum erit. Hu-
jusmodi est fax illa, quam Hecuba prægnans utero
gestare se somniavit. Ejusmodi est etiam vitis illa,
quam in somnio vidit Astyages, quæ palmitibus Asiani
obumbraret; unde Cyri magnitudinem prælagiri ab
(d) ariolis responsum est. Id genus est etiam illud
(e) examen apum, quod in nascentis vel vagientis
Ambrosii labris consedissee dicitur. His adde quod de
mirabili S. Joannis Baptistæ ortu narrant Sacræ Pa-
ginæ. Nec omittenda est orbicularis illa flamma,
quæ nascente Joanne Pico Mirandulano, qui postea
eruditionis quoddam portentum fuit, supra caput ma-
tris parientis visa est, & mox evanuit.

§. IV. De iis, quæ in vita ipsa laudari possunt.

Quenam in hominis vita laudem præcipuam merentur?
R. Tria hæc in primis, virtutes, scientiæ, &
artes.

Quæ-

(a) Vervex Ital. Becco. (b) Lib. 2. (c) Personæ sceleris
da ogni paese, (d) Ital. Indovini. (e) Ital. Sciamo.

Quanam virtutes sunt vel maximè celebrandæ?

R. Primum, ut par est, locum obtinet religio, pietasque in Deum, in Parentes & Patriam. Ex hoc capite suam ipsius commendationem exorditur Æneas, 1. Æn.

Sum pius Æneas, raptos qui ex hôte Penates
Classe veho mecum.

Secundum locum sibi jure vindicant clementia, moderatio atque justitia. Ex primo capite Cæsarem mirificè commendat Tullius pro Marcello: *Animum vincere, iracundiam cohibere, victoriam temperare, adversarium nobilitate, ingenio, virtute præstantem, non modò extollere jacentem, sed etiam amplificare ejus præstignam dignitatem; hæc qui faciat non ego cum summis viris comparo, sed simillimum Deo judico. De hac eadem clementia sic Antoninus Imperator ad Faustina conjugem: Non enim quidquam est, quod Imperatorem Romanum melius commendet gentibus, quàm clementia. Hæc Cæsarem Deum fecit; Hæc consecravit Augustum.*

3. Laudabitur liberalitas atque beneficentia, qua nimirum una reges ac principes propius ad Deum possunt accedere. Commendabitur aurea illa Scytharum legati ad Alexandrum vox: (a) *Si Deus es, tribuere hominibus beneficia debes, non sua eripere. Celebrari quoque poterit facilitas ac liberalitas Imperatoris Titi, qui nihil cuiquam, quod concedi fas esset, abnuebat; negans, inquit Suetonius, oportere quemquam à Principe tristem discedere. Cum vero aliquando, inter cœnandum, diem illum beneficio vacuum abuisse meminisset, conversus ad amicos, Amici, inquit, diem perdi. Aded scilicet Principibus vitam ad benemerendum de mortalibus datam existimabat: proindeque summis æquè, ac infimis charus aded fuit, ut humani generis deliciæ meritò diceretur.*

Usurpari etiam poterit aurea illa Virgillii sententia, Æneid. 6. sepositum quemdam apud Elysios esse locum iis omnibus, qui erga alios fuere benefici:

Qui-

(a) 2. Curtius Lib. 7.

Quique sui memores alios fecere merendo.

Denique celebrabitur fortitudo in adeundis periculis & in laboribus sufferendis; magnitudo animi excelsi & invicti nihil extimescentis, constantia fidesque in promissis, prudentia in consiliis capiendis, celeritas in exequendis, in adversis verò æquanimitas & robur mentis semper imperterritæ.

Quomodo laudari quis potest à scientiâ, & artibus?

R. Ex duplici capite. 1. Si liberalium artium disciplinâ sit instructus is, qui laudatur. 2. Si saltem literis & artibus faveat patrocinetur. Ex hoc posteriori capite Imperatorem Trajanum magnifice celebrat Juvenalis Satyra 7.

It Spes & ratio studiorum in Cæsare tantum.
Solut enim tristes hac tempestate Camœnas
Respexit.

§. V. De corporis & fortunæ laudibus.

Quam res laudantur in corpore?

R. Laudantur in corpore pulchritudo, robur, & sanitas, & his similia. Qui hæc habuerit, laudabitur, quod bene sit illis usus: Qui non habuerit, quod sapienter caruerit: Qui amiserit, quod tulerit moderatè.

Cur caduca hæc, & plerumque etiam noxia corporis bona laudantur in homine?

R. Laudantur. 1. Quia, licet in se veram laudem non habeant, quæ debetur uni virtuti; tamen virtus in eorum usu atque moderatione vel maximè cernitur. 2. Quia formæ dignitas est optimæ mentis indicium, & simulacrum quoddam, ac flos quodammodo virtutis. Unde non ineptè dictum est ab Lumenio in Panegyrico Constantini M. Naturam ipsam magnis mentibus domicilia magna mitti, & ex vultu hominis decoreque membrorum colligi posse, quantus celestis spiritus intravit habitator. 3. Quia corporis decor est
muta

muta quædam commendatio, & ut eleganter agebat
Carneades, Regnum (a) absque satellitio.

Gratior, & pulchro veniens in corpore virtus
Adjuvat . . .

inquit Maro. Hinc est, quodd olim populi bene mul-
ri, & in primis Æthiopes, Indique, in dandis Impe-
tiis, proceritatem ac pulchritudinem spectare sole-
bant, ut narrat Aristoteles, graviterque multatus fuit
olim à Lacedæmoniis Archidamus rex, quodd exiguam
duxisset uxorem. Querebantur enim non (b) reges,
sed regulos ex hoc conjugio procreatum iri. 4. Quia
pulchritudo est veritatis non solum indicium, sed et-
iam adjumentum. 5. Denique cum vel in ipsis sacris
litteris prædicetur David, ut pulcher aspectu, & facie
decora; quid sanè mirum, si à Cornelio Nepote lau-
detur Alcibiades, ut ætatis sue formosissimus? Si ex
hoc eodem capite commendetur a Plutarcho Scipio
Africanus, & si de Theodosio M. dixerit Pacatus:
*Virtus tua meruit Imperium: sed virtuti addixit forma
suffragium. Ille præstitit, ut oporteret te Principem fieri:
hæc ut deceret.*

Quodd si sulturpiculus fortè fuerit vel deformis is,
qui laudatur, tunc sanè corporis vitium egregiis ani-
mi dotibus solerter compensabis. Confugies ad illud
Ovidianum.

(c) Si mihi difficilis formam natura negavit;
Ingenio formæ damna rependo meæ.

Dices deformem fuisse Socratem, cæcum Home-
rum, coclitem seu altero oculo captum Philippum
Alexandri magni patrem, itemque Hannibalem. Un-
de Juvenalis:

(d) Cum Getula Ducem portaret bellua Iuscum.

Flu-

(a) Ἀδελφύπορος βασιλεία.

(b) ὁ βασιλεύς ἀπὸ βασιλίσκου.

(c) Sappho ad Phaonem.

(d) Elephas à Getulia Libyæ parte.

Fluxam & caducam formæ fragilitatem, quæ propediem deflorescit, verbis exaggerabis, unde Socrates ingeniosè aiebat, illam esse *brevem tyrannidem*. Neque fragilem modò dices, sed etiam rem esse plerumque perniciosam, præcipientem, lubricam & periculosæ alex plenam docebis. Unde festivè Petrarcha vocat illam *velum oculis, pedibus laqueum, viscum alis*. Postremò addere poteris cum Petronio: *Ravam facit mixturam cum sapientia forma*; & cum Ovidio, primo Fastorum.

Fastus inest pulchris, sequiturque superbia formam:

Cum Martiali, lasciviam esse persæpè illius comitem.

Insignis forma nequitiaque puer.

Cum vanissimo illo milite apud Plautum: *Nimia est miseria pulchrum esse hominem nimis*. Sed in primis dices cum Juvenali Sat. 10.

Sed vetat optari faciem, Lucretia qualem
Ipsa habuit, cuperet Rutilæ (a) Virginia gibbum
Accipere, atque suam Rutilæ dare. Filius autem
Corporis egregii miseros trepidosque parentes
Semper habet: rara est aded concordia formæ
Atque pudicitæ.

Quanam sunt Fortune bona?

R. Honores & divitiæ.

Quomodo commendari quis poterit ab honoribus?

R. Bifariam, si nempe illos promeritus fuerit, benèque illis fuerit usus. Hinc acutè omnind suum Trajanum laudat Plinius, quod meruit honores, antequam fuisset illos adeptus: *Soli, inquit, contigit tibi, ut pater patriæ esses, antequam fieres*. 2. Si meruerit simul & spreverit, quemadmodum magnanimus ille Frontinus, quem cum Rufo ita comparat Plinius in
Epi-

(a) Virginia virgo formosissima, ne in potestatem veniret Ap-
pli Claudii Decemviri, à Patre suis interempta.

Epistolis: *Uterque, inquit, ad gloriam pari cupiditate, diverso itinere contendit. Alter (Rufus) cum expedit debitos titulos: alter (Frontinus) cum mavult videri contempsisse.*

Quomodo commendari quis potest à divitiis?

R. 1. Si possideat, non possideatur. 2. Si sint honestis laboribus partæ. 3. Si iis utatur, non ad perfruendas voluptates, sed vel ad usus vitæ honestos, vel ad juvandos amicos, vel ad egenorum inopiam sublevandam, ut Trajanus, de quo ita Plinius: *Nihil magis suum credis, quàm quod per amicos habes: Non verò quemadmodum aut luxuriosi perditique (a) nepotes, aut avari.*

Aut qui divitiis soli incubuere repertis,

Nec partem posuere suis: quæ maxima turba est. (b)

Quod si fortunæ bonis caruerit is, quem laudas, confugies ad tritos illos communesque locos, blandientis fortunæ munera potiùs esse in malis, quàm in bonis numeranda; caduca semper hæc esse, non virtutis & ingenii, sed incertæ sortis & temporum munera: infelicitatis genus esse semper esse felicem. Usurpabis aureum illud verbum: Nescio quomodo bonæ mentis soror est paupertas: (c) Amplificabis Horatianum illud: Aurum irreperitum & sic meliùs situm cum terra celat. Dices denique cum Juvenali.

Si fortuna volet, fies de Rhetore Consul.

Si volet hæc cadem, fies de Consule Rhetor.

§. VI. De tempore illo, quod mortem subsequitur.

S^Uperest nunc tempus ultimum, cujus in primis habenda est ratio. Ut enim docet D. Ambrosius: *Ante mortem nulla est perfecta laudatio; neque ququam in hac vita potest definito præconio prædicari, cum posteriora ejus incerta sint.*

Quæ

(a) Ital. Scialatquatori. (b) *Ain.* 6. (c) *Petrov.*

Quænam res in ultimo tempore laudari possunt?

R. Duæ. 1. Quæ in ipsa morte; 2. Quæ sub ipsum mortis tempus contingere.

Quid in ipsa morte considerare potissimum debet Orator?

R. Duo: genus nimirum, & causam mortis: Genus, si quis pie ac fortiter obierit, ut sapientem ac probum decet: Causa verò laudabitur, si nempe vel pro patria pugnans occubuerit; *Dulce enim ac decorum est pro patria mori*, inquit Horatius; vel si pro tuenda religione mortem occubuerit, ut Christi Martyres sanctissimi: vel denique si honestis animi corporisque laboribus & curis sibi ipse mortem acceleraverit.

Quænam post mortem considerata sunt?

R. Tria hæc spectari solent. 1. Pompa funebris, & honores habiti mortuo; ut quod Aristoteli statua fuerit erecta cum inscriptione hujusmodi: *Aristoteles Philosophorum optimus*; vel quoddam uni Demetrio Phalereo statuae trecentæ & sexaginta fuerint Athenis posita; vel quod Gorgiæ Leontino, non aurata, ut ceteris, sed aurea statua fuerit erecta. 2. Spectatur bonorum moeror & luctus. Quo refer illa Mopsi apud Maronem Ecl. 5.

Non ulli pastos illis egere diebus

Frigida, Daphni, boves ad flumina; nulla neque annem.

Libavit quadrupes, neque graminis attigit herbam

Daphni, tuum Pænos etiam ingemuisse leones

Interitum, montesque feri, (a) silvæque loquuntur.

Sed nihil in hoc genere comparandum cum incredibile insolitoque omnium ordinum luctu & acerbissima militum comploratione post Alexandri mortem; quod eloquentissimè ita describit Curtius lib. 10. *Suprema hæc vox regis fuit, & paulo post extinguitur. Ac primo ploratu lamentisque, & planctibus tota regio personabat; mox velut in vasta solitudine omnia tristi-*

ficien-

(a) Silva cum I, non cum X, ita veteres omnes lapides & libri.

silentio muta torpebant, ad cogitationes quid deinde futurum esset, dolore converso. Nobiles pueri custodie corporis ejus aucti, nec doloris magnitudinem capere, nec se ipsos intra vestibulum regie retinere potuerunt; vagique ac furentibus similes totam urbem luctu ac maxore conpleverant, nullis questibus omissis, quos in tali casu dolor suggerit. . . . Nec poterant victi a victoribus in communi dolore discerni. Perse justissimum ac mitissimum dominum; Macedones optimum ac fortissimum regem invocantes, certamen quoddam maxoris edebant. Nec maxorum solum, sed etiam indignantium voces exaudiebantur; tam viridem & in flore ætatis (a) fortunæque, invidia Deorum creptum esse rebus humanis. Vigor ejus & vultus educens in prælium milites, obsidentis urbes, evadentis in muros, fortes viros pro concione donantis, occurrebant oculis.

Perse, comis more suo detonsis, in lugubri veste cum conjugibus ac liberis, non ut victorem & modò hostem, sed ut gentis suæ justissimum regem, vero desiderio lucebant. . . . Ad Darii quoque (b) matrem celeriter fama perlata est. Abscissa ergo veste, qua induta erat, lugubrem sumpsit; laceratisque crinibus, humi corpus abiecit. . . . ad ultimum dolori succumbit obvolutoque capite, accidentes genibus suis neptem nepotemque averfata, cibo pariter abstinuit & luce; quinto postquam mori statuerat, die extincta.

3. Denique spectantur filii superstites relictæ, unde levare mortis mœror, damnumque aliquo pacto sarciri possit. Ita D. Ambrosius in funere (c) Theodosii magni, Ergo, inquit, tantus Imperator recessit à nobis; sed non totus recessit, Reliquit enim liberos, in quibus cum debemus agnoscere & in quibus cum cernimus & tenemus. Intelligit autem Honorium, & Arcadium, qui patri in Imperio succedere.

§. VII.

(a) Anno ætatis 33. (b) Sisygambim.
(c) Obiit anno Christi 395.

§. VII. Animadversiones quædam circa personarum laudationem.

Quenam observanda sunt in personarum laudatione?
 R. Tria hæc . 1. Ne ad eumentitas fictitiasque laudes recurramus , quæ scilicet non splendorem asserunt orationi , sed in veris etiam fidem omnino derogare solent ; ut olim contigit imprudentibus hisce Poetis , qui versibus celebrare veriti non sunt hyacinthinas (a) Stratonices comas , quam non deformem modò , sed calvam prorsus esse nemo sciebat . Hoc etiam illustrare poteris exemplo Lipsippi , qui Alexandrum sapienter effinxit hastam manu tenentem , Apellem reprehendens , quod eundem fulminantem depinxisset , & ita spoliasset veris ac propriis insignibus , ut ornaret falsis , quæ nullam apud posteros fidem essent habitura .

2. Cavendum est , ne , in meliorum copia , res consecremur viles , & facta leviora . Ut enim scite aiebat (b) Phavorinus , turpius est exiguè frigideque laudari , quam graviter vituperari . In magnis tamen viris aliquando etiam res minusculas commendare operæ pretium est . Fecit hoc olim Damis in Apollonio suo Tyanæo , eoque nomine reprehensus , argutè respondit ; *De mensis Deorum* (c) *Analecta* quoque colligi sedulò debere , ne de illorum ambrosia quidquam depercat .

3. Denique erit hoc observandum diligenter , ut non communes ac pervagatas , sed proprias cujusque , vel saltem cum paucis communes laudes præcipuè consecremur . Quapropter planè ac perfectè perspecta tibi esse debent quæ propria sunt illius , de quo agitur .

De personarum laudatione satis superque dictum à nobis hætenus . Unde intelligi faciliè potest , quomodo debeat institui vituperatio , quippe ubi omnia prorsus debent inverti .

§. VIII.

(a) Stratonice Seleuci Syria regis uxor .

(b) Phavorinus insignis Philosophus , Arelate in Gallia natus tempore Hadriani , cui fuit infensissimus .

(c) *Analecta* , Canarum quisquilia sub mensam cadentes .

§. VIII. De oratione natalitia, seu Genethliaca.

Quid est oratio Genethliaca?

R. Oratio Genethliaca, quæ etiam Genethliacum, vel Genethliacus appellatur, est oratio, qua alicujus dies natalis celebratur.

Quas partes, seu capita continet oratio Genethliaca?

R. Quatuor. 1. Continet laudes parentum, atque majorum, quæ jure quodam hæreditario pertinere videntur ad prolem. 2. Spem quam præbet puer vitæ aliquando cum laude peragendæ. 3. Lætitiæ & gratulationem de prole feliciter parentibus nata. 4. Vota & preces ad Deum O. M. ut infanti faustè, feliciter, prosperèque eveniant omnia, utque in patriæ decus, & ornamentum adolescat. Hujusmodi vota pro Domitiani filio, licèt nondum nato, facit Martialis lib. 6.

Nascere Dardanio promissum nomen Iulo,
Vera Deum soboles, nascere magne puer,
Cui, pater æternas, post sæcula, tradat habenas,
Quique regas orbem cum seniore senex.

Undenam excitari potest spes illa, atque expectatio de futura prolis virtute ac gloria?

R. Ex variis circumstantiis; 1. ex genere; 2. ex facie; 3. ex futura educatione; 4. ex signis, ex potentis, ex victoriis, prosperisque aliis eventibus; si qua fortè id genus pueri ortum vel antecesserint, vel comitata fuerint, aut subsequuta, qualia de Augusto narrantur, itemque de Pyrrho rege, qui maternis uberibus appensus dixit: Βίλωμαι, volo, quæ vox transiit in omen futuræ audaciæ. Si quis parentum enixè efflagitantium precibus, ac votis concessus à Deo fuerit, habebis uberem benè augurandi campum, ut de Scipione memorat A. Gellius, & ut Ludovico Magno contigisse vidit ætas nostra.

Quenam est dispositio Genethliaci?

R. Exordium erit lætitiæ & gratulationis plenum;
K 5 & de-

& ductum ab aliqua temporis, loci, vel personæ circumstantia. Ita Maro eximium illud (a) Salonini, seu alterius Genethliacum exorditur ab apostrophe, quæ gestientem quam in lætitiâ exprimit:

Sicelides Musæ paulo maiora canamus.

Confirmatio continebit parentum laudes, & varias causas, quæ læto omnia de infante sperare jubeant. Vide quàm magnificè locum hunc tractet Virgilius, quantaque non vereatur augurari de puero, ex patris virtute notissima.

Ille Deum vitam accipiet, Divisque videbit
Permissos heroas; & ipse videbitur illis:
Pacatumque reget patriis virtutibus orbem.

At simul heroum laudes & facta parentis
Jam legere, & quæ sit poteris cognoscere virtus;
Molli paulatim flavescent campus arista.

Peroratio denique vota precesque pro filii parentum incolumitate continebit. Ita Statius Silvarum lib. 4.

Magnus te manet ordo sæculorum,
Natis longior, abnepotibusque,
Annos perpetua gerens juvena,
Quos fertur, placidos obisse Nestor,
Quos (b) Tithonia computat senectus.
Et quantos ego Delium poposci.

Quid est Oratio Lustrica?

R. Ea est, quæ à veteribus nonnullis habebatur; quando infanti nomen imponebatur. Vocabatur autem *Lustrica oratio*, quod dies ille *Lustricus*, seu *lustralis* vulgò diceretur. Verùm quoniam illud orationis genus penitus apud nos videtur obsolevisse, in illo tractando operam, & oleum non perdemus.

§. IX.

(b) Saloninus sic vocatur, quod natus fuerit uno a. no præter Asinius Pollio Saloniam Dalmatiae civitatem exiugnavit.

(b) Tithonus Laomedontis filius, Memnonis Pater, post longissimam vitam, ab Aurora conjuge reversus in cicadam.

§. XI. De oratione nuptiali, sive Epithalamio.

Quod est Epithalamium, seu Oratio nuptialis?
 R. Epithalamium, ut vox ipsa satis indicat, est oratio, qua alienius nuptiæ celebrantur. Sic autem appellatur à voce Græca *ἑυλαμος*, quæ *cubiculum nuptiale* significat.

Quot sunt partes Epithalamii?

R. Quatuor. 1. Dicitur generatim & universè de nuptiarum laudibus, & de bonis matrimonii quo scilicet hominum societas primùm cœpit, urbes conditæ sunt, genus humanum propagatur, vitæ levantur incommoda, & mutua charitas atque benevolentia cognationibus & affinitatibus serpit, atque diffunditur. 2. Pars, quæ præcipuam quamdam curam diligentiamque desiderat, continet laudes utriusque conjugis. Ducuntur autem laudes illæ à Parentibus, à Patria, ab honoribus, fortunisque, à corporis animique dotibus, & à ceteris illis capitibus, unde laudari homines solent, de quibus fusè diximus supra. Ita (a) Mariam Imperatoris Honorii novam conjugem laudibus in Cælum tollit Claudianus in Epithal.

Salve sideræ proles augusta (b) Serenæ,
 Magnorum soboles regum, parituraque reges.

Quæ propior sceptris facies, quis dignior aula
 Vultus erit? Non labra rosæ, non colla pruinæ,
 Non crines æquant violæ, non lumina flammæ.

Auroræ vincis digitos, humerosque Dianæ.

Tertio loco laudatur nuptiarum apparatus, atque celebritas; popularium & animium prædicatur letitia, & aliqua etiam laude solent aspergi, qui ad nuptias convenere. 4. Denique precibus & faustis omnibus clau-

(a) Maria Stiliconis filia nupsit Imperatori Honorio.

(b) Serena filia fratris Theodosii magni, uxor Stiliconis.

et auditur oratio, & vota Deo Superisque pro felici liberorum ortu, mutuaque conjugum concordia nuncupantur. Ita Statius in Epithal. Stellæ, & Violantillæ:

Eja age, præclaros Latino properare nepotes,
Qui leges, qui castra legant, qui carmina ludant.
Acceleret partu decimum bona (a) Cynthia mens-

sem;
Sed parcat Lucina, precor, tuque ipse Parenti
Parce puer: ne mollem uterum, ne stantia lædas
Pectora: cunque tuos tacito natura recessu
Formavit vultus, multum de matre decoris,
Plus de patre feras.

Pro mutua conjugum concordia sic vota nuncupat
Martialis in Epith. Prudentis & Claudiae Lib. 4.

Diligat illa senem quondam: sed & ipsa marito
Tunc quoque cum fuerit, non videatur anus.

§. X. De laudatione Funebris.

Quid est oratio Funebris?

R. Ea est, quæ habetur vel in ipso funere, vel in anniversario funeris die, cujusmodi erant orationes illæ, quas ad Mausoli sepulchrum quotannis haberi iussit Artemisia, itemque quæ Athenis habebantur in laudem eorum, qui in bello pro natura cecidissent, qualis est oratio Periclis apud Thucydidem.

Quenam est origo hujusmodi Funebrum orationum?

R. Illarum inventor apud Græcos fuit Solon, nausæ septem Sapientibus: apud Romanos verò Valerius Publicola, qui collegam suum Junium Brutum, in pugna contra Tarquinius cæsum, funebri oratione prosecutus est; tantoque id populi applausu fecit, ut exinde mos ille obtinuerit, publicè laudandi Ducez eos, qui in bello cecidissent, & a Romanis mos ille ad ceteras gentes, & ad ipsos etiam Christianos man-

nave-

(a) Cynthia nomen Diane à Cynthe monte in Deo insula, ubi nata est.

naverit. Hujusmodi porro laudationibus mendosam factam esse historiam, auctor est Tullius, & post illum Livius, quod nempe supra modum res in illis augeri solerent, & bene multa assentatoriè magis quàm verè dicerentur ut ferè sit.

Quot partibus constat oratio Funebis?

R. Orationem funebrem tribus omnino partibus constare debere: nimirum laude, consolatione & parænesi, sive adhortatione: Laude mortui, consolatione Parentum, & affinium; Parænesi verò, seu adhortatione ad superstites, ut in mortui vitam atque virtutes, tamquam in exemplar intueantur.

De artificio funebis orationis.

Quodnam esse debet, & uidenam ducendum est illius Exordium?

R. Magnam quamdam mœroris, luctusque significationem præferre omninò debet. Duci autem poterit. 1. ab exclamatione. Tale est Exordium brevis illius, sed perelegantis orationis Tullianæ in morte Crassi Oratoris clarissimi: *O fallacem nostram spem, fragilemque fortunam & inanes nostras contentiones, quæ in medio spatio sæpè franguntur, & corruunt, & antè in ipso cursu obruuntur, quàm portum conspiciere poterunt!*

2. Duci potest Exordium à descriptione funebis apparatus, vel à mœsto audientium silentio, quæ res utraque sacrum quendam horrorem audientibus incutiat. Ita nos olim sumus exorsi funebrem laudationem Ill. Ecclesiæ Principis Camilli de Naufville Archiepiscopi & Proregis Lugd. Quod tristi silentio, tacitaque mœstitia defixos, & rerum à me dicendarum expectatione suspensus esse vos videam (Auditores) arguit illud quidem dolorem vestrum, cujus vim acerbissimam in vestris animis altius insedisse satis intelligo. At hic vester mœror, hæc expectatio tanta, ne mihi vobisque fraudi sit, est omninò quod vereor. Habent hoc nempe magni dolores, ut superbissimus sit illorum sensus, delicatissimumque fastidium: Habent hoc ut refrigerando facile

recrudescent, neque se, nisi cautè admodum, ac molliter interpellari patiantur. Verùm opprimar antè licèt officii pondere, quàm illud deferam.

3. Duci poterit Exordium à gravi aliquo (a) apophthegmate de fragili caducaque rerum humanarum sorte, quæ nobis, ut cùm maximè, ante oculos observatur.

4. Duci poterit ab adjunctis, quæ fortè laudandi mortem circumstetere. Hinc Imperatoris Theodosii M. laudationem funebrem orditur D. Ambrosius; *Hoc nobis motus terrarum graves, hoc juges pluvie minabantur, & ultra solitum caligo tenebrosior denuntiabat, quod clementissimus Imperator Theodosius recessurus esset e terris. Ipsa igitur recessum ejus elementa marchant, Cælum tenebris obductum, aer perpeti horrens caligine, terra quatiebatur motibus, replebatur aquarum alluvionibus. Quidni mundus ipse defleret eum principem continud esse rapiendum, per quem dura mundi istius temperari solebant?*

5. Denique abruptum exordium ad movendam commiserationem longè aptius esse videtur, quàm temperatum ac lene. Vide quomodo M. Antonius Muretus in funere (b) Caroli noni Galliarum Regis exorditur ex abrupto: *Hoc igitur restabat unum afflictis ac penè prostratis infelici Gallie rebus, ut Carolus Rex, quo se illa recreabat, ac solabatur uno, de quo cogitans, in quem intus, omnium quas excepit acerbitatum memoriam deponerat, cùm honorum animos ad aliquam spem quietis erigere cepisset, in ipso incantis adolescentie flore, acerba atque immatura morte raperetur. O fallaces hominum spes! O incerta vota! O lubrica & ancipitia humane vitæ curricula!*

Quid factu opus est in confirmatione?

R. Tribus illis, quæ supra memoratæ sunt, partibus constabit Confirmatio, laude nimirum, consolatione, atque Parænesi; laude mortui, consolatione

pro-

(a) Ital. *Detto sentenzioso.*

(b) Carolus IX. obiit anno 1574.

propinquorum ac amicorum, & Parænesi ad astantes. Quod attinet ad mortui laudes, vide quæ diximus de Panegyrico, à quo nimirum hoc tantum differt oratio funebris, quod audientium voluptatem sequatur & captet Panegyricus; funebris verò laudatio nihil nisi mœrori serviat atque tristitiæ: unde vitandum erit diligenter quidquid lætitiæ gaudiumque posset animis ingenerare. Hoc artificium observare poteris in illo Horatii Carmine, ubi (a) Quintilii amici & affinis sui mortem lamentatur.

Ergo Quintilium perpetuus sopor
Urget? cui pudor & iustitiæ soror
Incorrupta fides, nudaque veritas,
Quando ullum inveniet parem?

Mœrentium dolorem utcumque consolabitur. 1. Vitæ ab amico laudabiliter actæ felix recordatio. 2. Honores viventi mortuoque habiti, & omnia quæ virtutem illius testantur tum publica, tum privata monumenta. 3. Spes minime dubia de immortali avo, quo ille inter felices animas in cœlo, perfruitur, vel aliquando fruiturus est. 4. Filii nepotesque superstites, ad quos paternæ virtutis hæreditas transit.

Quod si fortè pro patria pugnans occubuerit is, qui laudatur, tunc enim vero poteris vagari liberius in hoc uberrimo dicendi campo, quem tibi aperit Tullius, cum Martiam Legionem, quæ in (b) Prælio Mutinensi fortiter pugnans cecidit, magnificentissime laudat Philippica 13. *Illi impii, quos cecidistis, etiam apud inferos penas parricidii luunt: vos verò qui extremum spiritum in victoria effudistis, piorum estis sedem & locum consecuti. Brevis autem vobis vita data est, ac memoria bene redditæ vitæ sempiterna, quæ si non esset longior quàm hæc vita, quis esset tam amens,*
qui

(a) Quintilius Poeta non contemnendus, Cremonensis dictus à Patria, diversus ab illo Quintilio Varo, qui Legiones amisit in Germania.

(b) In bello contra M. Antonium, in quo Horatius & Pan-
sa Consules cæsi.

qui maximis laboribus & periculis ad summam laudem gloriamque contenderet? Et post pauca: Sed quoniam, Patres Conscripti, gloriæ munus optimis, & fortissimis civibus monumenti honore persolvitur, consolemur eorum proximos; quibus optima hæc est quidem consolatio, parentibus quoddam tanta Reip. præsidia genuerunt; liberis, quoddam habebunt domestica exempla virtutis, conjugibus quoddam viris carebunt, quos laudare, quam lugere præstabit; fratribus, quoddam in se, ut corporum, sis virtutum similitudinem esse confident.

Denique adstantibus, earum, quas celebrasti, virtutum recordatione stimulos admoveere conaberis.

Quodnam esse debet Perorationis artificium?

R. Hæ sunt Perorationis partes. 1. Æternam apud Superos felicitatem apprecari mortuo. 2. Sempiternam eidem apud posteros exoptare ac polliceri memoriam. 3. Summum illius desiderium in auditorum animis excitare, his, vel similibus Horatii verbis, de eodem Quintilio:

Quis desiderio sit pudor aut modus
Tam chari capitis? Præcipe lugubres
Cantus, Melpomene, &c.

§. XI. De oratione Eucharistica.

Quid est oratio Eucharistica, seu Eucharisticum?

R. Oratio Eucharistica dicitur ea, qua ob acceptum insigne aliquod beneficium gratias agimus alicui; cujusmodi est luculenta illa oratio, qua Ausonius Orator & Poeta Gallus, Imperatori Gratiano discipulo quondam suo gratias egit pro Consulatu ab illo accepto. Traxit autem suum illud Eucharistici nomen à voce Græca *Εὐχαριστία*, gratias agere.

Quot sunt præcipue partes Eucharistici?

R. Tres. 1. Significamus lætitiâ obortam ex accepto beneficio. 2. Accepti beneficii magnitudinem amplificamus. 3. Gratum & memorem animum pollicemur.

Quodnam esse debet exordium orationis Eucharistica?

R. Ex-

R. Exordium versari debet in aperto quodam candidoque dicendi genere, & magnam grati animi foras quodammodò erumpere gestientis significationem continere. Duci autem poterit. 1. A beneficii magnitudine, cui pro eo ac par est, verbis exornando, te imparem profitearis. Sic Tullius in oratione post redditum habita in Senatu: Si, *Patres conscripti, pro vestris immortalibus in me fratremque meum liberosque vestros meritis, parum vobis cumulatè gratias egero; quaeso, obtestorque ne meae naturae potiùs quàm magnitudini beneficiorum id tribuendum putetis. Quae enim tanta potest existere ubertas ingenii, quae tanta dicendi copia, quod tam divinum atque incredibile genus orationis, quo quisquam possit vestras in nos universa promerita, non dicam complecti orando, sed percensere numerando?*

2. Duci poterit Exordium ab excusatione diuturni silentii post acceptum beneficium. Hoc pacto Tullius exorditur suum illud eximium Eucharisticum ad Cæsarem pro impetrato M. Marcelli redditu: *Diuturni silentii, P. C. quo eram his temporibus usus, non timore aliquo, sed partim dolore, partim verecundia, finem hodiernus dies attulit; itemque initium quae vellem, quaeque sentirem; meo pristino more dicendi.*

Quid facto est opus in Eucharistici confirmatione?

R. 3. Amplificanda est & in bono lumine collocanda beneficii magnitudo. 2. Laudanda est persona, à qua profectum est beneficium.

Quomodo amplificanda est beneficii magnitudo?

R. Amplificabitur quadrifariam. 1. A persona quae gratificabitur, si res sit in amplissimo dignitatis gradu collocata. Hinc enim augetur beneficii magnitudo. A persona cui gratificatur, si beneficium sit egenti collatum, si immerenti, si ad plures pertineat. 3. A re, qua gratificatur, si honesta, si opportuna, si exoptata, si difficilis. 4. A ratione & modo; si non aegrè, sed libenti animo; si non rogatu alieno, sed sponte; si non redditum sit, sed datum beneficium, si non tardè, sed citò & opinione citiùs. Ut enim est in veteri

Pro-

Proverbio; *Bis dat, qui citò dat* : & interdum etiam beneficii loco ducitur, si citò negetur. Unde in laudatissimo Epigrammate (a) auctoris incerti, sed veteris :
Cæsaris ad valvas sedeo, sto nocte dieque,

Nec datur ingressus, quo mea facta loquar.

Ite, Deæ faciles, & vestro numine saltem

Dicite divini Cæsaris ante pedes :

Si nequeo placidas affari Cæsaris aures,

Saltem aliquis veniat, qui mihi dicat: Abi.

Quidnam in Peroratione servandum est?

R. Accepti beneficii memoriâ numquam interituram, & trabali, ut ita loquar, clavo figendam esse polliceberis. Ita Ausonius ait ubique sibi occurrere beneficia Gratiani, *in templo, in foro, in curia, in palatio, domi*. Sic etiam Mamertinus ad Imperatorem Julianum: *In referenda gratia, hoc tibi polliceor, semperque præstabo, mihi nec in suggerendis consiliis veritatem, nec in audiendis periculis animum, nec in laboribus perferendis industriad futuram*. Sed nullum quod sciam, illustrius exemplum asserri potest, quàm Eucharisticum Æneæ ad Didonem, Æneide 1.

O sola infandos Trojæ miserata labores,
Quæ nos reliquias Dauaun, terræque marisque
Omnibus exhaustos jam casibus, omnium egenos
Urbe, domo socias. Grates persolvere dignas
Non opis est nostræ, Dido: nec quidquid ubique est
Gentis Dardaniæ, magnum quæ sparsa per orbem.
Dj tibi (si qua pios respectant numina, si quid
Usquam Justitiæ est, & mens sibi conscia recti)
Premia digna ferant.

Vide etiam apud Livium lib. 28. orationem Saguntinorum gratias agentium Senatui Rom. quod eorum causa bellum adversus Hannibalem suscepisset. Vide in Bello Jugurthino orationem Bocchi regis ad Syllam. Habes quoque lectissimam illam epistolam, qua Tullius agit gratias Marcello ob supplicationem sibi ejus opera decretam.

§. XII.

(a) Apud Colomensem, & apud Barthium in *Adversariis*

§. XIV. De Epinicio & Gratulatione.

Quid est Epiniciū? R. Est gratulatio ob reportatam victoriam. Sic autem nuncupatur à voce Græca *εἰς νῆν*, *victoria*.

Quodnam esse debet illius artificium & dispositio?

R. Exordium, si umquam aliàs, erit splendidum, floridumque, & hilaritatis plenum ac lætitiæ. Videtur autem abruptum magis esse debere, quàm temperatum.

In confirmatione amplificabitur 1. Belli necessitas, 2. Belli difficultas. 3. Æquitas in suscipiendo, diligentia in apparando, virtus in gerendo, celeritas in conficiendo. 4. Enumerabuntur commoda & utilitates victoriæ, quæ timore populos, directione urbes, vastitate Provincias liberaverit. Laudabuntur fortissimi viri, qui in bello strenuè pugnantes cecidere. Ita Virgilius Euryalum Nisumque laudibus in Cælum extollit: *Æneid.* 9.

Fortunati ambo: si quid mea carmina possunt,
Nulla dies unquam memori vos eximet arvo.

Dum domus Æneæ Capitoli immobilis saxum
Accolet, imperiumque pater Romanus habebit.

Sua etiam laus tribuetur præfectis, ducibusque præcipuis, qui in victoriæ partem aliquam venere. Ita Ruzus, (a) hisce inscriptionibus Augusti sæculo dignis, consecravit nomen illorum, qui bellum Batavicum unâ cum Ludovico Magno administraverant.

LUDOVICO PRINCIPI CONDÆO
TRIBUS AD SENESEM EXER-
CITIBUS FRACTIS.

HENRICO PRINCIPI TURRENNIO, SER-
VATIS REGNI FINIBUS, PULSIS UL-
TRA RHENUM GERMANIS,
EORUM EXERCITU

QUATER CÆSO.

FRANCISCO MARESC. CREQUIO, DE-
LETIS INCRUENTA VICTORIA
GERMANORUM COPIIS, &c.

Pe-

Peroratio vota continebit pro victoris incolumitate, gloria, felicitate, postquam Deo O. M. victoriarum largitori & bonorum omnium fonti, grates fuerint, ut par est, ritè persolutæ.

Quodd si non pro victoria, sed pro adepto insigni quoque honoris ac dignitatis gradu, fiat alicui gratulatio; significabis: 1. Quantam ceperis animo voluptatem ex illius nova dignitate. 2. Quanta sit etiam publica hilaritas, & lætitia. 3. Honoris & gradus amplitudinem verbis extolles. 4. Non casu, non (a) prehensione & ambitu, non precibus muneribusque, sed meritis rebusque gestis fuisse comparatum hunc honorem, quem multi ambierint, perpauci obtinuerint.

Pertinent etiam ad demonstrativum genus Soteria, Propempticon, Apobaterion, & Epibaterion.

Quid est Soteria?

R. Soteriam vocamus orationis genus quoddam, quo restitutam alicui sanitatem gratulamur, & pro illius incolumitate & salute grates agimus Superis.

Quid est Propempticon?

R. Est Oratio, qua discedentem aliquem faustis omnibus, votisque prosequimur; cujusmodi luculentum habes exemplum in egregio Horatii Propemptico, ad Virgilium Athenas proficiscentem:

Sic te Diva potens Cypri,

Sic (b) fratres Helenæ lucida sidera;

Ventorumque rogat pater,

Obstrictis aliis, præter (c) Japyga;

Navis quæ tibi creditum

Debes Virgilium, finibus Atticis

Reddas incolumem, pecor,

Et serves Animæ dimidium meæ.

Quid est Apobaterion?

R. Est oratio, quam habemus discedentes ex patria,

(a) Valet ferre idem ac: *Raccomandazione*.

(b) *Castor & Pollux*. (c) *Japyx* ventus flans ab *Apulia*, qua olim *Japygia* dicebatur.

tria ; vel ex alio quodam loco , ubi cum singulari benevolentia significatione sumus excepti . Hujus generis est Æneæ discedentis oratio ad (a) Helenum & Andromachem, Æneid. 3.

Hos ego digrediens lacrymis affabar obortis :
Vivite felices , quibus est fortuna peracta
Jam sua : nos alia ex aliis in fata vocamur .
Vobis parta quies : nullum maris æquor arandum :
Arva neque Ausoniae semper cedentia retrò
Quærenda . Effigiem Xanthi Trojamque videtis ,
Quam vestrae fecere manus : melioribus opto
Auspiciis , & quæ fuerit minus obvia Grajis .

Quid est Epibaterion ?

R. Est oratio , quæ habetur ab illo , qui post longam peregrinationem , domum incolumis rediit . Vide Scaligerum lib. 3. Poetices .

C A P U T I I.

De orationibus , quæ pertinent ad genus deliberativum .

Quænam est materia generis deliberativi ?

R. Illius materia sunt res omnes in manu & arbitrio nostro positæ : Ut enim ait (b) Tullius , Tollitur omnis deliberatio , si intelligatur quidquam fieri non posse , aut imponatur necessitas . Neque enim quisquam deliberat , qua ratione perpetuò victurus sit ; quoniam intelligit sibi moriendi necessitatem incumbere : neque quisquam deliberat quomodo volare possit , scis enim sibi alas non adesse .

Quisnam est finis generis deliberativi ?

R. Honestas , & utilitas .

Quæ-

(a) Helenus Priami filius , vaticinio clarus , ex captivo factus Epiri Rex ab ipso Pyrrho .
(b) In Persicis libris .

Quanam orationes spectant ad genus deliberativum?

R. Pertinent ad genus deliberativum suasio, dissuasio, hortatio, dehortatio, conciliatio, concitatio, commendatio, petitio & consolatio.

S. I. De Suasione & Dissuasione.

Quid est Suasio?

R. Est oratio deliberativa, qua ostentur quid faciendum sit. Dissuasione verò contrariorum suadetur.

Undenam ducuntur argumenta Suasioni, vel Dissuasioni propria?

R. Ducuntur ab honesto, ab utili, à necessario, à facili, à jucundo, cum aliquid suadendum est; & è contrariis capitibus, cum est aliquid dissuadendum.

Quid est Honestum?

R. Honestum id intelligimus; inquit Cicero, quod tale est, ut detracta omni utilitate, per se ipsum laudabile sit, & expediendum; v. g. si quempiam hortemur; ut M. Attilii Reguli exemplo malit ad mortem vel ad vincula reverti, quam datam hostibus fidem fallere. Ita Tullius in Maniliana probat suscipiendum esse bellum Mithridaticum, ut deleatur ignominia, quam Populo R. Mithridates incussit, cum una hora tot civium Romanorum millia jussit occidi. Ex hoc eodem loco Cato apud Lucanum lib. 9. animos militum accendit sola gloriæ commendatione, ad aggradiendum iter periculosum, ac difficile:

O quibus una salus placuit mea castra secutis
Indomita cervice mori, componite mentes
Ad magnum virtutis opus, summosque labores:

Quam orationem claudit pulchra illa sententia:

- - - Serpens, sitis, ardor, arena,
Dulcia virtuti: gaudet patientia duris:
Latitius est, quoties magno sibi constat honestum.

Quid vocas Utile?

R. Utile est, quod propter commodum expetitur;

sive

sive adjunctam habeat honestatem, ut gloria, honor, dignitas; sive non habeat, ut divitiæ, valetudo, tranquillitas, malorum depulsio, &c. Ex his locis Catilina conjuratos hortatur, apud Sallustium, ad nefarium facinus, quod ille maximum atque pulcherrimum vocat: *Nobis, inquit, est domi inopia, foris æ alienum, mala res, spes multò asperior. Denique quid reliqui habemus, præter miseram animam? Quin igitur expers scimini? en illa, illa, quam sæpe optastis, libertas: præterea divitiæ, decus, gloria in oculis sita sunt. Fortuna ea omnia victoribus præmia posuit.*

Curio (a) similiter, apud Lucanum lib. 1. specie utilitatis Julium Cæsarem ad bellum civile sic hortatur.

*Bellantem geminis tenuit te Gallia Iustis,
Pars quota terrarum! Facili si prælia pauca
Gesseris eventu, tibi Roma subegerit orbem.*

Quid vocas Necessarium?

R. Necessarium dicitur id omne, sine quo salus, aut dignitas stare non potest. Seu mavis cum Scaligero, necessarium dicitur, quod ita utile est, ut sine eo res NEC ESSE possit, unde & nomen derivatum est. Hujusce porrò loci magna vis est. Multi enim sunt animis adedè segnibus, ut tum quoque cùm aliquid honestum & utile esse norunt, tamen si res sit cum magno labore conjuncta, faciliè terreantur: Apud tales ratio necessitatis est (b) compendiosa vis ad persuadendum. Ejusmodi est Ciceronis argumentum in 4. Philipp. *Agitur enim non qua conditione victuri, sed victuri ne sinus, an cum supplicio, ignominiaque perituri.* Ab hoc potissimum loco, itemque ab honesto Æneam Hector ad fugiendum hortatur; Æneid. 2.

Heu! fuge nate Dea, teque his, ait, eripe flammis.

Hostis habet muros, ruit alto à culmine Troja.
Sat Patriæ Priamoque datum; si Pergama dextra
Defensæ possent, etiam hac defensa fuissent.

Quid

(a) Curio in lib. 1. Lucan. *ut se ere alieno liberares?*
Cæsarem ad civile bellum impulsit. (b) Ital. *comparatoja*.

Quid vocas Facile?

R. Facile illud est, quod sine magno labore, sumptu, aut molestia, brevi tempore fieri potest: quæ sanè omnia maximo sunt ad persuadendum momento. Frustra enim suadetur illud, quod vix, aut ægrè admodum fieri posse creditur. Ac propterea, si quis hac de re scrupulus hæreat auditoribus, is ante omnia ex illorum animis omnino erit eximendus. Ita Vencem in suam sententiam conatur allicere astuta Juno, *Æneid.* 4.

[Mecum erit iste labor: nunc qua ratione quod instat
(a) Confiteri possit, paucis, adverte, docebo.

Quid vocas Jucundum?

R. Jucundum dicitur, quod honestam habet voluptatem vel animi, vel corporis; sic nuncupatum, inquit Tullius, à *juvando*, quodd nempe juvet vel utrumque, vel alterutrum. Hinc ducitur illud argumentum Tullii; *Hoc velim tibi persuadeas, si rationibus meis a te provisum esse intellexero, magnam te ex eo & perpetuam voluptatem esse capturum.*

Quenam in suadendo, vel dissuadendo præcipuè spectanda sunt?

R. Tria. 1. Quid sit, de quo deliberetur. 2. Qui sint, qui deliberent. 3. Quis sit, qui suadeat, vel dissuadeat.

Quid spectandum est in re, de qua deliberatur?

R. Quinque illa, de quibus egimus enucleatè; An sit honesta, an utilis, an necessaria, an facilis, an jucunda.

Quid spectandum est iis qui deliberant?

R. Caput artis est nosse penitùs animos eorum, qui deliberant, eorumque voluntates ac naturas festine odorari, ut possis ambiosis splendida, avaris utilia, voluptuosos jucunda proponere, & suo, quod ajunt, hamo quemque piscari.

Pru-

(a) Confiteri pro confici, vox parùm usitata.

Prudentis ergo Oratoris erit videre an agat cum regibus, aut viis principibus, apud quos, ut aiebat Parysatis illa, verbis byssinis opus est; an cum nobilibus, quos honesta ac laudabilia tengunt; an cum plebe, bellua multorum caput, apud quam negotium tractare longè difficillimum est. Neque verò satis est dignitatem spectare: sed habenda est etiam ingenii, morum & ætatis ratio, ut rem facilius possis ad exitus optatos perducere. Jure igitur meritò de variis variarum ætatum, conditionum & gentium moribus hic agi solet ab artis Magistris, & in primis ab Aristotele.

§. II. De variis variarum ætatum moribus.

Quam sunt juvenum, virorum, ac senum mores?
R. Ætatis cujusque mores graphicè admodum ita, ingit Horatius in Arte poetica.

Imberbis Juvenis tandem, custode remoto,
Gaudet equis canibusque & aprici gramine campi.
Cereus in vitium flecti, monitoribus asper,
Utilium tardus provisor, prodigus æris,
Sublimis cupidusque, & amata relinquere pernix.
Conversis studiis, ætas animusque virilis
Quærit opes & amicitias, servit honori:
Commisisse cavet quod mox mutare laboret.
Multa senem circumveniunt incommoda; vel quodd
Quærit, & inventis miser abstinet, ac timet uti;
Vel quodd res omnes timidè gelideque ministrat
Dilato, (a) spe longus, iners, avidusque futuri,
Difficilis, querulus, laudator temporis acti,
Se puero: censor castigatorque minorum.

Juvenes igitur flagrant cupiditatibus, faciliè & vehementer excandescunt, unde adolescentia quidam quasi rationis æstus appellatur; honestum utili præferunt, aperti

(a) Tardus ad bene sperandum ob timiditatem, *δυσέλπις*.
ait Aristoteles; vel, ut alii malunt; spem vitæ longam habens.

aperti sunt, candidi & misericordes; sua enim innocentia ceteros metiuntur. Prodigii sunt & in sumptus effusi; nondum enim egestatem sunt experti: ad risum & dicacitatem sunt propensi.

At dispar omnino est senum ratio. Facile succensent illi quidem, sed non æquè parent iræ, quia, ut scitè Horatius, *Lenit albescent animos capillus, litium & rixæ cupidos protervæ*. Parum sperant, quia diu vixerunt; pauca moliantur, præteritis gaudent, facetos ac ridiculos odere, solliciti sunt officiorum exactores, ad rem attentissimi, lenti, difficiles, suspiciosi; sæpè enim aut se aut alios delusos meminerunt. Præterea queruli sunt morosique, ut ait Tullius, *in fragili corpore otiosa est omnis offensio*.

Denique verbosi sunt & loquaces, quia dicere amant. Undè non inscitè Cornelius Gallius, seu potius Maximianus;

Deficit auditor, non deficit ipse loquendo,
O sola fortes garrulitate senes!

Sed facile hoc illorum ætati condonandum, ob egregias virtutes, quibus hoc vitium abundè compensant.

Virilis ætas senectutem inter & adolescentiam interjecta, ac in quodam quasi consilio posita, utriusque virtutum vitiorumque particeps est, & utriusque indolem, velut ex vicinia, trahit. Juventus fortis est, sed intemperans; senectus est temperans, sed timida; virilis ætas fortis est sobriaque. Juventus nimis credula est; senectus nimis suspiciosa; virilis ætas, pro rerum natura, vel confidit, vel diffidit. Juventus querit honestum potius quàm utile; senectus utile magis quàm honestum; virilis ætas & honestum simul & utile.

Puerilis denique ætas effervesceat facile; mutatur in horas: magnam habet indolem ad virtutem; gloriæ honorique mirum in modum velificatur. Audi Tullium lib. 5. de Finibus, *Quanta sunt puerorum decerantium studia! ut illi effervant lætitia, cum vicerint!*

ut se accusari nolunt ! quàm cupiunt laudari ! quos illi labores non perferunt , ut æqualium principes sint !

S. III. De moribus Nobilium , Divitum & Plebejorum .

Quam sunt Nobilium mores ?

R. Nobiles sunt honoris ac gloriæ vel maxime studiosi , & si Apulejana voce uti fas est , sunt in primis *honoripetæ* . Solent autem non solum ignobiles aspernari , sed etiam homines novos , qui primi ex sua gente sunt honores consecuti . Ita Metellus contemnebat C. Marium , illique Consulatum invidebat . Unde sic de eo Sallustius : *Inerat contemptor animus , & superbia , commune nobilitatis malum .*

Quam sunt Divitum mores ?

R. Divites , si præsertim divitias sunt nuperrimè consecuti , contumeliosi fermè sunt ac superbi . Nempe facilè sibi persuadent præstare se cæteris , quia divitias possident , quibus venalia sunt omnia . Prætereà solent mollitia luxuque disfluere , ut notat Juvenalis Sat. 6.

Prima peregrinos obscæna pecunia mores
Intulit , & turpi fregerunt sæcula luxu
Divitiæ molles .

Hanc , quam memoravimus , novorum divitum arrogantiam , scitè tangit Cicero , cùm de T. Roscio ait , *Qui in sua re fuisset egentissimus , erat , ut fit , insolens in aliena : & Maro , cùm ait de Numano ,*

Vociferans , tumidusque novo præcordia regno .

Qui sunt denique Plebejorum mores ?

R. Germanos plebis mores suis coloribus scitè pingunt Sallustius , Horatius , Tacitus , & Seneca , dum ajunt , *plebem esse belluam multorum caput . . . pluma & vento mobiliorem esse . . . opinione duci magis quàm veritate . . . ire quò itur , non quò eundum est . . . privatis commodis servire potius quàm publicæ vel honestati .*

*stati, vel cupiditati ... cupidam esse rerum novarum...
Denique pessimi argumentum turbam esse.*

De variis Reipublicæ formis.

Neque verò in deliberatione satis est ætatis & conditionis cujusque indolem ac studia diligenter spectare. Spectandi præterea sunt Reipublicæ mores, qui scilicet, pro varia (a) politiæ forma, solent maxime variare. Aliter igitur agendum apud Gallos Hispanosque & (b) Lusitanos, quibus Rex unus summo cum imperio præest: aliter apud (c) Helvetios, Batavosque ac Venetos, apud quos vel plebs, vel Optimates dominantur.

Quid est (d) Monarchia?

R. Est unius dominatus communem utilitatem spectans.

Quid est (e) Aristocratia?

R. Est optimatum imperium, cujusmodi est apud Venetos. Quod si optimates illi pauci sint, & propriæ, non verò publicæ serviant utilitati, vocabitur (f) Oligarchia.

Quid est (g) Democratia?

R. Est imperium populi, cujusmodi ferme est apud Helvetios. Quod si plebs infirma dominetur, vocabitur (h) Ochlocratia. Addi potest Anarchia, quæ solet ex turbulentissimis temporibus exurgere, cum sine rege ceterisque magistratibus, fluctuat labefactatum imperium.

De variis variarum gentium moribus.

Varios præterea gentium mores, ingeniumque accuratè cognosces, & illorum germanam indolem perspe-

-
- (a) Reipublicæ. (b) Portoghesi. (c) Svezzeſi, ed Ollandesi. (d) Μένος, solus, & ἀρχὴς, princeps.
(e) Ἀριστοί, optimates, & κράτος, imperium.
(f) Ὀλίγους, paucus, & ἀρχή, principatus.
(g) Δῆμος, populus, & ἐπάτος, potentia.
(h) Ὀχλός, turba, & κρατέω, dominor.

speciosissimam habebis. ut possis ad illam sermonem accommodare, ut monet Horatius:

Intererit multum (a) Davusne loquatur, an heros;
Colchus, an Assyrius, Thebis nutritus, an Argis.

Quenam igitur est variarum Europæ Gentium indoles?

R. Galli sunt humani, hospitales, candidi, urbani, lauti, audaces, bellicosi, mobiles, præcipientes, longæ spei impatientes, faciles ad obliviscendas injurias æquè ac benefacta; acerbis iniuriis, injurioso fine, & ut ait Florus de veteribus Gallis, primo impetu plusquam viri, secundo non item; magni peregrinatores; unde jure dictum est, *Nullum bellum sine milite Gallo.*

Germani sunt simplices, aperti, fortes, animarum prodigi, veri amici, verique hostes, inquit Scaliger. (b) Belgæ Batavique medium ferme tenent Gallos inter atque Germanos. Hispani sunt constantes, sedati, lenti in consiliis, laboris ac disciplinæ tolerantes: vile ministerium, etiam si spes magna effulgeat, averfantes. Itali sunt cunctatores, ingeniosi, sapientes, mentis excelsæ ac reconditæ, & ad regendum omnino nati, ut ait Virgilius.

Tu regere imperio populos Romane memento:
Hæ tibi erunt artes.

Populi sunt feroces, bellicosi, & quos arte magis, quam vi possis superare; Moscovitæ contra fraudulentissimi, &c. Longum esset cetera persequi. Plura qui volet adeat quæ ingeniosè & eleganter de præcipuis gentibus disseruit Joannes Berclajus in (c) iconæ animorum cap. 3. & sex proximè sequentibus. Adeat item (d) Calvidii Læti Callipædiam, ubi versibus elegan-

gan-

(a) Davus persona comica, & nomen servi.

(b) Ital. *Fiamminghi ad Olandesi.* (c) Ital. *Pittura, Immagine.* (d) *Perum nomen, Claudius Quallotus Medicus Gallus, 2. x. saeculo proxime elapso.*

gantissimis diversarum Europæ gentium mores & ingenium diligenter expressit.

Quid denique spectandum est in illo, qui suadet vel dissuadet?

R. Tria maximè in illo spectanda sunt, prudentia, probitas, & benevolentia. Prudentia quidem, quia iis fidem habere solemus, inquit Tullius libro de Officiis, quos plus intelligere ac videre, quàm nos arbitramur. 2. Probitas, quia quò quis versatur & calidior, hoc invisior & suspectior detracta opinione probitatis, ait idem Tullius; & si quem, licet peritum ac prudentem ceteroqui, fallacem tamen, & sui potius amantem credamus, quàm nostri, ejus consilium penitus averfabimur.

3. Spectatur in suadente benevolentia: quia ut vel maximè prudens & probus quis credatur, tamen si odisse nos, vel alteri parti melius velle existimetur, nequaquam nobis benè consulere velle judicabitur. Tria hæc complexus videtur Cicero, cùm lib. 2. ad Atticum ait: *Nunc mihi & consiliis opus est tuis, & amore & fide. Quare advola: expedita erunt omnia, si te habebo.* Nam consilium ad prudentiam pertinet, fides ad virtutem, amor ad benevolentiam.

§. IV. De Hortatione & Dehortatione.

Quid differt Hortatio à Suasione?

R. Hoc differt, quòd suademus ratione & consilio, hortemur verò motu atque impulsu. Unde Suasio propriè pertinet ad intellectum; Adhortatio verò pertinet ad affectum. Suasio docet, eoque plus habet argumentorum; Adhortatio verò inflammat, ac propterea plus habet caloris: Suasio facit: ut scias quid facto sit opus; Hortatio facit, ut velis & ausis, illiusque partes sunt, faces ac stimulos veluti subicere auditorum animis, illosque ad rem benè gerendam inflammare. Denique Suasio pertinet ad confirmationem; Exhortatio verò conclusioni reservatur.

Quinam affectus sunt in hortatione concitandi?

R. Ex-

R. Excitabis. 1. Spem & fiduciam. 2. Amorem & desiderium rei quæ suadetur. 3. Æmulationem alienæ gloriæ, quæ est potentissimum ad feriendos animos telum. 4. Laudabis virtutem illorum, quos hortaris, illosque hortatu nequaquam indigere dices: Ut enim observat Tullius, in excitando & in acuendo, plurimum valet, si laudes eum, quem cohortaris. Ita socios recordatione virtutis inflamat Mnestheus apud Virg. Æneid. 5.

At media socios incedens nave per ipsos
Hortatur Mnestheus. Nunc non insurgite remis,
Hectorei socii, Trojæ quos sorte suprema
Delegi comites; nunc illas promite vires,
Nunc animo, quibus in Gætulis syrtibus usi,
Junioque mari, (a) Maleæque sequacibus undis.
Non jam prima peto Mnestheus, neque vincere
certo.

(Quamquam oh!) sed superent, quibus hoc, Neptune, dedisti.

Extremos pudeat rediisse. Hoc vincite, cives,
Et prohibete nefas

Illustre adhortationis exemplum habes apud Curtium lib. 7. ubi Alexander trecentos juvenes adhortatur, ut invadant præruptam illam undique abscissam Sogdianorum petram, quæ in triginta stadiorum altitudinem eminebat, & quam Arimazes cum triginta armatorum millibus obtinebat.

Alexandri hortatio ad trecentos milites.

Effuscum, o juvenes, & mei æquales, urbium invictarum ante munimenta superavi: montium juga perenni nive obruta emensus sum: angustias Ciliciæ intravi: Indicæ, sine lassitudine, vim frigoris sum perpeffus: & mei documenta vobis dedi, & vestri habeo. Petra, quam videtis, unum aditum habet, quem barbari obsident,
cetera

(a) *Alia cœmentum in mare præcurrens, quod periculosam reddidit navigationem.*

cetera negligunt, nullæ vigiliæ sunt, nisi quæ castra nostrâ spectant. Invenietis viam, si solerter rimati fueritis aditus ferentes ad Cacumen. NIHIL tam altè natura constituit, quod virtus non possit eniti. Experiendo quæ ceteri desperaverunt, Asiam habemus in potestate. Evaditis in cacumen, quod cum ceperitis, candidis velis signum mihi dabit: Ego copiis admotis, hostem in nos à vobis convertam. Premium erit ei, qui primus occupaverit verticem (a) talenta decem: uno minus accipiet, qui proximus ei venerit: eademque ad decem homines servabitur proportio. Certum autem habeo, vos non tam liberalitatem intueri meam, quàm voluntatem.

Dehortationis verò luculentissimum exemplum habes apud Livium, lib. 23. in oratione Calavii civis Campani, qua filium suum Perollam ab Hannibalis cæde dehortatur.

Dehortatio.

Per ego te, fili, quæcumque jura liberos jungunt parentibus, precor quæsoque, ne ante oculos patris facere tibi pati omnia infanda velis. Paucæ horæ sunt, intra quas jurantes per quidquid Deorum (b), dexteras dextræ jungentes, fidem obstrinximus, ut sacratis de mensis (c) essemus. Digressi à colloquio, extemplo in eum armamur. Surgis ab hospitali mensa, ad quam tertius Campanorum adhibitus ab Hannibale es: eam ipsam mensam cruentare vis hospitis sanguine? Hannibalem modo pater filio meo potui placare; filium Hannibali non possum? Unus aggressurus es Hannibalem? Quid illa turba tot (c) libertorum servorumque? Quid in unam intenti omnium oculi? quid tot dextræ torpescences in amentia illa? Vultum ipsius Hannibalis, quem armati exercitus tremunt, quem horret populus R. tu sustinebis? Et si auxilia desint, me ipsum ferire, corpus meum oppositum pro corpore Hannibalis, sustinebis? Atqui per meam salutem

(a) Talentum Atticum respondet Romanis, seu julii Romanis 6000.

(b) Ita genuina lectio, pro ederemus.

(c) Melius quàm libertorum, ut vulgò legitur.

Elus petendus ille tibi transigendusque est. Deterreri hic sine te potius quam illic vinci. Valeant preces apud te meæ, sicut pro te hodie valuerunt.

§. V. De Concitatione, & Conciliatione.

Quid est Concitatio?

R. Est virulentum quoddam orationis genus; quo multitudinis præsertim animi, veluti quodam seditionis flabello concitantur. Exemplum unum hæcram ex Tacito, lib. 1. Annalium, ubi ait fuisse in castris Perceanium quemdam gregarium militem, hominem turbulentum & procacem, qui commilitonum seditionem constare conatus est hac artificiosissima concione: *Cur paucis centurionibus, paucioribus Tribunis, in modum servorum obedirent? quando ausuros exposcere remedia, nisi novum & nutantem adhuc principem precibus, vel armis adirent? Satis per tot annos ignavia peccatum, quid tricena aut quadragena stipendia senes, & plerique truncato ex vulneribus corpore tolerent. Ne dimissis quidem finem esse militiæ, sed apud vexillum retentos, alio vocabulo eosdem labores perferre, & pauld post; Denis in diem affibus animam & corpus æstimari. Hinc vestem, arma, tentoria, hinc sevitiam centurionum, & vacationes munerum redimi; ac Hercule verba, & vulnera, duram hiemem, exercitus æstates, bellum atrox, aut sterilem pacem sempiternam.*

Concitationi opponitur conciliatio, qua vel nobis amorem alicujus conciliamus, vel dissidentes partes in concordiam gratiamque reducere conamur. Sic olim Germanicus Cæsar tumultuantes legiones prudenti oratione sedavit, & Julius Cæsar exercitum compefcuit, *Quirites* appellando, pro militibus, qua una voce obortam seditionem repentè compressit.

§. VI. De Commendatione.

Quot sunt præcipue Commendationis causæ?

R. Tres. 1. Causas Commendationis exponemus, idque modestè & verecundè; ut quoddam bonè quis de nobis, aut de nostris meritis sit: quoddam simul cum

illo vel sanguine, vel affinitate, vel amicitia conjuncti : quodd perspektissima nobis sit illius humanitas, fides, eruditio, virtus, &c. Addere poterimus, scire nos Horatianum illud Epist. lib. i.

Qualem commendes etiam atque etiam aspice : nō
mox

Incutiant aliena tibi peccata pudorem.

Sed viri integritatem & præclaras animi dotes nobis exploratissimas esse. 2. Exponemus negotium, cujus causa commendatur à nobis quispiam. 3. Orabimur atque obtestabimur, vel dicemus, nos pluribus nolle contendere, ne de ejus, quem rogamus, humanitate diffidere videamur. 4. Denique tum nostro, tum ejus, quem commendamus, nomine, omne gratiæ ac memoris animi officium pollicebimur.

Est & obliquæ Commendationis genus, quo simulamus nos commendare nolle, quem interim vel maxime commendamus, ut si dicas non quidem commendare te alteri Sextium velle; sed orare solum, ut propius hominem noscere ne gravetur. Sperare enim futurum ut, cum gratias agere soleant, qui commendarunt; alter tibi gratias agat, per quem viri tanti notitiam sit consecutus.

§. VII. De Petitione.

Quid est Petitio?

R. Petitio est oratio, qua aliquid postulamus vel pro nobis, vel pro alio. Posterior hæc vocatur intercessio. Utriusque artificium paucis complexus est Servius; ubi Junonis ad Æolum orationem enarrat.

Rhetorum, inquit, est in omni petitione hoc observare. Ut facile præstari possit quod petitur: 2. Ut sit justa petitio. 3. Ut habeat modum, & adhibeatur in illa moderatio: Hoc est ut si majora dari non possunt, minoribus certè contenti videamur. 4. Ut sequatur expedita remuneratio. Quatuor hæc observare licet in Junonis petitione: 1. Enim docet rem facili negotio fieri posse:

Æole (namque tibi Divum Pater, atque hominum Rex,
Et mulcere dedit fluctus, & tollere ventos.)

2. Justam esse petitionem ostendit, dum inimicam gentem infectatur:

Gens inimica mihi Tyrrhenum navigat æquor.

3. Adhibet moderationem, dum alterutro contenta est:
Incute vim ventis, submersasque obrue puppes:

Aut age diversas, & disjice corpora ponto.

4. Beneficii præmium pollicetur.

Sunt mihi bis septem præstanti corpore Nymphæ,

Quarum, quæ forma pulcherrima, Dejopejam

Connubio, jungam stabili, propriamque dicebo.

Quamplurima etiam petitionum exempla suppeditabunt epistolæ Ciceronis: quas inter, sideris instar, elucet elegantissima illa ad Lucejum, quæ est 12. libri 5. ad familiares, qua Lucejum enixè rogat, ut quæ in Consulatu suo gesserat Tullius, ea litteris quàm primùm velit consignare. Eam autem sic orditur: *Coram me tecum*

§. VIII. De Consolatione.

Consolator, vel minor est, vel æqualis, vel major. Minori cautiùs & molliùs erit agendum: Amorem suum in primis testabitur; & ne de suo plus altero sapere velle videatur, ea quæ dictu opus erunt, ex quodam Philosopho, vel alio summæ prudentiæ viro se aliquando audisse profitebitur: Æqualis pro communis amicitiae jure facere se dicet. Major aget liberiùs, aded ut, si quis immoderatiùs dolorem ferat, audeat etiam increpitare, sed leniter & amicè.

Scitè omnino argumentum illud tractat Scaliger, libro v. de Arte Poetica, cap. 123. Consolator, inquit, aut est major, aut æqualis. Magnitudinem intelligo aut imperio, aut dignitate, aut opibus, aut sapientia, aut ætate. Aliter enim consolabitur Nasonem Livia; aliter Liviam Naso. Hoc spectat ad Imperium. Dignitas autem etiam sine Imperio esse potest. Veluti si è pater filium, Ciceronem Pompejus. Opibus, ut si è plebe quæpiam clientem suum Crassus. Sapientia, quemadmodum

Polymbium, aut matrem *Seneca*. De ætate non opus est exemplis. Major interponet auctoritatem; etiam objurgabit. Sapiens opponet etiam dispositionem. Sententiæ huic crebriores. Minor ostendet affectum: sese id à sapientibus accepisse. Aequalis testabitur amicitiam, jus communæ benevolentiae.

Si inærentis dolor sit adedò gravis, & adedò recens, ut medicinam videatur respuere, bipartita erit oratio. Priori parte affirmabimus parum idoneos esse nos, qui solemur alium, cum vel ipsi quoque consolatione plurimum egeamus: simulque privati nostri doloris causas afferemus. Addemus non nos modò, sed omnes etiam bonos dolere, quod ipsum tamen qualecunque inærenti solatium debet asserre: quia scilicet

(a) *Leviùs communia tangunt.*

Alterâ verò parte afferemus, quæ leniendo dolori sunt idonea; qualia sunt trita hæc & pervulgata.

1. Vitæ communis conditio, quæ multis malis sit obnoxia.
2. Ejus, quem consolamur, doctrina, virtus, animi magnitudo.
3. Inutilitas & damnum, unde dolor augeatur, non corrigatur.
4. Patientiæ vis, quæ mitiget omnia, juxta illud *Venusini Poetæ*;

Durum, sed levius sit patientia

Quidquid corrigere est nefas.

5. Quam sit honestum in altissimo divinæ voluntatis consilio semper acquiescere.
6. Quam sit sapiente dignum, quamque laudabile sit, ratione consilioque mitigare dolorem illum, qui die ipsa ac tempore tandem aliquando deservescet.

Ad genus judiciale, quod *bellum togatum* jure vocare possumus, pertinent duæ orationum species; accusatio nimirum atque defensio, quæ non alia præcepta desiderant, quam quæ sunt hactenus à nobis allata: cum præsertim veterum judiciorum ratio fuerit prorsus immutata.

Finis Libri Quarti.

AR.

ARTIS RHETORICÆ

LIBER QUINTUS.

DE PRONUNTIATIONE.

Superest Pronuntiatio, sive actio; postrema quidem oratoriae facultatis pars, si ordinem in tractando consideres: sed tanti tamen momenti; ut primas, secundas, & tertias ei Demosthenes meritis & jure tribuerit.

Quid est Pronuntiatio?

R. Est vocis gestuumque, pro rerum verborumque varietate, apta conformatio. Quanta porro sit illius vis & utilitas, docet Tullius, cum ait, infantes & indisertos homines, actionis dignitate, eloquentiae saepe fructum palamque tulisse; disertos vero bene multos, actionis deformitate, infantes fuisse iudicatos. Hinc Pronuntiatio recte vocatur ab eodem Tullio, *Quedam corporis eloquentia*; & alibi, (a) *Sermo corporis* ab eodem etiam appellatur.

Quae res sunt ad recte pronuntiandum necessariae?

Tres memoria, vox, & gestus. Est enim memoria quasi fundamentum actionis, de cuius vi gratiaque multum depereat necesse est, si memoriter non promuntietur oratio, & si orator non possit à commentariis oculos & vultum avertere.

Viris tamen principibus, & in publica re vehementer

ter

(a) *Ad Brutum.*

ter occupatis vitio verti nequit, si recitent è commentario; ut olim Augustus, qui, ne memoriæ subiret aleam, vel in ediscendo sibi tempus abiret, fere de scripto dicebat, ut auctores sunt Suetonius, & Dio. Itemque Patrum nostrorum memoria Carolus V. ad Belgii Proceres orationem è scripto recitavit, cum sese regno Bruxellis abdicaret, illudque Philippo filio traderet. Datur quoque eadem venia ægrotis senibusque; aliis verò nequaquam.

§. I. De Memoria.

Quid est Memoria?

R. Memoria, ut est eloquentiæ pars, definitur a Tullio, *Firma rerum ac verborum recordatio*. Est autem duplex memoriæ genus. Alia est artificialis, alia naturalis.

Quid est artificialis Memoria?

R. Artificium memoriæ à veteribus traditum, constat locis & imaginibus. Loci se habent instar chartæ, imagines verò instar Scripturæ. Hanc artem prius apud veteres Simonides prodidisse, apud recentiores Raymundus Lullus illustrasse creditur. Ea verò iis, qui memoria valent, minimè necessaria est, qui non valent prorsus inutilis. Tu illam modo exerce-to; ediscendis ad verbum, ut ait L. Crassus apud Cic. lib. 1. de orat. quamplurimis & tuis scriptis & alienis: quod facilius fortasse præstabis, si, ante quam cubitum eas, attentè ea, quæ mane voles ediscere, semel, aut iterum legas. Nisi te hæc exercitatio ju-verit, nihil sanè in arte, quo possis juvari, reperio.

§. II. De Voce.

AD Actionis usum ac laudem, maximam sine dubio partem vox obtinet, inquit Tullius de Oratore; neque tam refert qualia sint quæ dicas, quàm quomodo dicantur.

Quanam igitur circa vocem sunt observanda?

R. Tres hæc potissimum leges diligenter observa-bis.

bis. Prima lex hæc est, ut dilucidè, (a) articulatim & sincerè pronuncietur, ita ut integra verba, syllabæque omnes proferantur. Nolim tamen syllabatim sic pronunties, quasi si litteras computando annumerares, quod esset molestum ac putidum.

Ad eandem legem pertinet etiam, ne volubili quadam præcipitique celeritate dicendi incitata feratur oratio: sed vox respiratione recreetur, & spiritus inter dicendum suspendatur identidem, & auditoribus spatium aliquod cogitandi relinquatur.

Secunda lex hæc esto, ut pro argumenti, motuumque præsertim varietate, vox etiam opportunè varietur, & utcumque se affectum videri volet Orator, & audientium animos moveri, ita etiam certum vocis sonum adhibeat. Iracundia postulat vocis genus acutum, incitatum, crebrò incidens: miseratio & mætor flexibile, plenum, æbile, interruptum: voluptas effusum, lenè, tenerum, hilaratum: metus demissum, hæsitans, abjectum, &c.

Præterea mutanda tibi vox erit pro variis orationis partibus. Aliam enim vocem flagitat Exordium, aliam Narratio, aliam Confirmatio, aliam Peroratio.

In Exordio, nisi fortè indignatione constet, voce utendum submissa ac verecunda. Nec debet Orator, simul ac dicturus prodiit, (b) perfricare frontem, & in verba statim erumpere. Ceteroqui futurum est, ut feroculum Oratorem jure omnes aversentur. Sed oportet, ut paululum cogitatione quasi defixus moretur: idque tum quòd auditores hæc Oratoris cura delectet; tum ut interea ipse se colligat, & ad dicendum componat. Ita Ulysses apud Nasonem paulisper consistit, oculis in terram defixis, priusquam suam eloquentiam torrentis instar effundat (c):

.... Oculos paulùm tellure moratos

Sustulit ad proceres, expectatoque resolvit

Ora sono, neque abest facundis gratia dictis.

Ab

(a) Ital. *Spiccatamente*.

(b) Ital. *Mostrarfi sfacciato*. (c) *Metam. lib. 13.*

Ab Exordio paulatim insurgit vox : ac in narrando quidem , voce utimur aperta simplicique , qualis ferè est in sermone familiari . In Confirmatione & in argumentatione præsertim , voce utimur acriori . In Peroratione demum , quasi parva victoria , vox solet esse excitatior , ut ita ostendat Orator , se niti bonitate causæ , magnamque fiduciam in auditorum probitate , prudentiaque collocare .

§. III. De monotomia & cantu .

G Ratæ huic varietati opponitur è diametro unus ille insulsusque vocis tenor , quem Græci *monotomiam* vocant , & qui non modò dicentem enecat , sed etiam audientes exanimat , & unde omnis orationis decor ac venustas deflorescit :

.... Ut citharædus :

Ridetur , chorda qui semper oberrat eadem ,
nquit Horatius .

Huic , quam tantoperè commendamus , varietati opponitur etiam cantus , qui nihil aliud est , si quæris , quàm clamorosa quedam , & uno fermè tenore subsultans nœnia .

Qua ratione huic vitio poterit occurrì ?

R. Huic incommodo remedium adhibebitur . 1. Si pueri rebus humilibus ac quotidianis æquabiliter & rotunde pronunciandis assuescant ; neque verò statim ad tragicam granditatem procurrant . 2. Si eorum , quæ pronuntiant , germanum sensum penitus animadvertant . 3. Si interdum vernacula , non illa inflata tragicaque , sed simplicia & quotidiana pronuntient . 4. Exerceantur aliquandiu in orationibus illis , quæ varios motus ac vocis inflexiones colligunt ; ut videant quid submissè ac leniter , quid festivè , quid atrociter , quid sedatè , quid concitatus dicendum sit . 5. Denique ubi illa pronuntiationis quasi tyrocinia posuerint , poterunt circa periculum in rebus grandioribus tragicisque versari .

Tertia circa vocem lex hæc est, ut ea, pro amplitudine loci, & auditorum multitudine, vel intendatur, vel remittatur; sed tamen nec ascendat ad supremum, nec ad extremum descendat. Nam vox si ima sit, vim non habet; si verò nimium acuta sit continuaque, delicatas ac teretes urbanorum hominum aures offendet.

Scio equidem hoc esse plebeculæ rudioris ingenium; ut vocalissimum quemque & valentissimum lateribus, ita optimum oratorem judicet, nullamque putet egregiam, nisi quæ (a) *pontem indignetur*, actionem, in qua scilicet & clamoræ fauces, & vox ululans, & rigidi vultus torvitas, & pedum suppfusiones, & brachiorum remigatio, & totius corporis dissoluta quædam, intemperansque jactatio, & illa denique inflata rumpantur.

Ciceroni verò longè alia mens erat. Aiebat enim venustissimè, clamorosos hujusmodi *latratores* veriùs quàm oratores, similes esse claudorum, qui cùm ambulare non possint, ad equum confugiunt. Ita illi, in illa (b) *Stentorea* voce tamquam in jumento, suam onanem apud imperitos fiduciam reponunt; nec magis hoc nomine possunt Oratores dici, quàm bajulus possit dici citharædus.

§. IV. De Gestu.

Vocem subsequi debet Gestus, & varios animi sensus cum illa simul aperire. Qua de re colligemus ex veteribus ea tantùm, quæ sæculi nostri moribus sunt accommodata. Multa siquidem ex antiquorum gestificatione prorsus obsolevisse videmus.

Quid est Gestus?

R. Gestus, inquit Valla, est actio quædam & quasi pronuntiatio corporis; seu mavis cum Quintiliano, *Gestus est totius corporis motus & conformatio.*

Quid

(a) *Pontem indignatus Alexes.* Virg.

(b) *Stentor* quinquaginta hominum *clamorem* magnitudine vocis æquabant. Unde ab Hæcero vocatus, χαλκὺ φορεῖ, vocem æream habens.

Quid in Gestu generatim & universè cavendum est?

R. 1. Nihil in illo sit effeminatum & molle, nihil nimis exquisitum, aut elegans; nihil quod affectatam quamdam diligentiam artemque redolet. Monet enim Fabius actionem non esse deliciis nimiaque cura molliendam: & comptis illis delicatisque Oratoribus sæpenumero solet evenire, quod olim Sybaritarum equitatui contigit. Cum enim gens effeminata, & chorearum ad insaniam avida, suos etiam equos ad numerum symphoniamque saltare docuisset; cum deinde ex umbraculis in solem ac pulverem contra Crotoniatis hostes fuit illis prodeundum, histriones illi equi, tubarum & martis ignari; motibus compositis, saltibusque numerosis repente lascivientes, se & exercitum totum miserè perdiderunt. Ita umbratiles illi Oratores ab imis unguiculis ad verticem usque venustuli, quando ex domestica exercitatione, in medium agmen, in pulverem, in clamorem, in castra atque aciem forenses prodeunt, & se & causas suas in magnum quoddam discrimen coniciunt.

2. Nihil in gestu sit durum, aut agreste, ne dum molliem fugimus, in contrarium rusticitatis vitium videamus incidere. Quamquam, si in alterutro peccandum esset, faciliùs excusaretur rustica quædam simplicitas, quàm putidiuscula gestus, vocis & habitus affectatio.

Quid de totius corporis motu præcipiendum?

R. Præcipitur. 1. Ut status corporis sit celsus & erectus, trunco magis toto, virilique quadam laterum inflexione se se Orator moderetur. 2. Ne in statuæ morem obrigescat, quasi si veru deglutisset, ut facetè ajebat Epictetus. 3. Ne crebris & incompertis corporis commotionibus vehementiùs agitetur, more furentis Sibiylæ:

.... Cui pectus anhelum

Et rabie fera corda tument

Vitiosum quippe est huc illuc cernitare: quod olim exprobratum fuit Domitio Afro, qui non agere, sed

fatari

fatagere ; non illepidè dicebatur . Et cùm alius quidam non minùs actuosus Orator multùm concursasset in dicendo , facetè rogavit eum adversarius Virginius ; *Quot denum passum millia declamasset ?* Cassius quoque Severus adversùs circumstantes hujusmodi Oratores solebat poscere lineam , quæ immodicas illorum excursionses prohiberet .

Quid in capitis & oris totius conformatione servandum est ?

R. 1. Vitiosa est frequentior capitis jactatio , (a) Mænadam instar , de quibus Catullus , Carmine de Berecynthia & Athi ; Capita Mænades vi jaciunt hæderigeræ , aut instar famosæ illius Messalinæ , de qua Tacitus 11. Annalium : *Ipsa crine fluxo , Thyrsam quarrens , juxtaque Silius hedera vinctus gerere cothurnos , jacere caput .* Non tamen dedecet aliquando vel annuendo confirmare , vel abnuendo negare : vel capitis in latus inclinatione languorem , & aversione indignationem ; aut alio simili motu , dubitationem , & ejusmodi affectus designare[. Sed neque capite erimus immobili rigidoque , quod semibarbarum est ; ut olim Rufus ille Rhetor , de quo ita Ausonius Epigrammate 50.

(b) Rhetoris hæc Rufi statua est , si saxeæ , Rufus .

Cur id ais ? semper saxeus ipse fuit .

3. Capite utemur non demisso , & (c) obstipo , vel in cervicem reflexo , sed recto potius celsoque , quamquam hic quoque modus servandus est , ne audaciæ ac arrogantiae videatur ; & capitis demissio potest aliquando tristitiam , luctum , mœrorem , pœnitentiam , & iræ divinæ placandæ studium perbellè significare .

Sed in ore , vultuque & oculis sunt omnia , Animi enim imago quædam vultus est , & oculi sunt indices . Quapropter pro rerum natura , vultum indues modò hilarem ; modò mœstum , nunc blandum , nunc minacem . Ita Horatius :

Tri-

(a) Ital. *Bacchanti* . (b) Italice sive verte ; questa statua di Ruffo Rettore , s'ella è di Jesso , è lo stesso Ruffo .

(c) Ital. *Piegato , e cascante sul mento* .

Tristitia mœstum

Vultum verba decent; iratum plena minarum:
Ludentem lasciva, severum seria dictu.

Frons exporrecta diffusaque hilaritatis indicium est: contrà verò severitas indicatur fronte corrugata, (a) caperataque, & superciliis vel contractis, vel etiam inæqualibus. Unde Tullius in Pisonem: *Altero ad frontem sublato, altero ad mentum depresso supercilio respondit* & pro Sextio: *Tanta erat gravitas in oculo, tanta frontis contractio, ut illo supercilio, tamquam Rhadamantus ille nisi videretur.* Hinc etiam Petronius Arbiter:

Quid me spectatis constricta fronte, Catones?
Et post illum Martialis lib. 1.

Contigeris nostros, Cæsar, si fortè libellos;
Terrarum dominum pone supercilium.

Orantem, & aliquid à Deo poscentem indicant oculi in cælum sublatis, ut res ipsa satis loquitur. Unde Cassandra:

Ad Cælum tendens ardentia lumina frustra.

Oculos avertere averfantis est, vel fastidientis, vel negantis. Sic misera Didonis umbra, conspecto apud inferos Ænea:

Illa solo fixos oculos averfa tenebat.

Oculi clausi meditantem & cogitantem animum produnt. Oculos in unum locum defixos habent, qui præ admiratione stupent. Unde Æn. 2.

Dum stupet, obtutuque hæret defixus in uno.

Præterea demissi oculi modestiam pudoremque significant. Sic Andromache Æn. 3.

Dejecit vultum, & demissa voce locuta est,
Quid in Brachii moderatione servandum?

R. Bra-

(a) Ital. *aggrinzita*.

R. Brachia nec deorsum incompressa pendeant ; nec immodicè projiciantur ; nisi in affectu vehementiori. Brachium extensum ac porrectum, potentiam, & auctoritatem, & robur arguit. Contrà verò continere ac cohibere brachium, est pudoris ac verecundiæ. Unde Tullius pro Cælio: *Nobis olim annus erat unus ad cohibendum brachium toga constitutis, ut exercitatione ludoque campestri tunicati (a) uterentur.*

Quid circa manus digitosque præcipitur?

R. Manus, sine quibus trunca esset actio ac debilis ; vix dici potest quot motus habeant, inquit Fabius Nam ceteræ partes loquentem adjuvant : hæc, propè est ut dicam, ipse loquantur. An non his poscimus? pollicemur? vocamus? dimittimus? minamur? abominamur? timemus? Interrogamus? negamus? Gaudium, tristitiam, dubitationem, confessionem, penitentiam, modum, copiam, numerum, tempus ostendimus? Circa manus autem certæ quædam sunt ac definitæ leges, quas sequi oportebit.

1. Manus in Exordio non solet extendi. Ast ubi paulum effervesce cæpit oratio, manus pariter exercitur cum illa, pariterque cum illa deponitur.

2. Pectori manus admovetur, cum de seipso quis loquitur: at cum alloquitur alium, ad illum extenditur.

3. Manus sinistra nunquam sola gestum facit, inquit Fabius: dextere se frequenter accommodat; sive in digitos argumenta digerimus, causamque, ut olim Hortensius consueverat, partimur in digitis (quem morem hodieque nonnulli non infeliciter imitantur) sive adversas palmas, quasi repellendo, & repudiando objicimus.

4. Solæcismus gestu committitur, cum aliud voce, aliud gestu monstramus; ut Rhetor ille, qui cælum appellans, tellurem intuebatur, gestuque monstrabat.

5. Urgemus crebra manuum impressione. Supplicamus

(a) Alii legunt uteremur.

manus manibus clatis junctisque . Confirmamus manibus pronis , gravi quodam & decenti motu depressis .

6. Admirantium est manus tollere . Unde Tullius in Academicis Quæstionibus ; *Hortensius autem vehementer admirans , quod quidem perpetuò Lucullo loquente fecerat , ut etiam manus sæpè tolleret . Et ad Cæsarem , Epistolarum libro septimo . Sustulimus manus ego & Balbus .* Huc etiam pertinet illud Catulli , Carmine 53.

Admirans ait hæc , manusque tollens :

Dii magni , (a) salapusium disertum !

7. Manu extenta facimus nobis audientiam , indimusque silentium . Hinc Persius in Satyris :

Fert animus calidæ fecisse silentia turbæ
Majestate manus

Lucanus etiam Libro primo de Cæsare .

.... Tumultum

Composuit vultu , dextraque silentia jussit .

8. Manus ori admota tacentis & silentium suadentis habitus est , *Digito compeſce labellum* , inquit Juvenalis ; quo etiam gestu simulacrum Harpocratis effingebant Ægyptii veteres .

9. Solebat Tullius antequam diceret , barbam demulcere , quod hodieque nonnulli solent . Sunt etiam qui aut frontem fricent , aut lacunar intueantur , sed hæc vitiosa sunt . Vitiosum est quoque manus vel supra caput attollere , vel infra pectus demittere , præterquam in summis affectibus .

10. Pectus ferire , aut femur , propè scenicum est .

11. Manus optimè à sinistro incipit latere , dextroque deponitur .

12. Hoc esse cavendum ait Cicero , ne nimix sint digitorum argutiæ , neve immodica sit illorum gesticulatio , quo vitio laboravit summus Orator Hortensius .

(a) *Salapusius* nomen compositum ex *sal* & *pusius* sive *pusio* , quasi dicas : *pusio* plenus *salis* & *facetiarum* , quod de Catullo dictum ob *pusillam* stataram .

sius. Cum enim, inquit Agelius, manus ejus, inter agendum, essent argute admodum & gestuose, maledictis, compellationibusque probris jactatus est; multaque in eum quasi in histrionem, in ipsis causis atque judiciis dicta sunt.

Has autem omnes, quæ hætenus diximus, Oratoris virtute, cura & labore comparari posset liquet mirabili Demosthenis exemplo, qui cum (a) primam artis suæ litteram dicere nequiret, studio & exercitatione perfecit, ut planissimè diceret, & balbutiem, inditis ori calculis, emendavit, exilitatem vocis, ad fluctus maris declamando, illiusque fremitus voce vincendo, sustulit; angustias spiritus, locorum arduorum inter declamandum ascensu, tandem aliquando superavit.

Atque hæc de Pronuntiatione monuisse sufficiat. Reliqua, quæ eodem pertinent, exercitationi relinquimus: cui scilicet plus multo quàm præceptis esse tribuendum existimavimus.

Finis Libri Quinti.

INSTITUTIONUM POETICARUM

AUCTORE

JOSEPHO JUVENCYO

E Societate JESU

LIBER PRIMUS.

DE POESI SPECTATA
Universè.

M. **C**UM in omni re, quæ in quæstionem venit, debeat attendi primum quid sit, deinde quæ sint ejus affectiones; ideo Poeseos definitio proferenda: tum de materia illius, forma, ornatu; causa efficiente, sine, ac divisione disputandum.

CAPUT PRIMUM.

Definitio Poeseos.

D. **Q**uid est Poeseos?

M. **Q** 1. Si vocis vim ac potestatem quæras, Poësis nomen habet ἀπὸ τοῦ ποιῆν, quod est facere seu fingere; unde ποιητικὴ, ars faciendi seu fingendi, & ποιητής, Poeta, id est Fictor, seu Effector: quoddam Fabula, quam texit, ab ejus mente tota esse videatur.

2. Si

2. Si rei significationem spectes, Poetis modò dicitur Ars Poetica: modò dicitur opus aliquod ex arte elaboratum. Juxta primam vocis acceptionem Poetis est *Ars ritè conficiendi Poematis*: sive, Collectio præceptorum in unum & eundem finem certò tendentium, nimirum ad unum aliquod opus poeticum perficiendum. Juxta secundam vocis significationem intelligitur Usus, & Praxis illorum præceptorum; atque hoc sensu agimus hîc de Poesi.

D. Quomodo definitur hoc posteriori sensu accepta Poesis?

M. Definitur Ars imitandi Actiones humanas, seu Imitatio humanarum Actionum cum fictione.

D. Imitatur reipsa omnis Poesis humanas Actiones?

M. Imitatur utique. De præcipuis Poematis non potest ambigi, Epico, Tragico, Comico. Minora quoque Poemata ad humanas Actiones suo modo referri primariò & per se suis locis patebit inferius.

D. Cur potius humanas Actiones imitatur Poesis, quàm Mores?

M. Ratio hæc petitur ex Philosopho. (a) Cum sit Poesis omnis Politicæ & Civilis Disciplinæ pars; civilis autem disciplina habet pro fine Civium felicitatem; hunc certè finem Poesi præstitutum esse necesse est. Jam verò cum felicitas sit in Actione, juxta Philosophos, non in Moribus, qui ad ipsas Actiones, ut ad finem referuntur; planè sequitur, ut, quemadmodum Civis Disciplina, sic & Poesis non tam ad mores referatur, quàm ad Actiones, easque primariò & per se imitetur.

D. Nam Poesi tam necessariò addicta est Fictio, seu Fabula, ut sine illa non possit esse Poesis?

M. Planè dicendum est; ita censet Aristoteles, (b) ejusque Interpretes, qui vim eandem ac dignitatem in poesi tribuunt Fictioni; quam Animæ concedunt in homine. Cum autem sublata anima nullus sit homo; sic nec sublata Fictione potest esse ulla Poesis. Ita sentiunt probatissimi Auctores benè multi, Plato in

Phæ-

(a) *Poet. c. 4.* (b) *Cap. 4.*

Phadone , Plutarchus libro de audiendis Poetis , &c. Non erit itaque Poeta dicendus is , qui sine Fictione , sicut qui sine Metro scripserit . Ratio patebit utriusque cap. 3. ubi quid nomine Fictiois , seu Fabulæ veniat ; exponetur .

C A P U T II.

De Materia Poeseos .

*D. Q*ue est Materia Poeseos ?

M. Est id omne , de quo tractat Poësis .

D. Quotuplex est illa Materia ?

M. Duplex , una remota , altera proxima .

D. Quanam est Materia remota ?

M. Tam longè latèque diffusam Poeticæ , quàm Oratoriæ Facultati Materiam assignat Tullius , (a) cui Poeta cum Oratore in hoc idem est ; nullis ut terminis uterque circumscribat , aut definiat jus suum , adcoque possit uterque de rebus omnibus disputare .

D. Quanam est Materia proxima Poeseos ?

M. Sunt Actiones humanæ , prout potuere , vel debuere geri .

D. Numquid debent esse vera , quæ in Poeseos materiam assumuntur à Poeta ?

M. Tenentur aliquando Poeta ea dicere , quæ verè contigerint , aliquando non tenentur . Quamvis enim Poetices ; Poësis , & Poema artem faciendi , effectiorem , effectumque significant , non eo sensu tamen sunt accipiendæ illæ voces , ut suam sibi semper materiam procreare Poeta debeat ; imò in Epopœia , Tragedia , atque etiam in aliis minoribus poematis , qualia sunt Genethliaca , Epicedia , Epinicia , &c. subesse debet quasi fundus historiæ : cui magnificè aliquid inædificetur . Potest autem suam sibi condere materiam in Comœdia , aliisque poematis benè multis , atque etiam debet

(a) 1. *De Orat.*

debet materiæ , quæ vera sit novam formam inducere , atque eatenus falsa referre . Curandum autem utrobique diligenter , ut quæ proferentur , sive vera , sive falsa , ea sint omnino verisimilia .

D. Quid vocas verisimile ?

M. Est id , quod naturali quodam rerum exitu debet , aut certè potest contingere in iis circumstantiis , in quibus dicitur contingere .

D. Itanè sunt verisimilia quæ Virgilius narrat in descensu Æneæ ad inferos , de mutatione navium in Nymphas marinas , aliaque hujusmodi ?

M. Fuere utique verisimilia , quod ab Heroibus , diisque & fieri posse , & reipsa fieri aliquando putarentur ,

C A P U T III.

De Forma Poeseos .

D. Quid est forma Poeseos ?

M. Est fictio , seu Fabula . Cùm enim Poetiez sit ars fingendi , ut vox ipsa sonat , debet certè fictio sic naturam poeseos constituere , ut eam ab omni alia re secernat atque distinguat : quomodo Forma , quæ vocatur in Physicis , uniuscujusque rei materiam sic perpolit ac perficit , ut ejus naturam planè dicatur constituere . Ita censet passim Aristoteles , qui Fabulam sic Poesi attribuit , ut sine illa Poetam esse nolit .

D. Quid est illa Fictio , seu Fabula ?

M. Non una est , eademque vocis illis notio , 1. Significat sermonem quemdam merè fictitium , qualia sunt Æsopica colloquia bestiarum , & inania quædam Ethnicorum commenta . 3. Usurpatur a Philosopho pro Actione ipsa & Materia Poematis , vel etiam pro toto Poemate . 3. Sumitur ab eodem Philosopho pro Structura quadam Poematis , sive , ut loquitur , pro Constitutione rerum , & Compositione in Poemate .

D. Quo sensu Fabula dicenda est Forma Poeseos ?

M. Juxta postremam hanc vocis acceptionem . Nam

eodem modo de Poetica videtur dicendum, ac de aliis Artibus, quæ imitatione perficiuntur: in quibus certa quædam Dispositio & Compositio universè dici debet earum Forma. Sic in statua aurea, aurum est materia; & artificiosa auri dispositio est ultima Statuæ Forma in genere operis artificiosi. Et ut exemplum proferam, quo non semel usus est Aristoteles. Pingatur v. g. Socrates, 1. Picturæ materies est Socrates, qui pingi debet; is materiam repræsentat poeseos. 2. Corporis descriptio cum apta membrorum omnium conformatione ac dispositione est Forma: & hæc Fabulæ comparatur. 3. Colorum varietas & contemperatio est ornatus picturæ; & cum Fabulæ ornamentis ritè potest conferri. Rectè itaque pronuntiavit Aristoteles: (a)

Δίγω γὰρ τὴν τὸν μύθον σὺνδισιν ἢ πραγμάτων.
Definitio Fabulam esse Compositionem rerum.

D. Qualis debet esse illa Fictio, seu Constitutio & Structura Poematis?

M. 1. Exquiritam illam esse jubet universè Horatius, (b) atque etiam in majoribus Poematis magnificam: nec vult Poetam dici posse illum, qui talem Formam Materiæ non induxerit,

Neque enim concludere versum
 Dixeris esse satis, neque si quis scribat, uti nos,
 Sermoni propiora, putes hunc esse Poetam,
 Ingenium cui sit, cui mens divinior, atque os
 Magna sonaturum, des nominis hujus honorem,

2. Hæc Structura, ut de illa aliquid magis distinctè, singillatimque statuamus, complectitur varia, quæ à Philosopho appellantur, Fabulæ ornamenta, Peripetia, Agnitiones, Episodia, Machinas, graphicam Morum expressionem, Sententias, accuratam Dictionem, Numerum poeticum, aliaque omnia, unde mirabile dicendi genus efflorescat; aded ut nulla sit Fictio, quæ aut omnibus his destituta sit, aut aliquibus saltem instructa non sit ornamentis.

D. Quæ

(a) Lib. 6. cap. 4. (b) Sat. 4.

D. Quæ poemata aut hæc omnia, aut aliqua saltem sibi vendicat Fabulæ ornamenta.

M. In sublimioribus Poematis frequentius, parcius in humilioribus sunt usurpanda. Sic epicum poema, Tragicumque eo omni ornatu debet splendere: aliquo nitere debent minora poemata; vel quæ in genere heroico sunt posita, ut Adhortationes, Laudationes, &c. vel quæ suapte natura simpliciores, minusque figuratum dicendi habitum requirunt. Verùm quæ Fictio cuique illorum, qui cultus ornatusque conveniat, exponetur commodius suis locis, cùm de singulis agetur poematum generibus.

D. Licetne in poesi adhibere Fictiorem, quatenus non illa aliquid merè fictitium sonat?

M. Sanè licet. 1. Nihil opus est in majoribus poematis esse usquequaque vera, quæ in peripetiis, Episodiis, Machinis, &c. proferuntur.

2. Placent maximè quæ à veteribus sæpè recentioribusque Poetis in Poemate Epico, Tragico, Comico, Bucolico etiam, & Satyrico fictitiæ inducuntur personæ.

3. Non sine dignitate ac venustate rebus inaninis spiritus, mutis vox tribuitur; ut cùm Roma, Gallia, Africa loquentes inducuntur: vel cùm Scienciæ, Artes, in personas item conformantur.

4. Suus est etiam in sacris argumentis, neque angustior, quàm in profanis, ejusmodi Fictioni locus, ut evicit manifestissimè in suo Opere verè aureo de Poemate Frinzonius, (a) cujus ex animadversione id unum maxime curandum est, ut moderetur prudentia Fictiois, ne quid vanum, insolens, aut à communi sensu alienum afferatur.

Ex dictis collige 1. Poetæ perinde esse, vera ac falsa dicere, modo verisimilia dicat; nisi fortè in aliquibus poematis, quæ supra attigimus, in quibus debet esse vera, quæ profertur, materies: quamvis falsi aliquid in eadem ornanda possit aspergi: quod tamen intra verisimilitudinis septa contineri debet.

Col-

.. (a) Lib. 1,

Collige 2. quàm malè jubeantur e Parnasso exulare Poetæ , qui mera commenta in sua carmina non invexerunt , & eo nomine Fabulam non scripsisse dicuntur ; quasi verò ipse Virgilius in suo opere absolutissimo Georgicon Poeta non sit appellandus : cùm vera dixerit , sed splendide , sed artificiosè , sed poeticè , adedque non sine Fictione .

Collige 3. Non esse illum propriè dicendum Poetam , qui tenuiter , ac jejunè , servata duntaxat legitima syllabarum , pedumque dimensione rem tractavit : eumque versificatorem appellandum ; quod sine Fictione poetica scripserit : quæ ut minimum requirit habitum loquendi aliquem figuratum , floremque eloquentiæ leviter delibatum , versuque exornatum .

D. Quæ sunt pro ornamento Fictiois , seu fabulæ ?

M. Septem enumerantur ab Aristotele , Peripetia , Anagorisis , Episodium , Machina , Mores , Sententia , Dictio : de quibus omnibus singillatim agendum est .

C A P U T IV.

De Peripetia .

D. Quid est Peripetia ?

M. **Q** Peripetia à *περιπέττω* , incido , nihil aliud est , ut vox indicat , quàm rerum in statum contrarium lapsus : quapropter definitur ab Aristotele (a) *Eorum , quæ aguntur Mutatio in contrarium , sive mutatio hæc prospera sit , sive adversa .*

D. Da exemplum utriusque Peripetiae ?

M. Exemplum esto prosperæ rerum conversionis . Josephus fratribus suis infelicem suam sortem lugentibus , quis tandem ipse sit , aperit , timoremque excutit ; unde efficiuntur illi verè fortunati .

Adversæ verò mutationis exemplum sit istud . Nuntius Corintho missus Oedipum rogat Thebanorum regem , ut Corinthiorum quoque regnum communi omnium con-

(a) Cap. 9. Poet.

consensu post mortem Polybi regis ipsi delatum velit capessere. Corinthum adire abnuvit Oedipus, ne fortè, quod oraculum præcinerat, incesto flagitio matris pollundæ, quam putabat esse Meropem Polybi de-mortui uxorem, periculum subiret. Dat operam Nun-tius, ut hoc cum metu liberet: sed simul ea refert, unde cognoscit Oedipus impletum jam fuisse Oracu-lum, & matrem Jocastam eo flagitio pollutam, & patrem Lajum à se fuisse interfectum, atque hinc tan-tum concipit mœrorem, ut vagus, & exul effossis si-bi oculis, reliquam vitam transigere constituat, in-sumnam proinde prolapsus calamitatem.

L. Quæ sunt conditiones ad perfectam Peripetie for-mam requisitæ?

M. Tres assignantur. Prima est, ut sit magna illa mutatio rerum fermè omnium fortunarumque, sive ex felici statu ad infelicem, sive contra.

Alteræ, ut sit illa mutatio subita & inopinata: ut si præter expectationem ea rerum oriatur perturba-tio, ut metus repentè lætitiæ, vel terrori lætitia ac terror succedat.

Tertia, ut sit verisimilis ejusmodi rerum conver-sio. Contra quam perceptionem peccant imprimis Ro-mantiorum Auctores: qui nulla habita verisimilitudi-nis ratione rerum, duntaxat captant delitias: nec si-dem facere curant, modò lectorum animos admirabi-litate rei teneant & delectent. Habes eximiam Peripe-tiæ formam apud Virgilium, (a) ubi Trojanis in Italiam appulsis cum faustè omnia, atque ex sententia cederent, dimissis à Latino rege cum bonis verbis, atque amplis muneribus Legatis, pactaque Æneæ La-vinia, Juno irarum plena, omnia commutat, pertur-batque, summaque in rerum tranquillitate summum derepente bellum excitat.

CA-

(a) *Æneid. Lib. 7.*

C A P U T V.

De Anagnorisi.

D. Quid est Anagnorisis?

M. Anagnorisis, latinè *Agnitio*, dicitur ab Aristotele (a) ex ignorantia in cognitionem mutatio; Id est personarum *Agnitio*; ex qua amicitia oritur, vel inimicitia inter eos, qui felices esse debent, vel infelices. Unde colliges per hoc fabulæ ornamentum. 1. Intelligi personarum inter se agnitionem. 2. Amicitiam vel inimicitiam. 3. Felicitatem, vel infelicitatem ex illa agnitione nasci.

D. Da Exemplum Agnitionis?

M. Orestes Iphigeniæ frater ad aram mactandus præsentem sororem, quam non agnoscebat, ait simili færo perire se, ac sororem, quam Dianæ immolatam fuisse credebat. His illa auditis fratrem agnoscit: inito deinde inter se consilio aufugiant, & morti se Orestes, & fædo homines immolandi ministerio Iphigenia se subducit.

D. Quotuplex est Agnitio?

M. Duplex, una dicitur simplex; duplex altera: ut si in allato modò exemplo Iphigenia tantum agnoscat Orestem, simplex erit, si Orestes quoque agnoscat Iphigeniam, duplex erit Agnitio.

D. Ultra præstat alteri?

M. Sanè duplex; atque illa imprimis magni facienda est, quæ admixtam habet Peripetiam. Historia Josephi, de qua in superiori capite, duplicem continet Agnitionem, & mirabilem peripetiam.

Varias Agnitionum species, sive modos latè profequitur ex Philosopho Daniel Heinſius libro de Tragediæ constitutione. (b)

C A P U T VI.

De Episodio.

D. Quid est Episodium?

M. 1. Si vocis etymon spectes, est insertum quiddam in Carminis Fabulam: cum idem sonet atque adiectum aliquid ad cantum.

2. Si definitionem quæras, est *Actio adjectitia, actio & necessaria quodammodo connexionem cum Actione primaria conjuncta.*

D. Explica quæso singulas Voces?

M. 1. Dicitur Actio, neque enim Descriptiones, Comparationes, & Narrationes aliquot dici debent Episodia. Sic tempestatis descriptio in *Æneid.* v. g. non est Episodium: sed in 2. Trojæ excidium, & in 3. *Æneæ* peregrinatio ex omnium sententia sunt Episodia, quia habent suas Actiones.

2. Dicitur Actio adjectitia, qua voce secernitur ab Actione primaria, cujus ne pars quidem esse debet Episodium, sine quo potest esse Actio primaria. Sic potuit *Æneas* Italiæ applicare, Turnumque vincere omiſſa Excidii Trojani narratione, item & præterita errorum suorum expositione: quæ duo sunt Episodia.

3. Dicitur ejusmodi Actio aptè conjuncta cum Actione primaria: ut neque petita longius, neque affectata studiosius, neque contorta violentius esse debere Episodia significetur.

4. Præcipitur, ut necessitate aliqua cum primaria Actione connectatur: ut indicetur, sic esse cum Actione illa committendum Episodium, ut sine aliqua culpa præteriri non posse videatur. Nunquid debuit v. g. *Virgilius* qui *Anna* circumque canebat, *Trojæ* qui *primus* ab *avis* Italian fatis profugus, *Lavinia*que venit lit-tora, *Æneæ* operi Trojæ incendium non intexere? num debuit hoc in aula *Didonis* silere, quod iam per totum orbem fama vulgaverat? qui potuit ipsa *Dido* de his suum hospitium non interrogare, quorum pars

*ma*gna fuerat ? qui verò potuit Æneas Regina de se quam optimè merita , præsertim roganti narrationem hanc denegare ? Debet itaque semper subesse causa aliqua Episodia attexendi , quamquam non ubique par esse debeat .

D. Numquid Philosophus damnat Episodia , cum ait ,
(a) nihil esse insulsius Actionibus Episodicis ?

M. Appellat eo loci Episodia , quæ neque verisimiliter , neque necessariò cum Fabula conjuncta sunt : quæ certè eo nomine sunt rejicienda , quantumvis habeant aliunde admirabilitatis , quèd parùm ad rem , aut nihil faciant .

C A P U T VII.

De Machina .

D. Quid est Machina ?

M. 1. Si vim vocis quæras , Machina dicitur in Poen quodcumque auxilium extraordinariè collatum . Nam cum Deos Tragedi tamquam e cælo delapsos producebant , vel homines è theatro offerebant adhibita Machina , auxilium illud aut à Diis præstitum , aut alio quovis modo , sed extraordinario , ut supra humanas vires exhibitum , Machina solebat appellari .

2. Si rei definitionem postulas , Machina dici potest *Actio* , vel *actionis* modus quidam viribus humanis superior , qui nodo difficili solvendo adhibeatur .

D. Explica singulas voces ?

M. 1. Dicitur *Actio* . Sic apud Homerum irato Achille , miles discessum parabat ; retinendus tamen erat : en Minerva , Junonis impulsu in terras delapsa , susceptum redeundi consilium discutit .

2. Dicitur vel *actionis* *modus* , cum videlicet Deus latet , & occulta quadam efficientia juvat hominis
actio-

actionem. Sic Juno Turnum, & Venus Æneam passim juvant apud Virgilium.

3. Dicitur *humanis viribus superior*. Ecquid enim Deus aliquis excitetur, si virtus humana sufficiat? rectè itaque monet Horatius: (a)

Nec Deus interfit, nisi dignus vindice nodus Incideret.

Homerum certè reprehendit Aristoteles, quòd, Minervam è cælo deduxerit, milites ut moraretur: quod opera, consilioque viri prudentis effici potuisset.

D. *Quandonam igitur adhibenda est Machina?*

M. Cum opus est sciri aliquid v. g. aut eorum, quæ præterita sunt, aut futura, quod sine Deorum ope sciri omnino non possit: aut aliquid est agendum, quod suapte natura vires humanas excedat: tunc enim licet ad Superiorum auxilium confugere. De Machina recurret mentio in Carmine Epico & Tragico.

C A P U T V I I I.

De Moribus.

D. **Q**uid intelligis per *Mores ornandæ Fabulæ servientes*?

M. Quod Græci *ἦθος*, Latini Mores dixerunt: quæ voce non tam mores, quàm eorum proprietas, & cujusque indoles & ingenium designatur. Mores autem diversi esse solent in singulis pro habituum, affectuum, nationum, ætatum, & fortunæ diversitate, v. g. ex habitibus dicitur aliquis justus, mitis, temperans; ex affectibus, amans, iratus; ex natione, Græcus, Romanus; ex ætate puer, juvenis, vir, senex: ex fortuna victor, vel victus. Ita morum voce usus est Horatius:

Ætatis cujusque notandi sunt tibi mores.

Ita-

(a) *In Arte Poet.*

Itaque per moros Fabulae intelligo ejusmodi morum graphicam expressionem.

D. Quales debent in Poesi Mores exhiberi?

M. Exhibendi sunt Boni, Convenientes, & Aequalis tenoris.

D. Quomodo mores Bonos exprimet Poeta?

M. Si Mores illos effingat qui virtutis amorem, ac vitii odium ingenerent: coque revocet pravae Mores, si quos exhibere necesse sit: (a) Ita sit mentio in Aeneide Sinonis, & Mezentii, quo majori sint odio, execrationeque eorum mores pessimi. Cum enim sit ille praestitutus omni poesi finis, ut mores jucundè instituat; sanè liquet à suo fine planè aberrare Poetam, qui malos mores in suum opus de industria velit inducere, ac celebrare. Non debent itaque mores pessimi in viro principe accuratè depingi, minimè verò omnium in Heroe.

D. Quomodo describit poeta Mores Convenientes?

M. Quando virtutem cuique tribuit, quæ ipsi convenit; & sic sœminæ non tribuet fortitudinem, quæ congruat Achilli, aut prudentiam, quæ sit propria Nestoris.

D. Quomodo Mores erunt aequalis tenoris?

M. Si sic effingantur, ut non discrepet aliquis à seipso. Ajax certè discreparet v. gr. si mores primum Ajacis, ac post paulo Ulyssis referret. Ea de re sic præcipit Horatius:

*Si quid inexpertum scenæ committis, & aures
Personam formare novam; seruetur ad imum
Qualis ad incepto præcesserit, & sibi constet.*

C A P U T I X.

De Sententia.

D. Quid est Sententia?

M. Q. Duplex hujus vocis notio est apud Philosophum,

(a) *Arist. 1. cap. 2.*

sophum; (a) cui 1. Sententia dicitur *Gnome*: estque pronuntiatum aliquod de re aliqua universè. 2. Dicitur *Diaxa*, & eo sensu est vis animi, quæ explicat tum naturam rei, tum eas, quæ ipsi congruunt, affectiones; cujus est proinde demonstrare quæ latent, dissolvere quæ nexa sunt, motus animorum ciere; augere quæ sunt exigua, & quæ grandia, minuere. Utroque modo ad fabulæ ornamentum pertinet Sententia, nihil est tamen, quod de illa juxta secundam hanc vocis acceptionem hic agamus: cum tractentur hæc in Rhetoricis; sed satis fuerit juxta primam acceptionem in Sententiam inquirere.

D. Quomodo definitur eo sensu accepta sententia?

M. Est simplex pronuntiatum universè de vita rectè informanda. Hinc patet triplicem esse Sententiæ dotem. 1. esse unam. 2. dici universè. 3. esse moratam.

D. Quomodo erit una simplexque Sententia?

M. Si non à fundatur in plura, quæ illam efficiant quodammodo multiplicem. Ita posset hæc Horatii Sententia, pulvis & umbra sumus: sic explicari ac dilatarì, ut illius causæ afferrentur quamplurimæ; adhiberentur similitudines, comparationesque: unde non tam una aliqua, quàm plures existerent Sententiæ.

D. Quomodo erit universè dicta?

M. Si libera sit, ac soluta à loco, tempore, persona, aliisque adjunctis, quæ res afficiunt singulares. Talis est hæc Horatii, dulce & decorum est pro patria mori.

D. Quomodo erit morata?

M. Si vitam rectè informet. Talis est allata jam Sententia, qua pietas erga patriam sic prædicatur, ut vitæ propriæ dicatur anteponenda.

D. Quodnam est discrimen Sententiam inter, & acutè dictum?

M. Sententia pugna caret & conflictu; Acutè dictum verò totum est in eo conflictu. Exempli subjiçio de Sententia pura, de acute dicto purè, & de utroque mixto.

See

(a) l. 2. *Rhet. cap. 4. & 19. poet.*

Sententia pura illa est, quæ dicti quidem amplitudinem habet, ac majestatem, sed contentione caret; sic dicitur apud Senecam. (a)

Cogi qui potest, nescit mori.

Acutè dictum putà est contentio sine sententia, tale est apud eundem Senecam illud Hecubæ. (b)

Ille tot regum parens

Caret sepulchro Priamus, & flamma indiget,

Ardente Troja.

Sententia mixta est, cui annexa est contentio; tale est illud: *Avaro tam deest quod habet, quam quod non habet.* Seposita enim contentione, viget tamen Sententiæ vis & dignitas; idemque est, ac si diceretur, *Avarus nemo dives.*

C A P U T X.

De Dictione.

D. Quid est Dictio?

M. Dictio (c) universè describi potest dicendi ratio, quæ animi sensus declarat, quo demum cumque modo id fiat. Atque hac latius patenti notione Dictio omnis, sive Oratoria, sive Poetica, aut alia quæcumque attingitur.

D. Quenam est igitur Dictio Poetica?

M. Est illa dicendi ratio, quæ soli Poeti convenit: ac proinde quæ & communes omni Dictioni, & proprias, ubique uni addictas dotes vendicat.

D. Quæ sunt illæ dotes Dictionis Poeticæ?

M. Tres vulgò assignantur, ad quas cæteræ omnes facillè revocantur. 1. Perspicuitas. 2. Majestas. 3. Numerus.

D. Quomodo Dictio poetica erit perspicua?

M. Cum Dictio poetica, ut quævis alia ex verbis constet, ac sententiis; idè & in verbis, & in verborum contextu quærenda est illa perspicuitas.

D. In

(a) Her. jur. (b) Tro. (c) Arist. cap. 4. Poet.

D. In quo posita est verborum Perspicuitas?

M. In vocabulorum propriorum, & rei exprimendæ maximè accommodatorum usurpatione. Itaque fugienda sunt verba obsoleta, atque ex antiquitatis ruderibus effosa: adhibenda quæ versantur in sermone, & consuetudine quotidiana, atque imprimis quæ clarissimorum auctorum usu non trita minùs, quàm splendida, afferenda quæ ejus rei verba sunt, de qua loquimur.

D. Quomodo in sententiis, sive in verborum contextu perspicuitas elucebit?

M. Si neque abrupti pendentisque sensiculi, neque oblongæ, exitumque non inveniendes inducantur periodi; si neque, cùm dicitur, vel incisim, vel membratim, vel periodicè, laboret intricata Dictionis. Nam & Poetis, ut Oratoribus, sua sunt incisa, sua membra, suæ verborum sententiarumque comprehensiones & clausulæ, tam apertè, quam concinnè concludentes.

D. Jam verò qui cultus, qui splendor convenit poeticæ Dictioni?

M. A proprio dicendi genere, vulgarique recedendum esse Poetæ statuit Aristoteles (a) cui consentit omninò Horatius: qui ait, (b) non satis esse ad Poetæ nomen pro dignitate sustinendum *puris versum præscribere verbis*, & scribere sermoni propria: si desit *us magna sonaturum*. Quamobrem postea poscit:

Idcirco quidam Comædia, nec ne Poemata

Effet, quesivere, quod acer spiritus; & vis

Nec verbis nec rebus inest: nisi quod pede certo

Differt sermoni sermo merus.

D. An eadem semper, eaque sublimis dicendi ratio usurpatur à Poetis?

M. Cum tria sint apud Poetas, uti apud Oratores genera dicendi, tenue, grande, medium, miscentur illa sæpè inter se, ac temperantur in pluribus poematis, distinguuntur tamen aliquando, ac planè discernuntur, atque adeo non sublimem ex æquo dicendi for-

(a) Cap. 21. (b) Satyra 4.

formam omnia requirunt. Quæ tenue, quæ grande, quæ medium dicendi genus postulent, notabitur inferiorius, cum varias poematum attingemus species. Nunc satis fuere statuere universè haud vulgarem esse debere poeticam Dictionem, sed sublimem, sed grandem, sed maiestate plenam.

D. Unde comparatur hujus Dictionis maiestas?

M. Præter ea quæ diximus, duo insuper ad eam Maiestatem conferunt plurimum. 1. Si apposita, quæ vocant, nomina; siue Epitheta aliquid eximii præferant. Si quæ occurrunt tritæ, ac vulgares loquendi formæ, mutantur in alias exquisitiores, ac reconditiores.

D. Quando apposita nomina, siue Epitheta aliquid eximii præferunt?

M. Si adhibeantur ea, non ut impleatur dumtaxat, sed etiam ut ornetur versus; si contrà quærantur ea, quæ vim ac dignitatem vocibus, quibus attribuantur, adiciant.

D. Qui numerus poeticæ Dictioni convenit?

M. Numerum ab Oratorio longè diversum indicit Aristoteles, qui numerus *μῆτρος* græcè, latinè *dimensio* appellatur.

D. Quid requiritur ad illum Numerum?

M. Duo requiruntur maximè. 1. Ut religiosè servetur legitima pedum dimensio. 2. Ut numerus ille rebus ipsis, quæ celebrantur, sit imprimis accommodatus.

D. Quomodo legitima servabitur pedum dimensio?

M. Servabitur. 1. Si prosodiæ syllabarum, ac pedum ratio habeatur, quæ oranis disciplina traditur à Grammaticis.

2. Si versus solutus non sit, & sine cæsura, qualis est hic Ennianus.

Sparsis hastis longis campus splendet & horret.

3. Si crebriora continenter in versu non subsultent monosyllaba, ut in hoc Ovidiano.

Si quis, qui, quid agam fortè requirat, erit.

Vel contra gaudiorum vocabulorum continuatio non indu-

inducatur; ut enim minutiores voculæ humilitatem, sic grandiora vocabula tumorem in versum inducunt.

D. Quomodo numerus rebus ipsis accommodabitur?

M. Si pedes ita coagmententur, ut verba rebus ipsis quasi concinere videantur. Atque ideo observandum est qui numeri ad lætitiā & celeritatem, qui ad moram, difficultatem, molem & tristitiā, qui vero faciant ad lenitatem, & exempla ponenda in versu omnium spectatissimo, exametro, locaque adducenda ex Poetarum Principe Virgilio.

D. Qui numeri valent maximè ad lætitiā & celeritatem?

M. Valent ad id numeri fluentes ac liberi, cū ipsa Carmina decurrunt expedita perpetuis, aut frequentibus Dactylis; raris, aut molliusculis elisionibus.

*Inde ubi clara dedit sonitum tuba, finibus omnes,
Haud mora, prosilvere sulis; ferit æthera clamor
Nauticus, adductis spumant freta versa lacertis.*

.... *Trepidiusque repente refugit.*

Quadrupedente putrem sonitu quatit ungula campum.

D. Qui pedes ad moram, difficultatem, molem, tristitiā & majestatem faciunt?

M. Faciunt ad hoc crebri spondæi, elisiones, verba longiora:

Luciantes ventos, tempestatesque sonoras.

Monstrum horrendum, informe, ingens, cui lumen ademptum.

*Amisum Anchisen flebant, cunctæque profundum
Pontum aspectabant flentes.*

Illi inter sese magna vi brachia tollunt

In numerum, versantque tenaci forcipe massam.

Item excurret aliquando hypermetrum carmen, & rerum granditatem ipsa syllabarum redundantia demonstrat.

*Et magnos membrorum artos, magna ossa lacertesque
Exiit.*

*Fanque iter emensi, turres ac tecta Latinorum
Ardua cernebant Juvenes.*

Exit quoque versus in monosyllabam cum energia
in

in sequentibus exemplis . *Procumbit humi bos . Mole sua stat . Tota nituntur opum vi . Subsedet aque mons .*

D. *Qui pedes faciunt ad lenitatem carminis ?*

M. Lenissimè fluit alternorum dactylorum & spon-
daorum contemperatione .

*Flestit equos , curruque volans dat lora secundo
Sidoniam picto clamydem circumdata limbo .*

Neque pedum tantum , sed litterarum etiam ratio habenda est : cum aliæ suavitatem concilient , asperitatem inducant aliæ , quædam granditati serviant & amplitudini . Primum elementum A nescio qua molitie carmen exhilarat , quare à sapientissimo Poeta libentissimè frequentatur .

Mollia luteola pinguis vacinia caltha

Vel , mista rubent ubi lilia multa

Alba rosa .

Potuisset *lutheolis calthis* scribere , & multis *rosis* .

E. & I. sonum habent exilem . V. vastitatem sonat : *Vastus volvunt ad littora fluctus . Vorat æquora vertex .* Litera O omnium lenissima , maximèque sonora est . R. carmini affert asperitatem , ideoque dicitur littera canina ; hanc sæpiùs usurpavit Virgilius agens de Canine inferorum :

Cerberus hæc ingens latratu regna trifauci

Personat , adverso recubans immanis in antro .

Quàm aptè dicitur ! ergo ægè raris terram rimantur . Sed hæc sufficiant , ex quibus capi possit conjectura cæterorum : est enim eadem ratio pedum in aliis carminum generibus , ubi metrum rebus aptari debet , ut in versu heroico .

C A P U T XI.

De causa efficiente Poeseos .

D. **Q**uæ est causa efficiens Poeseos ?

M. Mens Poetæ certis imbuta præceptis , & arte instructa omnem efficit Poësin .

D. Igi-

D. Igitur Poetica appellanda est Ars?

M. Sanè appellanda est . Quia Poetica est facultas animi , quæ certis quibusdam , & non errantibus præceptis ad finem suum tendit , opusque perficit : quæ est Artis notio .

D. Num Furor aliquis poeticus , quod ajunt , requiritur ad efficiendam poesin?

M. Requiritur utique , si modò benè intelligatur ; quid veniat furoris illius nomine .

D. Quid est ille Furor?

M. Est quidam impetus vehementior , quo cùm impellitur animus , furere dicitur : oriturque ille impetus à variis animi perturbationibus , quæ undecim numerantur , Amor , Desiderium , Gaudium , Odium , Fuga , Dolor , Ira , Spes , Desperatio , Audacia , Timor . Neque existimandum est afflari divinitus , ut fabulantur poetæ , hujusmodi Furorem ; verùm cùm vehementiùs solito his agitur , quos appellavi , motibus , qui poeticè scribit , & in rei cujuscpiam maxima contentione fertur contemplationem , calorem concipit , vi cujus sic loquitur , ut à sensibus alienatus esse videatur .

D. Quandoenam opus est illo Furore?

M. Nihil opus est illo Furore , cum Poeta Fabulam instruit suis partibus , nihil , cùm aliquid sedatè ac consideratè in primis canendum est ; sed in aliquibus orationibus , narrationibus , descriptionibus , objurgationibus , querelis , &c. commodè aliquando accidit ille Furor .

D. Ultra plus confert ad Poetam Ars , an Natura?

M. Parum certè sine Arte Natura , parum Ars sine Natura conferet . Ars enim sine Natura tristis est & exsueca ; Natura sine Arte vassa & inculta . Ita sentit Horatius , cum ait :

*Natura fieret laudabile Cæmen , an Arte ,
Quæsitam est . Ego nec studium sine divite vena ,
Nec rude quid prosit video ingenium ; alterius sic
Altera pascit opem res , & conjurat amice .
Qui studet optatam cursu contingere metam ,*

Multa tulit, fecitque puer, sudavit, & alfit &c.

Quare quod vulgo dici solet, nasci poetas, sic intelligendum est, ut multæ dotes a natura requirantur ad poesin, quæ tamen arte debent perfici.

D. Qui fuerint poeseos Inventores?

M. De hoc certi nihil afferri potest. Orpheus certè, Linus, Musæus, aut Homerus Inventores Poeseos dicendi non sunt, sed Illustratores, ante quos constat floruisse Poetas.

C A P U T X I I.

De fine Poeseos.

D. Quid est finis Poeseos?

M. Est jucunda morum Institutio. Nam extendit Poeta, ut doceat delectando, juxta illud Horatii: (a)

Aut prodisse volunt, aut delectare poetæ,

Aut simul & jucunda, & idonea dicere vita.

Et paucis interjectis versibus:

Omne tulit punctum, qui miscuit utile dulci

Lectorem delectando, pariterque monendo.

D. Explica queso singulas responsionis voces?

M. 1. Cùm Finis sit id, cujus gratia aliquid fit; sitque alius Arti, alius Artifici propositus, non agitur hic de fine Artificis, qui est multiplex: cùm possit Poeta scribere vel ut famam aucupetur, vel ut aliquem demereatur, vel ut gratiam alteri reponat, vel ut opes comparet. Verum agitur de fine Artis, propter quem est illa instituta; ac proinde ad quem suapte natura collimat.

2. Dicitur ille Finis esse morum institutio: quia Civilis Facultas cùm ad perfectum Civitatis statum, Civiumque facilitatem tota collimet, & Ars poetica ad Civilem illam Facultatem, ut pars illius eximia,

per-

pertineat : planè sequitur poësin omnem ad ejusmodi felicitatem referri . Cùm autem ejusmodi felicitas per optimam morum informationem comparatur ; ad eum finem instituta est poësis , ut hoc modo mores informet ; atque etiam cùm id commodè obtineatur , actiones humanas celebrando , in quibus sita est felicitas , ut superius tradidimus ; hinc factum est , ut actiones celebrando , mores instituat .

3. *Jucunda* appellatur *morum informatio* , propter naturam poëseos , cujus ornatus omnis multas habet delicias . Et sanè debuit in hoc poësis , ut in multis aliis , à Philosophia , quæ ad mores pertinet , discrepare : ut austerè & jejunè Philosophia ; jucundè verò , ac planè magnificè mores Poësis instituat .

D. Nonne Fines sibi propositos peculiares , ac diversos habent singula poëseos genera ? quomodo igitur poësis habere dicitur pro fine jucundam morum institutionem ?

M. Habent utique suos diversos fines , ut dicitur inferius , sed huic primo lini subjectos sic , ut singuli omnes ad eum demum referentur : v. g. Epica Poësis ex fine suo ad id instituta est , ut Viros Principes admirabili dictione ad virtutes comparandas incitet ; Tragica , ut quasdam animi perturbationes componat , ac perpurget , sed isthæc ad ineundam quoque morum institutionem referuntur . Neque etiam aliud tendunt Comædiæ sales ac joci , quam ut derisa palam vitia , ludibrioque in scenis habita , evitentur diligentius ; sicque suo modo ad hanc morum informationem alia Poëseos genera revocantur , ut patet clariùs ex dicendis inferius .

C A P U T X I I I .

De Divisione Poëseos .

*D. Q*uomodo dividitur Poësis ?

M. Cùm Poësis omnis , ut initio diximus , aut fere omnis in imitatione posita sit ; optima erit illa
Poe-

Poeseos divisio , quæ a diverso genere imitationis petetur .

D. Quotuplex est imitandi genus ?

M. Triplex vulgò assignatur . Nam in poematis vel Poeta per se ipse narrat aliquid , & sermonem alterius refert sine ullis personarum inter se colloquiis , vel non ipse narrat , sed alios tantùm loquentes , & quasi negotiantes inducit ; vel & ipse narrat aliquid , & alios inducit loquentes agentesse . Atque ex tribus his Imitationis generibus , totidem petuntur genera poeseos .

D. Qui vocas primum genus ?

M. Narrativum , vel Enunciativum hoc genere continentur : v. g. tres primi libri Georgicon , & prima pars quarti ; ubi semper ipse narrat Virgilius .

D. Qui vocas secundum genus ?

M. Dramaticum , sive Activum , quo genere comprehenduntur Tragicæ & Comicæ Fabulæ ; item Eclogæ , ubi inducuntur agentes inter se Pastores .

D. Qui vocas tertium ?

M. Mixtum appellatur , in quo Poeta ipse narrat , atque etiam personas inducit agentes . Ad hoc genus pertinent Ilias & Odyssea Homeri , Æneis Virgilio , & alia id genus Poemata . Ad hæc tria genera facile revocantur , ut patet , omnes elegiæ , odæ , satiræ , aliaque poemata .

D. Nonne alia est divisio poeseos ?

M. Alia est maximè vulgaris in poemata multum alicunde inter se discrepantia . Celebrantur imprimis Epopœja , Tragœdia , Comœdia , Satyra , Elegia , Ode , Epigramma , &c. Unde Poetæ Epici , Tragicæ , Comici , Satyrici , Elegiaci , Lyrici , Epigrammatici appellati : de quibus singulis , aliisque momenti alicujus poematis deinceps agendum erit .

INSTITUTIONUM POETICARUM

LIBER II.

De Epopœja.

M. **C**um principem inter Poemata locum obtineat Epopœja ; de illa nobis modò agendum est. Illius naturam ac varias affectiones ut exponamus , definitio primùm illius proferenda est , deinde examinanda Materia quam statuemus esse Actionem ; cujus dotes singulas prosequemur ; tum Forma explicanda , & apta partium tradenda Dispositio , ubi de propositione , Invocatione , Narratione , & Epilogo poematis Epici , quantum satis erit , disputabitur.

CAPUT PRIMUM.

Definitio Epopœjæ.

D. **Q**uæ est vis & potestas hujus vocis , Epopœja ?
 M. Ut locutio omnis oratio est , antonomastice tamen Oratio appellatur ornatissima , qua utuntur Eloquentes ; sic *Epos* , quod generatim Verbum significat , addictum est speciatim Poesi : atque ab illa communi significatione contractum est ad Poema , quod vocatur Heroicum . Item ποίησις Græcè idem est ac latine *facere* , vel *ingere* . Hinc sit , ut Epopœja secundùm vim vocis sit quasi fictio , seu scriptio poematis Epici , quod Heroicum dicitur.
 D. Quomodo definitur Epopœja ?

M. De-

M. Definitur *Imitatio Actionis unius, totius, vere, verisimilis, illustris, felicitis & a nobili persona profectæ, narratione dramatica, & versu hexametro, quæ Viros Principes ad primarias virtutes excitat, atque adhortatur.*

D. Explica, quæso, singulas voces?

M. 1. Dicitur *Imitatio*, quia poësis omnis, aut quæ saltem spectatissima est, ut *Epica*, in imitatione posita est.

2. Dicitur *Actionis imitatio*, quia *Actiones* humanæ sunt materia poëscos, ut supra docuimus (a).

3. Dicitur *Actionis unius, totius, vere, verisimilis, illustris, felicitis, & a nobili persona profectæ*; quibus verbis designatur materia Poematis epici: ratione cuius partim convenit cum aliis poematis, partim ab iisdem discrepat, puta a *Comœdia*, cujus materia est *Actio vulgaris, & plerumque obscura.*

5. Dicitur *imitatio actionis narratione dramatica insignis*, eo sensu, ut nec poeta semper ipse narret: sed personas loquentes, agentesse sæpè etiam inducat; quodd jucundiùs multò vitæ ritè instituendæ hoc pacto præcepta tradat.

5. Dicitur hæc *imitatio versu exametro exornata*: quodd necessario illud requiratur ad *Epicum Carmen*, juxta illud Horatii.

*Res gestæ Regumque, Ducumque & tristia bella,
Quo scribi possent numero, monstravit Homerus.*

6. Dicitur *imitatio Actionis, quæ Viros Principes ad primarias virtutes incitet*: quibus verbis attingitur *Epopœæ finis*. Ad id enim illa instituta est, ut omnium animos, sed Principum præsertim ad præclara facta accendat, ad eaque quasi viam sternat, ponendo ob oculos illustrem quandam actionem, de qua in capite proximè consequenti,

C A P U T . II.

De Materia Epopœjæ.

D. **Q**uæ est materia Epopœjæ?

M. Est Actio personæ nobilis, una, tota, vera, verisimilis, illustris, ac felix.

D. Quare debet esse Actio personæ nobilis?

M. Quia cum finis ille sit Epopœjæ propositus, ut Viros Principes ad præclara facta accendat: debet certè proponi personæ actio, quam imitari sit gloriosum. Certum est autem sibi laudi vertet Princeps, non plebejas, aut obscuras personas, sed nobiles, atque illustres imitari. Sit itaque illa Actio insignis altius v. gr. Herois, qui Principum animos laudis studio incensos ad sui admirationem, imitationemque rapiat.

D. Quem vocas Heroem?

M. Antiqui fabulantur Heroas esse quoddam genus Deos inter & homines; natos illos vel ex Dea aliqua, & mortali viro, ut Achillem, & Æneam: vel ex Deo, & muliere mortali, ut Herculem. Jam verò Heros virum extraordinarium sonat: in quem tria hæc maximè dicuntur confluere. 1. Corporis habitu-do firma; ac laborum patiens. 2. Animus præsens, erectus, & robustus quodammodo, cui ab optima corporis temperatione accedat magnitudo. 3. Divina quædam vis, & efficientia: qua qui asilatur, supra hominem & sapere & posse videtur.

§. I. Actio Fœminæ in materia Epopœjæ.

D. **I**ne Actio Epopœjæ debet esse Herois, ut non possit esse Fœmina, quæ dicatur Heroïna?

M. Actionem Fœminæ esse posse materiam Epopœjæ affirmant aliqui, negant alii. Utriusque partis rationes subijcio.

Qui affirmant, ajunt, 2. non obesse Fœminæ animum, qui virili similis est, ejusdemque naturæ; hinc

N

posse

posse esse armorum usum ; atque etiam Fœminas aliquando & corporis firmitate , & laborum patientia viris præcellere . 2. fœminæ actionem esse sæpè materiam Tragœdiæ ; quidni & Epopœjæ ? 3. fœminæ actione ad præclara facta accendi posse Viros Principes , quibus turpe sit ea non posse agere , quæ fœmina gesserit . 4. fœminas à præstantissimis Poetis inductas esse in Epopœja , & maximis celebratas laudibus propter fortitudinem bellicam , puta Chlorindam a Tasso , a Virgilio Camillam . 6. Excitari a Deo posse Heroïnam quamdam , cui belli alicuius summa committatur ; quæ habeat omnes Heroïs dotes , nullos habeat sexus defectus .

Qui verò negant Actionem fœminæ esse posse materiam Epopœjæ ; respondent . 1. Animorum quidem sexum esse nullum : at fœmineum corpus esse imbecillius , cujus contagione languet animus : neque rebus bellicis perfectè tractandis idoneas esse fœminas : quibus Aristoteles curam rei domesticæ attribuit : arma verò , & ea , quæ non modo extra civitatem , sed etiam extra privatos parietes fieri necesse est , viris concedit .

Reponunt 2. Actionem fœminæ convenire Tragœdiæ , non item Epopœjæ : quia finis hic est Tragœdiæ , ut excitentur , purgenturque quidam animi affectus ; qui finis tam facildè obtinetur , sive viri , sive fœminæ celebretur Actio ; At Epopœjæ cum sit ille finis , ut ad ardua quæque , & præclara facta accendant Viros Principes , huic rem imparem esse fœminæ Actionem ; unde

Negant 3. Actionem fœminæ talem esse posse , quam velint Viri Principes imitari . Esto possit illa fœminæ Actio incitare Viros Principes ad arduum aliquid suscipiendum ; sed actione illi fœminea movebuntur tanquam argumento , quod vocant a *minori ad majus* : quòd turpe sit viro , maxime principi , illud non aggredi , quod fœmina fortiter gesserit : at enim non erit hæc Actio exemplaris loco , quod sibi proponant Viri Principes imitandum .

Observant 4. Nullam unquam fœminæ Actionem a præstantissimis poetis in materiam Epopœjæ fuisse assumptam; celebratas quidem a Tasso, & Virgilio fœminas; sed in Episodia quasi contrusas illas fuisse; atque etiam in pœnam temeritatis obscura morte fuisse mulctatas: ne fuso inbelli, indignoque sanguine virum aliquem fortem contaminarent. Sic Chlorinda, de nocte, & ab imprudenti Tancredo perimitur apud Tassum; ab ignobili viro occiditur Camilla apud Virgilium. Atque etiam scititiæ illæ Heroinæ non stant ab Heroe Epopœjæ; immò ipsi adversantur, ut Chlorinda quæ Mahometanis, & Camilla quæ Turno militabat: Adde quod unam Camillam uno in libro pugnantem adduxit Virgilius, quæ Venatorem, & Sacerdotem interimat, Heroem nullum.

Notant 5. Actionem fœminæ à Deo excitatæ, quæ nullos habeat sexus defectus, non esse aptam Epopœjæ: quod solvatur hoc pacto Actio primaria per machinam, quod vitiosum imprimis esse contendunt: Verùm ne quid modò dicam de solutione per machinam, de qua postea in forma Epopœjæ: belle resonant huius secundæ sententiæ patroni de Actione Heroinæ ordinariæ, at non extraordinariæ, & per miraculum à Deo excitatæ procedere quæstionem. Atque hæ sunt utriusque partis rationes, quæ suum utrumque pondus, suamque, quamvis fortè non ex æquo, videntur habere probabilitatem.

§. II. Actio Epopœjæ quomodo Una.

D. *Quo sensu Actio Epopœjæ debet esse Una?*

M. *Q*uo sensu, ut sit illa Actio per se simplex, nec possit in plures Actiones primarias. Sic Virgilius Trojæ ruinam, & multiplicia sui Herois facta contexit in Eneide, quæ sunt quidem varix per se Actiones; sed habet tamen unam, simplicemque Actionem, eamque primariam, quæ est in Italia Religionis, Regni per victoriam de Turno constitutio: unde pendet Herois felicitas, ad quam ceteras omnes retulit, tamquam Actiones secundarias.

D. Quare una debet esse Actio Epopæjæ?

M. Hanc affert rationem Aristoteles, quod omnes artes, quæ imitatione aliquid perficiunt, ad unum quid imprimis absolvendum allaborent, cujus gratia alia esse videantur: talis v. gr. Pictura, quæ unum aliquid in unaquaque tabella sic perpolit, ut cætera ad id referri omnia satis intelligantur.

D. Qui Poetæ contra Epopæjæ peccant unitatem?

M. 1. Qui multas Actiones unius, ejusdemque Herois primarias uno poemate complectuntur. Reprehendit cortè Aristoteles eos, qui ab Hercule, vel Theseo res omnes præclarè gestas uno eodemque opere definiri posse putaverunt. Vitiò vertitur Statio quod in Achilleide Herois sui vitam persequi velit integram; canit enim initio poematis:

*Magnanimum Eacidem, formidatamque Tonanti
Trogeniem, & patrio vestitam succedere coelo,
Divæ, refer. Quaanquam acta ubi multum inclita cantu
Meonio, sed plura vacant. Nus ire per omnem
Sic amor est, Heroa velis, Syroque latentem
Delicbia proferre tuba, nec in Heclore tracio
Sistere, sed tota juvenem deducere Troja.*

2. Qui duas diversas Actiones primarias, quod uno eodemque tempore contigerint, una Epopæja velit celebrare, esto id concedatur Historiæ, at Epopæjæ non licet.

3. Qui plures Heroas inducuntur; quibus eandem ex æquo gloriam tribuant. Plures adsint, esto, uno in poemate Heroes: modò unus cæteris videatur præcellere, cujus sit Actio primaria. Sic Pallas & Tarchon in Ænææ nihil efficiunt gloriæ: quamvis fortiter pugnet uterque, atque unus multum conferat ad victoriam de Turno reportandam.

§. III. Actio Epopæjæ quomodo Tota.

D. Quo sensu Actio Epopæjæ debet esse Tota?

M. **Q**uo sensu vult esse Totam Aristoteles, ut sit in illa Initium, Medium, & Finis.

D. Quid intelligis per Initium, Medium, & Finem Actionis?

M. Per

M. Per initium intelligo causas, & consilia Actionis suscipienda: per Medium, causarum illarum effectus omnes accipio, & effectuum difficultates ad felicem exitum perducendorum; per Finem verò illarum omnium difficultatum solutionem interpretor.

D. Rem pone in exemplo?

M. Exemplum est in Æneide. (a) Æneas incensa Troja in eam regionem, unde maiores sui venerant, vocantibus fati, collecta Trojanorum manu conferre se constituit: *Ecce initium*. Post multos terra marique exantlatos labores, Junone totam Trojanorum gentem dirissimis odiis ubique prosequentem, in Italiam tandem appellit. Amicè à Latino rege accipitur, atque etiam in generum asciscitur. Ægrè admodum id ferens Turnus, Dauni Rutulorum regis filius, qui jamdudum Lavinia Latini filia nuptias ambiebat, grave bellum movet contra Æneam, quocum sæpè pugnat, & atrociter: *ex Medium*. Sed victor tandem Æneas Turno occiso, & Laviniam & regnum obtinet: *ex Finis*. Reliqua sunt in Episodiis.

D. Quid itaque Maphæus Végius librum adjecit Æneidi, in quo dolorem Rutulorum, Dauni fletum de morte filii, nuptias Lavinia, & Æneæ aphorcosin profectus est?

M. Vitiosè nimirum, & ineptè egit: cùm id satis intelligatur consecutum, & multa circa duo postrema insinuet Virgilius in suo opere absolutissimo.

D. An idè perfectè dicenda est, quod Tota sit Actio Epopæjæ?

M. Cùm tota sit illa actio, cui nulla pars deest; perfectè ut sit, requiritur præterea, ut partes inter se aptè cohæreant, accedatque rerum omnium perfectio, & absolutio. Quare præcipit Philosophus, ut poeta, qui fabulam rectè velit constituere, non tantum eam non incipiat temerè, aut finiat, sed etiam formis traditis insistat. Verùm & hæc, & quæ ab eodem traduntur de magnitudine Actionis, commodiùs, cùm ageretur de Forma Epopæjæ, tractabuntur.

§. IV.

(a) C. 1. 5.

§. IV Actio Epopœiæ qui Vera, & verisimilis.

D. **Q**uo sensu debet esse Vera Actio Epopœiæ?

M. Eo sensu, ut Poeta teneatur proferre Actiōnem, quæ verè contigerit; quam tamen sic ornabit, ut omentis studeat magis verisimilitudini, quam veritati.

D. Quare Actio Epopœiæ debet esse Vera?

M. Quia nemo ad præclarè aliquid gerendum incitabitur proposito aliquo consimili factō, quod certè tamen cognoverit esse falsum; ac proinde sine suo excideret Epopœja, si falsa induceretur Actio primaria. Idem planè de Tragœdia dicendum est, cujus Actio illustis, sic vera debet esse, ut moveat.

D. Quo sensu debet esse Verisimilis Actio Epopœiæ?

M. Eo sensu, ut, quod narratur, credi facile possit contigisse. Nihil præcipit studiosius Philosophus, quam ut verisimilitudinis habeatur ratio.

D. Quare debet esse illa Actio verisimilis?

M. Quia non satis est aliquid esse verum, nisi & illud idem verisimile sit, ut ad imitationem excitet. Nam qui fieri potest, ut, si Actio proponatur, quæ quidem vera sit, sed vires tamen humanas longè superet, hominem illa ad simile quid suscipiendum, aut gerendum impellat?

§. V. Actio Epopœiæ quomodo Illustris, & Felix.

D. **Q**uo sensu debet Illustris Actio Epopœiæ?

M. Debet esse illustis vel ratione sui, vel ratione personarum. Illustris est ratione sui Actio Æneidos, ubi inter alia agitur de foundatione Imperii, & constitutione Religionis, juxta illud:

Dum conderet urbem

*Inferretque Deos Latio: genus unde Latinum,
Albanique Patres, atque altae moenia Romæ.*

Illustris est ratione personarum Actio Odysseæ, quæ Viris non admodum illustribus potest convenire; illa enim sic habet. Ulysses classe amissa, occisis sociis, multiplices iniquissimi maris tempestates exper-

ius, multos annos domo absuit, rem illius domesticam interea proci decoquebant, ejus uxoris nuptias ambiebant, Telemachum filium insidiis petebant; reversus ille procos ex insidiis occupat, atque interficit. Quid hic illustre præter personas?

D. Quare illa Actio debet esse Illustris?

M. Quia cum Epopœja Viros Principes ad præclara facta debeat incitare, proponi debet illustris Actio, quam illi imitentur.

D. Quo sensu debet esse felix illa Actio?

M. Eo sensu, ut felici semper terminetur exitu. Nam præterquam quod sæpe Actio tota non erit, quæ infelici claudetur exitu; si præterea Heros miserè pereat, aut grandi aliqua calamitate sub finem excipiat; concitabit illa indignationem, ac dolorem: verum ad imitationem sui minimè commovebit: & sic Epopœjæ finis non comparabitur. Debet itaque Actio primaria felicem sortiri exitum: quamvis nihil opus sit Heroas inducere usquequaque, & in omnibus adjectitiis actionibus fortunatos.

C A P U T . III.

De Forma Epopœjæ.

D. Quid est Forma Epopœjæ?

M. Cum forma poëscos universè sit fictio, seu constitutio, & compositio rerum, quæ tractantur in poësi; sic Epopœjæ Forma erit earum rerum Compositio, quæ soli conveniat Epopœjæ; posita illa in quodam cultu, ornatuque Actionis, qualem in superiori capite descripsimus: aded ut illa Forma nihil aliud sit, quàm Actio suo modo composita, culta, ornata.

D. Quid requiritur ad illam Formam, sive Actionis compositionem?

M. Requiritur ut Forma illa, Fabula, Compositio, (eodem enim recidunt hæc vocabula) sit una,

magna, splendida, in suas partes ritè distributa, & certo quodam ordine disposita: quibus verbis attinguntur. 1. Fabulæ epicæ dotes. 2. Partes. 3. Dispositio, de quibus omnibus breviter disputandum est.

§. I. Fabulæ Epicæ Dotes.

D. **Q**uæ sunt dotes Epicæ Fabulæ?

M. Tres imprimis memorantur, Unitas, Magnitudo, Majestas.

D. Quomodo erit Una illa Fabula, quæ res adeo dispares, diversasque complectitur?

M. Erit illa Una, si tanta sit illarum rerum omnium inter se connexio, ut in unum aliquid videantur coalescere; si, cum loco movetur aliquid, aut refecatur, non benè sibi constet Fabula. Laudat Homerum Philosophus (a): quidd siue natura duce, siue arte in Odysseam non conclusit ea Ulyssis facta, quæ alia ex aliis non satis penderent. Ea certe laude florere ascendenda est Æneis: cui si v. gr. Trojanæ excidii, vel Æneæ per septem annos peregrinationis narrationem detrahas, à Didone tam apposite expetitam, ut quis, ac quantus vir tenderet in Italiam, plane liqueret; vel si ludorum celebritatem, qui ad posteros transmitti deberent, subducas; vel si descensum ad inferos, ubi tam multa de Romano, quod fundaturus erat, Imperio didicit Æneas, silentio prætermittas; aliquid certè in ea Fabula desiderari sentias.

D. Quomodo Magna erit Fabula Epicæ?

M. Philosophus (b) Epopœjam comparat cum animali, quod quamvis elegans, si pusillum est, bellum vocari potest, non pulchrum: si præter modum excreverit, monstrum fiet; debet videlicet naturali florere magnitudine. Ita se habet Poema, quod nec brevius, nec longius esse oportet: sed ita temperatum, ut oculos magnitudine impleat, non fugiat.

Quæ cum universè dicta sint, propriè magis ac definitè aliquid de iusta Epopœjæ magnitudine statuerendum est: monendumque imprimis aliam esse Actionis;

aliam

(a) Cap. 6. (b) Cap. 5.

aliam Fabulæ magnitudinem ; de prima non ago hoc loco , quæ in eo sita est , ut habeat Actio Initium , Medium , & Finem , ut suprà docuimus (a) : sed de altera institutam esse quæstionem , ac proinde videntum , quæ sit illa magnitudo Fabulæ . Duplicem igitur illam fecit Philosophus : unam Actionis , quam vocat , non nudæ , aut suo carentis ornatu , sed compositæ ; alteram Quantitatis .

D. Quenam est magnitudo Actionis compositæ ?

M. In eo posita est , ut uno circiter anno gesta fuerit , quæ Actio primaria : sic Iliadi annum dedit Homerus ex animadversione Mambruni , (b) Odysseæ tantum quinquaginta dies idem attribuit , Æneidi quatuor menses supra unum annum concessit Virgilius . Sed Episodia , aliaque adjectitia ornamenta nullis definiuntur temporis limitibus ; eum Ilias novem annis , Odysseæ undeviginti res gestas comprehendat , & Æneis , quidquid interfluxit ab heroicis Æneæ temporibus ad ætatem Augusti Imperatoris .

D. Quenam est magnitudo quantitatis ?

M. Posita est hæc in numero versuum , qui ad dena ferè millia excurrit in Æneide , duodena excedit in Odysseæ ; octo , vel novem Tragedias vulgò dicitur æquare versuum numero Epopœia . Sed de hoc argumento redibit sermo inferius , cum de magnitudine dramatis disputabitur .

D. Unde arceffitur majestas Epicæ Fabulæ ?

M. Ex triplici potissimum capite . 1. ex mirabili peripetiarum , agnitionum , episodiorum , machinarumque contextu . 2. ex narratione dramatica , cum personas loquentes , agentesve adducet Poeta . 3. ex dictione illustri ac splendida , de qua diximus superius (c) .

§. II. Fabulæ Epicæ Partes .

D. Quid sunt partes Fabulæ Epicæ ?

M. Dux assignantur , Nexus nimirum , & solutio .

D. Quid

(a) cap. 2. §. 3. (b) *De J. n. p. m.* 1. 7. n. 7.
(c) 1. l. cap. 10. §. 3.

M. Eodem puto utramque recidere sententiam, ac proinde non tam de re hic, quam de voce disputari; nimirum quo nomine appellanda sit ejusmodi narratio, ambigitur; cum in id omnes consentiant optimè fuisse institutum narrandi ordinem ab Homero, Virgilioque usurpatum, rerumque permixtionem pei bellè cadere: verùm alii contendunt non idèò perturbari ordinem dicendi naturalem, alii perturbari volunt. Quæ ut conciliantur inter se, dicendum videtur, non perturbatè narrari, si spectetur sejuncta ab episodiis Actio primaria: perturbatè verò narrari, si omnia simul accipiantur, neque à primaria Actione fecernantur Episodia.

D. Jam verò quis ordo Partium servandus est in Fabula Epica?

M. Posteaquam Poeta Actionem, qualem descripsimus, animo informavit, personarum more, & officia excogitavit, episodia, peripetias, agnitiones, & machinas commentus est, & suum cuique locum destinavit: ac opus tandem aggreditur. 1. proponendo quid canendum suscipiat. 2. invocando numen aliquod, cujus aflatu arduum opus perficiat. 3. rem totam narratione prosequendo. Denique epilogum aliquando, sive perorationem attexendo. Unde 4. Etopæe partes existunt, propositio, Invocatio, Narratio, & aliquando Peroratio, de quibus omnibus modò nobis agendum est.

C A P U T . I V .

De Propositione Epopæe.

D. Quid est Propositio Epopæe?

M. Est prima pars Poematis Epici, in qua Poeta breviter proponit, & summatur, quid in reliquo poemate sit dicturus.

D. Quæ sunt dotes illius Propositionis?

M. Quòd Rhetores in Orationis Exordio præcipiunt,

piunt ; ut appositè , ut breviter , ut verecundè contextatur ; idem omninè de Propositione Epopejæ , quæ est ejus Exordium , dicendum est .

D. Quomodo appositè præmittetur Propositio ?

M. Si non vagè , sed propriè , congruenterque argumento prætexatur , id est , si rei caput designetur primis versibus ; talis est Propositio *Æneidos* .

*Arma, virumque cano, Troje qui primus ab oris
Italiani fato profugus, Laviniaque venit
Litora.*

D. Quomodo brevis erit Propositio ?

M. Si non excurrat latius in iis , quæ parùm ad rem faciunt ; ea enim tantum adhibenda sunt , quæ valeant ad docilitatem , & attentionem comparandam cum aliqua , si opus est , benevolentia . In legem brevitatæ peccat Jovianus Pontanus in principio *Uranie* .

*Qui cælo radiant ignes, quæ sidera mundo
Labantur tacito, stellis quibus emicet ingens
Signifer &c.*

Ubi vides crebram ejusdem rei expressionem , ignes , sidera , stellas , cælo , mundo tacito &c. quæ omnia eodem recidunt . Quanto aptius est initium *Georgicon* Virgilii !

*Quid faciat lætas segetes, quo silere terram
Fertere, Mæcenæ, ulmisque adungere vites
Conveniat: quæ cura boum, qui cultus habendus
Sit pecori, atque apibus quanta experientia parcis
Hinc canere incipiam.*

Hic nihil redundat , sed libri *Georgicon* singuli singulis ferè numeris , aut incisus designantur .

Verùm alia est prorsus ratio *Panegyricorum* , ubi exordimur aliquando à descriptione ; vel , proposita quæstione , latius excurrimus , ut videre est apud *Claudianum* in *panegyricis* .

D. Quomodo verecundè & modèstè fiet Propositio ?

M. Si absit omnis ingenii , doctrinæque jactatio , omnis granditas , ac tumor , & exquisitior ornatus . *Cyclicum* Poetam , seu circumforaneum , qui Carmen in Coronam ad gloriam aucupandam recitabat ,

D. Quid est Nexus Fabulæ?

M. Est ea pars, quæ ab initio Fabulæ ad eam usque partem excurrit, qua transit Poeta ab infelicitate ad felicitatem in Epopœia, vel contrà à felicitate ad infelicitatem in Tragœdia.

D. Quid est Solutio?

M. Est altera pars Fabulæ, quæ ab illo transitu usque ad finem pertinet, v. g. quidquid in Homeri Iliade certamen antecedit, quo decertavit cum Hectore Achilles, in Nexu ponitur: ipsum verò certamen est in Solutione; item in Æneide, quæcumque Æneæ & Turni monomachia præmittuntur, sunt in Nexu, ipsa monomachia in solutione est.

D. Quid potissimum observandum est circa Nexum Fabulæ?

M. Ne varia sic texantur episodica, quæ in Nexum cadunt potissimum, ut animùm auditoris delectando longius aberrant ab Actione primaria, aut à fine poematis sit prorsus aliena.

D. Quid observandum est circa Solutionem Fabulæ?

M. Primum, ut si qua sint in Solutione episodica, ne longius perantur illa, sed sponte quasi oblata, & à re nata esse videantur; alteram, ut ea sint brevissima imprimis; quandoquidem in Solutione ad finem anhelat: auditoris animus, quem proinde longioribus episodiciis morari minimè convenit.

D. Licetne adhibere Machinam in Solutione Fabulæ?

M. Alii negant, affirmant alii. Qui negant suam 1. ex eo capite tuentur sententiam, quod solutio facta per machinam Epopœiæ fini maximè officiat. Nam qui poterit ad Actionis imitationem Vir Princeps impelli, cui se sentiat planè iniparem: cum intelligat auxilio se plusquam humano ad simile aliquid suscipiendum indigere? 2. auctoritatem obtendunt Aristotelis, qui vult fieri Solutionem non per machinam, sed ex verisimili, id est, ratione naturali, qua res exire solet.

Qui verò affirmant, ajunt nihil ob stare quominus per machinam solvatur Epopœiæ Fabula. 1. ad imi-

tationem Actionis posse impelli Viros Principes , in qua externo quidem numinis alicujus auxilio adjuvatur Heros , dum otiosus ille Heros non remaneat , sed præstet per se plurimum , unde feliciter cedat præclare factum . 2. Sic clausisse Epopœjas præstantissimos Poetas ; esse v. gr. machinam in Odyssæ clausula , quæ Minervæ ope solvitur ; esse in Æneide , ubi Turni cædes Jovis ductu & auspicio , atque etiam Furie ministerio conficitur . 3. Aristotelis perceptionem maximè locum habere in Tragœdia , in Epopœja non item : ratio est , quia in Epopœja cum lateat magis machina , quàm in Tragœdia , ubi machina Dei è cælo delapsi in theatrum producebatur ; magis certè animos feriebat subjecta oculis ea machina in Tragœdia , quàm suscepta auribus in Epopœja ; ac proinde minus erat ferenda in Tragœdia , quàm in Epopœja . Vide Frizonium , qui tam fusè , quàm doctè eo de argumento agit in poetica in dissertatione de narratione . (a)

§. III. Fabulæ Epicæ Dispositio .

D. Quenam est Fabulæ Dispositio ?

M. Duplex est illa Dispositio , una rerum , partium altera .

D. Quenam est Dispositio rerum ?

M. Intelligitur illa Dispositio è celeberrima inter magni nominis in re poetica auctores orta dudum contentione : quorum alii volunt rerum , prout contingere , servari ordinem naturalem ; alii contendunt eundem debere perturbari : unde quæstio extitit , an Poeta , ut Historicus , hunc servare debeat narrandi ordinem : ut quodcumque primum contigerit , narret , primum , & in ultimum locum consiciat quæ postremò facta sunt : vel contrà , an debeat relicto naturali ordine pro arbitrato suo à mediis , aut etiam postremis auspiciari .

D. Quid statuis ea de re sentiendum ?

M. Eo-

(a) Lit. 2.

criter reprehendit Horatius, quodd sic exorsus fuisset:
Fortunam Priami cantabo, & nobile bellum.

adjungit mox:

*Quid dignum tanto feret hic promissor biatu?
 Parturiunt montes, nascetur ridiculus mus.*

Deinde prædicat Homerum, qui modestius *Odyssæam* incipit, & paulatim assurgit magnificentius.

Quanto rectius hic qui nil molitur ineptè?

Dic mihi, musa, virum capte post tempora Trojæ,

Qui mores hominum multorum vidit, & urbes.

Non funum ex fulgore, sed ex fumo dare lucem

Cogitat, ut speciosa dehinc miracula promat

Antiphatem, Scyllanque, & cum Cyclope Charybdim.

Initium *Pharsaliæ* affectatius videtur & tumidius.

Bella per Æmæskios plusquam civilia campos,

Iusque datum scelerei canimus, populumque potentem

In sua victrici conversum viscera ferro,

Cognatasque acies & rupto fœdere regni

Certatum totis concussi viribus orbis

In commune nefas, infestisque obvia signis

Signa, pares aquilas, & pila minantia pilis.

Quæ carmina, ut nihil dicam de voce plusquam initio poematis usurpata, tam vasta sunt, sonantia, tumida, ut fateatur Scaliger se videri sibi audire *Lucanum*, non tam canentem, quàm latrantem. Nihilofuit verecundior *Statius* in principio *Achilleidos*.

Magnanimum Æacidem, formidatamque Tonantem

Progeniem, & patrio vetitam succedere culo,

Divæ, refer.

Ubi versu primo sexiēs literam a repetitam habes, tres continuas voces tetrasyllabas, quæ negotium faciunt pronuncianti.

C A P U T V.

De Invocatione Epopœjæ.

D. Quid est Invocatio in Poemate Epico?

M. Est ea pars Poematis Epici, in qua numen aliquod invocatur, cujus asilatu Carmen, quod per se arduum est, & humano ingenio majus habetur, tandem perficiatur. Quæ Invocatio attentionem & admirationem commovet; atque etiam summam operi conciliat auctoritatem, ut quasi divinitus, quæ canuntur, postmodum efferantur.

D. Estne semper adhibenda Invocatio?

M. Cum grave aliquod describitur poema, illa adhibetur, in minoribus verò poematis, maximè in pægyricis frequenter omittitur.

D. Sejungiturne Invocatio à Propositione?

M. Sejungitur aliquando, aliquando cum illa involvitur. Latini Epici ut plurimum sejungunt; sic apud Virgilium post hanc propositionem, *Arma, Virumque cano*, &c. sequitur Invocatio, *Musa mihi causas memora*, &c. Græci vulgo Invocationi Propositionem implicant; sic Homerus orditur Iliadem. *Îram cano Dea Teretide Achillis*, &c. Sic Odysseam, *Virum mihi dic Musa*, &c. Atque etiam apud Latinos Lucretius, Statius, Vida, & Virgilius ipse in eclogis Invocationem cum Propositione permiscet. Id autem sit opportunè, cum opera principibus inscribuntur viris, quos honorificè statim appellamus.

D. Repetiturne Invocatio in decursu Poematis?

M. Repetitur, cum res gravior dicenda occurrit; ac cum comparatur attentio, cum significantur tantum rem esse, ut opus sit divino quodam asilatu ad eam pro dignitate exponendam.

D. Qui sunt invocandi in poemate?

M. Ethnico Poetæ profana, & commentitia numina liceat invocare; ac Christiano Divinus Spiritus, Christus Servator, Virgo Deipara, Angelus Tutelaris,
aut

aut is, cujus res gestæ canuntur, Vir Sanctus implorandus est. Item si res præclare gestas Dosis alicujus, aut Principis scribimus, aut si illi opus dicamus; commodè ille potest invocari, uti exemplo suo docuit Virgilius 1. Georg. his luculentis carminibus:

*Tuque adeo, quam mox quæ sint habitura Deorum.
Concilia, incertum, Urbesne invisere Cæsar,
Terrarumque velis curam &c.*

Sic Lucanus Neronem in Pharsalia, Valerius Flaccus initio Argonauticon, & Statius initio Thebaidos Domitianum invocant. Atque hinc observandum est, licere Poetæ Christiano in Sacro poemate Musas usurpare pro poetica facultate, pro sacro impetu, atque enthusiasmo, Jovem pro cælo, Neptunum pro mari, pro bello Martem; adeoque hæc aliaque his similia hoc sensu accepta posse poematis de Christianis mysteriis scriptis inseri.

C A P U T VI.

De Narratione Epopæjæ.

D. Quid est Narratio Epopæjæ?

M. Est pars, seu potius corpus poematis, cui Propædæo & Invocatio quasi facem præferunt, parantque attentionem, & docilitatem. Cum autem non tam Verum, quàm Verisimile poetæ sit propositum; sic non tam rei gestæ, quàm velut gestæ expositio dici debet hæc Narratio.

D. Quid est spectandum maximè in illa Narratione?

M. Cum tam late pateat, ut totum poema exhaustat; cadunt in illam quæ hactenus omnia de Epopæja, atque etiam de poesi universè sumpta diximus. Quare addenda sunt aliqua dumtaxat circa proprias, quæ vulgè assignantur, illius dotes.

D. Quæ sunt illæ dotes?

M. Tot Epicæ, quæ Oratoricæ Narrationi dotes tribuuntur, Brevitas, Perspicuitas, Probabilitas, & Suavitas.

D. Quo

D. Quo sensu narratio Epica debet esse brevis?

M. Eo sensu, ut crebriores, prolixioresque digressiones ne adhibeantur, maximè si ad rem parum faciunt. Arguitur Catullus, quod dinidium Poematis de nuptiis Pelei, & Tetidos in descriptione vestis, Ariadnaeque fabula consumpserit. Fabulae epicae, qualem descripsimus, servetur magnitudo, quæ longior non erit, si nihil adducatur inane, quod recidi possit. Nam ut acutè Martialis:

*Non sunt longa, quibus nihil est, quod demere possis;
Sed tu, Cosechoni, distica longa facis.*

D. Quomodo debet esse perspicua Narratio?

M. Si alludatur quidem ad fabulas, & historias; si usurpentur hellenismi, seu formæ loquendi a Græcis desumptæ: sed ita tamen, ut a quovis non imperito facilè intelligantur: si vocabula obsoleta, & ex altissimis antiquitatis rudibus effossa, ac proinde obscura vitentur. Sanè ut quisque disertissimus est, ita loquitur apertissimè; sed sat multa eo de argumento tradidimus supra in Dictione poetica.

D. Quomodo debet esse Probabilis illa Narratio?

M. Eo sensu, ut sit verisimilis: nihil debet magis curare Poeta, ut jam sæpe docuimus. Itaque, quod rectè monet Horatius,

Ficta voluptatis causa sint proxima veris,

Nec quodcumque volet, poscat sibi fabula credi.

In locis, temporibusque notandis, maximè verò in effigendis personis, hujus verisimilitudinis habenda est ratio:

Ætatis cujusque notandi sunt tibi mores,

Mobilibusque decor naturis dandus, & amicis.

inquit idem Horatius, qui varios hominum mores luculenter ibidem describit. Ubi tamen velim advertas, non tam arctis circumdari terminis probabile, ut locus non sit Admirabili, quod in poemate spectatur imprimis.

D. Quomodo suavis erit Narratio Epica?

M. Si elegantia, & jucunditate verborum sonantium, leniumque floreat, quod de oratione monuit

Tullius : si neque asperos habeat concursus ; neque disjunctos atque hiantes : si sit circumscripta non longo anfractu , sed ad spiritum vocis apto : si eodem semper tenore non decurrant carmina . Item suavis erit , si intexantur hypotyposes , suspensiones , metaphoræ , exclamationes & admirationes ; si interponantur motus animorum , mores , & colloquia , personarum : obliquæ orationes , exitus inopinati , dolores , lætitiæ , metus , cupiditates , iracundiæ pro rerum varietate . Sed nihil ad suavitatem accommodatius est , quàm idonea rebusque ipsis consentanea modulatio numerorum , de qua egimus in Dictione Poetica .

C A P U T : VII.

De Epilogo Epopæjæ.

D. **A**pponiturne Epilogus , & quasi peroratio Epopæjæ ?
 M. **A**pponitur , non semper quidem , sed aliquando tamen & Epopæjæ , & aliis Poematis : atque etiam interdum in ipso decursu operis non aliud quod nobile factum . Ita Virgilius in 9. Æneid. narrata Nisi , & Euryali celeberrimi paris amicorum cæde , rem hoc Epilogo sive epiphonemate concludit :

*Fortunati ambo si quid mea carmina possunt ,
 Nulla dies unquam memori vos eximet ævo ,
 Dum domus Æneæ Capitolii immobile saxum
 Accolet , imperiumque pater Romanus habebit .*

In fine sæpius suorum operum Epilogum usurpant Poetæ variis modis . Nam aliquando indicant ea , quæ cecinerunt , & temporis , loci , ætatis , occupationum suarum aliquam mentionem attexunt : ita Virgilius in fine Georgic.

*Hæc super arborum cultu , pecorumque canebam ,
 Et super arboribus : Cæsar dum magnus ad altum
 Fulminat Euphratem bello , victorque volentes
 Per populos dat jura , viamque affertat Olympo .
 Illo Virgilium me tempore dulcis aiebat*

Parthenope, studiis florentem ignobilis oti.

Carmina qui lusi pastorum, antaeque juventa,

Tityro, te patula cecini sub tegmine fagi.

Aliquando gratulantur, & immortalitatis spe sibi
blandiuntur: sic Ovidius in fine Metamorphoseon canit:

Jamque opus exegi, quod nec Jovis ira, nec ignes,

Nec poterit ferrum, nec edax abolere vetustas.

Cum velox illa dies, quae nihil nisi corporis hujus

Tus habet, incerti spatium mihi finiat ævi;

Parte tamen meliore mei super aëta perennis

Astra ferar, nomenque erit indelebile nostrum.

In eundem sensum librum tertium carminum claudit Horatius:

Exegi monumentum ære perennius,

Regalique situ pyramidum altius,

Quod nec imber edax, aut arido impotens

Possit diruere, aut innumerabilis

Annorum series, & fuga temporum.

Nunc omnis moriar, &c.

Modestius suam Thebaida affatur Statius in fine:

Durabigne procul, dominoque legere superstes,

Os mihi bisseuos multum vigilata per annos

Thebai? jam capte praesens tibi fama benignum

Stravit iter, cepitque novam monstrare futuris.

Jam te magnanimus dignatur nascere Caesar,

Italia jam studio, discit, memoratque juvenus.

Vive precor; ne tu divinam Æneida tenta,

Sed longè sequere, & vestigia semper adora.

Mox tibi si quis adhuc praetendit nubila liquor,

Occidit, & meriti post me referentur honores.

Epilogum Epopœjæ minimè necessarium esse demonstrant Ilias, Odyssæa & Æneis, quæ ipsa narrationis absolute conclusionem concluduntur.

INSTITUTIONUM POETICARUM

LIBER III.

De Dramate.

M. **E**PICAM Poesim excipit proximè Dramatica ; de qua sic disputabimus , ut in Poema Dramaticum universè primùm , deinde in singulas ejus species inquiramus , ac pro instituto dicendi ordine , definitionem , materiam , formam , partes , finem , aliasque , quæ ipsum tum generatim : tum singulatim afficiunt , proprietates breviter exponamus .

CAPUT PRIMUM.

Definitio Poematis Dramatici.

D. **Q**uid est Poema Dramaticum ?

M. 1. Si vocis etymon spectes , a voce græca latinè *agere* , dicitur Poema Dramaticum , quod totum sit in actione : unde Actores vocantur ii , qui eo in Poemate colloquuntur .

2. Si rei definitionem quæras , est *Imitatio Affionis* , unius , totius , justæ magnitudinis , veræ , vel falsæ , verisimilis , insignis , vel vulgaris , felix , vel infelix ; quæ metro & harmonia , non narrando , sed agendo , vel quosdam animi affectus excitat & perpurgat , vel vitæ privæ exemplum proponit .

D. Explica , quæso , singulas voces .

M. 1. Dicitur *Imitatio affionis* , quia cum poesis in imitatione actionum humanarum sit posita , ut
initio

initio docuimus ; species quoque illius singulæ cujusmodi actiones imitatur.

2. Dicitur *Actiōis auius , totius , iuste magnitudinis , vere , vel falsæ , verisimilis , insignis , vel vulgaris , felix , vel infelix* : quibus verbis partim Dramatica Poësis cum Epica convenit , cujus Actio est una , tota , magna , vera , verisimilis , illustris , ac felix : partim ab eadem discrepat : cū Actio Dramatica possit esse falsa & vulgaris , si scribatur Comœdia ; infelix , si Tragœdia .

3. Dicitur Poema Dramaticum imitari metro & harmonia : quia inducuntur personæ colloquentes inter se , non soluta , sed vineta oratione : cui cantus in certis quibusdam locis adjicitur .

4. Dicitur *non narrando , sed agenda imitari* : quia nihil ipse Poeta exponit , aut commemorat , ut in Epopœia : sed productis in scenam personis sermonem tribuit , easque inter se agentes , negotiantesque exhibet .

5. Dicitur *vel excitare ac purgare affectus , vel privatæ vitæ exemplum proponere* : quibus verbis , tum officium , tum finis poematis illius attingitur . Excitat enim , ac purgat affectus i Tragœdia ; vitæ privatæ proponit exemplum Comœdia ; mores utraque , ut omnis poësis , rectè insuit .

C A P U T II.

De Materia Poematis Dramatici.

D. **Q**ualem est materia Poematis Dramatici ?

M. Est Actio una , tota , magna , vera , vel falsa , verisimilis , insignis , vel vulgaris , felix , vel infelix .

D. Quo sensu debet esse Una , & tota illa Actio ?

M. Eo sensu , ut nec in plures actiones primarias dividatur , nec suo initio , medio , ac fine careat , ut supra docuimus .

D. Quo

D. Quo sensu debet esse Magna?

M. Eo sensu, ut eò usque crescere possit ac debeat, donec tandem pro rerum natura, quæ aguntur, necessariò, vel commodè mutatio inferatur in Fabula implexa; & in simplici juxta naturalem rerum exitum finis imponatur, qui supremus est Actionis terminus: qualis sit ille, patebit ex dicendis inferiùs.

D. Quomodo erit Vera, vel Falsa?

M. Si verè contigerit, aut non contigerit, quando autem, quatenus veritas, vel falsitas Actioni Dramaticæ conveniat, dicetur postea, cùm agetur de Tragœdia, & Comœdia. (a)

D. Quo sensu debet esse Verisimilis?

M. Eo sensu, ut nihil afferatur, quod sit præter naturalem rerum ordinem, spectatis circumstantiis, in quibus dicitur illa actio contigisse.

D. Quomodo Actio illa insignis erit, vel Vulgaris?

M. Talis erit vel ratione sui, vel ratione agentium personarum. Quid conveniat Tragœdiæ, quid Comœdiæ, explicabitur inferiùs. (b)

D. Quomodo erit Felix, vel infelix illa Actio?

M. Ratione exitus felicitis, vel infelicitis solet hic appellari felix, vel infelix Actio; adeoque felix est, quæ licet multas contineat turbas, fortunato tamen exitu concluditur: & contra infelix illa est, quæ quamvis prosperè admodum in decursu succedat, luctuoso tamen fine terminatur. Quatenus autem Actioni Tragicæ, vel Comicæ congruat felicitas, aut infelicitas, suis locis exponetur.

C A P U T III.

De Forma Poematis Dramatici.

*D. Q*ue est Forma Poematis Dramatici?

M. Est Fabula, sive Compositio Actionis: in qua,

qua, ut in Epica, considerandæ sunt Dotes, Partes,
& Dispositio.

D. Quæ sunt Dotes Fabulæ Dramaticæ?

M. Prima est Unitas, altera Simplicitas, tertia Magnitudo.

§. I. Unitas & Simplicitas Fabulæ Dramaticæ.

D. I : quo posita est Unitas Fabulæ Dramaticæ?

M. In tanta partium omnium, rerumque diversarum inter se connexione, ut in unum aliquid videantur coalescere.

D. Quomodo simplex esse debet Fabula dramatica?

M. Geminam tribuit huic voci notionem Philosophus, (a) qui Fabulam simplicem modò duplici, modò opponit implexæ. Fabula simplex, quæ duplici opponitur, est ea, in qua oritur unus status eorum, de quibus est Fabula; qui è felicibus infelices, aut contra ex infelicibus felices existunt. Duplex verò ea est, in qua alii felices, infelices alii evadunt, uti sit in Odissea, ubi felix Ulysses, Proci infelices, & in Æneide felix Æneas, Turnus infelix efficitur. Atque hoc sensu simplicem Fabulam esse vult Aristoteles (b) in Dramate; aut saltem longè anteponit duplici; quodd multo magis valeat ad affectuum commotionem. Commoventur enim illi vehementiùs, cum grandi omnes, nullo excepto, excipiuntur, calamitate in Tragedia; in Comœdia verò placet magnis, qui latus est omnibus Actoribus, ac fortunatus exitus.

Fabula simplex, quatenus opponitur implexæ, ea est, quæ est una & continua sic, ut sine peripetia, id est sine manifesta in contrarium mutatione, aut agnitione ad finem deducatur. Fabula verò implexa ea est, quæ cum peripetia sive mutatione, aut agnitione, aut utraque simul ad finem usque procedit.

D. Da exemplum utriusque Fabulæ, simplicis, & implexæ.

M. Habes simplicem Fabulam in Ajace Sophoclis, & Her-

(a) Cap. 9. Poet. cap. 1.

(b) Cap. 1.

& Hercule furente Senecæ , & alibi passim multis in locis . Ibi enim nihil accidit præter expectationem ; v. gr. Ajax plenus animi , & contemptus impatiens fuit ; posteaquàm verò ad se rediit , præ pudore sibi mortem consciscit : eodem ferè modo Hercules se gerit , nisi quoddam supersit .

Fabulæ implexæ eximium habes exemplum apud Senecam in Oedipo : ubi cùm Oedipum missus Corintho Senex adiisset , ut significaret , Regem ipsum Corinthiis pronuntiatum esse , atque hac ratione gratissimum illi nuntium afferre se existimaret , contrarium effecit . Paulatim enim intellexit ille , se & parricidam , & incestis Jocastæ matris implicatum nuptiis ; atque hinc subitò , & præter omnium expectationem factus est infelicitissimus . Ubi vides mirabilem peripetiam , simul , & agnitionem . Atque hæc Fabula , quæ implexa dicitur , longè præstat simplici , juxta mentem Philosophi , qui præcipit Fabulam Dramaticam esse simplicem , quatenus videlicet illa duplici , non verò quatenus implexæ opponitur .

§. II. Magnitudo Fabulæ Dramaticæ.

D. **Q**uenam est justa Magnitudo Fabulæ Dramaticæ ?
 M. **Q**uod oculis evenire solet , cùm corpus videtur ; idem planè accidit memoriæ , cùm dramaticam Fabulam excipimus (a) . Ut enim : quæ vastiora sunt , oculorum conspectum , sic memoriæ captum , quæ sunt longiora , faciliè excedunt : utriusque verò facultatis vim , quæ sunt minutiora , fugiunt . Atque hinc factum est , ut quemadmodum in omni corpore , sic qualibet in Fabula dramatica justa quædam debeat esse magnitudo : quam uno quasi intuitu complecti possit auditor : ne distracto in plura , aut obruto rerum multitudine animo remittant , ac frigeant , qui concitabuntur affectus . Quæ lex pro Tragicis posita , valet etiam pro Comicis ; ubi per affectuum commotionem privatæ vitæ rite instituendæ ratio quaeritur .

D. Quæ-

(a) Arist. cap. 51

D. Quenam est igitur illa Magnitudo?

M. Præter assignatam superius magnitudinem Actionis, quæ materiæ locum tenet, duplicem insuper facit illam Philosophus: unam Actionis compositæ, quæ Forma est, seu Fabula; alteram, quam vocat quantitatis.

D. Quenam est magnitudo Actionis compositæ?

M. In eo posita est, quæ dicitur Actio primaria, ut uno Solis ambitu contineatur (a, Id est, ut unum diem naturalem, vel nullo modo, vel parum certe excedat, atque etiam ut breviori temporis spatio, puta duabus, vel tribus horis, possit definiri: imò eo perfectior, & convenientior erit illa Actio, quo magis accedet ad tempus, quo solet in scena exhiberi. Sed latius multo possunt excurrere; quæ adhibentur Episodia: quamvis & rariora, & breviora esse oportebit, quàm quæ adjiciuntur in Epopœja; ne rerum multitudine, ac varietate animus distrahatur, atque obluatur: sic in dramate, ut ad primariam actionem non satis attendat, minusque concipiat, qui debent hinc oriri potissimùm affectus. Atque eo sensu accipienda sunt Philosophi verba, cùm Tragœdiam inter, & Epopœjam id quoque assignant discriminis; ut certo quodam tempore Tragœdia, nullo definiatur Epopœja.

D. Quanam est magnitudo Quantitatis?

M. Quantitas illa posita est in numero versuum: ad ducentos trecentosve supra mille, atque etiam apud Recentiores ad duo millia recensentur: hæc autem lex optima fuerit, ut inter ternas & senas horas exhibeatur Drama: adeò ut nec brevius sit, nec longius: non brevius quidem, ne fortè locus non detur concitandis, ut par est, affectibus; non etiam longius, ne possit usurpari illud Plautinum: *Lumbi sedendo, & oculi spectando dolent*. Jam verò quæ sint partes Fabulæ dramaticæ, aut quæ illarum dispositio, pate-

patebit dicendis capite proximè consequenti , & ex capite II.

C A P U T I V.

De Partibus Poematis Dramatici.

D. *Quæ sunt partes Poematis dramatici?*

M. *Q* Cum Poema dramaticum ex materia constet, quæ est Actio, quam descripsimus, & forma, quæ est eadem Actio composita, excultaque, de qua modò egimus; hinc factum est, ut modò materie, modò formæ, modo utriusque simul habita ratione, in suas partes variè soleant Auctores illud poema distribuere. Sex omnino Dramatis in suas partes repetio divisiones.

D. *Affer, quæso, & explica illas omnes divisiones?*

M. Prima divisio est in *Diversium* & *Choricum*, quæ omnium maximè generalis est; nam quidquid est in Dramate, ad hæc duo genera revocatur, ut geratur, aut canatur. *Diversium* itaque est ea pars Dramatis, in qua colloquuntur, aguntve inter se, qui dicuntur Actores. *Choricum* verò dicitur illa pars, in qua iidem Actores, vel alii concinunt aliquid cum Dramate connexum, de quo postea.

Altera divisio in *Nexum* & *Solutionem* tam latè patet, quàm prima: quamvis alio modo Drama partiat. *Nexus* in Dramate, ut habet Aristoteles (a), est totum id, quod à principio ad ultimam usque pertinet partem, ex qua fit mutatio fortunæ: hæc autem mutatione felicitati infelicitas in Tragœdia, & felicitas infelicitati succedit in Comœdia. *Solutio* verò à mutationis principio ad finem usque protenditur. Sic in Oedipo Senecæ quidquid antecedit illum locum, ubi se tandem & patris interfectorem, & matris maritum agnoscit Oedipus, unde summa oritur

infe-

(a) Cap. 10. Poet.

infelicitas ; est in Nexu , reliqua sunt in Solutione . Sed de Nexu & Solutione , quantum satis est dictum superius (a) in Fabula Epica .

Tertia divisio (b) fit in *Prologum* , *Episodium* , *Exodum* , & *Choricum* . Prologus præcedit primum cantum ; diciturque ea pars continere quasi semina omnium , quæ dicenda sunt in reliquo dramate : adeo ut Actorum nemo producat in Scenam , qui non sit cognitus in Prologo , vel de vultu , vel de nomine , vel alio quovis modo . Quod tamen de illis debet intelligi , quorum res hic agitur præcipuè , potest enim e domesticis , amicitive de novo aliquis induci .

Episodium hoc loco , juxta Aristotelem , continet tres Actus intermedios , adcoque tam primariam Actionem , quam secundarias , sive adjectitias comprehendit . Ubi notari velim , & Actionem illam primariam ; & secundarias etiam esse Actoris primarii : quamvis hæ quoque actiones adjectitiæ possint esse illorum , qui sunt post primarium Actorem nobiliores , qui vocantur idè Actores Episodici . Exodus est quintus Actus , ubi Catastrophe , de qua mox , sicuti & de Choro capite proximè consequenti .

Quarta divisio fit in *Protasin* , *Epitajin* , *Catastasin* , & *Catastrophen* .

Protasis , quæ significat præstitutionem , & præordinationem , est Dramatis initium , in quo proponitur summa rei sine exitus declaratione : ut animus auditoris suspensus teneatur ; nam si præsciretur Fabulæ exitus , non sic placerent , quæ postea dicerentur .

Epitasis , quæ rei constitutionem significat , vel , ut alii interpretantur , exaggerationem ; est ea pars , quæ Protasim proximè consequitur , & in qua turbæ excitantur , totaque rei negotiatio magis ac magis involvitur , diciturque Latinis nodus erroris .

Catastasis est ea pars , in qua continuatur rerum perturbatio : ostenditur tamen quomodo possint illæ
postea

(a) *Lib. 2. cap. 3. §. 2.*

(b) *Arist. cap. 1. 10.*

postea explicari, unde à multis Catastasis confunditur cum Epitafi.

Catastrophe, quæ subversionem sonat, est ea pars, in qua totum negotium dissolvitur, cùm Actor primarius à felicitate transit ad infelicitatem, vel contra. Ad extremum drama, si ita fieri possit, illa est rejicienda, quo magis auditoris animus suspendatur, ac delectetur.

Quinta divisio fit in quinque Actus; qui sic appellantur ab actione, cujus sunt partes, quare tot sunt illi Actus, quot habet Actio diversas partes, & præcipuas. Quinque recensentur. Primus argumentum exponit, at non rei exitum; secundus rem propriè deducit in actum; tertius turbas ciet; quartus viam ostendit, qua res implicitæ dissolvantur, quintus impedita artificiosè expedit. Quare nec plures, nec pauciores esse jubet Horatius:

Neve minor, neu sit quinto productior actus

Fabula, qua posci vult, & spectata reponi.

D. Estne semper eadem Actuum magnitudo?

M. Augetur illa, vel minuitur pro ratione rerum, quæ tractantur, quæ possunt esse magis minùsve graves, populoque jucundæ. Jam verd Actus in varias Scenas distribuuntur.

D. Quid vocas Scenam in Actus?

M. Scena dicitur pars Actus, in qua una, vel plures personæ colloquuntur: designatur autem personarum vel adventu, vel interventu, vel abitu.

D. Quot sunt Scenæ in uno actu?

M. Plures sunt pro ratione rerum, quæ possunt esse graviores, vel jucundiores; pauciores olim adhibebantur, jam ad tredecim, & amplius numerantur.

D. Quot sunt Actores in Dramate?

M. Plures esse quàm quatuordecim, vetant Artis Magistri: qui, si prodeant simul in Scenam, tres tantum, aut quatuor ad summum loqui permittuntur. Ita præcipit Horatius:

Nec quarta loqui persona laboret.

Sexta divisio (a) fit in *Fabulam*, *mores*, *Sententiam*, *Distionem*, *Melodiam*, & *Apparatum*. *Fabula*, quam diximus esse constitutionem rerum, & *Actionum* compositum, instar animæ obtinet in *dramate*: & continet *Actiones*, *mores*, *affectus*, *peripetias*, *agnitiones*, ac reliqua, quæ vocantur *Fabulæ* ornamenta, quare non tam pars *Dramatis*, quam ipsum *Drama* debet appellari.

D. Quomodo itaque Mores, Sententia, & Distio cum Fabula dicuntur Drama ex æquo partiri?

M. Quia inter Fabulæ partes sic eminent, ut Drama partiri cum ipsa dicatur ab Aristotele.

D. Quid hic intelligis per Mores, Sententiam & Distionem?

*M. Morum nomine docuimus intelligi indolem, & ingenium cujusque: diximusque requiri bonos, convenientes, & æquabilis tenoris. Sententia significat sensus, qui genuini Morum partus esse solent, ac proinde debent esse illis imprimis accommodati. Distio est dicendi ratio, quæ Dramati conveniat: de qua in *Tragœdia* & *Comœdia*.*

D. Quo sensu Melodia, & Apparata dicuntur esse partes Dramatis?

M. Quia quamvis extra Drama esse censeantur, ad ejus tamen splendorem cum conferant plurimum (sic: ut ad commotionem affectuum) duæ quoque Dramatis partes vocantur a Philosopho. (b) Quare de aliis cum egerimus superius, de his quoque modò agendum est.

C A P U T V.

De Choro in Dramate.

D. Quid est Chorus in Dramate?

M. Est pars Fabulæ, quæ sequitur, vel etiam præcedit Actum cum concentu. Dicitur 1. pars Fabulæ eo sensu, quo dictum est jam in fine proximè superioris capituli. 2. Sequi Actum, aut etiam præcedere: quod Actui soleat postponi, rard præponi. 3. Cum concentu, quod, qui chorum agunt, concinere soleant, atque etiam aliquando loquantur.

D. Quid Canitur à Choro?

M. Non canitur quidlibet, sed aliquid cum Fabula conjunctum, & affine argumento, quod tractatur. Nam vel ferebant judicium de iis, quæ agerentur in Fabula, vel favebant bonis, & lugentibus, vel monabant iram esse frændam, insanosque motus coercendos, vel lugebant tum miseris, vel Superos deprecabantur. Chori officia expressit Horatius his versibus:

*Astioris partes Chorus, officiumque virile
Descendat: non quid medios intercinat Actus;
Quod non proposito conducat, & hæreat aptè.
Ille bonis faveatque, & consilietur amicis,
Et regat iratos, & amet peccare timentes.
Ille dapas laudet mense brevis, ille salubrem
Justitiam, legesque, & apertis ora portis.
Ille regat commissi, Deosque precetur & oret,
Ut redeat miseris, abeat fortuna superbis.*

C A P U T VI.

De Scenico Apparatu.

D. Quid est Apparatus Dramatis?

M. In Fabulæ partibus reponitur à philosopho
Appa-

Apparatus ille , qui rectè dici potest ornatus ille omnis , quo & Scenæ & Personæ instruuntur ad exhibendam ex arte Fabulam .

D. Qualis debet esse Scenæ ornatus?

M. Per Scenam hîc intelligitur locus , ubi exhibentur Dramata : de quo difficile est aliquid præcipere , ob multiplicem Dramatum varietatem . Agebantur Iudi scenici in theatro , quod in modum hemicycli erat : in eo tria spectabantur maximè , Scena , Orchestra , Proscenium . Scena est frons theatri ab uno cornu ad alterum cum coopertura . Orchestra locus est , in quo spectatores Drama intuebantur . Proscenium item locus ante Scenam porrectus , in quem Actores dicturi prodibant . Scena itaque altior erat pulpito , pulpitum proscenio , proscenium orchestra .

D. Qualis debet esse Personarum ornatus?

M. A diverso gestium genere diversas quoque fortiebantur appellationes Dramata , sive Fabulæ . Palliatæ vocabantur Græcorum Fabulæ , quodd Pallio Græci Actores uterentur ; Latinorum togatæ , quod togas illi adhiberent ; dicebantur item apud eosdem Latinos prætextæ Fabulæ , quæ Regum , Principum , & Virorum illustrium actiones imitabantur , quodd personarum istiusmodi esset prætextæ , togatæ tantum vocabantur , quæ actiones privatorum hominum exhibebant ; quia toga erat vestis popularis , juxta illud Horatii ; *vel qui prætextas , vel qui docuere togatas* . De vestium forma , ornatuque in Dramate nihil certum jam potest asserri , quodd varientur vestes pro diversitate regionum , ac personarum , quæ in Scenam inducuntur .

Postquam ea protulimus , quæ ad Drama spectant universè : nunc de Tragædia & Comædia , quæ sunt ejus partes , videamus .

C A P U T VII.

Definitio Tragœdiæ.

D. Quid est Tragœdia?

M. 1. Secundum vim vocis Tragœdia est cantus ob hircum: deducitur enim à vocabulis τραγὸς hircus, & ᾠδὴ cantus: quodd Tragœdia prius fieret cantando in honorem Bacchi, cui hircus vinearum hostis mactabatur, sive quodd hircus præmium esset certantibus, juxta illud Horatii:

Carminè qui tragico vilem certavit ob hircum.

Deducitur etiam Tragœdiæ vox, juxta alios, à nomine τραγῆ, Fax: quia ora facibus perlineabant Actores ante usum personarum ab Æschylo repertum, juxta hæc Horatii carmina:

Ignotum Tragica genus invenisse cananæ

Dicitur, & plaustris venisse Poemata Thespis,

Quæ canerent, agerentve peruncti facibus ora.

2. Definitur (a) Tragœdia: Imitatio Actionis unius, totius, veræ, verisimilis, & insignis, quæ metro, & harmonia, non narrando, sed agendo misericordiam ciet, ac terrorem, ut affectuum expiationem, seu purgationem inducat.

D. Explica, quæso, singulas definitionis partes?

M. 1. Dicitur Imitatio Actionis, quia poesis, maxime Dramatica, actiones humanas imitatur, ut diximus superius.

2. Dicitur Actionis unius, totius, veræ, verisimilis, insignis: quibus verbis notatur materia Tragœdiæ, quæ partim convenit cum Epopœja, & Comœdia, partim ab iisdem discrepat. Nam materia Epopœjæ est Actio, quæ habet quidem omnes illas dotes, sed debet insuper felici exitu terminari: quod in Tragœdiam non eadit, quæ sæpius infelicem, raro admodum felicem habet exitum. Comœdiæ verò Actio vulgaris est, & obscura.

3. Dicitur *metro*, & *armonia* perfici *Tragœdia*: quod sermonem non qualemcumque, sed metro adstrictum, ut alia poeseos genera, requirat; item & harmoniam, seu cantum, qui ad affectuum commotionem faciat imprimis.

4. Dicitur *non narrando*, sed *exigendo* exhiberi *Tragœdia*: quia, cum sit poema dramaticum, tota debet esse in *Actione*: quo pacto ab *Epopœja* discrepat, quæ partim in rerum narratione, partim in actione sita est. Poeta modò narrante per se, modò alios narrantes, agentisque inducente.

5. Dicitur *excitare misericordiam*, & *terrorem*, ut affectuum expiationem purgationemque inducat; quibus verbis *Tragœdiæ* finis attingitur: de quo postea pluribus.

C A P U T V I I I.

De Materia *Tragœdiæ*.

D. Quid est *Materia Tragœdiæ*?

M. Est *Actio una, tota, vera, verisimilis, insignis, & infelix.* (a)

D. Quo sensu *Actio Tragœdiæ* debet esse una?

M. Eo sensu 1. ut sit quædam *Actio primaria*, quæ in plures alias dividi non possit. 2. ut omnia, quæ sunt illius *Actionis primariæ*, in uno eodemque loco facta esse videantur, in eodem cubiculo v. gr. in eadem domo, in eadem urbe, in iisdem castris, unde *Tragœdiæ* apponi solet: *Scena* est *Romæ*, vel *Corinthe*, vel *Athenis*, vel alibi, ubi res gesta est. Sed quomodo *Actio* debeat esse una & tota, diximus alias (b).

D. Quomodo debet esse *Vera & Verisimilis Actio Tragœdiæ*?

M. Eo

(a) *Arist.* cap. 5. (b) *Lib.* 2. cap. 2. §. 2. & 3.

M. Eo sensu , ut verè contigerit Actio primaria : alioqui non multum moveret Tragœdia , si falsa esse crederentur quæ referrentur in scena : crederentur autem esse falsa , si talia essent ; quia sunt Actionis insignis , quæ non solet ignorari . Non ita dicendum de Episodiis , quæ , cùm sint actiones adjectitiæ , per se sæpè non aded spectabiles , nihil opus est esse vera .

D. Possunt ne esse falsa Actionis primariæ , quæ dicuntur Adjuncta ?

M. Duplex genus est hujusmodi Adjunctorum . Primum est eorum , quæ sunt per se spectatissima , atque illa tam vera esse debent , quàm ipsa Actio , cuius Adjuncta sunt : non licet v. g. fingere , à patre filium vel à filio matrem fuisse interfectam , nisi fide historiæ id constet ; pro falso enim habetur , quod istiusmodi est , nisi consignetur Historiæ monumentis , quæ non debuit illud omittere . Alterum genus est eorum , quæ sunt minùs spectabilia , adeoque non solent , aut certè non debent necessariò in Historia notari : quæ si verosimilia sint , facilè vera esse credentur . Peccabit itaque contra hanc præceptionem , qui Cæsarem naturali morte , non violenta extinctum induxerit : non peccabit qui eundem singulos interfectores alloquentem exhibuerit ; quod primum , non item alterum Historia notare debuerit . Qua ratione debeat esse Verisimilis Actio Tragœdiæ , satis indicatum est superiùs cap. 3. in materia Dramatis universè spectata .

D. Quo sensu Insignis erit illa Actio ?

M. Insignis erit non ratione tantùm personarum , quæ inducuntur ; sed etiam , & quidem præcipuè , ratione sui . Nimirum id requirit propositus Tragœdiæ finis ; cùm melius multo cieantur affectus , pungenturque , quando illustriores inducuntur personæ , quæ à summa felicitate ad felicitatem maximam deveniunt , ut inferius (a) docebitur . Insignem certè , notamque vult esse Horatius hanc Actionem .

Refliùs Iliacum Carmen deducis in Actus :

Quàm

Quàm si proferres ignota, indictaque primus.

Quamquam & suus sit in Tragœdia, ut in Epœja, locus personis ignobilioribus, seu iis, quæ Actores Episodici appellantur.

D. Quo sensu debet esse Actio Tragœdiæ infelix?

M. Eo sensu 1. ut sit Actio illa plena luctus, & terroris. 2. Ut infelici plerumque terminetur exitu: quia misericordiam & terrorem debet concitare, ut animi affectus ex fine suo purget.

D. Quomodo delectabit quæ plena luctus erit Tragœdia?

M. Non quidem res ipsæ tragicæ voluptatem afferent, ut notavit Aristoteles (a), sed excellens illarum delectabit imitatio. Non eorum, quæ vel fugimus, vel detestamur, imagines, ut ferarum formas, & cadaverum affabrè factas non sine lætitia intuemur: quèd insitum sit à natura hominibus imitari; ut idem observavit Philosophus. Adde quèd tantæ calamitatis expertes nos esse, ac doceri, quæ cavere oporteat, non mediocriter gaudeamus.

D. Numquid licet aliquando felici exitu claudere Tragœdiam?

M. Quamvis satius sit exitum Tragœdiæ esse terribilem, & inexpectata felicis fortunæ in luctuosam mutationem stupendum; volunt aliqui tamen licere ab ea lege deflectere in gratiam auditorum, qui demum redire malint læti, quàm tristes; adedque indignius habitum v. g. primarium Actorem expedire se posse è magna, quam incurreret, calamitate, atque id unum inquiri contendunt: ut luctuosa sit tota Tragœdiæ facies, ad illius finem obtinendum.

C A P U T IX.

De Forma Tragœdiæ.

D. *Quenam est forma Tragœdiæ?*

M. *Est Fabula, sive compositio Actionis Tragœicæ.*

D. *Qualis debet esse illa Fabula, sive Compositio?*

M. Debet esse una, simplex, justæ cujusdam magnitudinis, in suas partes ritè distributa, & variis Fabulæ ornamentis conspicua: quæ dotes explicatæ sunt superiùs, cùm egimus universè de Forma Dramatis.

D. *Quid speciatim præcipitur circa Fabulam Tragœicam?*

M. Ut Fabula illa sit implexa, id est, ut annexam habeat peripetiam, vel agnitionem, vel utramque simul; atque etiam vult talem esse Philosophus (a), ut ex peripetia & agnitione oriatur maxime affectuum perturbatio, unde tres Fabulæ illius partes designavit, peripetiam, agnitionem, & perturbationem.

D. *Qualia debent esse ornamenta Fabulæ Tragœicæ?*

M. Peripetiæ, & Agnitiones, ut diximus, sunt adhibendæ, concitandis affectibus cùm primis idoneæ. 2. Inferenda Episodia pauciora, & breviora, ut supra monuimus. 3. Machinæ usurpandæ, modo non in solutione Fabulæ, sed in nexu, ut docuimus. 4. Circa Mores præcipitur non tantùm ut boni sint, convenientes, & æquabilis tenoris, sed etiam graviores, severioresque pro rerum, quæ inducuntur, natura. Unde matronæ gravi confertur Tragœdia apud Horatium.

Effutire leves indigna Tragœdia verius.

Ut festis matrona moveri iussa diebus

Intererit satyris paulùm pudibunda protervis.

De eadem sic habet Ovidius. (b)

Omne genus scripti gravitate Tragœdia vincit.

5. Aspergendæ Sententiæ, quæ graves personas decant:

(a) *Arist. cap. 11.*

(b) 2. *Trist. lib. I. cap. 9.*

ceant : qua cautione superius tradidimus . 6. Dicitio tam gravis esse debet , quàm res ipsæ , quæ tractantur ; versus iambicus trimeter usurpandus , quem vocat post Aristotelem Horatius *alternis aptum sermonibus* : quod ille numerus familiaris sit , & in omnem facile sermonem incurrat . Demittit tamen se decenter Tragedia , uti se attollit Comædia , ut idem observavit Horatius :

*Interdum tamen & vocem Comædia tollit ;
Iratusque Chremes tumido dilatat ore ;
Et Tragicus plerumque dolet sermone pedestri .*

C A P U T X.

De Fine Tragædiæ .

D. **Q**uis est Finis Tragædiæ ?

M. **Q** Finis Tragædiæ est concitare quosdam animi affectus ad reliquos omnes purgandos . Hanc affectuum expiationem , purgationemque , quam vocat , Tragædiæ , ut finem , indicit Aristoteles : cui consentiunt alii , qui ea de re scripsere Authores . Atque hic finis tam accuratè , quàm dilucidè breviterque discutendus est : cùm exquisitus ab eo tum argumentorum , tum personarum , qui solet hic præcipi , delectus , atque adedè optima pendeat Fabulæ Tragicæ constitutio . Quare disquirendum . 1. Qui affectus in Tragædia . 2. A quibus . 3. Quomodo debent concitari .

§. I. Qui affectus concitantur in Tragædia .

D. **Q**ui affectus concitantur in Tragædia ?

M. **Q** Misericordia & Terror , quorum opera purgantur omnes alii Affectus : unde Scena appellata est quædam quasi palæstra humanorum affectuum , ubi præparantur illi , & perficiuntur .

D. Quomodo pugnant alios Affectus Misericordia , & Terror .

M. Mi-

M. Misericordia tangimur, cum videmus aliquem grandi aliqua calamitate pressum, præsertim immerentem: timemusque, ne quid simile nobis contingat, quod alteri nobis quodammodo æquali accidit; & sic misericordia parit timorem, cautumque præstat, quem afficit, ne gerat aliquid, unde tanta sibi miseria proveniat. Item ad objectam gravis infortunii speciem terror incussus, ejusmodi vitandi mali desiderium injicit: quo desiderio efficitur, ut affectibus moderemur, qui sunt veræ omnium germanæque causæ nostrarum calamitatum.

§. II. A quibus concitentur affectus in Tragœdia.

D. **Q**uam debent concitare Misericordiam, & Terrorem in Tragœdia?

M. multo melius Actores, qui neque improbi, neque admodum probi sunt, sed inter illos mediæ, & qui cum amicis rem habebunt, aut consanguineis, illos affectus commovebunt.

D. Quare minùs commovebunt, qui sunt improbi?

M. Quia ut Improbum felicitatis indignationem parit; sic non parit infelicitas misericordiam, aut terrorem; non misericordiam, quia dignum existimat quisque Improbum calamitate, qua premitur; non terrorem, quia nemo sibi eventurum putat, quod improbi culpa factum esse videt; terreatur, esto, qui scelestum affligi scelestus aspicit: sed vulgò non sunt aut censentur improbi, qui adsunt spectatores, adeoque non est existimandum, Improbi calamitate illos esse perterrendos.

D. Non poterunt igitur Improbi in scenam produci?

M. Poterunt utique, ut jam præmonuimus, sed ea adhibita cautione, ut, si minùs misericordiam, terrorem saltem vel probis spectatoribus incutiant: quod sanè fiet, si non tam ex culpa, quàm ex errore humano lapsi videantur.

D. Quare minùs apti sunt movendæ commiserationi, incutiendoque terrori, qui sunt maximè probi?

M. Quia qui probus est imprimis, cum sit infelix;

non

non misericordiam, cum solam pariat indignationem, eamque maximam, si abominando facinore tollatur & vivis; non terrorem, quia, ut tradit Aristoteles, nemo sibi propter probitatem idem eventurum esse putat, cujus præmium est felicitas.

D. Non licebit ergo probos in scenam producere?

M. Constat Christianos Martyres datos esse aliquando scilicet in theatrum, uti & viros alios probos, qui semel aut amore victi impotentiùs, aut ira abrepti vehementiùs cæco quodam impetu mortem aliis intulerunt. Quare lex illa, quæ Improbos, probosque arceat à theatro, pro optima Tragediæ forma posita est: nec quidem aliud voluit Philosophus, cum sic præcepit, quàm quid sit ea in re præstantissimum indicare.

D. Quem facis Actorem medium Probum inter & Improbum?

M. Is est, juxta eundem Philosophum, qui nec virtute, nec vitio admodum excellit, qualem Oedipum fuisse accipimus: cujus neque magnæ virtutes, neque summa vitia commemorantur, quæ abripere in contrarium affectus auditoris solent.

2. Qui peccat imprudens, ac proinde nec viri boni nomen meretur, quia illius officium est transgressus: nec contra improbi, quia inconsultò peccat. Sic idem Oedipus, cum parricidium summum esse crimen non ignoraret, Lajum tamen misere per ignorantiam peremit. Debet etiam summa ille dignitate præcellere: ut hac ratione major calamitas terrorem sianul, & commiserationem augeat.

D. Quare amicos inter, & consanguineos res geri debet in Tragedia?

M. Quia 1. Si inimicus inimicum occidat, nulla excitabitur commiseratio; nisi quatenus factum ipsam communi humanitatis recordatione commovet; atque etiam faciliè ferent homines in alio, quod essent ipsi quoque facturi. 2. Si nec amicus, nec inimicus alteri mortem inferat, sed ignotus ignoto; cum hoc agat sine affectu, nec ipse movebit affectus. 3. Si nec af-

fini-

finitate, aut sanguine conjunctus occidat; non adeo commovebit. Quare præstat, ut inter amicos, & cognatos res geratur; ut si frater fratrem, parens filium, filius parentem aut occidat, aut invadat. Ab amicis enim ista cum fient, movebunt commiserationem: a consanguineis, atrocia etiam videbuntur, ut cum Clytemnestram Orestes, Eriphylem tollit Alcmaeon.

§. III. Quomodo concitentur Affectus in Tragœdia.

D. *Quomodo concitantur Affectus in Tragedia?*

M. *Q* In hoc variant Tragœdi: (a) apud quos vel committit Actor facinus, vel non committit; iterum vel committit ignarus rei, vel conscius: item sic conunitit, ut factum vel post, vel ante agnoscat. Item ante agnoscat, ut animum mutet, priusquam id conficiat, aut pœnitentiam agat.

Atque ex his variis modis concitandorum affectuum erunt variae species Tragœdiarum: quatuor celebrantur imprimis. 1. Est quando agnoscitur qui occiditur, ut cum Medea liberos occidit. 2. quando agnoscitur post mortem, qui occisus est: ut cum Oepidus Lajum sua manu peremptum audit. 3. quando agnoscitur eo tantum momento, quo perire debet, & periculo eripuit, ut cum Iphigenia agnitum Orestem morti subducit. 4. quando agnoscitur, qui periturus est, & ad mortem quæritur; nihil tamen conficitur: ut cum Æmon apud Sophoclem stricto ense parentem insequitur, neque tamen quidquam agit.

D. *Licetne oculis obicere atrociora spectacula, quibus sanguis effunditur, & horror animis incutitur?*

M. Non licet: neque enim debent induci in theatrum aut incredibilia quædam, ut sunt metamorphoses; aut fœda aspectu, aut visu atrocia, juxta illud Horatii:

*Nec pueros coram populo Medea trucidet,
Aut humana palam coquat cæca nepotius Atreus,
Aut in avem Progne mutetur. Cadmus in anguem.*

Quod-

(a) *Arist. cap. 12.*

Quodcumque ostendis mihi sic, incredulus odi.

*D. Qui referri poterunt quæ oculis non licebit sub-
jicere?*

*M. 1. Prænuſciabuntur gerenda vel ab eo, qui ſa-
cinus patraturus eſt, vel ab aliquo alio. 2. poſtquam
geſta fuerint, narrabuntur, quod Nunciorum munus
eſſe ſolet; ſic præceperat Horatius:*

. Non tamen intus

Digna geri, promes in ſcenam, multaque tolles

Ex oculis, quæ mox narret ſacundia præſens.

*D. An non licebit aliquid ob oculos ponere, quod
ſpeciem aliquam habeat crudelitatis?*

*M. Licebit vincula, ipſumque demortui Principis
cadaver deferre in medium ad commovendum audi-
torem; item verbera, aliaque ſævitæ instrumenta li-
cebit coram exhibere, at non percutere, aut perime-
re, niſi poſt Scenam id fieri ſimuletur.*

C A P U T XI.

Præceptorum uſus in ſcribenda Tragœdia.

*D. T Raditas hæſtenus de Tragœdia præceptiones, quæ
ſo te, ad uſum ut revocet, & ſcribendæ Tra-
gœdiæ unum aliquod paradigma proponas?*

*M. Si velis ex arte Tragœdiam ſcribere, nudam
primùm ac ſine ullo ornamento delineabis Actionem,
quæ eſt materia Tragœdiæ, deinde ad Fabulam, quam
voles inducere, attendes, videbiſque, ſitne ſimplex,
an implexa, ſi implexa, an peripetiam ſimul, &
agnitionem, & qualem utramque admittat, & cum
ſuperioribus an benè cohæreat; an terror ex rebus
oriatur, ac commiſeratio, aut quomodo poſſint aliun-
de commoveri; tùm perſonas conquies, quarum ipſe
habitus, affectusque animo indues. Epifodia poſtmo-
dum excogitabis. Poſtquam ſic fuerit conſtituta Fa-
bula, quid in Nexu, quid in Solutione inducere ne-
ceſſe ſit, examinabis: nam in Nexu, non in ſolutio-
ne*

ne debent esse episodia, neque etiam proluxa illa; aut otiosa, sed brevia, & cum Actione primaria ritè connexa. Si simplex fuerit Fabula, curabis artificiosè ut desinat: si implexa, agnitionem ut habeat, & peripetiam elegantem, & quæ tragicos affectus, seu perturbationes ipsa per se excitare possit.

D. Profer, quæso, exemplum tum simplicis, tum implexæ Fabulæ?

M. Fabulæ simplicis exemplum sit Troadum Tragicædia apud Senecam, quæ sic habet. Græci, expugnata Troja, Calchantem consulunt, quo pacto salvi domum pervenire, ac faventes sibi Deos redituri habere possint. Calchas Polyxenam, & Astyanacta necandos esse pronuntiat; atque id consicitur. Reliqua sunt episodia, aptè illi Fabulæ intexta; sic Episodium est Agamemnonis cum Pyrrho colloquium, quod ex Calchantis de mactanda Polyxena consilio nascitur; item episodium est tota illa scena, in qua ab Ulyssæ quæritur Astyanax, ac tandem invenitur: quod pariter e consilio de præcipitando Astyanacte oritur.

Fabulæ implexæ exemplum esto Oedipi Tragicædia apud eundem Senecam. Oedipus disquirens qui sit Laji interfector, se & illius filium, & interfectorem, atque etiam Jocastæ matris suæ maritum esse agnoscit, quare effossis sibi præ pudore, & ira oculis abijt in exilium, & Jocasta se gladio confodit. Hæc est Actio primaria; ad quam non spectat necessariò Oedipi in Prologo de pestilentia sermo: quamvis cum eadem aptè cohæreat. Item ejusdem Oedipi cum Creonte, & Tiresia colloquium, tum proluxa illa inferorum descriptio, umbrarumque evocatio sunt Episodia, nisi fortè cum nominatim de Laji cæde agitur; Oedipi autem, & Senis, & Phorbantis ex parte colloquium ad mutationem paulatim deducunt; ad Nexum tamen referri possunt, reliqua sunt in solutione; ubi est peripetia, & agnitio mirabilis.

CAPUT XII.

De Comœdia.

D. Quid est Comœdia.

M. Comœdia secundum vim vocis est paganus cantus: κῶμῆ enim græcè significat pagum latinè, & κῶμῆ canum; sic appellata, quod in pagis habuerit originem; vel, ut alii volunt, a Como hilaritatis, ac tumultuositatis Deo dicta est Comœdia, quasi κῶμῶδεῖσθαι sit, canere Como digna.

D. Quomodo definitur Comœdia?

M. Definitur: Imitatio dramatica Actionis unius, totius, civilis, aut privatis, & vulgaris, stylo populari exhibita, & lato semper exitu terminata, ad proponendum vitæ privatis exemplum. Atque hæc definitio Comœdiæ materiam, formam, & finem attingit; de quibus breviter admodum agendum est: cum satis ea sint exposita in Materia, Forma, & Fine poematis dramatici, universè spectati, & alibi passim pluribus in locis.

D. Quid habes circa materiam Comœdiæ?

M. Est actio, cujus jam recensitæ sunt in definitione, & superius explicatæ in materia drammatæ variorum affectiones. Veritatem, vel falsitatem admittit illa, quia privati hominis est actio, obscura per se, & ignota; neque imitatur res illustres, & terribiles, ut admirabiles, sed civiles, & privatas; ut avaritiam senum, fraudes servorum, & similes; quæ alios sollicitudine, lætitia alios impleant: quare debet esse insuper jocularis, ut delectet, & ea vitia exagitare, quæ risum potius, quàm misericordiam moveant.

D. Quid præcipis circa Formam Comœdiæ?

M. Præter ea, quæ dicta sunt in Forma poematis dramatici, curandum est, ut intexantur, i. quædam peripetæ, non quæ magnos, ac vehementes, sed remissiores, lenioresque cieant animorum motus. Agnitiones non ex, unde oriantur maximæ perturbationes; sed

sed quæ levioribus de causis ortæ , non admodum moveant : ut in Plautinis Comædiis , quæ sit e crepundiis nonnunquam cistulis , aut annulis . Agnitio . 3. Episodia brevia , & apta . 4. Mores solutiores , & joci , salibusque conditi : in quibus magno opus est delectu : videndumque , ne sint frigidi , multo minus obsceni : quod jure in Plauto reprehendit Horatius :

*At nostri proavi Plautinos & numeros , &
Laudare sales , nimium patienter utrumque
Ne dicam stultè mirati ; si modo ego , & vos
Scimus in urbanum lepido seponere dicto .*

5. Sententiæ rariores : ac vix aliæ , quam pertinentes ad vitam quotidianam , & in frequentiori usu positæ , ut sunt trita , ac vulgaria proverbia . 6. Dictionis apta rebus , adeoque non grandis , ut in Tragœdia : sed contra humilis , suavis , & mediocri ornatu contenta . Quamvis possit aliquando altiùs assurgere ; cum graviores affectus sunt exprimendi , ut ait Horat.

*Interdum tamen & vocem Comædia tollit ;
Iratusque Chremes tumido delitigat ore .*

Adeoque metrum optimum erit , quod proximè accedit ad solutam orationem .

D. Quid statuis circa Finem Comædiæ ?

M. Vult Philosophus , Comædiæ esse , ex inimicis amicos efficere ; quod universè dictum esse oportet , ut cum pater filio reconciliatur , aut cum fraude aliqua , vel casu ex ipsa Actionis natura exorto à se invicem disjuncti duo homines mutuo in gratiam redeunt . Sed istud est officium Comædiæ potiùs , quàm Finis , qui in eo positus est , ut vitæ privatæ exemplum proponatur , ut inde mores quisque suos corrigat .

Ex dictis colliges , a Tragœdia potissimum differre Comædiam . 1. Materia ; Tragœdia res grandiores , Comædia tractat humiliores . 2. Personis ; in Tragœdia nobiles sunt , in Comædia humiles , & obscuræ . 3. Dictiones ; grandior est in Tragœdia , vulgaris in Comædia . 4. Exitus funestus esse solet in Tragœdia , in Comædiâ felix est itaque hilaris .

D. Quid

D. Quid si personæ illustres inducantur in scenam, quæ Fabulam Comicam peragant?

M. Non erit hæc Tragœdia, aut Comœdia, sed tertium Dramatis genus ortum ex utraque, quod appellabitur Tragicomœdia, cujus finis est semper lætus, personæ partim illustres, partim vulgares; res modo ludicræ, modò tristes. Amphitrionem vocat Tragicomœdiam Plautus, ubi sic loquitur in Prologo Mercurius:

Faciam ut commixta sit Tragicomœdia.

Nam me perpetuò facere, ut sit Comœdia,

Reges quo veniant, & dii, non par arbitror.

Quid igitur? quoniam hic servus quoque partes habet.

Faciam proinde, ut dixi, Tragicomœdiam.



INSTITUTIONUM POETICARUM

LIBER IV.

De Reliquis Poematis.

M. **P**OST Epicam, & Dramaticam poesin celebrantur multa minora poemata; quorum alia sic a se invicem differunt, ut singula singulas, easque maxime diversas constituent species, ut elegia, Epigramma, Satyra, Ode, &c. alia verò eùm sint ut plurimùm in genere heroico; majorem habent inter se conjunctionem, ac velut affinitatem, quamquam ad Oden quoque referri possit, eùm commodè canantur ad Iyram; sunt hæc, Epithalamia, Genethliaca, Epicedia, Epinicia, Soterica, Protreptica, Parænetica, &c. de quibus omnibus breviter modò, pro dicendi instituto disputabimus.

CAPUT PRIMUM.

De Elegia.

D. **Q**uid est Elegia?

M. Elegia propriè est funebris cantus; a flebili Iugentium sono sic dicta, qui crebrò, *ὦ ἄλγεα* *ὦ λυγρὰ* *ὦ λυγρὰ* ingeminant.

D. Quæ est materia Elegiæ?

M. Est propriè res funebris, & tristis; unde Ovidius in mortem Tibulli canit:

Flebilis indignos Elegia solve capillos:

Ab! nimis ex uerò nunc tibi nomen eris.

Et

Et 3. Tristium:

Flebilis ut noster status est, ita flebile carmen.

Factum est tamen deinde, ut non tantum res funebres, ac tristes, sed res quoque lætæ, amores, vota, preces, gratulationes, & convicia elegiaco carmine scriberentur, ut videre est apud ipsum Ovidium. De materia primisque Elegiæ Auctoribus sic statuit Horatius:

Versibus impariter junctis querimonia primum,

Post etiam inclusa est voci sententia compos.

Quis tamen exiguos elegos emisit Author,

Grammatici certant, & adhuc sub iudice lis est.

D. Quæ est Forma Elegiæ?

M. Forma Elegiæ, est ipsius constitutio, & compositio, seu quædam eorum, quæ canuntur elegiacè, dispositio; de qua si præcipi potest, ut poema illud tersum sit, lene, perspicuum, dictio mollis, & æqualis, morata, tenera, affectibus plena, & delicata quadam suavitate condita. Quamquam pro ratione rerum, quæ celebrantur, magnificè etiam procedat Elegia: ut quæ apud Propertium scripta est in Aëtiacæ victoriam, & alibi passim apud Auctores probatissimos.

C A P U T II.

De Epigrammate.

D. Quid est Epigramma?

M. **Q** Si vocis etymon attendas, est inscriptio quævis *επιγραφή* enim græcè est *inscribere* latine. Si definitionem quæras, dicitur breve poema cum simplici cuiuspiam rei, vel personæ, vel facti indicatione; aut aliquid ex propositis deducens.

D. Quotuplicis generis est Epigramma?

M. Multiplicis, ut indicat definitio; aliud enim simplex est, quod simplici rei, personæ, aut facti indi-

indicatione continetur, ut sunt inscriptiones denariorum, & statuarum, ut ista clypei:

Aeneas hac de Danaïis victoribus arma.

Alterum compositum dicitur, quod in ratione ducenda, colligendaque, & quasi in argumentatione positum est.

D. Quæ est materia Epigrammatis?

M. Sunt res universæ, personæ, facta, quæ exorari, reprehendi, fieri, probarive possunt.

D. Quæ est ejus Forma?

M. Est ipsa ratio tractandi Epigrammatis, quod solet scribi carmine vel hexametro, vel elegiaco, vel phaleucio, vel jambico.

D. Quis est Finis?

M. Est communis omni poesi, delectare, docendo, sed laudet, seu vituperet Poeta, qui ab hoc fine non debet recedere.

D. Quot sunt Epigrammatis dotes?

M. Tres numerantur præcipuæ: Brevitas, Perspicuitas, & Acumen.

C A P U T I I I.

De Satyra.

D. Quid est Satyra?

M. Satyra videtur nomen ducere à Satyris, Diis puerilis, lascivis, & dicacibus; qui inter actus Tragediarum, ac postea Comædiarum inducti in theatrum, non tantum sermone parum verecundo, libero, aculeato, vultu, ac corpore risum movebant; verum etiam cives improbos nominatim carpebant, unde Satyra ab aliquibus ad poema dramaticum revocatur. Videtur etiam dicta Satyra, quasi Saturæ; quoddam varium complectatur argumenti genus. Quare definitur Satyra *Poema jocosum, liberum, & aculeatum, ad reprehendendos, corrigendosque mores corruptos.*

D. Quæ est materia Satyræ?

M. Dici

M. Dici potest turpitudine risu digna ; vel odio , exagitant enim Satyrici Poetæ , Inertes , Parasitos , Deformes , Loquaces , Ingratos , Ambitiosos , Prodigos , Avaros , &c. Materiam Satyræ dis duobus verbis definivit Juvenalis :

Quidquid agunt homines, votum, timor, ira, voluptas,

Gaudia, discursus, nostri farrago libelli.

D. Quæ est Forma Satyræ?

M. Est ipsius constitutio , & compositio ; in qua illinendæ sunt quibusdam suavitatibus objurgationes , ut æquiore animo excipiantur : adeoque versutum , sagax , callidum , disertum , acutum ingenium requiritur . Amat Satyra crebras sententias , acutas , & acres , puritatem , & elegantiam in verbis , remissos , mollioresque numeros , dictionem submissam , quotidianæ locutioni similem : unde Horatius , qui in Odis usque adeo numero studuit , ut idcirco numerosus vocetur ab Ovidio : idem tamen in Satyris numerum illum neglexit ; non quia aliter non posset , sed quia hunc neglectum Satyris putaret convenire . Nullæ certæ partes in hoc poemate assignantur : aliquando insinuatio , sæpiùs abruptum , & incitatum principium adhibetur .

D. Quid est Finis Satyræ?

M. Est objurgando , & irridendo abstergere homines à vitiis , & ad virtutem incitare . Videndum tamen , ut loci , ac sales satyrici careant obscenitate : ne , dum animos vult Purgare Poetæ , ad morum turpitudinem invitet .

C A P U T IV.

De Poemate Lyrico .

D. Quid est Poema Lyricum?

M. **Q**uod dictum est Poema Lyricum à Lyra , quæ inter organa musica celebris est , adhibeturque ad humorem

P

jusmo-

jusmodi carmen concinendum . Quare vocatur etiam illud poema Ode , & Melos , id est cantus , unde Poetæ Lyrici , & Melici .

D. Quæ est materia poematis Lyrici ?

M. Longè , latèque patet hæc materia : continet enim laudes Deorum , & hominum , vota , preces , exhortationes ad virtutem capeſſendam , ad vitia fugienda , deplorationes calamitatum , desideria , con- quæſtiones ; fontium , montium , villarum aliorum- que locorum amœniorum laudes , & descriptiones ; deliberationes item , & invitationes , aliaque innume- ra , quæ brevi poemate concludi poſſunt , compre- hendit . Nam , ut docet Horatius :

*Musa dedit fidibus Divus , puerosque Deorum
Et pugilem victorem , & equum certamine primum ,
Et juvenum curas , & libera vina referre .*

D. Quæ est forma poematis Lyrici ?

M. Est ipsa compositio , seu ratio scribendi illius poematis : ubi notandum est , quod est Epopœjæ gra- vitas ; Tragœdiæ vehementer affectus ; Comœdiæ lo- cus , Elegiæ mollities , Satyræ acerbitas , Epigramma- ti acumen , idem esse poemati Lyrico suavitatem . Quare debent adhiberi verba florida , posita , non sine majestate induci sententiæ , vitari litterarum collisio- nes duriores , aliaque observari , quæ diximus facere ad suavitatem Narrationis Epicæ , & ad dotes dictio- nis poeticæ .

D. Quot sunt versuum genera in Odis ?

M. Sunt sanè quamplurima : quæ suas ducunt ap- pellationes vel ab Authoribus , ut Alciaci ab Alcæo , Sapphici à Sappho , Aſclepiadei ab Aſclepiade , &c. vel à metris , quibus constant , ut Trochaici à Tro- chæo , Daſtylici à Daſtylo , Anapæſtici ab Anapæ- ſto , &c. sed illorum metrorum leges à Grammaticis petendæ sunt .

D. Quid est Strophe , Antistrophe , & Epodus ?

M. Ode dividebatur in Strophem , Antistrophem , & Epodum . Strophe erat pars illa Odæ , quam Cho- rus in luſtranda ara in Deorum laudem modulaba-
tur ,

tur; progrediendo ab oriente in occidentem. Antistrophe vocabatur, cum Chorus revertebatur canendo ab occidente in orientem. Epodus fiebat, cum in medio consistebat Chorus, & quod supererat carminis, persolvebat. Verum jam nomine Epodi intelligitur illud genus carminis, in quo singulis versibus singula clausula subjiuntur; & veluti accinuntur, idque ferè alio genere carminis, & plerumque breviori; cujusmodi sunt pleraque apud Horatium in libro Epodon, iambico dimetro post heroicum, aut trimetrum iambicum statim succedente.

D. Quid est Ode distrophos, tristrophos, & retrastrophos?

M. Ode dicitur distrophos, quæ plures habet strophas, seu clausulas: quarum singula continent duo carmina: quæ clausula strophæ dicuntur, quod post duos versus ad duos alios reverti oporteat, ut in hac Oda Horatii; v. g.

Sic te Diva potens Cyprî,

Sic fratres Helenæ, lucida sidera.

Post hæc duo carmina, eodem modo duo alia succedunt:

Ventorumque regat pater,

Obstrictis aliis, præter Japyga;

& sic deinceps ad finem Ode. Ita dicitur illa Ode tristrophos, quæ continet plures strophas, sive conversiones, quare singulae habent tria carmina; & retrastrophos, cujus singulae strophæ quatuor includunt versus.

D. Quid est Ode monocolos, dicolos, & tricolos?

M. Ode dicitur monocolos, seu uniformis, quæ unius ejusdemque generis habet carmina; talis est prima Ode Horatii:

Mænenas atavis edite Regibus.

O & præsidium, & dulce decus meum, &c.

cujus omnia carmina sunt asclepiadica. Dicitur Dicolos, quæ habet strophas, quarum carmina sunt duplicis generis; tricolos, cujus strophæ continent carmina triplicis generis.

C A P U T V.

De Hymno, Parodia, & Carmine Intercalari.

D. **Q**uid est Hymnus?

M. Est Ode ad Dei laudes, virorumque illustrium celebrandas instituta; ὕμνεῖν enim græce est celebrare latinè.

D. Quid est Parodia?

M. Est imitatio versuum, ubi sententia tamen ad contrarium sensum detorquetur. Istud genus carminis frequentavit imprimis Joannes Baptista Masculus, profanos sensus ad religiosa ferè argumenta convertens. Sarbievius item Odas Horatii aliquot improbas ad pietatem traduxit per parodiam.

D. Quid est Carmen Intercalare?

M. Intercalare carmen, quod & Regium dicitur, est illud, in quo post aliquod versuum intervallum, idem semper recurrit, ut apud Virgilium in Eclogis ille versus sæpius usurpatur:

Incipe Mænalios mecum, mea tibia, versus.

& ille deinde:

Ducite ab urbe domum; mea carmina, ducite Daphnim,

C A P U T VI.

De Eclogis, Sylvis, & Diris.

D. **Q**uid est Ecloga?

M. Ecloga, quæ & Bucolicum Carmen à Bulco, & Pastoricium à Pastore dicitur, est imitatio rusticarum actionum stylo mediocri, & suavi, vel per meram enunciationem, vel per dramaticam personarum effictionem. Eclogæ vocantur à delectu, & concinitate sermonis; ἐκλογεῖν enim græcè est *selegere* latinè. Cum autem Bucolicum Carmen initio inconditum esset, ut plurimum puriora quædam, elegantioraque

raque seligebantur: unde huic generi carminum indicata est appellatio.

D. Quæ sunt leges hujus poematis?

M. Tractantur in eo vota, gratulationes, altercationes, pollicitationes, conquestiones, gaudia: sed videndum, ut omnia agrum redoleant. Dicendi character debet esse humilis, frequentes adhibendæ comparationes ex agris deductæ, jucundæ item descriptiones inferendæ. Hexametrum carmen adhibendum, modo ne adsit granditas, neve longiore ambitu circumducatur. Ducem habes in hoc genere poeseos, ut in heroico, Virgilium, qui quanto sublimior videtur in *Æneide*, tanto se submissius de industria deprimit in *Bucolicis*.

D. Quid vocas Sylvas?

M. Sunt Carmina subito calore effusa, neque anxia cura castigata. Sylvæ dicuntur, quodd oblatam quasi temerè materiam ex tempore, & stylo veloci percurrat, & tractet Poeta, dum calor menti insidet. Statius certè initio suarum sylvarum libellos, qui subito calore, & quadam festinandi voluptate sibi fluxerunt, sylvas vocat, additque illa poemata solum habere gratiam celeritatis.

D. Quid intelligis per Diras?

M. Diræ sunt quoddam Carminis genus, quo quidquid furoris, imprecationum, querelarum, conviciorum in mentem venit, effundit Poeta. Sic Dido *Æneam* apud Virgilium: Medea Jasonem apud Senecam diris prosequuntur.

Expeditis, de quibus libri hujus initio, variis carminum generibus; illud unum superest, ut de Poematibus, quæ ad heroicam poesim commodè revocantur, quamvis ad lyram quoque venustè cani possint, breviter differamus: sunt hæc Epithalamia, Genethliaca, Epicedia, &c.

C A P U T V I I.

De Epithalamio, Genethliaco, Epicedio.

D. Quid est Epithalamium?

M. Est Poema pro nuptiali pompa conferiptum, sic dictum à vocibus Græcis *ἑπὶ δε*, & *θάλαμος*, nuptiale cubiculum.

D. Quomodo conficiendum est illud poema?

M. Laudes conjugum celebrandæ, faustum augurium capiendum, fructus illarum nuptiarum prædicandus, vota concipienda pro comubii felicitate, & futura prole. Consule poetas, qui scripsere Epithalamia, Catullum, Statium, Claudianum, &c.

D. Quid est Genethliacum?

M. Est Carmen, quod nascentibus accinitur: *γενέθλιον* enim græcè est *natiuitas* latinè, unde Genethliacon natale carmen.

D. Quomodo scribendum est huiusmodi Carmen?

M. Parentum virtutes celebrantur, spes de puro excitantur, variæ læci, ac temporis notantur circumstantiæ.

D. Quid est Epicedium?

M. Est Carmen funebre, quæ Nenia Romanis, Græcis Epicedium dicitur ab *ἐπὶ* & *ᾠδὴ*, cura, quæ mortuis præcipuè debet impendi.

D. Quæ sunt leges Epicedii?

M. Narrantur demortui laudes, pompa funebris describitur, conditur Epitaphium, Poeta denique apprecatur æternitatem.

C A P U T VIII.

De Epinicio, Eucharistico, Propemptico.

D. Quid est Epinicion?

M. Est Carmen pro reportata victoria conscriptum, ne dictum ab ἐπι & νίκη; victoria. A variis circumstantiis loci, temporis, hostium multitudinis &c. celebranda est victoria; observanda tradita posterius imperatoriae prudentiae, & fortitudinis monumenta; exponendum qui fructus ex victoria consequantur; vota precesque pro patriae, Victorisque incolumitate fundendae. Habes passim apud Autores exempla, quae in hoc genere Carminis imiteris.

D. Quid est Eucharisticum?

M. Est poema, quo gratias alicui agimus ob praestitum beneficium, sic dictum ab εὐχαρίσσειν, gratias agere: debet eo in carmine praedicari acceptum beneficium, dantis humanitas, & beneficentia extolli, accipientis necessitas non debet omitti, item miscenda vota in gratiam dantis.

Hujus Carminis passim exempla suppetunt apud Autores.

D. Quid est Propempticum Carmen?

M. Propempticum à προέμπεω; deduco, est Carmen in gratiam aliquo abeuntium scriptum: in quo vota concipiuntur eorum causa, vel ad avertendum malum aliquod, vel ad bonum aliquod, ac praecipue fortunatum ter apprecandum. Talis est Ode Horatii (a) in gratiam Virgilii Athenas navigaturi, quae sic habet:

Sic te Diva potens Cypri,

Sic fratres Helenae, lucida sidera,

Ventorumque regat pater,

Obstrictis aliis, praeter Japyga;

Navis,

(a) Lib. 1. Od. 3.

Navis, quæ tibi creditum

Debes Virgilium, finibus Atticis

Reddas incolumem, precor,

Et serves animæ dimidium meæ.

Egregia habet Vallius (a) hujus generis poemata; quibus Amicos, atque unum imprimis sub Amyntæ persona in indiam proficiscentem prosequitur, quæ tu consule.

C A P U T IX.

De Carmine Soterico, Protreptico, & Parænetico.

D. **Q**uid est Soterium Carmen?

M. Est carmen pro salute recepta; & vitato gravi aliquo periculo; dicitur Sotericum, quod σωτήρια græcè salutem sonet latinè; in eo debet expendi periculi magnitudo, in eo subeundo fortitudo, in vitando solertia, vel felicitas, bona ex vitato exorta celebrari. Habes absolutissima hujus Carminis exempla apud Frizonium in quatuor Odis, quas ad Franciam, ad Christianissimum Regem, Augustissimam Reginam Matrem, post recuperatam Regis sanitatem inscripsit, quarum prima sic incipit:

Pæne evantes junge lyre modos,

Et Martiales, Francia, laureas:

Defuncta fatali periculo,

Magnifici res surge voti, &c.

D. Quid est Carmen Protrepticum?

M. Idem est atque Adhortatorium Carmen à verbo προτρέπω adhortor, cum scilicet alios ad aliquid suscipiendum impellimus. Nihil est usitatus ejusmodi Carmine apud Poetas. Formam habet illius exquisitam Frizonius in Sacra expeditione ad Principes Christianos:

Sur-

(a) Herods lib. 3.

*Surgite magnanimi Proceres, quos æthere ab alto
Increpuere sacrum spirantia classica martem, &c.*

Quæ Carmina, si qua alia, vim habent ad promovendos animos, ducitur enim adhortatio ab Ottomanici hostis ferocitate, & successu functè felici, ab amplitudine regionum ab eo devastatarum, ab Solymæ urbis sanctitate ab eo tam fœda servitute oppressæ; à futuræ victoriæ certis conjecturis &c.

D. Quid est Carmen Paræneticum?

M. Est Monitorium Carmen, à παρανέτω, admonéo, sic dictum, in quo præcepta sapientiæ continentur. Sic Poeta pro suo officio alios monet, v. g. ne se periculis temerè obijciant, ne majora viribus suscipiant, ne quid aliud aggrediantur, cujus ipsos postea pœnitere possit. Habes ejusmodi Carmina passim apud Poetas tum veteres, tum recentiores, ac proinde nihil opus est, festinanti præsertim, exempla proferre.



INSTITUTIONUM POETICARUM

LIBER V.

*Exempla varia , & Observationes ad Artem
Poeticam spectantes , complectens .*

CAPUT PRIMUM.

Poetarum Latinorum præstantiorum nomina ,
ætas , stylus .

CUM Poesis lectione summorum poetarum & imitatione potissimum comparetur , juvat cognoscere , quinam poetæ frequentius & accuratius legendi , quinam obiter & strictim volvendi , aut etiam omnino prætereundi sint . Id ex Indice , quem subjicio , patebit .

MARCUS ACCIUS PLAUTUS , natione UMBER , patria Sarsinas , obiit anno Urbis conditæ quingentesimo septuagesimo , qui fuit mundi termillesimus octingentesimus , septuagesimus . Non temere legendus est , propter nequitias , & impuros amores , atque aded propter sales invenustos , quibus scatent ejus Comædiæ .

P. TERENCEIUS , auctor est Latinitatis tersissimæ ; non legatur tamen , nisi repurgatus . Ortus est Carthagine , in Africa , anno U. C. 560. In pingendis hominum moribus , & arte coagmentandæ fabulæ , ceteros vincit Comicos .

TITUS LUCRETIVS CARUS insignis est ob Latinum sermonem , & sententiarum gravitatem : versus habet paulo horridiores , interdum obscænos , & impios .

impios. Scripsit Physica. Romæ natus est, anno ejusdem Urbis 658.

CAJUS VALERIUS CATULLUS, Veronensis, novem post Lucretium annis ortus, scripsit Odas, Elegias, Epigrammata, &c. Sermo benè Latinus est; versus aliquando duriores, sæpè obscæni.

P. VIRGILIUM annus U. C. 684. edidit, futurum olim principem Latinæ poeseos; patria tanti viri, Andes vicus propè Mantuam.

Q. HORATIUS FLACCUS quinque post Virgilium annis editus Venusi, in Apulia, omnia ingeniosè, splendide, luculenter scripsit, non pauca tamen habet lutulenta, & inquinandis moribus, nisi delectus habeatur, opportuna.

ALBIUS TIBULLUS, & SEXTUS AURELIUS PROPERTIUS; nati sunt circa annum U. C. 710. hic in Umbria, ille Romæ, uterque poeta melior quàm castior, atque idcirco ablegandus à puerorum Scholis, nisi quis forte locus benè repurgatus excerpatur.

P. OVIDIUS NASO patriam habuit Sulmonem, urbem Pelignorum in Italia anno U. C. 511. amœnus vates, copiosus, ingeniosus, & illaborata facilitate gratus, utinam æquè castus & modestus, quam obrem pericolosè legitur non solum in iis libris, ubi nequitiam apertè profitetur, sed in Metamorphosis, epistolis, &c. Tristia & libri de Ponto minus habent periculi.

MANILIUS; incertum quo anno natus, estè in extrema Augusti tempora rejicitur; cui suum opus videtur dedicare. Scripsit Astronomica, versatus satis concinnè, ac faciliter in argumento per se horrido, intentato.

PHÆDRUS, origine THRAX, libertus Augusti; floruit sub Tiberio. Lucet in eo natus quidam latini sermonis lepos, aureo Augusti sæculo dignissimus. Vide quæ de illo & aliis nonnullis Poetis scripsit P. Franc. Vavassor, Soc. Jesu; in suo de Ludrica dictione libro. Multa quoque de Poetis disserit eruditè

Possevinus noster in suæ Bibliothecæ parte 2. lib. 7. Addi solent ad Phædri calcem Avieni fabulæ. Is Theodosio Seniore imperante vixit, hoc est, annis post Phædrum circiter 350. Ejus latinitas immane quantum à Phædri nitore discrepat.

SENECA, patria Cordubensis, Lucii Armæi Senecæ Philosophi, ut multis placet, filius, vixit Neronis ævo. Artem tragicam ignorat. Ampullata sunt ejus Carmina, plerumque tamen plena spiritus & ardoris; latinitas non ignobilis: in sententiis & orationibus, quas actoribus suis & heroibus assignit, modum vix tenet; multo præstantior futurus, si temperare ingenio suo, quàm indulgere maluisset.

MARCUS ANNÆUS LUCANUS, Senecæ Philosophi, fratris filius, patria item Cordubensis, Historiam civilis Belli Cæsareni inter & Pompejum versu scripsit elato, & sæpè turgido, nonnumquam acri & ingenioso. Cur illi poetæ nomen abrogent eruditi, & oratoribus, vel historicis annumerandum censeant, intelligitur ex iis, quæ de poetâ diximus. Non enim poematis sui materiam quasi facit, & rerum variarum inventionem, ac mutationem illustrat, sed acceptam ab Historia ornatè prosequitur. Multos fallit ambitiosus ille sententiarum tumor, & argutiarum fucus, ad pompani potiùs & fastum, quàm ad veritatem comparatus.

PETRONIUS ARBITER, civis Romanus prædixes, Neronis familiaris, ejus flagitia descripsit, verbis impurissimis & argumento convenientibus, uterque dignus oblivione, & execratione.

A. PERSIUS FLACCUS, Volaterranus, eodem Neronis tempore Satyras scripsit, sed multo conditas sale: tuto legi, pauca si demas, possunt.

SILIUS ITALICUS, ab Italica, Bæticæ Hispaniæ urbe, sic appellatus, ultimo Neronis anno consulatum gessit, iterumque sub Domitiano Poema composuit de secundo Bello Punico. Virgilium, cujus cultor insignis erat, imitari studuit ac sequi; multum abest, quin assequatur.

P. PAPINIUS STATIUS, Neapoli, ut verius creditur, oriundus, sub Nerone & Domitiano scripsit Silvas, Thebaidem, & Achilleidem, stylo sæpè confragoso, & obscuro. Ejus Silvæ sunt amæniores, & cultiores.

C. VALERIUS FLACCUS, Setinus, edidit libros octo Argonauticon, quos Vespasiano dedicavit. Statio purior & melior est.

MARCUS VALERIUS MARTIALIS, Bilbilitanus, Romæ annis quinque & triginta vixit, usque ad Trajani tempora, cùm in Hispaniam suam rediit: mores & ingenium perpolire potest ejus lectio, si obscena deleas epigrammata.

DEGIUS JUNIUS JUVENALIS, Aquinas, poeta doctus, & eloquens, majestatem, & aculeos, interdum declamatorios, habet: minùs Horatio politus ac pressus, Persio uberior est. Cave illum, nisi expurgatum legas.

CLAUDIANUS fuisse. Alexandrinus fertur, sub Theodosio magno, ejusque liberis, claruit, à quibus ei statua in Romano Foro posita. Poeticos spiritus ingentes & meliore sæculo dignos habet, ac, si tumoris nonnihil detrahas, vix ulli poetarum latinorum, præsertim in iis, quæ postremo loco scripsit, secundus est.

AURELIUS PRUDENTIUS, sub eodem Theodosio, in rebus Christianam ferè pietatem & religionem spectantibus operam posuit, barbaro sæpè, licet ingenioso & erudito carmine.

Quintiliani judicium de Poetis Latinis habes libro ejus institutionum X.

C A P U T II.

De Stylo Poetico.

Stylus vocatur propria quæquam dicendi, seu scribendi forma. Sunt enim qui breviter & strictim loquun-

loquuntur & scribunt; sunt qui fundunt latius orationem solutam perinde, ac vinctam: alii magnificè & splendide, alii nitidè ac parè amant scribere. In quo suam quisque indolem ferè sequitur. Hinc styli tanta varietas, præsertim in poetis, qui genio plusculum indulgere solent. Oritur etiam illa è variis carminum generibus. Alius enim stylus convenit Epopœjæ, & versui Heroico: alius Tragico, & Comico; alius Lyrico: suus est Epigrammati, suus Elegiæ, suus Dithyrambo, &c. Quis autem singulorum istorum sit proprius, aliunde cognosci melius nequit, quàm in poetis ipsis legendis. Caput est legere optimos in unoquoque genere: exempli causa Virgilium in Heroico poemate, quem recentiores quidam egregiè sunt imitati, ut Sannazarius, Bembus, Heinsius, & alii, quorum carmina extant collecta in libello, cujus titulus est, *Deliciæ Heroicæ Poetas*, item Jacobus Vvallius, Carolus Ruæus: & in Elegiaco, Ovidius, Sidonius, Hoschius, &c. in Comico Terentius: in Tragico, Seneca, Petavius, Malapertinus, &c. In Lyrico Horatius, Sarbievius, Jovius, &c. In Epigrammate, Martialis, in Sylvis Statius, &c. Consule Quintilianum libro præsertim 12. cap. 10. ubi de stylo, ejusque diversis formis agit: & P. Nicolaum Daussinum in suis divinæ & humanæ eloquentiæ Parallelis Lib. XI. sed præcepta haud multum juvant. Optimum stylum consequeris, si multum & attentè legeris & diligenter scripseris.

C A P U T III.

De Variis Versuum generibus.

PRæter usitatos versus, Hexametrum, Pentametrum, & Jambicum, qui nihil, aut parum difficultatis habent, alii quidam sunt reconditiores, partim a Comicis, partim à Lyricis viribus usurpati: de utrisque paucè observabimus.

§. I. De Versibus Comicis.

Cum poësis ad delectationem maximè comparata sit, uti versibus debet, quæ est oratio omnium suavissima. Tragici utuntur Jambicis perfectis, iis nempe, qui in pedibus paribus Jambos habent, nempe in 2. 4. & 6. in imparibus vero spondæos; vel Anapæstos, Dactylos, aut Jambos, quia omnes isti pedes plus habent gravitatis & dignitatis. Comici utuntur Jambicis imperfectis, idque satis habent, si in fine sit pes Jambus; in aliis locis adhibent promiscuè Jambos, Spondæos, Dactylos, Tribrachos, Anapæstos, qui locum habent in Jambicis perfectis. Præterea utuntur Amphimacro seu Cretico, qui constat duabus extremis syllabis longis & media brevi, ut *Tamphilum*, *ambiant*. Interdum Proceleusmatico, sive duobus Pyrrichiis, hoc est quatuor brevibus, quia quatuor breves respondent duabus longis, è quibus constat Spondæus; cui locus est in Jambico versu. Exemplum Proceleusmatici habes in *Andria* A. I. Sc. sub finem.

Mala mens malus ani-mus, quem-quidem ego si sen-sero.

in hac enim scena sunt omnes Senarii, sive Trimetri. Itaque in secundo pede est Proceleusmaticus.

Item in eadem *Andria* Act. 3. Sc. in primo pede.

Tibi generum fenum, & filie invenies virum.

Utuntur etiam Comici versibus Jambicis dimetris, id est, qui quatuor tantum pedes habeant: nam antiqui vocabant duos pedes, unam mensuram: interdum Tetrametris, id est, qui habeant quatuor mensuras, sive qui consistant octo pedibus: unde octonarii, & quadrati appellantur.

Interdum totis quatuor, aut sex, aut octo pedibus non constat illorum versus, sed deest aliquando una syllaba in principio, aut in fine; & ii versus vocantur Catalecti, sive desinentes, penduli & seminutilli;

ut

ut *Muse Jovem-cant-bant*, est dimeter catalectus; deest enimultima syllaba: item, *Non-ebur neque aureum*, deest enim prima syllaba. Observandum hic tantum est, eum pedem, qui proximus est syllabæ relictæ, & pendenti, Jambum esse oportere.

Aliquando deest unus pes, iique versus vocantur Brachycatalecti, sive mutili, ut

Muse Jovis-nata,

est dimeter Brachycatalectus, deest quippe pes quartus. Hoc idem in Tetrametris contingit: ver. grat. in illo.

Vos-precor-vul-gus-silen-tum, vos-que fe-ra-les-Deos,

deest prima syllaba. Quod si metiaris aliter, ac velis deesse syllabam in fine potius quam in principio, facies Trochaicum versum, qui nempe Trochæum pedem pro Jambo, iisdem locis atque Jambicus, ponit.

Vos pre-cor vul-gus si-lentum-vosque-ferales Deos.

Sic in Adelphis, Act. 3. S. 2.

Cate-ros rui-rem, agerem, -raperem, -tunderem & -pro-sterne-rem.

Dividi etiam aliter potest prior versus; si ponatur amphimacer in principio.

Vos precor-vul-gus-silen-tum, &c.

Et tunc deest ultimus pes, eritque Tetrameter Brachycatalectus. Quemadmodum illi versus Andriæ, Act. 4. Sc. 1. qui Muretum, Scaligerum, Erasimum, & cæteram eruditorum familiam aded torserant; dici commodè possunt Trimetri Brachycatalecti. Sic eos metire:

Hoc-cine credi-bi-le est aut-memorabi-le.

Tanta ve-cordia in-na-ta cui-quam ut, -fiet.

Facessant enim iis, qui ut suum quemdam, quem sibi fingunt ipsi, numerum inveniant, tollunt, mutant, vel-

vellicant miseros versus, irato Terentio; & veteribus libris reclamantibus.

In quibusdam sive Dimetris, sive Tetrametris abundat syllaba una, vel pes unus, vocanturque Hypercatalecti, sive Hypermetri, qui nempe habent aliquid supra communem mensuram. Ita longior est iste una syllaba:

Musæ-sorores sunt Minervæ.

Ad inveniendum quoque numerum Comicorum versuum, juvabit observare quæ sequuntur.

1. Sæpissimè litteram S, elidi, ita ut legendum sit magi, pro magis; sati, pro satis, &c. Sexcenta sunt exempla, immò interdum ex trito S, vocalis præcedens eliditur. Sic in Andria:

Bonum in genium narras-adolescentis, optimum.

ita ut scentis op, Spondæus sit scent^o op; nisi malis Amphimacrum ponere. In eadem Andria:

Semper enim dicta est ejus atque habita est soror.

Quo in versu voces, est ej^o at, sunt tres longæ; Item,

Sed quid opus est verbis?

Sed quid op^o est verbis?

2. Voces quasdam dissyllabas in unam syllabam concrelescere; v. gr. fuit, fiet, puer; rei cho, meus, tuus, sunt, suo, deus, &c. Sic metire versum Andriæ, Scena I. Act. I.

Liberi-us vi-vendi, -fuit-potes-tas, nam antea.

Nonnulli volunt esse Amphimacrum in voce, *liberius*, in qua duæ mediæ syllabæ coeant in unam, quasi si esset Librius: alii Dactylum, si expugnatur S; *Libriu*. Sic illum ejusdem Comædiæ, qui est in Act. 4. Sc. 1.

ut malis gaudeat a-lienis, atque ex-incom-modis.
in gaudeat, duæ ultimæ syllabæ in unam brevem coalescunt,

scunt, quasi gaudat legeretur, in alienis duæ mediæ conerescunt in unam longam. Sic verba *quiesci*, *melius*, *potius*, pro dissyllabis ponuntur; *grandiuscula* pro trissyllabo: ita Virgilius vocem *stellio* dissyllabam posuit: Horatius *pituita* trissyllabam. Contra verò voces quædam monosyllabæ in duas syllabas porriguntur: ut *jam* quasi esset *jam*.

3. Sæpe vocalès non elidi, cùm in sequenti voce occurrunt aliis, neque litteram M.

4. Voces *illum*, *illam*, *ecum*, *ecam*, &c. aliquando primam habere breven, quia olim unica littera I, & C, scribebantur, *illum*, & *cum*.

5. M. & R. in media dictione interdum elidi. Sic in *Andria*, Act. 1. Sc. 3.

Enimvero, Dave, nihil loci est segnitiei, &c.

Primus pes anapæstus est. Littera verò M in fine interdum eliditur ante consonantem. *Andria*, Act. 3. Sc. 2.

Certe enim scio non-satis me-pernossi, &c. ubi primus pes dactylus, *Certi enim*.

6. Vocales quasdam corripì, quæ non eliduntur: v. g. in *Andria*, Act. 4. Sc. 4.

Reliquit me homo-atquè ab-it.

ubi *me* breve est, quia non eliditur more Græco: Et Sc. 5.

Que se in-hones-te optavit, &c.
voces illæ, quæ se in . . . Dactylum efficiunt.

Nonnulli ut hiatum hunc effugiant, addi volunt; Plautino more, litteram D. *Reliquit med homo.*

7. Nota, *cho*, *hem*, & alias quasdam id genus interjectiones, extra metrum aliquando censendas, neque, cùm metiri voles versum, annumerandas aliis vocibus.

§. II. De versibus Lyricis.

LYRICORUM vatum poemata vocantur Ode, quæ vox Græca significat cantilenam, quia Ode ad Lyram, sive citharam vulgo canebantur. Ode istæ proprium quoddam carminis genus habent, immò constant aliquando e tribus planè diversis. Ab inventoribus vulgò nomen sortiuntur. Sic Ode Alcaica dicitur, cujus auctor Alceus, Poeta Græcus; Sapphica, quam invenit Sappho, &c. singula Odarum, & versuum, e quibus componuntur, genera breviter percurro.

Primum genus Odarum est carum, quibus sunt omnes versus Choriambici Asclepiadei Tetrametri: qualis est apud Horatium Od. Lib. 1. *Mæcenas atavis*, &c. Vocantur Choriambici, quia in illis præcipuum locum obtinet pes Choriambus, qui componitur ex Choræo, sive Trochæo, & Jambo, id est, longa & brevi; & longa. Asclepiadei vocantur ab auctore: inventus enim fertur iste versus à quodam Asclepiade. Tetrametri denique: quia pedes 4. habent, quorum 1. est Spondæus, 2. & 3. Choriambus, 4. Pyrrichius, constans e 2. brevibus.

Mæcenas atavis-edite Regibus.

Potest etiam aliter idem versus dividi, si nempe interponatur cæsura in medio.

Mæcenas atavis-edite Regibus.

Potèrò cum Ode unius generis versibus ita constat, vocatur Monocolos: quæ vox Græca significat, esse partes omnes unius formæ ac speciei. Quando duplicis generis sunt versus in Ode, vocatur illa Dicolos: quando triplicis, Tricolos, quadruplicis, Tetra-colos, &c.

Rursum, quando versus iidem & ejusdem generis recurrunt; si alternis id fiat; id est, si post alterum quemque versum; vocatur Ode Distrophos (quæ vox Græca id significat); si post tertium quemque versum,

sum, Tristrophos, si post quartum, Tetrastrophos : quia ille ordo versuum, qui identidem revertitur, Græcis est *Strophe*.

Denique si pes nullus, nulla syllaba desit, aut abundet, versus vocatur Acatalectus, si desit una syllaba, vocatur Catalectus ; si pes totus desit, Brachycatalectus : si abundet unus pes, Hypercatalectus, vel Hypermeter.

II. Genus Odarum, est earum, in quibus primi quique tres versus sunt Hendecasyllabi (hoc est undecim syllabarum) Saphici (a Sapho inventi) Acatalecti, sive quibus nihil deest ; Pentametri, sive quinque pedibus constantes, quorum 1. est Trochæus, 2. Spondæus, 3. Dactylus, 4. & 5. Trochæi. Quartus autem quisque versus est Adonius (ab Adone inventus) Dimeter, hoc est, 2. constans pedibus, nempe Dactylo, Spondæo. Talis est Ode 2. lib. 1. apud eundem Horatium.

Jam satis ter-ris nivis-atque-diræ.

Similes sunt duo sequentes ; quartus :

Terruit-urbem.

Tota Ode est Dicolos Tetrastrophos.

III. Genus. Ode Dicolos Distrophos, in quâ primus quisque versus est Choriambicus Glyconius (ab Glycone inventore) Acatalectus, Trimeter, id est, pedes ternos habens : quorum primus est Spondæus, 2. Choriambus, 3. Pyrrichius. Secundus verò quisque versus est Asclepiadæus, de quo dictum est in primo genere Odarum. Talis est Ode 3. Lib. 1.

Sic te-Diva-potens Cypri,

Sic fra-tres Helenæ lucida-sidera.

IV. Ode Dicolos Distrophos ; in qua primus quisque versus est Dactylicus, Archilochius, Heptameter. Dactylicus dicitur, quia in eo maximè regnat pes Dactylus : Archilochius, quia inventus, & usurpatus ab Archilochio Poeta Græco Lyrico : Heptameter,

ter, quia 7. constat pedibus, quorum 4. primi sunt Dactyli, mixtis tamen ad arbitrium, ut in versu Heroico sit, Spondæis; tres postremi semper sunt Trochæi. Secundus verò quisque versus, Jambicus, Hexameter, Catalectus constans sex pedibus, dempta una syllaba. Primus est Spondæus, vel Jambus. 2. Jambus, 3. Spondæus, 4. 5. & 6. Jambi. Talis est Oda 4. Lib. 1.

Solvitur-acris hi-ems gra-ta vice-veris-~~et~~ Favoni.

Trabunt-que sic-cas machinæ cari-nas.

Secundus versus aliter explicari potest, nempe interposita in medio versu cæsura; & sic tres pedes ultimi erunt Trochæi.

Trabunt-que sic-cas-machi-næ ca-rinas.

V. Ode Tricolos Tetraastrophos, in qua primi quique duo versus sunt Asclepiadei; qualis est in primo genere explicatus. Tertius autem quisque, Pherecrati, auctore Pherecrate sic dictus; Heroicus, quia videtur esse pars versus Heroici, seu Hexametri; Trimeter; quia tres pedes habet, Spondæum, Dactylum, Spondæum. Quartus quisque est Glyconius: de quo dictum in 3. genere. Talis est Ode 12. lib. 1.

*O na-vis refe-rent-in mar-te novi-
Fluctus: o quid a-gis? -fortiter occupa-
Portum: -nonne vi-des, ut
Nudum-remigio latus.*

VI. Ode Dicolos Tetraastrophos. Primi quique tres versus sunt Asclepiadei; quartus Glyconius. Talis est Ode 5. libri 1.

Scriberis vario, &c.

VII. Dicolos Distrophos. Primus versus est Hexameter; secundus est Dactylicus Alcmæianus, Tetrameter. Dicitur Dactylicus, quia frequentiores in eo sunt Dactyli; Alcmæianus, quia inventus ab Alcmæone, Græco poeta; Tetrameter, quia 4. habet pedes, nempe
simi-

similes 4. ultimis versibus Heroicis Hexametris. Talis est Ode 6. lib. 1.

3. *Lauda-bunt ali-i cla-ram Rhodon-aut Miti-lenem.
Aut Ephe-sum, bimarif-ve Corin-thi, &c.*

VIII. Ode Dicolos Distrophos. Primus quisque versus est Aristophanius, Dimeter, constans e duobus pedibus, nempe Choriambo, & Bacchio. Pes autem Bacchius ita dicitur, quia in hymnis Bacchi sæpè adhibebatur: constat ex una brevi, & 2. longis. Talis est versus Odæ 7. lib. 1.

Lydia dic-per omnes.

Aristophanius appellatur, ab authore illius Aristophane, poeta Comico, apud Græcos celeberrimo. Secundus quisque versus est Alcaicus, (ab Alcæo inventus) Tetrameter, quia 4. pedes habet. Primus est Epitritus, 2. & 3. Choriambus, 4. Bacchius.

Te Deus o-ro. Sibarim cur properes-amando.

Porro pes Epitritus ita vocatur, quia supra syllabas, unam habet. Quadruplex est: 1. ex Jambo, & Spondeo compositus, ut *voluptates*. 2. ex Trochæo, & Spondeo, ut *conci-tatas*. 3. e Spondeo, & Jambo, ut *communicant*. 4. e Spondeo, & Trochæo, ut *expectare*. Potest hujus Odæ primus versus aliter dividi, nempe.

Lidia dic per-omnes.

IX. Ode Alcaica Tricolos Tetra-strophos. Dicitur Alcaica, quia inventa fuit ab Alcæo, Lyrico poeta clarissimo. Primi quique duo versus sunt Jambici Senarii Brachycatalecti, qui appellari quoque possunt Dactylici Pentametri Catalecti. Constant illi ex Jambo, vel Spondeo, deinde Jambo, postea Spondeo, tum Anapesto, denique Jambo. Si aliter metiaris, ac esse Dactylicos velis: constabunt ex Jambo, vel Spondeo, tum Jambo, cæsura, & duobus Dactylis, Talis est Od. 8, lib. 1.

Vide

Vides-ut al-ta stet-nive can-didum.

Vides-ut al-ta-stet nive-candidum.

Tertius quisque versus est Jambicus dimeter, sive 4. pedibus constans: (nam in versibus Jambicis, una mensura duos pedes complectitur) hypercatalectus, sive abundans una syllaba, post 4. pedes.

Silvæ-laborantes gelu-que.

Quartus quisque versus est Dactylicus Alcaicus, constans pedibus quatuor, duobus Dactylis, & duobus Trochæis.

Flumina-constite-rint acu-to.

X. Ode Monocolos, in qua sunt omnes versus Choriambici Alcaici Pentametri; qui constant e spon-dæo, tribus Choriambis, & Pyrrichio. Talis est Ode 10. lib. 1.

Tu ne-quæstis-scire ne-fas-quem mihi, quem-tibi.

Potest etiam dividi versus iste aliter, cæsuris interpositis.

Tu ne-quæstis scire ne-fas-quem mihi, quem tibi.

XI. Ode Dicolos Distrophos, in qua primus quisque versus est Jambicus dimeter Catalectus; constas enim 4. pedibus; sed una syllaba deest, nempe prima. Talis est Ode 15. lib. 2.

Non-ebur-nequ' au-reum.

Si velis pendulam, & abundantem syllabam in finem versus rejicere; facies ex Jambico Trochaicum, & sic metieris.

Non e-bur nequ-au-reum.

Secundus versus est Jambicus Trimeter Catalectus, constans 6. pedibus, dempta una syllaba.

Mæa reni-det in domo-læu-nar.

XII. Ode Dicolos Distrophos: in qua primus quisque

que versus est Heroicus Hexameter ; secundus quisque est Dactylicus Dimeter Hypercatalectus , constans 2. Dactylis & syllaba . Talis est Ode 6. lib. 4.

*Diffu-gere ni-ves, redeunt jam gramina-campis
Arboribusque co-mæ.*

XIII. Ode Dicolos Distrophos : in qua primus versus est Jambicus Trimeter, sive sex pedibus constans ; secundus Jambicus dimeter, duabus constans mensuris, sive pedibus 4. Ejus generis est Ode I. Epodon.

*Ibis-Libur-nis in-ter al-ta na-vium,
amice-pro-pu-gnacula.*

Aliud quoddam genus est huic simile ; in quo ; pro versu primo Jambico, ponitur Heroicus Hexameter.

*Mollis i-ner-tia-cur tan-tam dis-fuderit-inis obli-vio
-nem sen-sibus.*

XIV. Ode Dicolos Distrophos : in qua primus quisque versus est Heroicus Hexameter : secundus vero Archilochius Hexameter Hypercatalectus , constans 4. Jambis , 2. Dactylis , & una syllaba . Talis est Ode 10. Ep.

*Horrida-tem-pes-tas Calum contraxit, & imbres :
Nives que de-ducunt jovem :
Nunc mare-nunc silue.*

Quidam hanc Oden faciunt Tricolon Tristrophon & secundum versum in duos secant : quorum primus est Jambicus Dimeter.

Nives-que de-ducunt-jovem.

Alter est Dactylicus Archilochius , de quo dictum in duodecimo genere.

Nunc mare nunc sil-ue.

Huic affine est generi aliud , in quo Dactylicus Archilochius præponitur Jambico Dimetro : & in primo loco, pro Heroico Hexametro, ponitur jambicus Trimeter.

Tetri, nihil-me si-cut ant-ea, juvat-scribere-versi-
cu-los,

amo-re per-culsum-gravi.

In quo genere, quidam duos illos versus in unum
constant hoc modo.

Scribere-versicu-los-amo-re per-culsum-gravi.

XV. Ode Dicolos Distrophos: cujus primus quis-
que versus est Heroicus: secundus verò Jambicus.
Talis est Od. 11. lib. Epod.

Altera-jam teri-tur bel-lis ci-vilibus-ætas;
Suis-et ip-sa Ro-ma viribus-ruit.

Ultimum genus est earum, in quibus sunt omnes ver-
sus Jambici Trimetri. Talis est Ode 17. lib. Epod.
jam jam efficaci, &c.

§. III. De aliis quibusdam usitatorum versuum
generibus. Ex lib. IV. Prosodiæ Bononiensis

P. Jo. Baptistæ Riccioli.

A Napæsticum Archilochium carmen est constans qua-
tuor pedibus; quorum quilibet potest esse Ana-
pæstus, aut Spondæus: primus verò & tertius etiam
dactylus. Sit exemplum ex Seneca in Herc. fur. ch. 1.

Turbine magno spes sollicitæ
Urbibus errant, trepidique metus.

Ille superbos aditus Regum

Durasque fures expers somni

Colit, ac nullo fine beatus

Componet opes, gaxis inbians,

Et congesto pauper in auro est.

Qui quidem Seneca admittit secundo loco, sed rarè,
tribrachium & dactylum; & in illo Medæ versu 311.
in fine dactylum sic:

Non erat usus. Nondum Plejadas.
Idem in choro ejusdem Medæ separatum Adonium
subjecit.

De Glyconio dictum est suprà . Constat spondæo & dactylis duobus . At Seneca choro 4. Oedipi tricies ponit choreum primo loco : quod & sæpè fecit Catullus : rarius verò Horatius , ut in illo : *Ignis Iliacas domos* . Imò Seneca aliquando 2. loco posuit spondæum .

Anacreonticum constat tribus jambis & syllaba : recipit tamen primo loco spondæum ac anapæstum , & rarò tribarchum . Utitur hoc Theocritus Idyll. 27. Anacreon verò sæpissimè : ex quo illud latinitate donatum accipe :

*O ter quaterque felix
Cicada, quæ supremis
In arborum viretis,
Roris parum ut bibisti:
Cantarè dulce gaudes .*

Jambicum Archilochium dimetrum acatalectum constat quatuor jambis ; recipit tamen primo & tertio loco spondeum ; raro autem anapæstum , aut tribarchum . Habes exempla passim in Horatio lib. epod. ubi jambis trimetris subjicit dimetros sic :

*Beatus ille, qui procul negotiis,
Ut prisca gens mortalium,
Paterna rura bobus exercet suis
Solutus omni fanore, &c.*

Utitur hoc Ecclesia in Hymnis . Tale est illud Sabati ante Domin. Passionis ad Vesperas :

*Vexilla Regis prodeunt ,
Fulget Crucis mysterium,
Quo vita mortem pertulit ,
Et morte vitam protulit .*

Jambicum Hipponactium constat quinque pedibus dissyllabis , & una in fine syllaba : quorum secundus , quartus , & quintus sunt jambi : primus vero & tertius vel jambi , vel spondei . Tale est illud elegantissimum :

Ternos vetusti congios falerni

Uno die convivis peractis

Hausit potentum Romuli nepotum

Regnator audax, arbiterque regum.

Exinde plebs Quiritium vocavit

Non Claudium Tiberium Neronem,

Sed Caldium Biberium Meronem.

Jambicum senarium, seu archilochium acatalecticum, si purum est, constat solis jambis; si mixtum, requirit locis paribus, idest, secundo, quarto, & sexto, jambum, imparibus verò, præter jambum, excipit anapestum, tribrachum, spondæum & dactylum: imò secundo & quarto non recusat tribrachum. Tragicum verò, ut sit gravius, non debet, nisi rarissimè, constare ex puris jambis; Comicum autem, modò in fine retineatur ferè semper jambus, reliquis quinque locis recipit jambum, spondæum, anapestum, tribrachum, dactylum. Exempla sint jambici puri ex Catullo.

Thaselus ille, quem videtis, hospites,

Ajunt fuisse navium celerrimus.

Tragici verò jambici ex Senecæ Herc. fur. act. 2.

O magne Olympi rector, & mundi arbiter,
Jam statue tandem gravibus ærumnis modum.

Comici denique Jambici exemplum sit ex Terentio in Andria:

Qui utramvis rectè norit, ambas noverit.

Accusant, quos hic noster auctores habet.

Perducere illuc secum, ut unà esse meream.

Nihil ista opus est arte ad hanc rem, quam paro.

Et in Eunuchi prologo:

Si quisquam est, qui placere se studeat bonis

Quamplurimis, & minime multos ledere,

Li his Poeta hic nomen profiteri vult suum.

Thalæcium hendecasyllabum est, & constat spon-
dæo, dactylo, & tribus choreis. Martial. l. 1.

*Hic est, quem legis, ille quem requiris,
Toto notus in orbe Martialis,
Cui, lector studiose, quod dedisti
Viventi decus atque sentienti,
Rari post cineres habent Poetæ,*

Admittit tamen aliquando prima in sede jambum, ut apud Catullum penè tricies; apud Martialem fortasse nonnisi semel in illo libri 3. epigr. 21.

Veterno resinaque pigriores.

Apud eundem Catullum primo loco videbis choreum; & quidem duodecies: & ibidem dactylum bis, anapestum semel. Apud Senecam verò in Oedipi 2. Choro anapestum secundo loco.

De Sapphico item dictum est paragrapho superiore. Hic addam nonnulla. Solis sapphiceis Catullus, Seneca, Stæsius usi sint, Adonio non interjecto. Secunda sede, pro spondæo, Sappho inventrix, & Catullus non semel, & Seneca choreum adhibuere. Sic exemplum ex Catullo:

Orium, Catulle, tibi molestum est.

Seu Sacas Sagittiferosque Parthos.

Quid? quod Sappho quarto loco spondæum, rarò tamen, posuit, ut docet Gretserus, & secundo loco dactylum? quod fecit Seneca in choro actus 3. Medæ, & in choro actus 3. Troadis sic:

Sumere innumeras solitum figuras,

An feras varii Lapidis Carystos.

Imò idem Seneca, teste Martino Delrio, primo loco admisit spondæum, dactylum, & anapæstum; & secundo jambum.

Seazon, seu Choriambicum carmen est jambicum senarium, sed claudicans, quia loco ultimi jambi habet spondæum, ita tamen ut penultimo loco sit jambus. In cæteris servat leges jambici Senarii: atque adeo in secunda & quarta sede habet jambum vel tri-
bra.

brachum: in prima & tertia jambum, aut spondæum; aut etiam anapæstum, & dactylum, quia tempore sunt compares spondæo; quum dux breves uni longæ æquivalent; & tribrachum, quia compar est jambo. Pro exemplo sit illud Persii:

*Nec labra fonte prolui caballino,
Nec in bicipiti somniasse Parnasso
Memini, ut repente sic Poeta prodirem.
..... Quod si dolosi spes refulerit nummi
Corvos Poetas & Poetridas Picas
Cantare credas Pegaseium melos.*

Hoc melos torquet Grammaticos; est enim iambus in ultima sede contra leges Scazontis. Manutius, Emmanuel, & Gretserus putant imitatione Græcorum productam primam in *μῆλος*, sicut ab Homero producta fuit in hymnis. Politianus legendum censet *ne-
star*. Alii alia.

Trochaicum Alemanium dimetrum est & acatalectum; constatque quatuor trocheis: recipit tamen secundo & quarto loco spondæum & primo loco pyrrichium. Tale illud Ecclesiæ:

*Tange lingua gloriosi. Tale & illud Catulli:
Age, cuncta nuptiali.*

Trochaicum Hipponacticum est tetrametrum acatalecticum, & constat octo pedibus, quorum impares sunt trochei; reliqui aut trochei, aut spondæi: apud Comicos vero, omnibus locis recipit compares spondæo, nempe anapæstum & dactylum: si compares trocheo, nempe jambum & tribrachum, excepto ultimo. Sit exemplum purioris:

Pelle tensis terga Ponti, vela tende, jam pergamus.

Trochaicum, Galliambicum, tetrametrum est, constatque vel trocheis, vel partim trocheis, partim Pyrrichis, & rard admittit pedes his compares. Exemplum esto illud Catulli:

Super alta vetus Atys celeritate maria.

Alia versuum genera, quæ sunt innumerabilia, si velis cognoscere, adito Servium, & Terentianum in Centimetro: Nebricensem lib. 8. cap. 8. Despauterium lib. 5. Scaligerum in Poetica, lib. 2. &c. Pauca modò de Dithyrambo subnectam.

§. IV. De Dithyrambo.

Dithyrambus canebatur in honorem Bacchi, à quo nomen est sortitus. Bacchus enim ab antiquis dictus est Dithyrambus, quasi duabus januis in lucem emissus. Fabulas consule. Bacchum igitur, India perdomita, redeuntem in Græciam Satyri cum Mænadibus comitati suat. Hi vino graves, & mente ac voce parum constantes, Carmina sine modo ac numero victori Baccho decantabant. Illos imitati poetæ, & cæntheo furore correpti, carmina quædam audaci, tumido, vario stylo, scripsere, quo canere modo ebriosi solent, permixtis in unum versibus omnis generis & metri. Hæc origo Dithyramborum, & forma. Exemplum habes in Seneca Tragædo, post secundum Actum Tragædiæ, cui nomen fecit *Oedipus*: Chorus, qui actum illum sequitur, merus est Dithyrambus: *Effusam redimite comam.*

Vates recentior partam de Turcis victoriam anno 1716. hoc genere carminis celebravit. Quos enim effert lætitia, ii mentis & vocis ægrè sunt compotes.

Surge, Phœbe, pone curas,
 Sume plectra, funde lætum
 Ore carmen, usitatis
 Parce modis agitare cantus.
 Clio docta cur moratur?
 Cur Talia lenta cessat?
 Otiosa cur sonorum
 Turba monte torpet, alto.
 Huc adeste, convolate,
 Queis Apollo labra sacro.
 Fonte tingit; huc adeste:
 Turca mari fugit atque terra.

Hinc

Hinc proterva turba, Fauni
Huc, amœna turba, Nymphæ;
Ferte ferta, ferte flores,
Turca mari jacet, atque terra.

Ferte sista, barbitosque,
Fistulasque, tibiasque,
Et canendo, lusitando,
Saltitando, prædicate.
Turca mari fugit atque terra.

Audiat Æther,
Gaudeat Æther,
Te Duce, Clemens;
Roma triumphet;
Turca mari jacet atque terra.

Italia festis
Æra resultent
Undique templis;
Turca mari-fugit atque terra.

Audiat Ister,
Litora multo
Flore coronet.
Plaudat Iberus,
Et Tagus alniam
Vertice flavo
Nectat olivam:
Tum sua Nereo
Latus uterque
Gaudia portet.
Turca mari fugit atque terra.

Curre, fama, clange, clama,
Gaudiaque extremum, & plausus, & carmina longè
Differ in orbem.

§. V. De Symbolo Heroico.

Symbolum Heroicum, Italis vulgo *Impresa*, Gallis,
une divise, definitur picta metaphora, sive imago
quædam picta, significans rem aliam non pictam,
propter utriusque similitudinem, addita voce seu sen-
tentia, quæ utriusque connexionem ostendat. Exempli
causa

causa Sol pictus cum hac epigraphe , *Sufficit Orbi* : rectè designat Imperatorem aliquem Romanum , v. gr. Cæsarem Augustum : sicut enim sol satis habet lucis ad orbem totum collustrandum , & caloris , ad fovendum , sic Augustus satis habuit sapientiæ ad gubernandum orbem , & potentiæ ad continendum . Figura picta , corpus symboli appellatur : Verba seu sententia , dicitur anima : Ut enim homo constat ex anima & corpore , ita symbolum heroicum componitur ex figura & verbis . Ubi nulla intercedit similitudo inter figuram pictam & rem illa significatam , nullum est symbolum propriè ac verè dictum . Itaque illud Caroli V. *Plus ultra* , sententia est , non symbolum . Inter figuras , è quibus symboli corpus constat , negant periti locum esse humano corpori vivo : Statuam , quæ corpus repræsentet , adhiberi posse non negant , v. gr. si statuam ponas , quam sculptor crebris ictibus format , politque ; & addas : *Perficitur dum cæditur* : Rectè si exprimas virum probum , qui rebus adversis ad virtutem proficit .

Figuræ sumantur è rebus naturalibus , iisque vulgè notis non fabulosis , aut peregrinis .

Voces , quæ figuræ adduntur , & ejus similitudinem cum re significata indicant , non solum Latino Græcoque sermone , sed etiam vulgari & vernaculo scribi possunt . Placent in primis hemistichia , sive partes primæ , aut ultimæ alicujus versus , v. g. Hexametri . Videndum ut voces illæ sint paucæ , claræ , & accommodatæ rei quæ significatur . Interdum optativo efferruntur modo ; nonnunquam infinito : ferè indicativo .

Res significata exprimi non debet in ipsis , quæ Lemma , sive Epigrammæ componunt , verbis ; sed generali quodam effèri modo , qui conveniat figuræ significanti , & rei significatæ . Sic ; pone lucernam , adde , *Lucet* , & *ardet* : significabis S. Joannem Baptistam , aut quemvis Apostolicum virum ; quod enim propriè convenit lucernæ , ut ardeat & luceat , hoc per metaphoram congruit viro Apostolico . Aliquando figura ipsa loquente inducitur . Sic idem vir Apo-
stoli-

stolicus virtutum fama & prodigiorum peccatores blandè trahens significabitur; si magnetem pingas cum hoc lemmate, seu inscriptione: *Ad me dura traho.*

Placet milites laudare, quos Regis præsentis exemplum accendit ad rem benè gerendam? Pinge pullos aquilæ, solem adversum intuentes, cum hoc lemmate: *Crescunt Vires animique videndo.* Vir dives & probus insigni aliqua dignitate auctus, notabitur flumine majori alveo decurrente, *Utilior quo major.* Princeps scæmina ad solium evecta signabitur picta luna & plena. *In publica commoda crevit.*

Victoriam de Turcis anno 1716. felicissimè reportatam, CLEMENTIS XI. Pontificis Maximi auspiciis, precibus, & consiliis, ita describit Romanus vates: Exhibet regem opum, qui aculeo carere dicitur, fucos alveari abigentem: Subjicit hæc verba. *Vincit inermis.*

D. In quo Emblemata discrepat à Symbolo Heroico, cui videtur esse simillimum?

M. In hoc maximè discrepat, quòd Emblemata significantur quæcumque ad virtutem, pietatem, & mores pertinent: neque tam religiosè observantur in eo leges Symbolis heroicis præscriptæ. De voce si queris, Emblemata, Græca vox, significat elegans opus, arte & manu elaboratum, quod mensæ, pavimento, vasis, & parietibus inferitur & immittitur: quales sunt figuræ Hieroglyphicæ, tessellatæ imagines, & alia id genus.

C A P U T I V.

Acrostichis, Anagramma, Griphus, &c.

§. I. De Achrostichide.

D. Quid est Acrostichis, & quomodo fit?

M. Acrostichis Græca vox est, & significat breve poema, in quo prima ejusque versus litteræ

nomen aliquod, sive sententiam, exhibent. Exempli causa si S. Carolum laudare velis, primi carminis prima Littera erit C. secundi A. tertii R. quarti O. quinti L. sexti U. septimi S. Ita primæ cujusque Versus litteræ, seorsim sumptæ, dabunt vocem CAROLUS. Sio nomen Sacrum JESUS offerret Acrostichis.

Ille, sacrum cujus legis hoc in carmine nomen,
 In Virginis castæ sinu,
 Servator mundi, nostrum productus in orbem
 Ut omnibus vitam daret,
 Sic moriens totum indulsit mortalibus ægris.

Sic in omnium Sanctorum laudem vates recentior hanc sententiam Achrostichide explicuit:

Vivite felices, quibus est fortuna peracta
 Jam sua; nos alia ex aliis in bella vocamur.
 Vivite felices, quibus est fortuna peracta
 Iam sua, securum cælestes ducite vitam.
 Valles Elysias læti, saltusque beatos
 Incolite; æternis eja indulgete choreis,
 Tellure optata tandem, portumque potiti;
 Repti ex undis pelagi, ridete fruentes
 Fluctus, & ventos, tempestatesque sonoras,
 Et quicquid sævum Neptunia monstra minantur.
 Lætante Scyllam effugisse, trucemque Charybdim;
 Trasque undisoni horrendas, rabiemque tridentis.
 Canibus ætheriam mulcere perennibus aulam:
 Et Peana, simul canite, æternumque triumphum,
 Succis ambrosiæ saturati, & nectaris haustu, &c.

Interdum geminatur Achrostichis, ita ut extrema cujusque versus littera sit eadem ac prima: ut si dicas.

Ille, sacrum cujus nomen tibi carmine pinx I
 E missus alto ex æther E, &c.

Totum hoc carminis genus laboriosum & exiguum frugis.

§. II. De Anagrammate.

D. Quid vocas Anagramma?

M. Anagramma fit, dum ex alicujus nomine eruitur aliqua sententia in ejus laudem, aut vituperationem, servatis nominis litteris, sed vatis arbitrio transpositis. Licet unam, alteramve addere, aut mutare litteram. Exempla subjicio. Logica, Caligo. Urfula, Laurus; Calvinus, Lucianus. Corpus, Porcus: Sacramentum Eucharistiæ: Chara ceres in JESUM mutata. Ignatius de Lojola: O ignis à Deo illatus. Sic lusit vates in Galenum: Galenus: Angelus.

Angelus es: bonus anne malus, Galene? salutis Humanæ custos; Angelus ergo bonus.

Humanani tamen heu! quoties, Galene, salutem Arte mala turbas! Angelus ergo malus.

Gregorius decimus quartus.

Murus custodiæ gregis.

Ni Dominus alto cinxerit muro domum,
Cingentis est vanus labor.

Nisi sit ovilis tutor & custos Deus,
Frustra excubat pastor vigil.

Gaudere fas est, mihi è cælo gregi.

Et murus & custodia.

Vir piè ingeniosus, & ingeniosè pius, centum anagrammata pura in laudem Immaculatæ Conceptionis Deiparæ ante aliquot annos deprompsit ex illis verbis Ave Maria gratia plena. Plura vocantur anagrammata, in quibus nulla mutatur littera, nulla additur, vel demitur.

§. III. De Gripho, Logogripho, & Inscriptione.

D. **R** *Esire cupio quid sibi velint istæ voces, quibus nostræ vulgo scholæ personant, Griphus, Logogriphus, &c.*

M. Griphus aliud nihil est, quàm ænigma scripto adumbratum, sed obscurius tamen & intricatius, adeo ut negotium facessere homini, etiam acuto, possit. Nomen invenit à voce græca *γερφός*, Latine *rete*, quia explicantes implicat, irretitque: sic appellatur etiam qualibet obscura propositio, præsertim Jocosæ & ludicræ. Suppeditabit exempla P. Laurentius *Le Bruns* in sua eloquentia Poetica.

Logogriphus non versatur in rebus ipsis, erudito vocum, aut colorum velo tegendis, sed in ipsis vocibus celandis, earum syllabas, aut litteras refecando, trajiciendo, & variè commutando. Sic in voce, *Ovis*, si demas primum elementum, restabit *vis*, unde natus versiculus:

Imbellis tota est, caput exime, vis erit illi.

Sic à verbo *navem* si tollas primam: & ultimam litterulam, habebis *Aer*: unde aliquis ad amicum scribens agebat: *Mitto tibi navem proa puppique carentem.*

In vocabulo *Aper* invenies *pena, aer, par*. Hujus obscuritatis acumen quia in meris vocibus consistit, logogriphus appellatur, quasi dicas, vocis ambages & lusus.

Griphus vocantur figuræ, voces, litteræ, quæ sua dispositione, numero, actione, vel colore, verborum, sensuum, paræmiarum, aut aliud quidpiam exprimunt, non sine aliquo sale. Ita Cupidinem aliquis pinxit, qui Orbem terrarum ligat, cum hoc lemmate: *omnia vincit amor*. Hoc genus faciliè in pueriles ineptias excidit.

D. Libenter aliquid audirem de Inscriptione, quam à te prætermisissam esse miror.

M. Non

M. Non est illa tantum opus Poetarum, sed etiam Oratorum, etiam versum non respuat. Duplex illius dos; Brevitas & Perspicuitas. Optima est quæ necessaria personæ, loci, temporis, & modi adjuncta paucis complectitur. Parco exempla congerere, quæ tot collecta voluminibus leguntur.

F I N I S.

I N D E X

C A P I T U M.

Elementa Rhetoricæ.

CAP. I. De Fabula.	pag. 1
§. I. De variis Fabularum generibus.	2
§. II. De Fabula Rationali, sive Parabola. <i>ibid.</i>	
§. III. De Fabula Morali, sive Apologo.	3
§. IV. De Fabula Mixta.	4
§. V. De legibus & artificio Fabulæ.	<i>ibid.</i>
§. VI. De utilitate Fabulæ.	5
CAP. II. De Narratione.	8
§. I. De virtutibus Narrationis.	9
§. II. De Schematis, seu Figuris, quibus illuminari potest Narratio.	13
§. III. Varia Narrationum genera, & selecta illarum Exempla.	17
CAP. III. §. I. De Chria.	25
§. II. Chria verbalis in hanc Virgillii sententiam: Breve & irreparabile tempus omnibus est vitæ.	30
§. III. Argumenta Chriarum verbalium ex Horatio.	33
CAP. IV. De Amplificatione.	35
§. I. De Amplificatione rerum.	37
§. II. De amplificatione per congeriem Definitionum.	<i>ibid.</i>
§. III. De Amplificatione per congeriem adjunctorum.	38
§. IV. De Amplificatione per congeriem, seu enumerationem partium.	39
§. V. De Amplificatione per congeriem causarum & effectuum.	41
	§. VI.

§. VI. De Amplificatione per congeriem consequentium.	369 — ibid.
§. VII. De Amplificatione per comparationes, similitudines, & exempla.	42
§. VIII. De Amplificatione per consiſtentionem contrariorum.	43
§. IX. De Amplificatione per incrementum.	44
§. X.	45
§. XI.	46
§. XII.	47
§. XIII.	ibid.
§. XIV.	48
§. XV. De Amplificatione per repetitionem.	ibidem.
§. XVI. Quid ſit in Amplificatione vitandum.	50
Proœmium Rhetoricæ.	51
§. I. De natura, & ſine Rhetoricæ.	ibid.
§. II. De materia Rhetoricæ.	53
§. III. De partibus Rhetoricæ.	54
§. IV. De dignitate, & utilitate Rhetoricæ.	55
De Imitatione.	56

L I B E R I.

De Elocutione.

CAP. I. De Figuris, ſeu Schematibus.	64
§. I. De Figuris Sententiarum.	ibid.
§. II. De Figuris ad movendum idoneis.	65
§. III. De Dubitatione.	67
§. IV. De Obſecratione.	68
§. V. De Imprecatione.	69
§. VI. De Interrogatione & Subjectione.	ibid.
§. VII. De Præteritione & Retiſcentia.	70
§. VIII. De Expolitione.	71
§. IX. De Epiphonemate.	72
CAP. II. De Figuris ad delectandum magis idoneis.	73
§. I. De Apoſtrophe.	ibid.
§. II. De Hypotypoſi.	74
§. III.	

§. III. De Prolepse.	75
§. IV. De Ethopæia.	76
CAP. III. De Figuris ad docendum idoneis.	79
§. I. De Antithesi.	ibid.
§. II. De Sustentatione.	80
§. III. De Communicatione.	ibid.
§. IV. De Correctione.	81
CAP. IV. De Figuris verborum.	ibid.
§. I. De Tropis.	ibid.
§. II. De Metaphora.	82
§. III. Quid vitandum in Metaphora.	84
§. IV. De Allegoria.	86
§. V. De Metonymia.	87
§. VI. De Synecdoche.	89
§. VII. De Ironia.	90
§. VIII. De Sarcasmo.	93
CAP. V. De Figuris verborum propriè dictis, seu quæ non sunt Tropi.	ibid.
§. I. Figure per Adjectionem.	94
§. II. De Figuris per Detractionem.	97
§. III. De Figuris per similitudinem.	98
§. IV. Appendix de Transitione.	99
CAP. VI. De Periodo.	103
§. I. De partibus Periodi.	ibid.
§. II. De variis Periodorum generibus.	104
§. III. De legibus ac regulis Periodi.	105
§. IV. De artificio Periodi amplificandæ.	106
§. V. De numero, & cæteris virtutibus Perio- di.	107
§. VI. Regulæ sex, quibus reddi potest nume- rosa Periodus.	108
§. VII. Quomodo parari possit facultas numero- sè dicendi.	113
CAP. VII. De Stylo oratorio.	114
§. I. De Stylo sublimi.	ibid.
§. II. De Arte comparandi Styli sublimis.	116
§. III. De Stylo simplici.	117
§. IV. De Stylo mediocri.	ibid.
§. V. De usu triplicis Styli, seu Characteris.	118
§. VI.	

§. VI. De Stylo vitioso.	371
§. VII. De Stylo Laconico & Asiatico.	119
	121

LIBER II.

De Inventione.

CAP. I. De Locis intrinsecis.	131
§. I. Definitio.	ibid.
§. II. Enumeratio partium.	133
§. III. Notatio Nominis & Conjugata.	135
§. IV. Genus, & Species, seu Forma.	137
§. V. Similitudo, & Dissimilitudo.	139
§. VI. Contraria & Repugnantia.	141
§. VII. Adjuncta.	143
§. VIII. Antecedentia, & Consequentia.	144
§. IX. Causæ.	145
§. X. Effecta.	148
§. XI. Comparatio.	149
CAP. II. De Locis extrinsecis, seu remotis.	150
Cap. III. De secunda Inventionis parte, seu de motibus excitandis.	154
§. I. De Amore, & Odio.	156
§. II. De Metu, Spe, & Audacia.	158
§. III. De Misericordia.	161
§. IV. De Ira & Indignatione.	163
§. V. De Mansuetudine.	166
§. VI. De Æmulatione.	168

LIBER III.

De Dispositione.

CAP. I. De Exordio.	172
§. I. De variis Exordiorum generibus.	ibid.
§. II. De virtutibus ac vitiis Exordii.	173
§. III. De variis Exordiorum fontibus.	176
§. IV.	

§. IV. De officio ac munere Exordii.	178
§. V. De paranda attentione.	181
§. VI. De propositione.	184
§. VII. De Divisione.	185
CAP. II. De Confirmatione.	186
§. I. De Confirmatione propriè dicta.	187
§. II. De Syllogismo.	188
§. III. De Enthymemate.	190
§. IV. De Inductione.	192
§. V. De Exemplo.	193
§. VI. De Dilemmate.	194
§. VII. De Crocodilo, & de argumento insolubili.	195
§. VIII. De Sorite & Epicheremate.	196
CAP. III. De Confutatione.	197
CAP. IV. De Petoratione.	200
§. I. De Enumeratione.	ibid.
§. II. De Affectuum Commotione.	201

L I B E R I V.

De Diversis Orationum generibus.

CAP. I. De Orationibus, quæ pertinent ad genus demonstrativum.	205
§. I. De oratione Panegyrica.	ibid.
§. II. De Inventionibus & fontibus Panegyrici.	ibidem.
§. III. De tempore, quod ortum antecessit.	207
§. IV. De iis, quæ in vita ipsa laudari possunt.	210
§. V. De corporis & fortunæ laudibus.	212
§. VI. De tempore illo, quod mortem subsequitur.	215
§. VII. Animadversiones quædam circa personarum laudationem.	218
§. VIII. De oratione natalitia, seu Genethliaca.	219
§. IX.	

§. IX. De oratione nuptiali, sive Epithalamio.	221
§. X. De laudatione Funcbri.	222
§. XI. De oratione Eucharistica.	226
§. XII. De Epinicio & Gratulatione.	229
CAP. II. De orationibus, quæ pertinent ad genus de-	
liberativum.	231
§. I. De Suasione & Dissuasione.	232
§. II. De variis variarum ætatum moribus.	235
§. III. De moribus Nobilium, Divitum, & Ple-	
bejorum.	237
§. IV. De Hortatione & Dehortatione.	240
§. V. De Concitatione, & Conciliatione.	245
§. VI. De Commendatione.	ibid.
§. VII. De Petitione.	244
§. VIII. De Consolatione.	245

L I B E R V.

De Pronuntiatione.

§. I. De Memoria.	248
§. II. De Voce.	ibid.
§. III. De monotomia & Cantu.	250.
§. IV. De Gestu.	251

INSTITUTIONUM POETICARUM

LIBER I.

CAP. I. Definitio Poeseos.	258
CAP. II. De Materia Poeseos.	260
CAP. III. De Forma Poeseos.	261
CAP. IV. De Peripetia.	264
CAP. V. De Anagnorisi.	266
CAP. VI. De Episodio.	267
CAP. VII. De Machina.	268
CAP. VIII. De Moribus.	269
CAP. IX. De Sententia.	270
CAP. X. De Dictione.	272
CAP. XI. De causa efficiente Poeseos.	276
CAP. XII. De fine Poeseos.	278
CAP. XIII. De Divisione Poeseos.	279

INSTITUTIONUM POETICARUM

LIBER II.

De Epopæja.

CAP. I. Definitio Epopæjæ.	281
CAP. II. De Materia Epopæjæ.	283
§. I. Actio Fœminæ an materia Epopæjæ.	Ibid.
§. II. Actio Epopæjæ quomodo Una.	285
§. III. Actio Epopæjæ quomodo Total.	286
§. IV. Actio Epopæjæ qui Vera, & Verisimilis.	288
§. V.	

§. V. Actio Epopœjæ quomodo Illustris, & Ge- lix.	375
CAP. III. De forma Epopœjæ.	ibid.
§. I. Fabulæ Epicæ Dotes.	289
§. II. Fabulæ Epicæ Partes.	290
§. III. Fabulæ Epicæ Dispositio.	291
CAP. IV. De Propositione Epopœjæ.	293
CAP. V. De Invocatione Epopœjæ.	294
CAP. VI. De Narratione Epopœjæ.	297
CAP. VII. De Epilogo Epopœjæ.	298
	300

INSTITUTIONUM POETICARUM LIBER III.

De Dramate.

CAP. I. Definitio Poematis Dramatici.	302
CAP. II. De Materia Poematis Dramatici.	303
CAP. III. De forma Poematis Dramatici.	304
§. I. Unitas & Simplicitas Fabulæ Dramaticæ.	305
§. II. Magnitudo Fabulæ Dramaticæ.	306
CAP. IV. De Partibus Poematis Dramatici.	308
CAP. V. De Choro in Dramate.	312
Cap. VI. De Scenico Apparatu.	ibid.
CAP. VII. Definitio Tragœdiæ.	314
CAP. VIII. De Materia Tragœdiæ.	315
CAP. IX. De forma Tragœdiæ.	318
CAP. X. De Fine Tragœdiæ.	319
§. I. Qui affectus concitentur in Tragœdia.	ibid.
§. II. A quibus concitentur Affectus in Tragœ- dia.	320
§. III.	

§. III. Quomodo concitentur Affectus in Tragœdia. 322

CAP. XI. Præceptorum usus in scribenda Tragœdia. 323

CAP. XII. De Comœdia. 325

INSTITUTIONUM POETICARUM

LIBER IV.

CAP. I. De Elegia. 328

CAP. II. De Epigrammate. 329

CAP. III. De Satyra. 330

CAP. IV. De Poemate Lyrico. 331

CAP. V. De Hymno, Parodia, & Carmino Inter-
lari. 332

CAP. VI. De Eclogis, Silvis, & Diris. ibid.

CAP. VII. De Epithalamio, Genethliaco, Epicedio. 336

CAP. VIII. De Epinicio, Eucharistico, Propempti-
co. 337

CAP. IX. De Carmine Soterico, Protreptico & Paræ-
netico. 338

377

INSTITUTIONUM POETICARUM

L I B E R V.

CAP. I. Poetarum Latinorum præstantiorum nomina, ætas, stylus.	340
CAP. II. De Stylo Poetico.	343
CAP. III. De Variis Versuum generibus.	344
§. I. De Versibus Comicis.	345
§. II. De versibus Lyricis.	349
§. III. De aliis quibusdam usitatorum versuum generibus. Ex lib. IV. Prosodiæ Bononiensis P. Jo. Baptista Riccioli.	355
§. IV. De Dithyrambo.	360
CAP. IV. Acrostichis, Anagramma, Griphus.	361
§. I. De Acrostichide.	363
§. II. De Anagrammate.	365
§. III. De Gripho, Logogripho, & Inscriptio- ne.	366

F I N I S.

W. W. D. T. 1234

1000 1000

1000 1000

1000 1000

1000 1000

1000 1000

1000 1000

1000 1000

1000 1000

1000 1000

1000 1000

1000 1000

1000 1000

1000 1000

1000 1000

1000 1000

1000 1000

1000 1000

1000 1000

1000 1000

1000 1000

1000 1000

1000 1000

1000 1000

1000 1000

1000 1000

1000 1000

1000 1000

1000 1000

1000 1000


1000 1000

1000 1000

1000 1000

1000 1000

1000 1000





A 086(2)/420



UNIVERSIDAD DE SEVILLA



600701778

i25865377

86

420

+ colorchecker classic



calibrite

100mm